





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.1.29





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.1.29



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.1.29





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.1.29


Al. 2/1.



Ex Libris Joannis Nencini
1874







M.

P A

qwi

d



PAV

VE

M. TVLLII CICERONIS
EPISTOLAE FAMILIARES.

PAVLI MANVTII SCHOLIA,
quibus harum epistolarum locos complures, ab
alijs propter obscuritatem aut omissos, aut
minus recte explanatos, partim
interpretatur, partim
corrigit.



PAVLVS MANVTIVS ALDI F.

VENETIIS, M D LII.

M. T. V. L. L. C. L. C. R. O. N. I. S.

EPISTOLAE FAMILIARES

PAULI MANUTII SCHOLIA

quibus hanc epistolam hanc commentum

alii propter obliuionem aut emendationem

minimè rectè exstantur, eorum

interpretumque

scriptum



PAULI MANUTII SCHOLIA

VENETIIS M. T. V. L. L. C. L. C. R. O. N. I. S.

ergo quid
acerbam
gatus ap
dem crea
causa, si
ad Pomp
niam no
largition
Orare
gnam in
precibus
cum in
egit caus
quam, r
agere pos
se officia

M. TVLLII CICERONIS EPIS TO-
LARVM AD LENTVLVM,
LIBER I.

M. CICERO P. LENTVLO
P R O C O S. S.

GO OMNI OFFICIO,
ac potius pietate erga te, cæteris
satisfacio omnibus: mihi ipse
nunquã satisfacio: tanta enim
magnitudo est tuorum erga me
meritorum; ut quoniam tu, nisi
perfecta re, de me nõ cõquiesci,
ego, quia nõ idem in tua causa efficio, uitam mihi esse
acerbam putem. in causa hæc sunt. Ammonius Regis le-
gatus aperte pecunia nos oppugnat. res agitur per eos-
dem creditores, per quos, cum tu aderas, agebatur. Regis
causa, si qui sunt, qui uelint, qui pauci sunt; omnes rem
ad Pompeium deferri uolunt. senatus religionis calum-
niam non religione, sed maleuolentia, & illius regie
largitionis inuidia comprobatur. Pompeium & hortari,
& orare, & iam liberius accusare, & monere, ut ma-
gnam infamiam fugiat: non desistimus. sed planè nec
precibus nostris, nec admonitionibus reliquit locum: nã
cum in sermone quotidiano, tum in senatu palàm sic
egit causam tuam, ut neque eloquentia maiore quis-
quam, neque grauitate, nec studio, nec contentione
agere potuerit, cum summa testificatione tuorum in
se officiorum, & amoris erga te sui. Marcellinum

A ij

EPIST. LIB. I.

tibi esse iratum scis. is hac regia causa excepta, cæteris in rebus se acerrimum tui defensorem fore ostendit. quod dat, accipimus. quod instituit referre de religione, & sæpe iam retulit, ab eo deduci non potest. res ante Idus ætastic est: nam hæc Idibus mane scripsi. Hortensij, & mea, & Luculli sententia cedit religioni de exercitu: (teneri enim res aliter non potest) sed ex illo S. C. quod te referente factum est, tibi decernit, ut Regem reducas: quod commodum reipub. facere possis: ut exercitum religio tollat, te auctorem senatus retineat. Crassus tres legatos decernit, nec excludit Pompeium; censet enim etiam ex ijs, qui cum imperio sunt: Bibulus tres legatos ex ijs, qui privati sunt. huic assentiuntur reliqui consulares, præter Servilium, qui omnino reduci negat oportere; & Volcatium, qui Lupo referente, Pompeium decernit; & Afranium, qui assentitur Volcatio. quæ res auget suspicionem Pompeij voluntatis: nam advertebatur Pompeij familiaris assentire Volcatio. laboratur uehementer. inclinata res est. Libonis, & Hypsæi non obscura concursatio, & contentio, omniumq; Pompeij familiarium studium, in eam opinionem rem adduxerunt, ut Pompeius cupere uideatur. cui qui nolunt, iidem tibi, quod eum ornasti, non sunt amici. nos in causa auctoritatem eo minorem habemus, quod tibi debemus. gratiam autem nostram extinguit hominum suspicio, quod Pompeio se gratificari putant. ut in rebus multo ante, quàm profectus es, ab ipso Rege, & ab intimis, ac domesticis Pompeij clam exulceratis, deinde palàm à consularibus exagitatis, & in summam inuidiam adductis, ita

uerfat
presen
summa

M.

I

eo die no
sumus se
in ordina
ter senten
bis nolunt
lis appella
tentia pri
gem redu
reduces;
latum est.
religione
bulo assen
alia omni
pus Trib.
re coepit;
Consules.
tum est: ra
cedebat, me
bant; id q
tensij sente
quam aper

uersamur. nostram fidem omnes, amorem tui absentis
præsentes tui cognoscent. si esset in ijs fides, in quibus
summa esse debebat; non laboraremus.

M. CICERO P. LENTVLO S. D.

Dib. Ian. in senatu nihil est confectum, propte
I rea quòd dies magna ex parte consumprus est
altercatione Lentuli Cos. & Caninij Trib. pl.
eo die nos quoque multa uerba fecimus, maximeq; uisi
sumus senatum cōmemoratione tuæ uoluntatis erga il-
lū ordinem cōmouere. itaque postridie placuit, ut breuī
ter sententias diceremus: uidebatur enim recōciliata no-
bis uoluntas senatus esse: quod tum dicendo, tum singu-
lis appellandis, rogandisq; perspexeram. itaque cum sen-
tentia prima Bibuli pronunciata esset, ut tres legati Re-
gem reducerent; secunda Hortensij, ut tu sine exercitu
reduceres; tertia Volcatij, ut Pompeius reduceret: postu-
latum est, ut Bibuli sententia diuideretur. quatenus de
religione dicebat: ei rei quia iam obsisti non poterat, Bi-
bulo assensum est. de tribus legatis, frequentes ierunt in
alia omnia. proxima erat Hortensij sententia, cum Lu-
pus Trib. pl. quòd ipse de Pompeio retulisset, contende-
re cœpit, ante se oportere discessionem facere, quàm
Consules. eius orationi uehemēter ab omnibus reclama-
tum est: erat enim et iniqua, et noua. Cōsules neque cō-
cedebāt, neque ualde repugnabant: diem consumi uole-
bant; id quod est factum: perspiciebant enim in Hort-
ensij sententiam multis partibus plures ituros; quan-
quam aperte Volcatio assentirentur. multi rogaban-

A iij

EPIST. LIB. I,

tur, atque id ipsum Consulibus inuitis: nam ij Bibuli sententiam ualere cupierunt. hac controuersia usque ad noctem ducta, senatus est dimissus: et ego eo die casu apud Pompeium coenaui: naetusq; tempus hoc magis idoneū, quā unquam antea, quod post tuum discessum is dies primus honestissimus nobis fuerat in senatu, ita sum cum illo locutus, ut mihi uiderer animum hominis ab omni alia cogitatione ad tuam dignitatem tuendam traducere. quem ego ipsum cum audio, prorsus eum libero omni suspitione cupiditatis. cum autem eius familia reus omnium ordinum uideo, perspicio id, quod iam omnibus est apertum, totam rem istam iam pridē à certis hominibus, non inuito Rege ipso, consiliarijsq; eius, esse corruptam. hæc scripsi ad X. V. I. Cal. Febr. ante lucem. eo die senatus erat futurus. nos in senatu, quem admodum spero, dignitatem nostram, ut potest in tanta hominum perfidia, & iniquitate retinebimus. Quod ad popularem rationem attinet, hoc uidemur esse consecuti, ut ne quid agi cum populo aut saluis auspicijs, aut saluis legibus, aut denique sine ui possit. de his rebus pridie, q̄ hæc scripsi, senatus auctoritas grauissima intercesserat. cui cum Cato, & Caninius intercessissent; tamen est perscripta. eam ad te missam esse arbitror. de cæteris rebus, quidquid erit actum, scribam ad te: & ut quam rectissime agantur, omni mea cura, opera, diligentia, gratia providebo. Vale.

M. CICERO P. LENTULO S. D.

A Vlo Trebonio, qui in tua prouincia magna negotia, & ampla, & expedita habet, multos an-

nos utor ualde familiariter. is cum antea semper & suo splendore, & nostra, ceterorumq; amicorum commendatione gratissimus in prouincia fuit: tum hoc tempore propter tuum in me amorem, nostramq; necessitudinem uehementer cōfidit, his meis literis se apud te gratiosum fore: quæ ne spes eum fallat, uehementer te rogo: commendoq; tibi eius omnia negotia, liberos, procuratores, familiam; in primis, ut, quæ T. Ampius de eius re decreuerit, ea comprobes; omnibusq; rebus eum ita tractes, ut intelligat nostram commendationem non uulgarem fuisse. Vale.

M. CICERO P. LENTVLO S. D.

D XVI. Cal. Febr. cum in senatu pulcherri-
 A me staremus. quòd iam illam sententiã Bibuli de tribus legatis pridie eius diei fregeramus; unumq; certamen esset relictum, sententia Volcatij: res ab aduersarijs nostris extracta est uarijs calumnijs: causam enim frequenti senatu, in magna uarietate, magnaq; inuidia eorum, qui à te causam regiã aliò transferebant, obtinebamus. eo die acerbum habuimus Curionem, Bibulum multo iustiores, penè etiam amicum. Caninius, & Cato negarunt se legem ulla ante comitia esse laturus. senatus haberi ante Cal. Febr. per legem Pupiam, id quod scis, non potest, neque mense Febr. toto, nisi perfectis, aut reiectis legationibus. hæc tamen opinio est populi R. à tuis inuidis, atque obtrectatoribus nomen inductum fictæ religionis, non tam ut te impedirèt, quàm ut ne quis propter exercitus cupiditatē

A iij

E P I S T. L I B. I.

Alexandriam uellet ire: dignitatis autem tuæ, nemo est, quin existimet habitam esse rationem ab senatu: nemo est enim, qui nesciat, quo minus discessio fieret, per aduersarios tuos esse factum. qui nunc populi R. nomine, re autem uera sceleratissimo latrocinio, si qua conabuntur agere: satis prouisum est, ut ne quid saluis auspicijs, aut legibus, aut iam sine ui agere possint. Ego neque de meo studio, neque de nonnullorū iniuria scribendum mihi esse arbitror. quid enim aut me ostētem, qui, si uitam pro tua dignitate profundam, nullā partem uidear tuorum meritorum affecutus? aut de aliorum iniurijs querar: quod sine summo dolore facere non possum? ego tibi à ui, hac præsertim imbecillitate magistratuum, præstare nihil possum: ui excepta, possum confirmare, te & senatus, & populi R. summo studio amplitudinem tuam retenturum. Vale.

M. CICERO P. LENTULO S. D.

Amet si nihil mihi fuit optatius, quàm ut primum abs te ipso, deinde à cæteris omnibus quàm gratissimus erga te esse cognoscerer: tamē afficior summo dolore, eiusmodi tempora post tuam professionem consecuta esse, ut & meam, et cæterorum erga te fidem, & beneuolentiam absens experirere. te autem uidere, et sentire eandem fidem hominum in tua dignitate, quam ego in mea salute sum expertus, ex tuis literis intellexi. Nos cum maxime consilio, studio, labore, gratia de causa regia niteremur; subito exorta est nefaria Catonis promulgatio, quæ nostra studia impe-

diret,
tradu
ne qua
perfidia
seus ha
casuq;
misiq;
ne aut
minus
get, est q
displac
repugna
latum es
terut ne
nec, si qua
tua sapie
plitudine
rebus ge
mare, si q
nonnulla
illis fram
prætermi
utorq;
rem quem
neque am
sint, ea te
bitur, qu
hi uident
steaquam
cum pro

diret, & animos à minore cura ad summum timorem traduceret: sed tamen in eiusmodi rerum perturbatione quanquā omnia sunt metuenda, nihil magis, quàm perfidiam, timemus; & Catoni quidem, quoquo modo se res habeat, profecto resistimus. De Alexandrina re, causāq; regia tantum habeo polliceri, me tibi absenti, tuisq; praesentibus cumulate satisfacturum. sed uereor, ne aut eripiatur nobis, aut deferatur: quorum utrum minus uelim, non facile possum existimare. sed si res coget, est quiddam tertium, quod neque Selicio, nec mihi displicebat: ut neque iacere Regem pateremur, nec nobis repugnantibus ad eum deferri, ad quem propè iam delatum esse existimatur. à nobis agentur omnia diligenter: ut neque, si quid obtineri poterit, non cōtendamus; nec, si quid non obtinuerimus, repulsi esse uideamur. tuae sapientiae, magnitudinisq; animi est, omnem amplitudinem, & dignitatem tuam in uirtute, atque in rebus gestis tuis, atque in tua grauitate positam existimare; si quid ex ijs rebus, quas tibi fortuna elargita est, nonnullorum hominum perfidia detraxerit, id maiori illis fraudi, quàm tibi, futurum. à me nullum tempus praetermittitur de tuis rebus & agendi, & cogitandi: utroq; ad omnia Q. Selicio: neque enim prudentior rem quenquam ex tuis, neque fide maiore esse iudico, neque amantiorem tui. Hic quæ agantur, quæq; acta sint, ea te & literis multorum, & nuncijs cognoscere arbitror. quæ autem posita sunt in coniectura, quæq; mihi uidentur fore, ea puto tibi à me scribi oportere. posteaquam Pompeius apud populum ad VII Id. Febr. cum pro Milone diceret, clamore, conuicioq; iactatus

EPIST. LIB. I.

est, in senatūq; à Catone aspere, & acerbe omnium magno silentio est accusatus: uisus est mihi uehemēter esse perturbatus. itaque Alexandrina causa, quæ nobis adhuc integra est (nihil enim tibi detraxit senatus, nisi id, quod per eandem religionem dari alteri non potest) uidetur ab illo planè esse deposita. nunc id speramus, idq; molimur, ut cum Rex intelligat sese, id quod cogitabat, ut à Pompeio reducatur, assequi non posse; & nisi per te sit restitutus, desertum se, atque abiectū fore, profisciscatur ad te. quod sine ulla dubitatione, si Pompeius paulum modo ostenderit sibi placere, faciet. sed nostri hominis tarditatem, & taciturnitatem. nos tamen nihil, quod ad eam rem pertineat, prætermittimus. cæteris iniurijs, quæ propositæ sunt à Catone, facile, ut spero, resistemus. amicum ex consularibus neminem tibi esse uideo, præter Hortensium, & Lucillum. cæteri sunt partim obscurius iniqui, partim non dissimulanter irati. tu fac animo forti, magnoq; sis; speresq; fore, ut, fracto impetu leuissimi hominis, tuam pristinam dignitatem, & gloriam consequare.

M. CICERO P. LENTULO S.

Væ geratur, accipies ex Polione, qui omnibus
Quæ negorijs non interfuit solum, sed præfuit. Me in summo dolore, quæ in tuis rebus capio, maxime scilicet consolatur spes, quod ualde suspicor fore, ut infringatur hominum improbitas & consilijs tuorum amicorum, & ipsa die, qua debilitantur cogitationes & inimicorum, & proditorum. facile secundo loco me consolatur recordatio meorum temporum: quorum

imaginem uideo in rebus tuis . nam etsi minore in re uiolatur tua dignitas,quàm mea salus afflcta sit : tamen est tanta similitudo,ut sperem te mihi ignoscere, si ea non timuerim,quæ ne tu quidem unquam timenda duxisti: sed præsta te eum, qui mihi à teneris, ut Græci dicunt, unguiculis es cognitus . illustrabit, mihi crede, tuam amplitudinem hominum iniuria . à me omnia summa in te studia, officia q; expecta . non fallam opinionem tuam. Vale.

M. CIC. P. LENTVLO PROCOS. S. D.

Egi tuas literas, quibus ad me scribis, gratū tibi esse quòd crebro certior per me fias de omnibus rebus, & meam erga te beneuolentiam facile perspicias, quorum alterum mihi, ut te plurimum diligam, facere necesse est, si uolo is esse, quem tu me esse uoluisti: alterum facio libenter, ut, quoniā interuallo locorum, & temporum disiuncti sumus, per literas tecum quam sapissime colloquar . quod si rarius fiet, quàm tu expectabis: id erit causa, quod non eius generis meæ literæ sunt, ut eas audeam temere committere. quoties mihi certorum hominū potestas erit, quibus recte dem: nō prætermittā. Quod scire uis, qua quisque in te fide sit, et uoluntate: difficile dictū est de singulis . unū illud audeo, quod antea tibi sæpe significauī, nunc quoque re perspecta & cognita scribere: uehementer quosdā homines, & eos maxime, qui te & maxime debuerūt, & plurimū iuuare potuerunt, inuidisse dignitati tuæ: simillimāq; in re dissimili, tui temporis nunc, & nostri quondam, fuisse rationem: ut, quos tu Reip. causa

E P I S T. L I B. I.

laſeras; palàm te oppugnarent: quorum auctòritatem,
 dignitatem, uoluntatemq; defenderas, non tam memo-
 res eſſent uirtutis tuæ, quàm laudis inimici. quo qui-
 dem tempore, ut perſcripſi ad te antea, cognoui Horten-
 ſium percupidum tui, ſtudioſum Lucullum, ex magiſtra-
 tibus autem L. Raciliū & fide, & animo in te ſingū-
 lari. nam noſtra propugnatio, ac deſenſio dignitatis tuæ
 propter magnitudinem beneficij tui fortasſe plerisque
 officiij maiorem auctòritatem habere uideatur, quàm
 ſententiæ. præterea quidem de conſularibus nemini
 poſſum aut ſtudiij erga te, aut officiij, aut amici animi
 eſſe teſtis. etenim Pompeium, qui mecum ſæpiſſime non
 ſolum à me prouocatus, ſed etiam ſua ſponte de te com-
 municare ſolet, ſcis temporibus illis non ſæpe in ſenatu
 fuiſſe. cui quidem literæ tuæ, quas proxime miſeras,
 quod facile intellexerim, periucundæ fuerunt. mihi qui-
 dem humanitas tua, uel ſumma potius ſapientia non
 iucunda ſolum, ſed etiam admirabilis uiſa eſt: uirum
 enim excellentem, & tibi tua præſtanti in eum libera-
 litate deuinctum, non nihil ſuſpiciantem propter ali-
 quorum opinionem ſuæ cupiditatis te ab ſe abaliena-
 tum, illa epiſtola retinuisti. qui mihi cum ſemper tuæ
 laudi fauere uiſus eſt, etiam ipſo ſuſpicioſiſſimo tempo-
 re Caniniano: tum uero lectis tuis literis, perſpectus
 eſt à me, toto animo de te, ac de tuis ornamentis, &
 commodis cogitare. quare ea, quæ ſcribam, ſic habe-
 to, me, cum illo re ſæpe communicata, de illius ad te
 ſententiâ, atque auctòritate ſcribere: quoniam S. C. nul-
 lum extat, quo reductio Regis Alexandrini tibi ad em-
 pta ſit; eaq; quæ de ea ſcripta eſt, auctòritas, cui ſcis

interceſ-
 tantam
 dium, qu-
 te poſſe
 quid effi-
 ratum hab-
 egyptum t-
 gnitatis,
 ge collocat-
 xandriam
 lemaus re-
 tur, quem
 multitudin-
 gios Siby-
 illi, & nob-
 tuo conſilio
 lumus, &
 ter, ſin aliq-
 & temere ſ-
 non tã facil-
 Aegyptus e-
 ploratum ti-
 cunctandum
 tibi affirmo
 abſens à ma-
 re, offenſion-
 auctòritate
 tam laudem
 deoq; ad ill-
 cium non t-

AD LENTVLVM.

intercessum esse, ut ne quis omnino Regem reduccret, tantam uim habet, ut magis iratorum hominum studium, quàm constantis senatus cōsiliū esse uideatur: te posse perspicere, qui Ciliciam, Cyprumq; teneas, quid efficere, & quid consequi possis: & si res facultatem habitura uideatur, ut Alexandriam, atque Aegyptum tenere possis; esse & tuæ, & nostri imperij dignitatis, Ptolemaide, aut aliquo propinquo loco Rege collocato, te cum classe, atque exercitu proficisci Alexandriam; ut, cum eam pace, præsijsq; firmaris, Ptolemæus redeat in regnum: ita fore, ut per te restituantur, quemadmodum senatus initio censuit; & sine multitudine reducatur, quemadmodum homines religiosi Sibyllæ placere dixerunt. sed hæc sententia sic & illi, & nobis probabatur, ut ex euentu homines de tuo consilio existimatuos uideremus: si cecidisset, ut uolumus, & optamus omnes te & sapienter, & fortiter, sin aliquid esset offensum, eosdem illos, & cupide, & temere fecisse dicturos. quare, quid assequi possis, non tã facile est nobis, quàm tibi, cui propè in conspectu Aegyptus est, id iudicare. nos quidem hoc sentimus: si exploratum tibi sit posse te illius regni potiri, non esse cunctandum; sin dubium, non esse conandum. illud tibi affirmo, si rem istam ex sententia gesseris, fore, ut absens à multis; cum redieris, ab omnibus collaudare. offensionem esse periculosam propter interpositam auctoritatem, religionemq; uideo. sed ego te ut ad certam laudem adhortor, sic à dimicatione deterreo: redeoq; ad illud, quod initio scripsi, totius facti tui iudicium non tã ex cōsilio tuo, quàm ex euentu homin: eff

EPIST. LIB. I.

facturos. quod si hæc ratio rei gerendæ periculosa tibi uidebitur: placebat illud, ut, si Rex amicis tuis, qui per provinciam imperij tui pecunias ei credidissent, fidem suam præstitisset; & auxilijs eum tuis, & copijs adiuvares: eam esse naturam, & regionem provinciæ tuæ, ut illius redditum uel adiuuando confirmares, uel negligendo impedires. in hac ratione quid res, quid causa, quid tempus ferat, tu facillime, optimeq; perspicies: quid nobis placuisset, ex me potissimam putavi te scire oportere. Quod mihi de nostro statu, de Milonis familiaritate, de leuitate, & imbecillitate Clodij gratularis. minime miramur te tuis, ut egregium artificem, præclaris operibus lætari. quanquam est incredibilis hominum peruersitas (grauiori enim uerbo uti non libet) qui nos, quos fauendo in communi causa retinere potuerunt, inuidendo abalienauerunt: quorum maleuolentissimis obtrectationibus nos scito de uetere illa nostra, diuturna q; sententia propè iam esse depulsos; non nos quidem, ut nostræ dignitatis simus obliti, sed ut habeamus rationem aliquando etiam salutis. poterat utrumque præclare, si esset fides, si grauitas in hominibus consularibus: sed tanta est in plerisque leuitas, ut eos non tam constância in Rep. nostra delectet, quàm splendor offendat. quod eo liberius ad te scribo, quod tu non solum temporibus ijs, quæ per te sum adeptus, sed etiam olim nascenti propè nostræ laudi dignitati, uirtutiq; præfuiisti: simul quod uideo, nō, ut antehac putabā, nouitatē esse inuisum meæ: in te enim homine omniū nobilissimo similia inuidorū ultia perspexi: quem tamen illi esse in principibus facile sunt passi, euolare altius certe noluerūt. gaudeo tuā

diffimi
utrum
menne
rasti eni
striquar
nouum
omnem
sti, omni
nemq; an
perq; am
magna e
liberalita
eto uides
ra sint, cur
laudis acc
exercitum
to ante me
ceas, sentia
quin adep
mum, atq
mea cohort
deatur: il
communib
omni relia
Quod scrib
dissensio es
armis, pote
tur stultiti
tiam auet
santibus o

dissimilem fuisse fortunam : multum enim interest ,
 utrum laus imminuatur , an salus deferatur . me meae ta-
 men ne nimis poeniteret , tua uirtute perfectum est : cu-
 rasti enim , ut plus additum ad memoriam nominis no-
 stri , quam ademptum de fortuna uideretur . Te uero mo-
 neo cum beneficijs tuis , tum amore incitatus meo , ut
 omnem gloriam , ad quam à pueritia inflammatus fui-
 sti , omni cura , atque industria consequare ; magnitudi-
 nemq ; animi tui , quam ego semper sum admiratus , sem-
 perq ; amaui , ne unquam infleetas cuiusquam iniuria .
 magna est hominum opinio de te , magna commendatio
 liberalitatis , magna memoria Consulatus tui . hæc profe-
 cto uides quanto expressiora , quantoq ; illustriora futu-
 ra sint , cum aliquantum ex prouincia , atque ex imperio
 laudis accesserit . quanquam te ita gerere uolo , quæ per
 exercitum , atque imperium gerenda sunt , ut hæc mul-
 to ante meditare , huc te pares , hæc cogites , ad hæc te exer-
 ceas ; sentiasq ; id , quod quia semper sperasti , non dubito
 quin adeptus intelligas , te facillime posse obtinere sum-
 mum , atque altissimum gradum ciuitatis . quæ quidem
 mea cohortatio ne tibi inanis , aut sine causa suscepta uideatur : illa me ratio mouit , ut te ex nostris euentis
 communibus admonendum putarem ; ut considerares in
 omni reliqua tua uita , quibus crederes , quos caueres .
 Quod scribis te uelle scire , qui sit Reip . status : summa
 dissensio est , sed contentio dispar : nam qui plus opibus ,
 armis , potentia ualent , profecisse tantum mihi uiden-
 tur stultitia , et inconstantia aduersariorum , ut iam et-
 tiam auctoritate plus ualerent . itaque per paucis aduer-
 santibus omnia , quæ ne per populum quidem , sine sedi-

EPIST. LIB. I.

tionem se assequi posse arbitrabantur, per senatum consecuti sunt. nam & stipendium Cæsari decretum est, & decem legati: & ne lege Sempronia succederetur, facile perfectum est. quod ego ad te breuius scribo, quia me status hic reip. non delectat: scribo tamen, ut te admoneam, quod ipse literis omnibus à pueritia deditus, experiendo tamen magis, quam discendo cognoui, id ut tu rebus tuis integris discas, neque salutis nostræ ratione nobis habenda esse sine dignitate, neque dignitatis sine salute. Quod mihi de filia, & de Crassipede gratularis, agnosco humanitatem tuam: speroq; & opto, nobis hanc coniunctionem uoluptati fore. Lentulum nostrum, eximia spe summæ uirtutis adolescentem, cum cæteris artibus, quibus studuisti semper ipse, tum in primis imitatione tui fac erudias: nulla enim erit hac præstantior disciplina. quem nos, & quia tuus, & quia te dignus est filius, & quia nos diligit, semperq; dilexit, in primis amamus, charumq; habemus.

M. CICERO P. LENTULO
PROCOS. S. P. D.

E omnibus rebus, quæ ad te pertinent, quid actum, quid constitutum sit, quid Pompeius suscepit, optime ex Emplatorio cognosces: qui non solum interfuit his rebus, sed etiam præfuit; neque ullum officium erga te hominis amantiissimi, prudentissimi, diligentissimi prætermisit. ex eodem de toto statu rerum communium cognosces: quæ quales sint, non facile est scribere: sunt quidem certe in amicorum nostrorum potestate, atque ita, ut nullam mutationem

A D
tionem
uideat
pisti,
mes ad
gendum
senjam
ponere.
ratem, a
cio, ut f
tum enim
Pompeiu
quæ ille
deantur.
rij quidem
sisterent.
ego is sum
defendam
id quod m
ram litera
dem amic
bis, cum
ximis per
dis, liberta
mihi mag
nulla cum
Hæc ego a
de tua qu
senatus, i
exoptand
statuui ut

tionem unquam hac hominum ætate habitura res esse uideatur. ego quidem, ut debeo, & ut tute mihi præcepisti, & ut me pietas, utilitasq; cogit, me ad eius rationes adiungo, quæ tu in meis rationibus tibi esse adiungendum putasti. sed te non præterit, quàm sit difficile, sensum in rep. præsertim rectum, & confirmatum, deponere. ueruntamen ipse me conformo ad eius uoluntatem, à quo honeste dissentire non possum: neq; id facio, ut forsitan quibusdam uideor, simulatione: tantum enim animi inductio, & mehercule amor erga Pompeium apud me ualet, ut, quæ illi utilia sunt, & quæ ille uult, ea mihi omnia iam & recta, & uera uideantur. neque, ut ego arbitror, errarent ne aduersarij quidem eius, si, cū pares esse nō possent, pugnare desisterent. me quidem etiam illa res consolatur, quod ego is sum, cui uel maxime concedant omnes, ut uel ea defendam, quæ Pompeius uelit; uel taceam; uel etiam, id quod mihi maxime lubet, ad nostra me studia referam literarum: quod profecto faciam, si mihi per eiusdem amicitiam licebit: quæ enim proposita fuerant nobis, cum & honoribus amplissimis, & laboribus maximis perfuncti essemus, dignitas in sententijs dicendis, libertas in rep. capeffenda, ea sublata tota, sed nec mihi magis, quàm omnibus: nam aut assentiendum est nulla cum grauitate paucis, aut frustra dissentendum. Hæc ego ad te ob eam causam maxime scribo, ut iam de tua quoque ratione meditare. cōmutata tota rō est senatus, iudiciorum, rei totius publicæ. otium nobis exoptandum est: quod ij, qui potiuntur rerum, præstaturi uidentur, si quidam homines patientius eorum

EPIST. LIB. I.

potentiam ferre potuerint. dignitatem quidem illam
consularem fortis, & constantis senatoris, nihil est, quod
cogitemus. amissa est culpa eorum, qui à senatu & or-
dinem coniunctissimum, & hominem clarissimum ab-
alienarunt. Sed ut ad ea, quæ coniunctiora rebus tuis
sunt, reuertar: Pompeium tibi ualde amicum esse cogno-
ui: & eo tu Consule quantum ego perspicio, omnia,
quæ uoles, obtinebis: quibus in rebus me ille sibi affi-
xum habebit: neque à me ulla res, quæ ad te pertineat,
negligetur: neque enim uerebor, ne sim ei molestus, cui
iucundum erit etiam propter id ipsum, quod me esse gra-
tum uidebit: Tu uelim tibi ita persuadeas, nullam rem
esse minimam, quæ ad te pertineat, quæ mihi non charior
sit, quàm meæ res omnes. id quod cum sentiam; sedulita-
te mihi met ipse satisfacere possum; re quidem ipsa ideo
mihi non satisfacio, quod nullam partem tuorum me-
ritorum non modo referenda, sed ne cogitanda quidem
gratia consequi possum. Rem te ualde bene gessisse
rumor erat. expectabatur literæ tuæ: de quibus era-
mus iam cum pompeio locuti: quæ si erunt allatæ, no-
strum studium extabit in conueniendis magistratibus,
& senatoribus. cætera, quæ ad te pertinebunt, cum
etiam plus contenderimus, quàm possumus, minus ta-
men faciemus, quàm debemus.

M. T. CICERO P. LENTULO
PROCOS. S. P. D.

Eriucundæ mihi fuerunt literæ tuæ: quibus in-
tellexi, te perspicere meam in te pietatem: quid
enim dicam, beneuolentiam? cum illud ipsum graui-
-

simum
meritis
ta tibi
abundat
premi
multo no
hoc temp
me fuisse
etiam
merito
actione
qua osten
& status
certe & e
tu me con
dem, &
causa te
bus cum ex
te, quæ tibi
stantiores
dis, quos ti
propugnati
illius actio
tibi comite
cus amicor
tus in te po
suam contr
enim conat
non modo
reliquit. T

simum, & sanctissimum nomen pietatis leuius mihi
 meritis erga me tuis esse uideatur. Quod autem gra-
 ta tibi mea erga te studia scribis esse, facis tu quidem
 abundantia quadam amoris, ut etiam grata sint ea, quæ
 prætermitti sine nefario scelere non possunt: tibi autem
 multo notior, atq; illustrior meus in te animus esset, si
 hoc tempore omni, quo seiuncti fuimus, & unda, & Ro-
 mæ fuisset: nam in eo ipso, quod te ostendis esse fa-
 cturum, quodq; & in primis potes, & ego à te uehe-
 menter expecto, in sententijs senatorijs, & in omni
 actione, atque administratione Reipub. floruissemus. de
 qua ostendam equidem paulo post qui sit meus sensus,
 & status: & rescribam tibi ad ea, quæ quæris. sed
 certe & ego te auctore amicissimo, ac sapientissimo, &
 tu me consiliario fortasse non imperitissimo, fideli qui-
 dem, & beneuolo certe usus esses. quanquã tua quidẽ
 causa te esse Imperatorem, provinciamq; bene gestis re-
 bus cū exercitu uictore obtinere, ut debeo, lætor. sed cer-
 te, qui tibi ex me fructus debetur, eos uberiores, & præ-
 stantiores præsens capere potuisses. in eis uero ulciscen-
 dis, quos tibi partim inimicos esse intelligis propter tuã
 propugnationem salutis meæ, partim inuidere propter
 illius actionis amplitudinem, & gloriam, mirificum me
 tibi comitem præbuissem. quanquam ille perennis inimi-
 cus amicorum suorum, qui tuis maximis beneficijs orna-
 tus in te potissimum fractam illam et debilitatam uim
 suam contulit, nostram uicem ultus est ipse sese: ea est
 enim conatus, quibus patefactis, nullam sibi in posterũ
 non modo dignitatis, sed ne libertatis quidem partem
 reliquit. Te autem etsi mallet in meis rebus expertũ,

EPIST. LIB. I.

quàm etiam in tuis, tamen in molestia gaudeo, eandem fidem cognoscere hominum non ita magnâ mercede, quam ego maximo dolore cognoram. de qua ratione tota iam uidetur mihi exponendi tempus dari; ut tibi rescribam ad ea, quæ quæris. Certiorem te per literas scribis esse factum, me cum Cæsare, et cum Appio esse in gratia: teq; id non reprehendere adscribis. Vatinium autē, scire te uelle ostendis, quibus rebus adductus defenderim, & laudarim. quod tibi ut planius exponam, altius paulo rationem meorum consiliorum repetam, necesse est. Ego me Lentule initio rerum, atque actionum tuarum non solum meis sed etiam reip. restitutum putabam: & quoniam tibi incredibilem quendam amorem, & omnia in te ipsum summa, ac singularia studia deberem, reip. quæ te in me restituendo multum adiunisset, eum certe me animum merito ipsius debere arbitrabar, quem antea tantummodo communi officio ciuium, non aliquo erga me singulari beneficio, debitum præstitissem. hac me mente fuisse, & senatus ex me te Consule audiuit, & tu in nostris sermonibus, colloctionibusq; ipse uidisti. etsi iam primis temporibus illis, multis rebus meus offendebarur animus; cum, te agente de reliqua nostra dignitate, aut occulta nonnullorum odia, aut obscura in me studia cernebam: nam neque de monumentis meis ab ijs adiutus es, à quibus debuisti, neque de ui nefaria, qua cum fratre erā domo expulsus. neque hercule in ijs ipsis rebus, quæ quanquam erant mihi propter rei familiaris naufragia necessaria, tamen à me minimi putabantur in meis damnis ex auctoritate senatus resarciendis, eam uoluntatem, quam

expecta
enim et
accidit
itaque q
ipso præ
lum bene
dam iudi
ille uellet
permane
daret P.
stis Vari
commora
buit fortu
triumphi
ditio loco
hibuissent
tio mea n
Tribunatu
maximo d
neque ne
senatu. q
Apr. mihi
frequent
gis in arce
uisci temp
hac à me
est factus
etiam, qu
meam sen
disset se

expectaram, præstiterunt. quæ cum uiderem, (neque enim erant obscura) non tamen tam acerbæ mihi hæc accidebant, quam erant illa grata, quæ fecerant. itaque quanquam & Pompeio plurimum te quidem ipso prædicatore ac teste debebam: & eum non solum beneficio, sed amore etiam, & perpetuo quodam iudicio meo diligebam: tamen, non reputans quid ille uellet, in omnibus meis sententijs de Repu. pristinis permanebam. Ego sedente Cn. Pompeio, cum, ut laudaret P. Sestium, introisset in urbem; dixissetq; testis Vatinius, me fortuna, & felicitate C. Cæsaris commotum, illi amicum esse cœpisse: dixi, me eam Bibuli fortunam, quam ille afflictam putaret, omnium triumphis, uictorijsq; anteferre, dixiq; eodem teste alio loco, eosdem esse, qui Bibulum exire domo prohibuissent, & qui me coegissent. tota uero interrogatio mea nihil habuit aliud, nisi reprehensionem illius Tribunatus: in qua omnia dicta sūt libertate, animoq; maximo de uī, de auspicijs, de donatione regnorum: neque uero hac in causa modo, sed constanter sæpe in senatu. quin etiam Marcellino, & Philippo Coss. Nonis Apr. mihi est senatus assensus, ut de Agro Campano frequenti senatu Idib. Maij referretur. num potui magis in arcem illius causæ inuadere, aut magis obliuisci temporum meorum & meminisse actionum? hac à me sententia dicta, magnus animorum motus est factus, cum eorum, quorum oportuit, tum illorum etiam, quorum nunquam putaram: nam hoc S. C. in meam sententiam facto, Pompeius, cū nihil mihi ostendisset se esse offensum, in Sardiniam & in Africam.

E P I S T. L I B. I.

profectus est: eoq; itinere Lucam ad Caesarem uenit: ubi multa de mea sententia questus est Caesar, quippe qui etiam Rauennae Crassum ante uidisset, ab eoq; in me esset incensus. sane moleste Pompeium id ferre constabat: quod ego cum audissem ex alijs, maxime ex meo fratre cognoui. quem cum in Sardinia Pompeius paucis post diebus, quam Luca discesserat, conuenisset, Te, inquit, ipsum cupio. nihil opportunius potuit accidere. nisi cum Marco fratre diligenter egeris; dependendum tibi est, quod mihi pro illo spondidisti. quid multa? questus est grauitur: sua merita commemorauit: quid egisset saepissime de actis Caesaris cum ipso meo fratre, quidq; sibi is de me recepisset, in memoriam redegit: seq; quae de mea salute egisset, uoluntate Caesaris egisse, ipsum meum fratrem testatus est: cuius causam, dignitatemq; mihi ut commendaret, rogauit; ut eam ne oppugnarem, si nollem, aut non possem tueri. haec cum ad me frater pertulisset; et cum ante tamen Pompeius ad me cum mandatis Vibullium misisset, ut integrum mihi de causa Campana ad suum reditum reseruare: collegi ipse me, et cum ipsa quasi Rep. sum collocutus: ut mihi tam multa pro se perpesso, atque perfuneto concederet, ut officium meum, memoremq; in bene meritos animum, fidemq; fratris mei prestarem; eumq;, quem bonum ciuem semper habuisset, bonum uirum esse patetetur. In illis aut meis actionibus, sententijsq; omnibus, quae Pompeium uidebatur offendere, certorum hominum, quos iam debes suspicari, sermones referebatur ad me: qui cum illa sentiret in Rep. quae ego agebam, semperq; sensissent, me tamen non satisfacere Pompeio, Caesaremq;

inimici
hoc mi
meum;
otij, par
in manib
osculab
cerent;
re se arbi
efficere p
subductu
quam tibi
probis, et
et meis
se accepim
nimium na
lis, quib
eorum ead
eorum in
Cn. Pompe
et gloriat
misq; rebr
tis ab adol
Consulatu
floritate,
me adiuui
beret inimi
perimesce
me immua
de meq; op
sententia

inimicissimum mihi futurum, gaudere se aiebant. erat hoc mihi dolendū, sed multo magis illud, quod inimicū meum, meum autem? immo uero legum, iudiciorum, otij, patriæ, bonorum omnium, sic amplexabantur, sic in manibus habebant, sic fouebant, sic me præsente osculabantur, non illi quidem ut mihi stomachum facerent, quem ego funditus perdidi, sed certe ut facere se arbitrantur. hic ego, quantum humano consilio efficere potui, circūspectis rebus omnibus, rationibusq; subductis, summā feci cogitationum mearū omnium: quam tibi, si potero, breuiter exponam. Ego si ab improbis, & perditis ciuibus Rempu. teneri uiderem, sicut & meis temporibus scimus, & nonnullis alijs accidisse accepimus: non modo præmijs, quæ apud me minimum ualent, sed ne periculis quidem compulsus ullis, quibus tamen mouentur etiam fortissimi uiri, ad eorum causam me adiungerem, ne si summa quidem eorum in me merita constarent. cum autem in Repu. Cn. Pompeius princeps esset, uir is, qui hanc potentiam, & gloriam maximis in Rempu. meritis, præstantissimisq; rebus gestis esset consecutus, cuiusq; ego dignitatis ab adolescentia fautor, in Prætura autem, & in Consulatu adiutor etiam extitissim; cumq; idem auctoritate, & sententia per se, consilijs, & studijs tecum me adiuuisset, meumq; inimicum, unum in ciuitate haberet inimicum: non putaui famam inconstantie mihi pertimescendam, si quibusdam in sententijs paulum me immutassim, meamq; uoluntatem ad summū uiri, de meq; optime meriti dignitatem aggregassim. in hac sententia complectendus erat mihi Cæsar, ut uides,

B iij

E P I S T. L I B. I.

in coniuncta & causa, & dignitate. hic multum ualuit cum uetus amicitia, quam tu non ignoras mihi, & Q. fratri cum Cæsare fuisse; tum humanitas eius, ac liberalitas, breui tempore & literis, & officijs perspecta nobis, & cognita. uehementer etiam res ipsa publica me mouit: quæ mihi uidebatur cōtentionē, præsertim maximis rebus à Cæsare gestis, cum illis uiris nolle fieri, & ne fieret, uehementer recusare. grauisime autem me in hanc mentem impulit & Pompeij fides, quam de me Cæsari dederat, & fratris mei, quam Pompeio: erant præterea hæc animaduertenda in ciuitate, quæ sunt apud Platonem nostrum scripta diuinitus: QVALES in Reip. principes essent, tales reliquos solere esse ciueis. tenebam memoria, nobis Consulibus ea fundamenta iacta ex Cal. Ian. confirmandi senatus, ut neminem mirari oporteret, Nonis Dec. tantum uel animi fuisse in illo ordine, uel auctoritatis. idemq; memineram, nobis priuatis usq; ad Cæsarem, & Bibulum Coss. cum sententiæ nostræ magnū in senatu pondus haberent, unum ferè sensum fuisse bonorum omnium. postea, cum tu Hispaniam citeriorem cum imperio obtineres; neque Resp. Consules haberet, sed mercatores prouinciarum, & seditionum seruos, ac ministros: lecit quidam casus caput meum quasi certaminis causa in mediam contentionem, dissensionem ciuilem. quo in discrimine, cum mirifica senatus, incredibilis Italiæ totius, singularis bonorum omnium consensio in me tuendo extitisset: non dicam, quid acciderit: (multorum est enim, & uaria culpa) tantum dicam breuī, non mihi exercitum, sed duces

defuisse
defenda
si acci
prehend
certe no
mau ciue
res, spoli
rim; dec
in confer
cuiisset,
quidem
ageres,
causa non
meminero
nobilissim
quā fu
constare
lute mea
Consulatu
etionibus
causam a
gestis, sen
iudicijs se
retur; n
dam esse
secuta. p
qui non p
rores, im
qui, cum
per bono

defuisse . in quo , ut iam sit in ijs culpa , qui me non
 defenderunt ; non minor est in ijs , qui reliquerunt . Et
 si accusandi sunt , qui pertimuerunt : magis etiam re=
 prehendi , qui se timere simularunt . illud quidem
 certe nostrum consilium iure laudandum est , quod
 meos ciues Et à me servatos , Et me servare cupien=
 tes , spoliatos ducibus , servis armatis obijci nolue=
 rim ; declarariq; maluerim , quanta vis esse potuisset
 in consensu bonorum , si ijs pro me stante pugnare li=
 cuisset , cum afflictum excitare potuissent . quorum
 quidem animum tu non perspexisti solum , cum de me
 ageres , sed etiam confirmasti , atque tenuisti . qua in
 causa non modo non negabo , sed etiam semper Et
 meminero , Et prædicabo libenter . usus es quibusdam
 nobilissimis hominibus , fortioribus in me restituendo ,
 quam fuerant iidem in tuendo , qua in sententia si
 constare uoluissent , suam auctoritatem simul cum sa=
 lute mea recuperassent : recreatis enim bonis uiris
 Consulatu tuo , Et constantissimis atque optimis a=
 ctionibus tuis excitatis , Cn . Pompeio præsertim ad
 causam adiuncto , cum etiam Cæsar rebus maximis
 gestis , singularibus ornatus , Et novis honoribus , ac
 iudicijs senatus , ad auctoritatem eius ordinis adiunge
 retur ; nulli improbo ciui locus ad Rempub . uiolan=
 dam esse potuisset . sed attende quæso , quæ sint con=
 secuta . primum illa furta muliebrium religionum :
 qui non pluri fecerat Bonam deam , quam tres so=
 rores , impunitatem est eorum sententijs affecutus ,
 qui , cum Tribunus pleb . poenas à seditioso ciue
 per bonos viros iudicio persequi uellet , exemplum

EPIST. LIB. I.

præclarissimum in posterum uindicandæ seditonis de
Rep. sustulerunt: idemq; postea non meum monimen-
tum, (non enim illa manubia mea, sed operis locatio
mea fuerat) monumentum uero senatus, hostili nomi-
ne, & eruentis iniustum literis esse passi sunt. qui me
homines q; saluum esse uoluerunt, est mihi gratissi-
mum: sed uellem, non solum salutis meæ, quemadmo-
dum medici, sed etiam, ut alyptæ, uirium, & coloris ra-
tionem habere uoluissent. nunc, ut Apelles Veneris ca-
put, & summa pectoris polirissima arte perfecit, reli-
quam partem corporis inchoatam reliquit: sic quidam
homines in capite meo solum elaborarunt, reliquum
corpus imperfectum, ac rude reliquerunt. in quo ego
spem fefelli non modo inuidorum, sed etiam inimico-
rum meorum: qui de uno acerrimo, & fortissimo
uiro, meoq; iudicio, omnium magnitudine animi, &
constantia præstantissimo Q. Metello L.F. quondam
falsam opinionem acceperunt: quem post reditum di-
ctitant fracto animo, & demisso fuisse. est uero pro-
bandum, qui & summa uoluntate cesserit, & egregia
animi alacritate abfuerit, neque sanè redire curarit;
eum ob id ipsum fractum fuisse animo, in quo cum
omnes homines, tum M. illum Scaurum, singularem ui-
rum, constantia, & grauitate superasset. sed quod de
illo acceperant, aut etiam suspicabantur, de me idem
cogitabant, abiectiore animo me futurum: cum Resp.
maiores etiam mihi animū, quàm unquā habuissem,
daret; quæ iam declarasset, sese non potuisse me uno
ciue carere, cumq; Metellum unius Tribuni pl. ro-
rogatio, me uniuersa Resp. duce senatu, comitate Italia,

promissu
centuria
bus, omni
ro egredi
sum, quod
offendere
alienorib
carus off
ciem huius
borem per
querunt
quasi de se
sequor, q
stremis, de
dem bonor
firmatus
ptus, & aff
tus est, nū
idq; non so
lime sustin
timates non
laq; docuer
lem me &
litas mat
ego auctore
rendere in
nim neque
hanc quide
fuisse, q
pe iam de

promulgantibus omnibus, referente Consule, comitijs
centuriatis, cunctis ordinibus hominibusq; incumbētia
bus, omnibus denique suis uiribus recuperasset. neq; ue
ro ego mihi postea quidquam assumpsi, neque hodie as
sumo, quod quenkum maleuolentiſſimum iure possit
offendere. tantum enitor, ut neque amicis, neque etiā
alienioribus opera, consilio, labore desim. hic meæ uitæ
cursus offendit eos fortasse, qui splendorem, et spes
ciem huius uitæ intuentur, solitudinem autem, et la
borem perspicere non possunt. illud uero non obscure
queruntur in meis sententijs, quibus ornem Cæsarem,
quasi descinerim à pristina causa. ego autem cum illa
sequor, quæ paulo ante proposui, tum hoc non in po
stremis, de quo cœperam exponere. non offendes eun
dem bonorum sensum Lentule, quem reliquisti: qui cō
firmatus Cōsulatu nostro, nonnunquam postea interrup
tus, et afflictus ante te Consulem, recreatus abs te ro
tus est, nunc ab ijs, à quibus tuendus fuerat, derelictus:
idq; non solum frōte, atq; uultu, quibus simulatio facil
lime sustinetur, ij declarant, qui tū nostro illo statu op
timates nominabantur, sed et sententia sæpe iam, et abel
laq; docuerunt. itaq; tota iam sapientium ciuium, qua
lem me et esse, et numerari uolo, et sententia, et uo
lūtas mutata esse debet. id enim iubet idē ille Plato, quē
ego auctorem uehementer sequor: TANTVM con
tendere in Repu. quantum probare tuis ciuibz possis:
uim neque parenti, neq; patriæ afferre oportere. atque
hanc quidem ille causam sibi ait non attingendæ Reip.
fuisse, q̄ cum offendisset populum Atheniensem pro
pē iam desipientem senectute; cumq; eum nec persua=

EPIST. LIB. I.

dando, nec cogendo regi posse uidisset; cum persuade-
 ri posse diffideret, cogi fas esse non arbitraretur. mea
 ratio fuit alia, quod neque desipiente populo, neque inte-
 gra re mihi ad consulendum capefferē ne Remp. impli-
 catus tenebar. sed letatus tamen sum, quod mihi lice-
 ret in eadē causa & mihi utilia, & cuius bono recta
 defendere. huc accessit cōmemoranda quaedam, & diui-
 na Cæsaris in me, fratremque meum liberalitas, qui mi-
 hi, quasunque res gereret, tuendus esset; nunc in tan-
 ta felicitate, tantisque uictorijs, etiam si in nos non is
 esset, qui est, tamen ornandus uideretur: sic enim te
 existimare uelim: cum à uobis meae salutis auctoribus
 discefferim, neminem esse, cuius officijs me tam esse de-
 uinctum non solum confitear, sed etiam gaudeam.
 quod quoniam tibi exposui; facilia sunt ea, quae à me
 de Vatiniō, & de Crasso requiris. Mam de Appio quod
 scribis, sicut de Cæsare, te non reprehendere: gaudeo
 tibi consilium probari meum. De Vatiniō autem, pri-
 mum reditus intercesserat in gratiam per Pompeium
 statim ut ille Prætor est factus: cum quidem ego eius
 petitionem grauissimis in senatu sententijs oppugnaf-
 sem, neque tam illius ledēdi causa, quam defendendi, at-
 que ornandi Catonis: post autem Cæsaris, ut illū defen-
 derem, mira contentio est consecuta. cur autem lauda-
 rim, peto à te, ut id à me ne ue in hoc reo, ne ue in alijs
 requiras; ne tibi ego idem reponam, cum ueneris; tam-
 etsi possum uel absenti, recordare enim, quibus lauda-
 tionem ex ultimis terris miseris: nec hoc pertimueris:
 nam à me ipso laudantur, & laudabuntur ydem.
 sed tamen defendendi Vatinijs fuit etiam ille stimulus,

de quo
 re quid
 » Vbi non
 » Continua
 » Tronitta
 » Cantatur
 » illius for
 » Par pro p
 sic petini
 mines, C
 cum meo
 seueresca
 xarentur,
 rent mihi
 mediocrit
 xi, sed et
 tibus. hab
 cum mihi
 omnes gr
 sa, uolunt
 tinam etu
 rioribus di
 ulla mea c
 disputante
 solum pra
 mens fort
 um multar
 disse me or
 fuisse, om
 ipso quida

de quo in iudicio, cum illum defenderem, dixi me facere quiddā, quod in Eunucho parasitus suaderet militi.

- » Vbi nominabit Phædriam : tu Pamphilam
- » Continuo . si quando illa dicet , Phædriam in-
- » Tromittamus comesatum : tu, Pamphilam
- » Cantatum prouocemus . si laudabit hæc
- » Illius formam: tu huius contra . denique
- » Par pro pari referto , quod eam mordeat.

sic petui à iudicibus, ut, quoniam quidam nobiles homines, & de me optime meriti nimis amarent inimicum meum, meq; inspectant scæpe eum in senatu modo seuerè seducerent, modo familiariter, atq; hilare amplexarentur, quoniamq; illi haberent suum Publium, darent mihi ipsi aliū Publiū, in quo possem eorū animos mediocriter laceffitius leuiter repungere. neq; solum dixi, sed etiam scæpe facio Dijs hominibusq; approbantibus. habes de Vatinius : cognosce de Crasso . Ego, cum mihi cum illo magna iam gratia esset, quod eius omnes grauissimas iniurias, cōmunis concordie causa, uoluntaria quadam obliuione contriueram : repentinam eius defensionem Gabinij, quem proximis superioribus diebus accerrime oppugnasset, tamen, si sine ulla mea contumelia suscepisset, tulissem : sed cum me disputantem, non laceissentem laceffisset ; exarsi, non solum præsentem credo iracundia, (nam ea tam uehemens fortasse non fuisset) sed cum inclusum illud odium multarum eius in me iniuriarum, quod ego effudisse me omne arbitrabar, residuum tamē insciente me fuisse, omne repente apparuit. quo quidem tempore ipso quidam homines, & iidem illi, quos scæpe nutu,

significationeq; appello, cum se maximum fructum cepisse dicerent ex libertate mea, meq; tum deniq; sibi esse uisum Reip. qualis fuisset, restitutum; cumq; ea contentio mihi magnum etiam foris fructum tulisset: gaudere se dicebant, mihi & illum inimicum, & eos, qui in eadem causa essent, nunquam amicos futuros. quorum iniqui sermones cum ad me per homines honestissimos perferrentur; cumq; Pompeius ita contendisset, ut nihil unquam magis, ut cum Crasso redirem in gratiam; Cæsarq; per literas maxima se molestia ex illa contentione affectum ostenderet: habui non temporum solū rationem meorum, sed et naturæ: Crassusq; ut quasi testata populo Ro. esset nostra gratia, penè a meis laribus in prouinciam est profectus: nam cū mihi condixisset, cœnauit apud me in mei generi Crassipedis hortis. quamobrem eius causam, quod te scribis audisse, magna illius cōmendatione susceptam defendi in senatu, sicut mea fides postulabat. accepisti, quibus rebus adductus, quamq; rem, causamq; defenderim, quiq; meus in rep. sit pro mea parte capeffenda status. de quo sic uelim statuas; me hæc eadem sensurum fuisse, si mihi integra omnia, ac libera fuissent: nam neque pugnandum arbitrarer contra tantas opes, neq; delendū, etiam si id fieri posset, summorum ciuium principatū; neque permanendum in una sententia, cōuersis rebus, ac bonorum uoluntatibus immutatis; sed temporibus assentiendum. NVNQVAM enim præstantibus in Rep. gubernanda uiris laudata est in una sentētia perpetua permāsisio. sed ut in nauigādo tēpestati obsequi artis est. etiam si portū tenere nō queas; cū uero id possis mutata

uelificat
culo cur
quò uel
ni stranda
pijsue di
semper di
obrem, ut
tissima; t
cum uero
num, & c
sentire, ac
reip. ration
ago, ac sepe
saris, & nū
factum, p
stri gratia
itaque eius
quas intelli
hi aliter po
consilia fra
bui, nūc eti
his ego cons
mea fert, ess
moderatione
amicissimum
sum, contraq;
apertum, &
quales tu eo
runt, mouiss
pore mihi p

uelificatione assequi, stultum est eum tenere cum peri-
 culo cursum, quem ceperis, potius, quam eo cōmutato,
 quod uelis, tamē peruenire: sic, cū omnibus nobis in admē-
 nistranda Repu. propositū esse debeat, id quod à me sē-
 piissime dictum est, cum dignitate otium; NON idem
 semper dicere, sed idem semper spectare debemus. quā-
 obrem, ut paulo ante posui, si essent omnia mihi solus-
 tissima; tamen in rep. non alius essem, atq; nunc sum.
 cum uero in hunc sensum & alliciar beneficijs homi-
 num, & compellar iniurijs; facile patior ea me de repi-
 sentire, ac dicere, quæ maxime cum mihi, tum etiam
 reip. rationibus putem conducere. apertius autem hæc
 ago, ac sæpius, q̄ & Q. frater meus legatus est Cæ-
 saris; & nullum meum minimum dictum, non modo
 factum, pro Cæsare intercessit, quod ille non ita illuz-
 stri gratia exceperit, ut ego eum mihi deuictū putarē.
 itaque eius omni & gratia, quæ summa est, & opibus,
 quas intelligis esse maximas, sic fruor, ut meis: nec mi-
 hi aliter potuisse uideor hominum perditorum de me
 consilia frangere, nisi cum præsidij sijs, quæ semper ha-
 bui, nūc etiam potentium beneuolentiā coniunxissem.
 his ego consilijs si te præsentem habuissem; ut opinio
 mea fere, essem usus eisdem: noui enim temperantiā, &
 moderationem naturæ tuæ: noui animum tum mihi
 amicissimum, tum nulla in cæteros maleuolentia suffu-
 sum, contraq; cum magnum, & excelsum, tum etiam
 apertum, & simplicem. uidi ego quosdam in te taleis,
 quales tu eosdem in me uidere potuisti. quæ me moue-
 runt, mouissent eadem te profecto. sed quocunq; tem-
 pore mihi potestas præsentis tui fuerit, tu eris omnium

EPIST. LIB. I.

moderator consiliorum meorum. tibi erit eidem, cui sa-
lus mea fuit, etiam dignitas curæ me quidem certe tua-
rum actionum, sententiarum, uoluntatum, rerum de-
niq; omnium socium, comitemq; habebis: neq; mihi in
omni uita res tam erit ulla proposita, quàm ut quoti-
die uehementius te de me optime meritum esse lætere.
Quod rogas, ut mea tibi scripta mittam, quæ post di-
scessum tuum scripserim: sunt orationes quædam, quas
Menocrito dabo, neque ita multæ, ut pertimescas scripsi
etiam (nam etiam ab orationibus disiungo me ferè, re-
feroq; ad mansuetiores musas, quæ me maxime, sicut
iam à prima adolescentia, delectant) scripsi igitur Ari-
stotelico more, quemadmodum quidem uolui, tres
libros in disputatione, ac dialogo de oratore: quos
arbitror Lentulo tuo fore non inutiles: abhorret enim
à communibus præceptis, & omnem antiquorum &
Aristotelicam, & Isocraticam rationem oratoriam com-
plectuntur. scripsi etiam uersibus tres libros de tem-
poribus meis: quos iam pridem ad te misissem, si es-
se edendos putassem: sunt enim testes, & erunt sem-
piterni meritorum tuorum erga me, meaq; in te
pietatis. sed quia uerebar, non eos, qui se læsos arbi-
bitrarentur, (etenim id feci parce, & molliter) sed
eos, quos erat infinitum bene de me meritos omnes no-
minare, non misi. quos tamen ipsos libros, si quem, cui
recte committam, inuenero, curabo ad te perferendos.
atq; istam quidem partem uitæ, cōsuetudinisq; nostræ to-
tam ad te defero. quantum literis, quantum studijs,
ueteribus nostris delectationibus, consequi poterimus,
id omne ad arbitrium tuum, qui hæc semper amasti,
libentissime

libentissime
domestici
curæ su
magno d
gois for
ciliam
rem om
di, ut fra
parimon
de tuis re
dijs, & co
torem, &
cuiquam
fuisse, qu
sed ut om
esse factu
postea dix
legem cur
ciam: si c
lega, tibi
riopus esse
uinciam ha
quoad in
quisque ne
niones inte
quid sine le
si decedas, a
non tam de
ualde dubi
amplitudin

libentissime conferemus. Quæ ad me de tuis rebus domesticis scribis, quæq; mihi cōmendas, ea tantæ mihi curæ sunt, ut me nolim admoneri, rogari uero sine magno dolore uix possim. Quod de Q. fratris negotio scribis, te priore æstate, quòd morbo impeditus in Ciliciam non transferis, conficere non potuisse, nunc autem omnia facturum, ut conficias: id scito esse eiusmodi, ut frater meus uere existimet, adiuncto isto fundo patrimonium fore suum per te constitutum. Tu me de tuis rebus omnibus, & de Lentuli tui, nostriq; studiis, & exercitationibus uelim quamfamiliariissime certiore, & quamsepiissime facias; existimesq; neminem cuiquam neque chariorem, neq; iucundiorē unquam fuisse, quàm te mihi; idq; me, nō modo ut tu sentias, sed ut omnes gētes, etiam ut posteritas omnis intelligat, esse facturū. Appius in sermonibus antea dicitabat, postea dixit etiam in senatu palām, sese, si licitum esset legem curiatā ferre, sortiturū esse cum collega prouinciam: si curiata lex non esset, separaturum cum collega, tibiq; successurum: legem curiatam Consuli ferri opus esse, necesse non esse: se, quoniam ex S. C. prouinciā haberet, lege Cornelia imperium habiturum, quoad in Urbem introisset. ego, quid ad te tuorum quisque necessariorum scribat, nescio: uarias esse opiniones intelligo. sunt qui putent non posse te decedere, quòd sine lege curiata tibi succedatur: sunt etiam qui, si decedas, d' te relinqui posse, qui prouinciæ præsit. mihi non tam de iure certum est, (quanquam ne id quidem ualde dubium est) quàm illud, ad tuam summam amplitudinem, dignitatem, liberalitatem, qua te scio li-

bentissime solere frui, pertinere, te sine ulla mora provinciā successorī concedere; præsertim cum sine suspitione tuæ cupiditatis non possis illius cupiditatem refutare. ego utrumque puto meum esse; & quid sentiam, ostendere; & quod feceris, defendere. Scripta iam epistola superiore, accepi tuas literas de publicanis: quibus æquitatem tuā nō potui non probare. facilitate autem, quod uellem, cōsequi potuisses, ne eius ordinis, quē semper ornasti, rem, aut uoluntatē offenderes. equidem nō desinā tua decreta defendere: sed nosti consuetudinē hominū. scis, quā grauiter inimici illi ipsi Quæ scæ uolæ fuerint. tibi tamē sum auctor, ut, quibus rebus possis, eum tibi ordinē aut recōcilies, aut mitiges, id etsi difficile est, tamē mihi uidetur esse prudentiæ tuæ. Vale.

M. T. CICERO S. D. L. VALERIO
IURISCONSULTO.

Uerum enim tibi hoc non gratificer, nescio: præsertim cū his temporibus audacia pro sapientia liceat uti. Lentulo nostro egī per literas tuo nomine gratias diligenter. sed tu uelim desinas iam nostris literis uti, & nos aliquando reuistas, & ibi malis esse, ubi aliquo numero sis, quā istic, ubi solus sapere uideare. quāquā qui istinc nunc ueniūt, partim te superbū esse dicunt, quōd nihil respondeas, partim contumeliosum, quōd male respondeas. sed iam cupio tecū corā iocari. quare fac, ut quamprimum uenias, neque in Apuliam tuam accedas, ut possimus saluum te uenisse gaudere: nam illo si ueneris, tanquam Ulysses cognosces tuorum neminem. Vale.

M. TVLLII CICERONIS EPISTOLA =
RVM, AD CVRIONEM, ET
ALIOS, LIBER II.

M. T. CICERO C. CVRIONI S. P. D.

9 Vanquam me nomine negligentiae su-
spectum tibi esse doleo : tamen nō tam
mihi molestum fuit , accusari ab te
officiū meum,quā iucundū requiri:
praesertim cum,in quo accusabar,cul-
pa uacarem ; in quo autem desiderare te significabas
meas literas , pra te ferres perspectum mihi quidem
sed tamen dulcem , & optatum amorem tuum. equi-
dem neminem praetermisi , quem quidem ad te per-
uenturum putarem , cui literas non dederim : etenim
quis est tam in scribendo impiger,quā ego? à te uero
bis , ter uē ad summum , & eas per breues accepi .
quare si iniquus es in me iudex : condemnabo eodem
ego te crimine . sin me id facere noles : te mihi aequum
praebere debebis . sed de literis haetenus : non enim ue-
reor , ne non scribendo te expleam ; praesertim si in eo
genere studium meum non aspernabere . Ego te ab-
fuisse tādū à nobis,& doleo,quòd carui fructu iucun-
dissimae cōsuetudinis tuae : & laetor,quòd absens omnia
cum maxima dignitate es consecutus:quodq; in omni-
bus tuis rebus meis optatis fortuna respōdet, breue est,
quod me tibi praecipere meus incredibilis in te amor
cogit . tanta est expectatio uel animi , uel ingenij tui;
ut ego te obsecrare,obtestariq; non dubitem , sic ad nos

C ij

confirmatus reuertare, ut quam expectationem tui cō-
citaſti, hanc ſuſtinere, ac tueri poſſis. Quoniam meam
tuorum erga me meritorum memoriam nulla unquā
delebit obliuio: te rogo, ut memineris, quā tuncq; tibi
acceſſiones ſient & fortunæ, & dignitatis, eas te non
potuiſſe conſequi, niſi meis puer olim fideliffimis, atque
amantiſſimis conſilijs paruiſſes. quare hoc animo in
nos eſſe debebis, ut ætas noſtra iam ingraueſcens, in a-
more, atque in adoleſcentia conquieſcat tua. Vale.

M. T. CICERO C. CVRIONI S. P. D.

Ravi teſte priuatus ſum amoris ſummi erga
g te mei, patre tuo clariſſimo uiro: qui cū ſuis
laudibus; tum uero te filio ſuperaiſſet omniū
fortunam, ſi ei contiguiſſet, ut te ante uideret, quā e-
uita diſcederet. ſed ſpero noſtrā amicitiam nō egere te-
ſtibus. tibi patrimoniū Dī fortunēt. me certe habebis, cui
charus æque ſis, & periucūdus, ac fuiſti patri. Vale.

M. T. CICERO C. CVRIONI S. P. D.

Vpæ ſtudio non defuit declarandorū mu-
r nerum tuo nomine: ſed nec mihi placuit, nec
cuiquam tuorum, quidquā te abſente fieri,
quod tibi, cum ueniſſes, non eſſet integrum. meam qui-
dem ſententiam aut ſcribam ad te poſtea pluribus: aut,
ne ad eam meditare, imparatum te offendam; coramq;
cōtra iſtam tuam rationem, meam dicam: ut aut te in
meam ſententiam adducam; aut certe teſtatum apud
animum tuum relinquam, quid ſenſerim: ut, ſi quādo,
quod nolim, diſplicere tibi tuum conſilium cōperit,

possis meum recordari. breuiter tamen sic habeto, in eum statum temporum tuum reditum incidere, ut ijs bonis, quæ tibi natura, studio, fortuna data sunt, facilius omnia, quæ sunt in Rep. amplissima, consequi possis, quàm muneribus: quorū neque facultatem quisquā admiratur; (est. n. copiarum, nō uirtutis) neq; quisquam est, quin satietate iam defessus sit. sed aliter, atque ostenderam, facio, qui ingrediar ad explicandā rationem sententiæ meæ. quare omnem hanc disputationem in aduentum tuum differo. Summa scito in expectatione te esse, eaq; à te expectari, quæ à summa uirtute, summoq; ingenio expectanda sunt: ad quæ si es, ut debes, paratus, quod ita esse cōfido; plurimis, maximisq; muneribus & nos amicos, & ciues tuos uniuersos, & Rem pu. afficies. illud profecto cognosces, mihi te neq; chariorem, neque iucundiorē esse quenquam. Vale.

M. T. CICERO C. CVRIONI S. P. D.

Pistolarū genera multa esse non ignoras, sed
 E unum illud certissimum, cuius causa inuenta res ipsa est, ut certiores faceremus absentes, si quid esset, quod eos scire, aut nostra, aut ipsorum interesset. huius generis literas à me profecto non expectas: domesticarum enim rerū tuarū habes et scriptores, & nuncios: in meis autem rebus nihil est sane noui. reliqua sunt epistolarū genera duo, quæ me magnopere delectant: unum familiare, & iocosum: alterum seuerum, & graue. utro me minus deceat uiri, non intelligo. iocer' ne tecū per literas ciuem mehercule nō puto esse, qui temporibus his ridere possit. an gra-

C iij

nus aliquid scribam? quid est, quod possit graviter à Cicerone scribi ad Curionem, nisi de Rep? atque in hoc genere hæc mea causa est, ut neque ea, quæ nunc sentio, uelim scribere. quamobrem, quoniam mihi nullum scribendi argumentum relictum est; utar ea clausula, quæ soleo; teq; ad studiū summæ laudis cohortabor: est enim tibi gravis aduersaria constituta, & parata, incredibilis quædam expectatio: quam tu una re facilime uinces, si hoc statueris, quarum laudum gloriam admiraris, quibus artibus eæ laudes comparantur, in ijs esse elaborandum. in hanc sententiam scriberem plura, nisi te tua sponte satis incitatum esse considerē. & hoc, quidquid attigi, non feci inflammandi tui causa, sed testificandi amoris mei. Vale.

M. T. CICERO C. CURIONI S. P. D.

Aec negotia quo modo se habeāt, ne epistola
 H quidē narrare audeo. tibi, et si, ubicūq; es, ut scripsi ad te antea, in eadem es naui: tamen, quod abes, gratulor: uel quia non uides ea, quæ nos: uel quod excelsa, & illustri loco sita sit laus tua, in plurimorum et sociorum, et ciuium conspectu: quæ ad nos nec obscuro, nec uario sermone, sed et clarissima, et una omnium uoce perfertur. unū illud nescio, gratuer'ne tibi, an timeā, quod mirabilis est expectatio redditus tui: non quo uerear, ne tua uirtus opinionem hominum nō respondeat: sed mehercule, ne, cum ueneris, non habeas iam, quod cures: ita sunt omnia debilitata iam propè, & extincta. sed hæc ipsa nescio recte ne sint literis commissæ.

quare cætera cognosces ex alijs . tu tamen , siue habes aliquam spem de Rep. siue desperas ; ea para , meditare , cogita , quæ esse in eo ciue , ac viro debent , qui sit Remp. afflictam , & oppressam miseris temporibus , ac perditis moribus in ueterem libertatem , ac dignitatem uindicaturus. Vale.

M. T. CICERO C. CVRIONI S. P. D.

On dum erat auditum , te ad Italiam aduen-
N tare , cum Sex. Iulium Milonis mei familia-
rem cum his ad te literis misi : sed tamen , cū
appropinquare tuus aduentus putaretur , et te iam ex
Asia Romam uersus profectum esse constaret ; magni-
tudo rei fecit , ut non uereremur , ne nimis cito mittere
mus , cum has ad te quamprimum perferri literas ma-
gnopere uellemus. Ego , si mea in te essent officia solum
Curio tâta , quâta magis à te ipso predicari , quàm à me
ponderari solent : uerecundius à te , si qua magna res
mihi petenda esset , cōtenderem : GRAVE est enim ho-
mini pudenti , petere aliquid magnum ab eo , de quo se
bene meritum putet ; ne id , quod petat , exigere magis ,
q̄ rogare , et in mercedis potius , quàm beneficij loco nu-
merare uideatur . sed quia tua in me uel nota omnibus ,
uel ipsa nouitate meorū temporum clarissima , & ma-
xima extiterūt ; EST' QVE animi ingenui , cui mul-
tum debeas , eidem plurimum uelle debere : non dubi-
taui id à te per literas petere , quod mihi omnium esset
maximum , maximeq̄ ; necessarium : neq̄ enim sum
ueritus , ne sustinere tua in me uel innumerabilia bene-
ficia non possem ; cum præsertim considerem , nullam

esse gratiam tantam, quā uel non capere animus meus accipiendo, uel remunerando, cumulandoq; illustrare possit. ego omnia mea studia, omnem operam, curam, industriam, cogitationem, mentem denique omnem in Milonis Consulatu fixi, & locauī: statuiq; in eo me nō officij solum fructum, sed etiam pietatis laudem debere quærere. neque uero cuiquam salutē, ac fortunas suas tantæ curæ fuisse unquam puto, quantæ mihi sit honos eius: in quo omnia mea posita esse decreui. huic te unum tanto adiumento esse, si uolueris, posse intelligo, ut nihil sit præterea nobis requirēdum. habemus hæc omnia; bonorū studium conciliatū ex Tribunatu, propter nostram, ut spero te intelligere, causam; uulgi, ac multitudinis, propter magnificentiam munerū, liberalitatemq; naturæ; iuuentutis, & gratiosorum in suffragijs, propter ipsius excellentem in eo genere uel gratiam, uel diligentiam; nostram suffragationem si minus potentem, aut probatam tamen, & iustam, & debitam, & propterea fortasse etiam gratiosam. dux nobis, & auctor opus est, & eorum uentorum, quos proposui, moderator quidam, & quasi gubernator. qui si ex omnibus unus optandus esset; quem tecum conferre possemus, nō haberemus quamobrem, si me memorem, si gratum, si bonum uirum uel ex hoc ipso, quod tam uehementer de Milone laborem, existimare potes; si dignum denique tuis beneficijs iudicas: hoc à te peto, ut subuenias huic meæ sollicitudini, ut huic meæ laudi, uel, ut uerius dicam, propè salutis tuum studium dices. De ipso T. Annio tantum tibi polliceor, te maioris animi, grauitatis, constantie, beneuo-

lentia e
rum e
dignita
fuisse in
dere sere
suffragien
lonis om
ne elabor
rem, atq
unum in
pene plu
mibi tā
illo ab iur
cunda. ea
confido.

M. T.

S

lor: & ut
opto: neq
dentia tua
sapientius
te audies.
ui animar
mide, ne q
esse sentie

lentiæ erga te, si complecti hominem uolueris, habituum esse neminem. mihi uero tantum decoris, tantum dignitatis adiunxeris, ut eundem te facile agnoscam fuisse in laude mea, qui fueris in salute. ego ni te uidere scirem, cum hæc ad te scriberem, quantum officij sustinerem, quantopere mihi esset in hac petitione Milonis omni non modo contentione, sed etiam dimicatione elaborandum; plura scriberem. nunc tibi omnem rem, atque causam, meq; totum commendo, atq; trado. unum hoc sic habeto; si à te hanc rem impetraro, me pene plus tibi, quam ipsi Miloni debiturum: nõ enim mihi tã mea salus chara fuit, in qua præcipue sum ab illo abiutus; quàm pietas erit in referenda gratia iucunda. eam autem tui unius studio me assequi posse confido. Vale.

M. T. CICERO PROCOS. C. CVRIO
NI TRIB. PL. S. P. D.

Era gratulatio reprehendi non solet, præsertim si nulla negligentia prætermissa est: lōge enim absum: audio sero. sed & tibi gratulor: & ut sempiternæ laudi tibi sit iste Tribunatus, exopto: teq; hortor, ut omnia gubernes, et moderere prudentia tua, ne te auferāt aliorū consilia. nemo est, qui sapientius tibi suadere possit te ipso. nunquā labere, si te audies. nõ scribo hoc temere. cui scribam, uideo. nõ ui animum, noui consiliū tuum. nõ uereor, ne quid timeas, ne quid stulte facias, si ea defendes, quæ ipse recta esse senties. quòd in id Reip. tempus non incideris, sed

ueneris (iudicio enim tuo, non casu, in ipsum discrimen rerum contulisti Tribunatū tuum) profecto uides, quāta uis in Rep. temporum sit, quanta uarietas rerum, quā incerti exitus, quā flexibiles hominum uoluntates: quid insidiarum, quid uanitatis in uita, non dubito quin cogites. sed, amabo te cura, & cogita, nihil noui, sed illud idem, quod initio scripsi. tecum loquere: te adhibe in consilium: te audi: tibi obtempera. alteri qui melius dare consilium possit, quā tu, nō facile inueniri potest: tibi uero ipsi certe nemo melius dabit. Dij immortales, cur ego non adsum uel spectator laudum tuarum, uel particeps, uel socius, uel minister consiliorum? tamen si hoc minime tibi deest: sed tamen efficere magnitudo, & uis amoris mei, consilio te ut possem iuuare. scribam ad te plura alias: paucis enim diebus eram missurus domesticos tabellarios: ut, quoniam sanē feliciter, & ex mea sententia Remp. gessimus, unis literis totius æstatis res gestas ad senatum per scriberem. De sacerdotio tuo quantam curam adhibuerim, quāq; difficili in re, atque causa, cognosces ex ijs literis, quas Thrasoni liberto tuo dedi. Te mi Curio pro tua incredibili in me beneuolentia, meaq; itē in te singulari, rogo, atq; oro, ne patiari mihi quidquam ad hanc prouincialem molestiam temporis pro rogari. præsens tecū egi, cum te Tribunū pl. isto anno fore non putarem. itemq; petiui sæpius per literas, sed tum quasi à senatore nobilissimo, & adolescente gratiosissimo, nunc à Tribuno pl. & à Curione Trib. non ut decernatur aliquid noui, quod solet esse difficilius, sed ut ne quid noui decernatur, et ut S. C. et leges de-

fendat;
hoc te

M. T.

q

es, que n
uide, qua
le iniuria
gnoni) ne
in rebus
sum perit
feret mul
ta, nec pr
rū prospic
formā Re
possim. ne
que enim
uis nostru
res dies
tus sum: a
tancum ha
omnia, qua
silio parat
hi crede. i
tur, qui no
ipso dies f
ninius: pr

fendas; eaq; mihi conditio maneat, qua profectus sum.
hoc te uehementer etiam atque etiam rogo. Vale.

M. T. C. PROCOS. M. CELIO S. P. D.

Vid? tu me hoc tibi mandasse existimas, ut
q mihi gladiatorum cōpositiones, ut uadimonia
dilata, & Chresti compilationē mitteres, &
ea, quæ nobis, cū Romæ sumus, narrare nemo audeat?
uide, quantum tibi meo iudicio tribuam: (nec me hercu-
le iniuria: πολιτικῶν τε γων enim te adhuc neminem co-
gnoui) ne illa quidem curo mihi scribas, quæ maximis
in rebus Reip. geruntur quotidie; nisi quid ad me ip-
sum pertinebit. scribent alij: multi nunciabunt: per-
feret multa etiam ipse rumor. quare ego nec præteri-
ta, nec præsentia abs te, sed, ut ab homine longe in poste-
rū prospiciente, futura expecto: ut, ex tuis literis cum
formā Reip. uiderim, quale ædificium futurum sit scire
possim. neque tamē adhuc habeo, quod te accusem: nec
que enim fuit, quod tu plus providere posses, quā qui-
uis nostrum, in primisq; ego, qui cum Pompeio complu-
rets dies nullis in alijs, nisi de Rep. sermonibus uersa-
tus sum: quæ nec possunt scribi, nec scribenda sunt.
tantum habeto, ciuem egregium esse Pompeium, et ad
omnia, quæ providenda sunt in Rep. & animo, & con-
silio paratum. quare da te homini, complectetur, mi-
hi crede. iam iidem illi & boni, & mali ciues uiden-
tur, qui nobis uideri solent. Ego, cum Athenis decem
ipsos dies fuisset, multumq; mecum Gallus noster Ca-
ninius: proficiscebar inde pridie Non. Quint. cum hoc

EPI. LIB. II.

ad te literarum dedi. tibi cum omnia mea commenda-
tissima esse cupio, tum nihil magis, quam ne tempus
nobis provinciae prorogetur. in eo mihi sunt omnia.
quid, quando, & quo modo, & per quos agendum sit,
tu optime constitues. Vale.

M. T. C. PROCOS. M. CELIO RVFO
AEDILI CVR. DES. S. P. D.

Lurimum tibi, ut debeo, gratulor, letorq; cū
P præsenti, tum etiam sperata tua dignitate, se-
rius, non negligentia mea, sed ignoratione re-
rum omnium: in ijs enim sum locis, quod & propter lon-
ginitatem, & propter latrocinia tardissime omnia
perferuntur. & cum gratulor: tum uero, quibus uer-
bis tibi gratias agam, non reperio, quod ita factus sis, ut
dederis nobis, quemadmodū scripseras ad me, quē sem-
per ridere possemus. itaque cum primū audiui, ego ille
ipse factus sum, (scis quem dicā) egiq; omnes illos ado-
lescentes, quos ille iactitabat, difficile est loqui. Te au-
tem contemplans absentem, et quasi tecum coram lo-
querer, Non adepol quantā egeris rem, neque quantū
facinus feceris. quod quia prater opinionem mihi acci-
derat, referebā me ad illud: Incredible hoc factu obij-
citur. repente uero inCESSI omnibus lētijs. in quo cū
obiurgarer, quod nimio gaudio penē desiperem, ita me
defendebā: Ego uoluptatē animi nimiam. quid quæris?
dum illū rideo, penē sum factus ille. sed hæc pluribus,
multaq; alia et de te, & ad te, cū primum ero aliquid,
otij nactus. Te uero mi Rufe diligo, quē mihi fortun-

na dedit amplificatorem dignitatis meae, ultorem non modo inimicorum, sed etiam inuidorum meorum; ut eos partim scelerum suorum, partim etiam ineptiarum poeniteret. Vale.

M. T. CICERO IMP. M. CELIO RVFO
AEDILI CVR. DES. S. P. D.

V uide, quā ad me literae nō perferantur: nō enim adduci possum, ut abs te, posteaquam Aedilis factus es nullas putem datas; praesertim cum esset tāta res, tantae gratulationes: de te, quia, quod sperabam: de illo, (balbus enim sum) quod non putaram. atqui sic habeto, nullam me epistolam accepisse tuam post comitia ista praecleara, quae me letitia extulerunt. ex quo uereor, ne idem eueniat in meas literas. equidem nunquam domū nisi unam epistolam, quin esset ad te altera: nec mihi est te iucundius quidquam, nec charius. sed balbi non sumus. ad rem redeamus. Ut optasti, ita est: uelles enim, ais, tantū modo ut haberem negotij, quod esset ad laureolam satis. Parthos times, quia diffidis copijs nostris. ergo ita accidit. nā Parthico bello nūciato, locorum quibusdam angustijs, et natura montium fretus, ad Amanū exercitū adduxi, satis probe ornatum auxilijs, et quadā auctoritate apud eos, qui me nō norant, nominis nostri: multum est enim in his locis; Hicciue est ille, qui Urbē? quem senatus? nosti cetera. cū uenissem ad Amanum, qui mons mihi cū Bibulo communis est, diuisus aquarum diuorij: Cassius noster, quod mihi magnae uoluptati fuit, feliciter ab

Antiochia hostem reiecerat. Bibulus provinciam acceperat. interea cum meis copiis omnibus vexavi Amarienses hostes sempiternos. multi occisi, capti: reliqui dissipati. castella munita, improviso aduentu capta, & incensa. ita victoria iusta Imperator appellatus apud Issum: quo in loco sæpe, ut ex te audiui, Clitarchus tibi narrauit, Darium ab Alexandro esse superatum. abduxi exercitum ad infestissimam Ciliciæ partem. ibi quintum & uigesimum iam diem aggeribus, uineis, turribus oppugnabam oppidum munitissimū Pindenissum, tantis opibus, tantoq; negotio, ut mihi ad summam gloriam nihil desit, nisi nomen oppidi. quod si, ut spero, cepero: tum uero literas publice mittam. hæc ad te in præsentem scripsi, ut speres te assequi id, quod optasses. sed, ut redeam ad Parthos: hæc æstas habuit hunc exitum satis felicem. ea, quæ sequitur, magno est in timore. quare mi Rufe uigila, primum ut mihi succedatur: sin id erit, ut scribis, & ut ego arbitror, spissius; illud, quod facile est, ne quid mihi temporis prorogetur. De Rep. ex tuis literis, ut antea tibi scripsi, cū præsentia, tū est futura magis expecto. quare, ut ad me omnia quam diligentissime perscribas, te uehementer rogo. Vale.

M. T. C. IMP. CELIO AEDILI
CVR. S. P. D.

p Vtares ne unquam accidere posse, ut mihi uerba deessent, neq; solum ista uestra oratoria, sed hæc etiam leuia nostratia? desunt autem propter hanc causam, quod mirifice sum sollicitus, quidnam de pro-

uincijs decernatur. mirum me desiderium tenet Urbis, incredibile meorum, atq; in primis tui, satietas autem provinciae, uel quia uidemur eam famam consecuti, ut non tam accessio quærenda, quàm fortuna metuenda sit: uel quia totum negotium non est dignum uiribus nostris, qui maiora in Rep. onera sustinere & possimus, & soleamus: uel quia belli magni timor impendet: quod uidemur effugere, si ad constitutam diem decedemus. De pantheris per eos, qui uenari solent, agitur mandato meo diligenter: sed mira paucitas est: & eas, quæ sunt, ualde aiunt queri, quòd nihil cuiquã insidiarum in mea provincia, nisi sibi, fiat. itaq; constituisse dicuntur in Cariam ex nostra provincia decedere. sed tamen sedulo fit, & in primis à Patisco. quidquid erit, tibi erit: sed quid planè esset, nesciebamus. Mihi me hercule magnæ curæ est Aedilitas tua. ipsa dies me ad monebat: scripsi enim hæc ipsis Megalensibus. tu uelim ad me de omni Reip. statu quâdiligētissime perscribas: ea enim certissima putabo, quæ ex te cognouero. Vale.

M. T. CICERO IMP. M. CELIO RVFO
AEDILI CVR. DES. S. P. D.

Olicitus equidem erā de rebus urbanis: ita tu multuosa cōciones, ita molestæ quinquatrus afferebātur: nam citeriora nōdum audiebamus: sed tamē nihil me magis sollicitabat, quàm in his molestijs nō me, si qua ridenda essent, ridere tecū: sunt enim multa: sed ea non audeo scribere: illud moleste fero, nihil me adhuc his de rebus habere tuarum lite

rarum. quare, etsi cum tu hæc leges, ego iam annuum munus confecero: tamen obuia mihi uelim sint literæ tuæ, quæ me erudiant de omni Rep. ne hospes planè ueniã. hoc melius, quã tu, facere nemo potest. Diogenes tuus, homo modestus, à me cum Philone Pessinunte discessit. iter habebant ad Deiotarum Regem: quanquã omnia nec benigna, nec copiosa, cognorant. Urbem mi Rufe cole, & in ista luce uiue: omnis enim peregrinatio, quod ego ab adoleſcētia iudicauĩ, obscura, & sordida est ijs, quorum industria Romæ potest illustris esse. quod cum probe scirem, utinam in sententia permãsissem. cum una mehercule ambulatiũcula, atq; uno sermone nostro omne fructus provinciæ non confero. spero me integritatis laudem consecutum. non erat minor ex contemnenda, quã ex conseruata provincia. spes triumphĩ, inquis? satis gloriose triumpharem, si non essem tandiu quidem in desiderio rerum mihi charissimarum. sed, ut spero, propediem te uidebo. tu mihi obuiam mitte epistolas te dignas. Vale.

M. T. CICERO IMP. M. CELIO
AEDILI CVR. S. P. D.

Aras tuas quidem (fortasse enim non perferũtur) sed suauis accipio literas: uel quas proxime acceperã, quã prudentes, quã multi & officij, & consilij. etsi omnia sic constituerã mihi agenda, ut tu admonebas: tamẽ confirmãtur nostra cõsilia, cum sentimus prudentibus, fideliterq; suadētib; idem uideri. ego Appium, ut sæpe tecum locutus sum, ualde diligo: meq; ab eo diligi statim cœptum esse, ut similitatem

tatem deposuimus, sensi: nam & honorificus in me
 Consul fuit, & suavis amicus, & studiosus studiorum
 etiam meorum. mea uero officia ei non defuisse, tute es
 testis: quoniam καμικὸς μάχης, ut opinor, accidit Pha-
 nia. & mehercule etiam pluris eum feci, quod te ama-
 ri ab eo sensi. iam me Pompeij totum esse scis. Brutum
 a me amari intelligis. quid est causæ, cur mihi non sit
 in operatis, complecti hominem florentem ætate, opibus,
 honoribus, ingenio, liberis, propinquis, affinibus, ami-
 cis? collegam meum præsertim, & in ipsa collegij lau-
 de, & scientia studiosum mei? hæc eo pluribus scripsi,
 quod mihi significabant tuæ literæ subdubitare, qua
 essem erga illum uoluntate. credo te audisse aliquid:
 falsum est, mihi crede, si quid audisti. genus instituto-
 rum, & rationum mearum dissimilitudinem nonnul-
 lam habet cum illius administratione provinciae. ex eo
 quidam suspicati fortasse sunt, animorum contentio-
 ne, non opinionum disensione, me ab eo discrepare. ni-
 hil autem feci unquam, neque dixi, quod contra illius
 existimationem esse uellem. post hoc negotium autem,
 & temeritatem nostri Dolabellæ, deprecatorem me pro
 illius periculo præbeo. Erat in eadem epistola ueternus
 ciuitatis. gaudebam sanè, & congelasse nostrum a-
 micum letabar otio. Extrema pagella pupugit me
 tuo chirographo. quid ais? Cæsarem nunc defendit
 Curio? quis hoc putaret præter me? nam, ita uiuam,
 putaui. Dii immortales, quàm ego risum nostrum
 desidero. Mihi erat in animo, quoniam iurisdic-
 tionem confeceram; ciuitates locupletaram; publicæ-
 nis, etiam superioris lustræ reliqua sine sociorum ulz-

EPIST. LIB. VII. C. A.

la querela conseruaram; priuatis, summis, infimis
fueram iucundus; proficisci in Ciliciam Nonis Maij,
& cum primum aestiua attigissem, militaremq; rem
collocassem, decedere ex S. C. Cupio te Aedilem ui-
dere: miroq; desiderio me Vrbs afficit, & omnes mei,
tuq; in primis. Vale.

M. T. CICERO IMP. M. CELIO
AEDILI CVR. S. P. D.

Arco Fabio, uiro optimo, & homine doctissi-
mo, familiarissime utor: mirificeq; eum dili-
go, cū propter summum eius ingenium, sum-
mamq; doctrinam, tum propter singularem modestiā.
eius negotium sic uelim suscipias, ut si esset res mea no-
ui ego uos magnos patronos. hominem occidat oportet,
qui uestra opera uti uelit. sed in hoc homine nullam ac-
cipio excusationem. omnia relinques, si me amabis, cū
tua opera Fabius uti uolet. Ego res Romanas uehe-
menter expecto, & desidero: in primisq;, quid agas,
scire cupio: nam iandiu propter hiemis magnitudinem
nihil noui ad nos afferebatur. Vale.

M. T. CICERO IMP. M. CELIO
AEDILI CVR. S. P. D.

Non potuit accuratius agi, neq; prudētius, quā
actū est à te cū Curione de supplicatione. &
mehercule cōfecta res est ex mea sentētia, cū
celeritate, tum quòd is, qui erat iratus, cōpetitor tuus, et

idem meus, assensus est ei, qui ornauit res nostras diuinis laudibus. quare scito me sperare ea, quæ sequuntur ad quæ tu te para. Dolabellam à te gaudeo primū laudari, deinde etiam amari. nā ea, quæ speras Tullia meæ prudentia temperari posse, scio, cui epistolæ tuæ repondeant. quid, si meam legas, quam ego tum ex tuis literis misi ad Appium? sed quid agas? sic uiuitur. quod actum est, Diij approbent. spero fore iucundum geuerū nobis. multum in eo tua nos humanitas adiuuabit. Resp. me ualde sollicitat. faueo Curioni. Cæsarem honestū esse cupio. pro Pompeio emori possum. sed tamen ipsa Rep. nihil mihi est charius. in qua tu ualde te iactas: districtus enim mihi uideris esse, quod & bonus ciuis, & bonus amicus es. Ego de prouincia decedens, Quæst. Celiū præposui prouinciæ. puerū, inquis? at Quæstorem, at nobilem adolescentem, at omnium ferè exemplo. neque erat superiore honore usus, quem præficere. Pōtinus multo ante discesserat. à Q. fratre impetrari non poterat: quē tamen si reliquisset, dicerēt iniqui, non me plane post annum, ut senatus uoluisset, ex prouincia decessisse, quoniam alterum me reliquisset. fortasse & illud adderent, senatum eos uoluisse prouincijs præesse, qui antea non præfuisent, fratrem meum triennium Asiæ præfuisse. denique nūc sollicitus nō sum: si fratrem reliquisset, omnia timerem. postremo non tā mea sponte, quā potentissimorū uirorum exemplo: qui omnes Cassios, Antoniosq; cōplexi sunt. hominem adolescentem non tā allicere uolui, quā alienare nolui. hoc tu meum consilium laudes necesse est: mutari enim non potest. De Ocella parū plane ad me

D ij

E P I S T. L I B. II.

scripseras, & in actis non erat. Tuæ res gestæ ita notæ sunt, ut trans montem Taurum etiam de Matrimonio sit auditum. Ego, nisi quid me Etesiae morabuntur, celeriter, ut spero, uos uidebo. Vale.

M. T. CICERO IMP. M. CELIO
AEDILI CVR. S. P. D.

Agno dolore me affecissent tuæ literæ, nisi iam
m & ratio ipsa depulisset omnes molestias, &
diuturna desperatione rerum obdurisset. animus ad dolorem novum. sed tamen quare acciderit, ut ex meis superioribus literis id suspicarer, quod scribis, nescio: quid enim fuit in illis præter querelam temporum, quæ non animum meum magis sollicitum haberent, quam tuum? nam non eam cognoui aciem ingenij tui, quod ipse uideam, te id ut non putem uidere. illud miror, adduci potuisse te, qui me penitus nosse deberes, ut me existimares aut tam improvidum, qui ab excitata fortuna ad inclinatam, & propè iacentem descissem, aut tam inconstantem, ut collectam gratiam florentissimi hominis effunderem, à meq; ipse deficerem, & quod initio, semperq; fugi, civili bello interesssem. quod est igitur meum triste consilium? ut discederem fortasse in aliquas solitudines: nosti enim non modo stomachi mei, cuius tu similem quondam habebas, sed etiam oculorum in hominum insolentium indignitate fastidium. accedit etiam molesta hæc pompa liætorum meorum, nomenq; imperij, quo appellor. eo si onere carerem, quamuis paruis Italiæ latebris contentus essem. sed incurrit

hæc nostra laurus non solum in oculos, sed iam etiam
 in uoculas maleuolorum. quod cum ita esset, nihil ta-
 men unquam de profectione, nisi uobis approbantibus,
 cogitavi. sed mea prædiola tibi nota sunt. in his mihi
 necesse est esse, ne amicis molestus sim. quod autem in
 maritimis facillime sum, moueo nonnullis suspicionem,
 uelle me nauigare. quod tamen fortasse non nollem,
 si possem ad otium: nam ad bellum quidem qui con-
 uenit? præsertim contra eum, cui spero me satisfacisse;
 ab eo, cui tamen satisfieri nullo modo potest. dein-
 de sententiam meam tu facillime perspicere potuisti
 iam ab illo tempore, cum in Cumanum mihi obuiam
 uenisti: non enim te cœlaui. sed non ne tum prouidi-
 sti, quàm abhorrerem ab urbe relinquenda? quod cum
 audissem: nō ne tibi affirmavi, quiduis me potius per-
 pessus, quàm ex Italia ad bellum civile exiturum?
 quid ergo accidit, cur consilium mutarem? non ne om-
 nia potius, ut in sententia permanerem? credas hoc mi-
 hi uelim, quod puto te existimare, ex his miserijs ni-
 hil aliud me querere, nisi ut homines aliquando intel-
 ligant, me nihil maluisse, quàm pacem; ea desperata,
 nihil tam fuisse, quàm arma ciuilia. huius me con-
 stantix puto fore ut nunquam pœniteat. etenim me-
 mini in hoc genere gloriari solitum esse familiarem no-
 strum Q. Hortensium, quod nunquā bello ciuili in-
 terfuisset. hoc nostra laus erit illustrior, quod illi tribueba-
 tur ignauiæ, de nobis id existimari posse non arbitror.
 nec me ista terrent, quæ mihi à te ad timorē fidissime,
 atque amantiissime proponuntur: nulla est enim acer-
 bitas, quæ non omnibus hac orbis terrarum perturba-

tione impendere uideatur. quam quidem ego à Rep.
 meis priuatis, & domesticis incommodis libentissime
 uel istis ipsis, quæ tu me mones ut caueam, redemisssem.
 Filio meo, quæ tibi charū esse gaudeo, si erit ulla Resp.
 satis amplum patrimonium relinquam memoriam no-
 minis mei: sin autem nulla erit, nihil accidet ei separa-
 tim à reliquis ciuibus. nam quod rogas, ut respiciam
 generum meum, adolescentem optimum, mihiq; charis-
 simum: an dubitas, cum scias quanti cum illum, tum
 uero Tulliam meam faciā, quin ea me cura uehemen-
 tissime sollicitet? et eo magis, quòd in communibus mi-
 serijs hac tantum oblectabar specula, Dolabellam meū,
 uel potius nostrum fore ab ijs molestijs, quas liberalitate
 sua contraxerat, liberum. uelim quæras, quos ille dies
 sustinuerit, in urbe dum fuit, quàm acerbos sibi, quàm
 mihi ipsi socero non honestos. itaque neque ego hunc
 Hispaniensem casum expecto, de quo mihi explotatum
 est, ita esse, ut tu scribis: nec quidquam astute cogito, si
 quando erit ciuitas: erit profecto nobis locus. sin au-
 tem nō erit: in easdem solitudines tu ipse, ut arbitror,
 uenies, in quibus nos consedissee audies. sed ego for-
 tasse uaticinor, & hæc omnia meliores habebunt exi-
 tus: recordor enim desperationes eorum, qui senes erāt
 adolescente me. eos ego fortasse nunc imitor, & utor
 ætatis uitio. uelim, ita sit: sed tamen togam pretextā
 texi Oppio, puto te audisse. nā Curtius noster dibaphū
 cogitat: sed eum infector moratur. hæc aspersi, ut sci-
 res, me tamen in stomacho solere ridere. De Dolabella
 quod scripsi, suadeo uideas, tanquam si res tua agatur.
 Extremū illud erit: nos nihil turbulenter, nihil te-

mere faciemus. te tamen oramus, quibuscunq; erimus
in terris, ut nos, liberosq; nostros ita tueare, ut amicitia
nostra, & tua fides postulabit. Vale.

M. T. CICERO IMP. CANINIO SAL-
LUSTIO PROQVAES. S. P. D.

Iteras à te mihi stator tuus reddidit Tarsi ad
L XVI. Cal. Sext. his ego ordine, ut uideris
uelle, respondebo. De successore meo nihil
audiui: nec quenquā fore arbitror. quin ad diem de-
cedam, nulla causa est, praesertim sublato metu Parthi-
co: commoraturū me nusquam sanè arbitror. Rhodum
Ciceronum causa puerorum accessurū puto. neque id
tamen certū est, ad Urbē uelim quāprimū uenire: sed
tamen iter meum Reip. & rerum urbanarū ratio gu-
bernabit. successor tuus nō potest ita maturare ullo mo-
do, ut tu me in Asia possis conuenire. De rationibus
referendis, non erat incommodum te nullam referre:
quam tibi scribis à Bibulo fieri potestātē. sed id uix mi-
hi uideris per legem Iuliā facere posse: quam Bibulus
certa quadam ratione non seruat, tibi magnopere ser-
uandā censeo. Quod scribis, Apamea praesidium dedu-
ci non oportuisse: uidebā idem ceteros existimare: mo-
lesteq; ferebam, de ea re minus commodos sermones ma-
leuolorum fuisse. Parthi transierint, nec ne, praeter te
uideo dubitare neminem: itaque omnia praesidia, quae
magna, & firma parauerā, cōmotus hominū nō dubio
sermone dimisi. Rationes mei Quæstoris nec uerū fuit
me tibi mittere; nec tū erant cōfectae, eas nos Apameæ

D iiij

deponere cogitabamus. De praeda mea præter Quæstores urb. idest populum R. teruncium nec attigit, nec tracturus est quisquam. Laodiceæ me prædes accepturum arbitror omnis pecuniæ publicæ, ut & mihi, & populo cautum sit sine uecturæ periculo. Quod scribis ad me de drachmis CCCI^{SS}: nihil est, quod in isto genere cuiquam possim commodare: omnis enim pecunia ita tractatur, ut præda à præfectis; quæ autem mihi attributa est, à Quæstore curetur. Quod quæris, quid existimem de legionibus, quæ decreta sunt in Syriam: antea dubitabam, uenturæ ne essent: nunc mihi non est dubium, quin, si antea auditū erit, ocium esse in Syria, uenturæ non sint. Marium quidem successorem tarde uideo esse uenturum, propterea quod senatus ita decreuit, ut cum legionibus iret. uni epistolæ respondi. uenio ad alteram. Petis à me, ut Bibulo te quam diligentissime commendem. in quo mihi uoluntas non deest: sed locus uidetur esse tecum exposulandi: solus enim tu ex omnibus, qui cum Bibulo sunt, certio rem me nunquā fecisti, quā ualde Bibuli uolūtas à me sine causa abhorreret: permulti enim ad me detulerunt: cum magnus Antiochiæ metus esset, & magna spes in me, atq; in exercitu meo, solitum dicere, quiduis se perpeti male, quā uideri eguisse auxilio meo. quod ego officio quæstorio te adductum reticere de Prætoris tuo nō moleste ferebam: quanquam, quemadmodum tractare, audiebam. ille autem, cum ad Thermum de Parthico bello scriberet, ad me literam nunquam misit, ad quē intelligebat eius belli periculum pertinere. tantum de Auguratu filij sui scripsit ad me. in quo ego misericor-

dia commotus, et quod semper amicissimus Bibulo fui, dedi operam, ut ei quā humanissime scriberem. ille si omnibus est maleuolus, quod nunquā existimaui: minus offendor in me. sin à me est alienior: nihil tibi literarū mearū proderunt. Nam ad senatū quas Bibulus literas misit, in ijs, quod mihi cum illo erat commune, sibi soli attribuit. se ait curasse, ut cum quæstu populi pecunia permutaretur. quod autem meū erat proprium, ut alarijs transpadanis uti negarem; id etiam populo se remisisse scribit. quod uero illius erat solius, id mecum communicat. equitibus auxiliarijs, inquit, cum amplius frumenti postularemus. illud uero pusilli animi, et ipsa maleuolentia ieiuni, atq; inanis, quod Ariobarzanē, quem senatus per me Regem appellauit, mihiq; cōmendauit, iste in literis non Regem, sed Regis Ariobarzannis filium appellat. hoc animo qui sunt, deteriores fiunt rogati. sed tibi morem gessi. literas ad eum scripsi. quas cum acceperis, facies quod uoles. Vale.

M. T. CICERO IMP. Q. THERMO
PROPRÆT. S. P. D.

Officium meū erga Rhodonem, cæteraq; mea studia, quæ tibi, ac tuis præstiti, tibi homini gratissimo grata esse uehementer gaudeo: mihiq; scito in dies maiori curæ esse dignitatem tuam: quæ quidē à te ipso integritate, et clemētia tua sic amplificata est, ut nihil addi posse uideatur. sed mihi magis, magisq; quotidie de rationibus tuis cogitari placet illud meū cōsiliū, q̄ initio Aristoni nostro, ut ad me uenit,

ostendi; graues te suscepturum inimicitias, si adole-
scens potens, & nobilis à te ignominia affectus esset.
& hercle sine dubio erit ignominia: habes enim nemi-
nem honoris gradu superiorem. ille autem, ut omittam
nobilitatem, hoc ipso uincit uiros optimos, hominesq;
innocentissimos legatos tuos, quod & Quæstor est, &
Quæstor tuus. nocere tibi iratum neminem posse per-
spicio: sed tamen tres fratres summo loco natos, prom-
ptos, non indeseptos, te nolo habere iratos, præsertim iu-
re, quos uideo deinceps Tribunos pl. per triennium fo-
re. tempora autem Reip. qualia futura sint, quis scit?
mihi quidem turbulenta uidentur fore. cur ego te ue-
lim incidere in terrores tribunitios? præferim cum si-
ne cuiusquam reprehensione legatis Quæstorem possis
anteferre. qui si dignum se maioribus suis præbuerit,
ut spero, & opto; tua laus ex aliqua parte fuerit. sin
quid offenderit; sibi totum, nihil tibi offenderit. quæ
mihi ueniebant in mentem, quæ ad te pertinere arbitra-
bar; quod in Ciliciam proficiscebar, existimaui me ad
te oportere scribere. tu quod egeris, id uelim Diæ ap-
probent. sed, si me audies, uitabis inimicitias, et poste-
ritatis otio consules. Vale.

M. T. CICERO IMP. C. CELIO L.

F. QVAES. DES. S. P. D.

Um optatissimū nūcium accepissem, te mihi
C Quæstore obtigisse, eo iucundiorē mihi eā sor-
tē sperabā fore, quo diutius in prouincia me
cū fuisses: magni enim uidebatur interesse, ad eā neces-

situdinem, quam nobis fors tribuisset, consuetudinem
 quoque accedere. postea, cum mihi nihil neque à te ip-
 so, neque ab ullo alio de aduētu tuo scriberetur: uer-
 bar, ne id ita caderet, quod etiam nunc uereor, ne ante,
 quam tu in prouinciam uenisses, ego de prouincia de-
 cederem. accepi autem à te missas literas in Cilicia,
 cum essem in castris, ad X. Cal. Quint. scriptas huma-
 nissime: quibus facile & officium, & ingenium tuū
 perspicī possit: sed neque unde, neque quo die datæ
 essent, aut quo tempore te expectarem, significabant:
 nec is, qui attulerat, à te acceperat, ut ex eo sci-
 rem, quo ex loco, aut quo tempore essent datæ. quæ
 cum essent incerta, existimaui tamen esse faciundum,
 ut ad te statores meos, et liētores cum literis mitterem:
 quas si satis opportuno tempore accepisti, gratissimum
 mihi feceris, si ad me in Ciliciam quamprimum uene-
 ris. nam quod ad me Curius consobrinus tuus, mihi,
 ut scis, maxime necessarius, quod item C. Virginius
 propinquus tuus, familiarissimus noster ad te accur-
 rissime scripsit: ualet id quidem apud me multum, si-
 cuti debet hominum amicissimorum diligens commen-
 datio: sed tuæ literæ, de tua præsertim dignitate, &
 de nostra coniunctione, maximi sunt apud me ponde-
 ris. mihi Quæstor optatior obtingere nemo potuit:
 quamobrem quæcunque à me ornamenta in te profici-
 scentur; ut omnes intelligant, à me habitam esse ra-
 tionem tuæ, maiorumq; tuorum dignitatis. sed id iam
 facilius consequar, si ad me in Ciliciam ueneris. quod
 ego & mea, & Reip. & maxime tua interesse arbi-
 tror. Vale.

CELIO L.

P. D.

cepissem, te mili-
 tiorē mihi eā fore
 in prouincia me-
 te, ad eā neces-

M. TVLLII CICERONIS EPISTOLA=
RVM AD APPIVM
LIBER III.

M. T. CICERO APPIO PVL=
CHRO IMP. S. P. D.

I ipsa Resp. tibi narrare posset, quo
modo sese haberet: non facilius ex ea
S cognoscere posses, quàm ex liberto tuo
Phania: ita est homo non modo pru=
dens, uerum etiam, quod uidi, curiosus.
quapropter ille tibi omnia explanabit: id enim mihi et
ad breuitatem est aptius, & ad reliquas res providen=
tius. De mea autem beneuolentia erga te et si potes ex
eodem Phania cognoscere, tamen uidentur etià aliquæ
meæ partes: sic enim tibi persuade, charissimū te mihi
esse cū propter multas suauitates ingenij, officij, huma=
nitatis tuæ; tum quod ex literis tuis, et ex multorum
sermonibus intelligo, omnia, quæ à me profecta sunt in
te, tibi accidisse gratissima. quod cum ita sit, perficiam
profecto, ut longi temporis usurā, qua caruimus inter=
missa nostra consuetudine, & gratia, crebritate, et ma=
gnitudine officiorum meorum sarciam. idq; me, quoniā
tu ita uis, puto non inuita Minerva esse facturū, quā
quidem ego si forte de tuis sumpsero, non solum Palla=
da, sed etiam Appiada nominabo. Cilix libertus tuus
antea mihi minus fuit notus: sed ut mihi reddidit à
te literas plenas et amoris, & officij, mirifice ipse suo
sermone subsecutus est humanitatem literarum tua=

rum. iucunda mihi eius oratio fuit, cum de animo tuo, cum de sermonibus, quos de me haberes, quotidie mihi narraret. quid quæris? biduo factus est mihi familiaris, ita tamen, ut Phanium ualde sim desideraturus. quem cum Romam remittes, quod, ut putabamus, celeriter eras factururus: omnibus ei de rebus, quas agi, quas curari à me uoles, mandata des uelim. L. Valerium iuriscōsultum ualde tibi commendo, sed ita etiam, si non est iuriscōsultus: melius enim ei cauere uolo, quam ipse alijs solet. ualde hominem diligo. est ex meis domesticis, atque intimis familiaribus. omnino tibi agit gratias: sed idem scribit, meas literas maximum apud te pondus habituras. id eum ne fallat, te etiam atque etiam rogo. Vale.

M. T. C. PROCOS. APPIO PVL

CHRO IMP. S. P. D.

Um & contra uoluntatem meam, & præter opinionem accidisset, ut mihi cum imperio in provinciam proficisci necesse esset: in multis & uarijs molestijs, cogitationibusq; meis hæc una cōsolutio occurrebat, quòd neq; tibi amior, quam ego sum, quisquam posset succedere; neq; ego ab ulla provinciâ accipere, qui mallet eam mihi quâmaxime aptam, explicatamq; tradere. quòd si tu quoque eandem de mea uoluntate erga te spem habes: ea te profectò nunquâ fallat. à te maximopere pro nostra summa coniunctiōne, tuaq; singulari humanitate etiam atque etiam peto, et queso, ut, quibuscunque rebus potes, (potes autem

EPIST. LIB. I.

plurimis)prospicias, & consulas rationibus meis. uides
ex S. C. prouinciam esse habendam. si eam, quoad eius
facere potueris, quamexpeditissimam mihi tradideris:
facilior erit mihi quasi decursus mei temporis. quid in
eo genere efficere possis, tui consilij est. ego te, quod tibi
ueniet in mentem mea interesse, ualde rogo. pluribus
uerbis ad te scriberem, si aut tua humanitas longiorē
orationem expectaret; aut id fieri nostra amicitia pate
retur; aut res uerba desideraret, ac non pro se ipsa lo
queretur. hoc uelim tibi persuadeas, si rationibus meis
à te prouisum esse intellexero, magnā te ex eo, & per
petuam uoluptatem esse capturum. Vale.

M. T. CICERO PROCOS. APPIO
PVLCHRO IMP. S. P. D.

D XI. Cal. Iun. Brundisium cum uenissem,
A Q. Fabius legatus tuus mihi præsto fuit, eaq;
me ex tuis mandatis monuit, quæ non mo
do mihi, ad quæ pertinebant, sed uniuerso senatui uene
rant in mentem, præsidio firmiori opus esse ad istā pro
uinciam: censebant enim omnes ferè, ut in Italia sup
plementū meis, & Bibuli legionibus scriberetur. id cum
Sulpitius Cos. passurum se negaret: multa nos quidem
questi sumus: sed tantus consensus senatus fuit, ut ma
ture proficisceremur, parendum ut fuerit: itaq; feci
mus. Nunc, quod à te petij literis ijs, quas Romæ ta
bellarijs tuis dedi, uelim tibi curæ sit, ut, quæ successorī
cōiunctissimo, & amicissimo commodare potest is, qui
prouinciam tradit, ea pro nostra constantissima uo
luntate erga te, cura, ac diligentia tua complectare: ut

omnes intelligant, nec me beneuolentiori cuiquam succedere, nec te amicali potuisse provinciam tradere. Ex ijs literis, quarum exemplum ad me misisti, quas in senatu recitari uoluisti, sic intellexeram, permultos à te milites esse dimissos, sed mihi Fabius idem demonstrauit id te cogitasse facere; sed cum ipse à te discederet, integrum militum numerum fuisse. id si ita est: pergratum mihi feceris, si istas exiguas copias, quas habuisti, quamminimim imminueris. quæ de re S. C. quæ facta sunt ad te missa esse arbitror. equidem pro eo, quæti te facio, quidquid feceris, approbabo: sed te quoq; confido ea esse facturum, quæ mihi intelliges maxime esse accommodata. Ego C. Pontinum legatum meum Brundusij expectabam: eumq; ante Cal. Ian. Brundisium uenturum arbitror. qui cum uenerit; quæ primum nauigandi nobis facultas data erit, ea utemur. Vale.

M. T. CICERO PROCOS. APPIO
PVLCHRO IMP. S. P. D

Ridie Non. Iun. cum essem Brundusij, literas tuas accepi: quibus erat scriptum, te L. Clodio mandasse, quæ illum mecum loqui uelles. eum sanè expectabam, ut ea, quæ à te afferret, quæ primum cognoscere meum studium erga te, & officium tametsi multis iam rebus spero tibi esse cognitum, tamen in ijs maxime declarabo, quibus plurimum significare potueram, tuam mihi existimationem, & dignitatem charissimam esse mihi & Q. Fabius Virgilianus, & C. Flaccus L. F. & diligentissime M. Octavius Cn. F. demonstrauit, me à te plurimi fieri: quod egomet multis

E P I S T. L I B. III.

argumentis iam antea iudicaram, maximeq; illo libro augurali, quem ad me amantissime scriptum suauissimum misisti. mea in te omnia summa necessitudinis officia constabunt. nam cum te ipsum, ex quo tempore tu me diligere coepisti, quotidie pluris feci: tum accesserunt etiam coniunctiones necessariorum tuorum: duos enim duarum aetatum plurimi facio, Cn. Pompeium filiae tuae socerum, & M. Brutum generum tuum. collegij quoque coniunctio, praesertim tam honorifice à te approbata, non mediocriter uinculum mihi quidem attulisse uidetur ad uoluntates nostras copulandas. sed si Clodium conuenero; ex illius sermone ad te scribam plura; & ipse operam dabo, ut te quamprimum uideam. Quod scribis, manendi tibi causam eam fuisse, ut me conueneres: id mihi, ne mentiar, gratum est. Vale.

M. T. CICERO PROCOS. APPIO
PVLCHRO IMP. S. P. D.

Ralleis ueni ad VI. Cal. Sext. ibi mihi praesto fuit L. Lucilius cum literis, mandatisq; tuis: quo quidem homine neminem potuisti nec mihi amiciorē, nec, ut arbitror, ad ea cognoscenda, quae scire uolebam, aptiorem, prudentiorem ue mittere. ego autem & tuas literas legi libet, & audiui Lucilium diligenter. nūc, quoniam & tu ita sentis; (scribis enim, quae de nostris officijs ego ad te scripserim, etsi ea iucunda fuerunt, tamen, quoniam ex alto repetita sint, non necessaria te putasse) & re uera, confirmata amicitia, & perspecta fide, commemoratio officiorum suae peruacanea

peruacanea est : eam partem orationis prætermittam.
tibi tamen agam, ut debeo, gratias : animaduerti enim,
& didici ex tuis literis, te omnibus in rebus habuisse
rationem, ut mihi consuleres, restitueresq; & præpara-
res quodam modo omnia, quo mea ratio facilior & so-
lutor esse posset. hoc tuum officium cum mihi gratif-
simum esse dicam : sequitur illud, ut te existimare ue-
lim, mihi magnæ curæ fore, atque esse iam, primum ut
ipse tu, tuiq; omnes, deinde etiam ut reliqui scire pos-
sint, me tibi esse amicissimum. quod quibus adhuc non
satis est perspectum, ij mihi nolle magis hoc animo nos
esse, quàm non intelligere uidentur. sed profecto intel-
ligent : neq; enim obscuris personis, nec paruis in causis
res agetur. sed hoc fieri melius, quàm dici, aut scribi
uolo. Quòd iterum meorum ratio te & non nul-
lam in dubitationem uidetur adducere, uisurus ne me
sis in prouincia : ea res sic habet. Brūdusij cum loquerer
cum Phania liberto tuo, ueni in eum sermonem, ut dice-
rem, me libenter ad eam partem prouinciæ primū esse
uenturū, quò te maxime uelle arbitrarer. tunc mihi il-
le dixit, classe te uelle decedere : perfore accommoda-
tū tibi, si ad Sidam, maritimā partem prouinciæ, nauis
bus accessissem. dixi me esse facturum : itaq; fecissem
nisi mihi L. Clodius noster Corcyræ dixisset, minime id
esse faciendū ; te Laodiceæ fore ad meum aduētū. erat
id mihi multo breuius. multoq; commodius, cū præfer-
tim te ita malle arbitrarer. tua ratio postea est cōmu-
tata. nunc, quid fieri possit, tu facillime statues. ego tibi
meum consiliū exponam. prid. Cal. Sext. puto me Lao-
diceæ fore : ubi perpaucos dies, dum pecunia accipitur,

E

quæ mihi ex publica permutatione debetur, commorabor. deinde iter faciam ad exercitum: ut circiter Id. Sext. putem me ad Iconium fore. sed si quid nunc me fallit in scribendo (procul enim aberam ab re ipsa, & locis) simul ac progredi cœpero, quàm celerrimis poterō, & quàm creberrimis literis faciā, ut tibi nota sit omnis ratio dierum, atque itinerum meorum. oneris tibi imponere nec audeo quidquam, nec debeo: sed, quod tuo commodo fieri possit, utriusque nostrum magni interest, prius ut te conueniam, quàm decedas. quam facultatem si quis casus eripuerit: mea tamē in te omnia officia constabunt, non secus, ac si te uidissem. tibi de nostris rebus nihil sum ante mādaturus per literas, quàm desperaro coram me tecum agere posse. Quod te à Scæuola petiisse dicis, ut, dum tu abesses ante aduentū meum, prouinciæ præesset: eum ego Ephesi uidi, fuitq; mecum familiariter triduum illud, quod ego Ephesi cōmoratus sum: nec ex eo quidquam audiui, quod sibi à te mādatum diceret, sanē uellem potuisset obsequi uoluntati tuæ: non enim arbitror noluisse. Vale.

M. T. CICERO PROCOS. APPIO
PVLCHRO IMP. S. P. D

Um meum factum cum tuo comparo; etsi nō
C magis mihi faueo in nostra amicitia tuenda,
quàm tibi, tamen multo magis meo facto de
lector, quàm tuo. ego. n. Brundusij quæsiui ex Phania,
cuius mihi uidebar & fidelitatē erga te perspexisse, &
nosse locum, quem apud te is teneret, quam in partē
prouinciæ maxime putaret te uelle ut in succedēdo pri

mum sa
gratius
et si mi
tas rei
factum
nissim,
lo quam
factum
set, pri
set, mag
te in pr
deres: q
uidere, t
fuisse qu
quas ego
uidebar
ita esse
lud esset
& consi
literas r
ture ad
etor: mi
cissim tu
mū uide
qui quid
lege, ut op
illis qui
minis, ut
uero cōt
tamen a

mum uenirem. cum ille mihi respondisset, nihil me tibi
 gratius facere posse, quàm si ad Sidam nauigassem:
 etsi minus dignitatis habebat ille aduentus, & ad mul-
 tas res mihi minus erat aptus; tamen me ita dixi esse
 facturum. idem ego cum L. Clodium Corcyrae conue-
 nissem, hominem ita tibi coniunctum, ut mihi, cum il-
 lo quum loquerer, tecum loqui uiderer: dixi ei me ita
 facturum esse, ut in eam partem, quam Phania rogaf-
 set, primum uenirem. tunc mihi ille cum gratias egis-
 set, magnopere à me petiuit, ut Laodiceam protinus irem:
 te in prima provincia uelle esse, ut quamprimum dece-
 deres: quin, nisi ego successor essem, quem tu cuperes
 uidere, te antea, quàm tibi successum esset, decessurum
 fuisse. quod quidem erat consentaneum cum ijs literis,
 quas ego Romae acceperam: ex quibus perspexisse mihi
 uidebar, quàm festinares decedere. respondi Clodio, me
 ita esse facturum, ac multo quidem libētius, quàm si il-
 lud esset faciendum, quod promiseram Phaniae. itaque
 & consiliū mutauī: & ad te statim mea manu scriptas
 literas misi: quas quidē ex tuis literis intellexi satis ma-
 ture ad te esse perlatas. hoc ego meo facto ualde dele-
 ctor: nihil enim potuit fieri amantius. cōsidera nunc ut-
 cissim tuū. Non modo ibi non fuisti, ubi me quamprī-
 mū uidere posses: sed eò discessisti, quò ego te ne perse-
 qui quidē possem triginta diebus, qui tibi ad decedēdū
 lege, ut opinor, Cornelia constituti essent: ut tuū factū
 illi, qui, quo animo inter nos simus, ignorat, alieni ho-
 minis, ut leuissime dicā, & fugientis cōgressum, meum
 uero cōiunctissimi & amicissimi esse uideatur. ac mihi
 tamen ante, quàm in provinciā uenirē, redditæ sunt

EPIST. LIB. III.

à te literæ: quibus etsi te Tarsum proficisci demonstra-
bas, tamen mihi non dubiam spem mei conueniendi af-
ferebas: cum interea credo equidem maleuoli homines
(late enim patet hoc uitium, & est in multis) sed tamē
probabilem materiam naēti sermonis, ignari meæ con-
stantiæ, conabantur alienare à te uoluntatem meam:
qui te forum Tarsi agere, statuere multa, decernere, iu-
dicare dicerent, cum posses iam suspicari, tibi esse suc-
cessum; quæ ne ab ijs quidem fieri solerent, qui breui
tempore sibi successum iri putarent. horū ego sermo-
ne nō mouebar: quin etiam (credas mihi uelim) si quid
tu ageres, leuari me putabam molestia: & ex annua
prouincia, quæ mihi longa uideretur, propè iam unde-
cim mensium prouinciam factam esse gaudebam, si
absenti mihi unius mensis labor detractus esset. illud
(uere dicam) me mouet, in tãta militum paucitate ab-
esse treis cohortes, quæ sint plenissimæ, nec me scire ubi
sint. molestissime autem fero, quod, te ubi uisurus sim,
nescio: eosq; ad te tardius scripsi, q̃ quotidie te ipsum
expectabam: cum interea ne literas quidem ullas acce-
pi, quæ me docerent, quid ageres, aut ubi te uisurus es-
sem. itaque uirum fortem, mihiq; in primis probatum
Antonium præfectum euocatorum misi ad te, cui, si tibi
uideretur, cohortes traderes: ut, dum tempus anni esset
idoneum, aliquid negotij gerere possem. in quo tuo cō-
silio ut me sperarem esse usurum, & amicitia nostra,
& literæ tuæ fecerant: quod ego ne nunc quidem des-
pero. sed plane, quando, aut ubi te uisurus sim, nisi ad
me scripseris, ne suspicari quidem possum. ego, ut me
tibi amicissimum esse & æqui & iniqui intelligant,

curabo
uideris
de gra
me salu
uent pri
docim. c
ex diebu
conueni
fieri pos

M.

P

perare d
ad Brutu
men à te
eorū adi
la peteb
ad facult
querebar
quàm ego
fuisse imp
cum ad h
accipe: &
Primū cu
intolerabi
scribere;

curabo. de tuo in me animo iniquis secus existimandi uideris non nihil loci dedisse. id si correxeris, mihi ualde gratum erit. Et ut habere rationem possis, quo loco me salua lege Cornelia conuenias: ego in prouinciam uent prid. Cal. Sext. iter in Ciliciam facio per Cappadociam. castra moui ab Iconio prid. Cal. Sept. nunc tu et ex diebus, Et ex ratione itineris, si putabis me esse conueniendum, constitues, quo loco id commodissime fieri possit, Et quo die. Vale.

M. T. C I C E R O P R O C O S. S. D.

A P P I O P V L C H R O.

Luribus uerbis ad te scribam, cum plus otij nas-
 P Etus ero. hæc scripsi subito, cum Bruti pueri
 Laodiceæ me conuenissent, Et se Romam pro-
 perare dixissent. itaque nullas ijs, præterquam ad te, Et
 ad Brutum, dedi literas. Legati Appiani mihi uolun-
 tatem à te plenum querelæ iniquissimæ reddiderunt, quæ
 eorū ædificatione literis meis impedissem. eadem episto-
 la petebas, ut eos quâprimùm, ne in hiemem incideret,
 ad facultatem ædificandi liberarem: Et simul peracute
 querebare, quòd eos tributa exigere uetarem prius,
 quàm ego re cognita permissem: genus enim quoddam
 fuisse impediendi, cum ego cognoscere non possem, nisi
 cum ad hiemem me ex Cilicia recepissem. ad omnia
 accipe: Et cognosce æquitatem expostulationis tuæ.
 Primùm cum ad me aditum esset ab ijs, qui dicerent à se
 intolerabilia tributa exigere: quid habuit iniquitatis, me
 scribere, ne facerent ante, quàm ego rem, causamque

E iij

cognoscerem? non poteram, credo, ante hiemem: sic enim scribis. quasi uero ad cognoscendum ego ad illos: nō illi ad me uenire debuerint. tā longo, inquis? quid? cum dabas ijs literas, per quas mecum agebas, ne eos impedirem, quo minus ante hyemem ædificarent; non eos ad me uenturos arbitrabare? tametsi id quidem fecerunt ridicule: quas enim literas afferebant, ut opus æstate facere possent; eas mihi post brumam reddiderunt. sed scito, & multo plures esse, qui de tributis recusent, quā qui exigi uelint; et me tamen, quod te uelle existimem, esse facturum. de Appianis hætenus. A Pausania, Lentuli liberto, accenso meo, audiui, cum diceret, te secum esse questum, quod tibi obuiam non prodixsem. scilicet contempsisti te: nec potest fieri me quidquam superbius. cum puer tuus ad me secunda ferē uigilia uenisset; isq; te ante lucem Iconium mihi uenturum nunciasset; incertumq; utra uia, cum essent duæ: altera Varronem tuum familiarissimum, altera Q. Leptam præfectam fabrum meum tibi obuiam misit: mandauit utrique eorum, ut ante ad me excurrerent, ut tibi obuiam prodire possem. currens Lepta uenit; mihiq; nunciauit, te iam castra prætergressum esse. confestim Iconium ueni. Cætera iam tibi nota sunt. an ego tibi obuiam non prodirem? primum Appio Claudio? deinde Imperatori? deinde more maiorum? deinde, quod caput est, amico? præsertim cum in isto genere multo etiā ambiciosius facere soleam, quā nos meus & dignitas postulet. sed hæc hætenus, illud idem Pausania dicebat te dixisse: Quid? Appius Lentulo, Lentulus Appio processit obuiam, Cicero

Appio
mo mea
Etrina
virtus
aut Lent
ta uirtus
eram, qua
men ista
roseos, q
postea uen
ria, ut r
riam acq
quam, se
mehercule
quem om
lum, que
nihil erra
quid sit
lius quid
redeam, m
cissimum,
ciji efficiat
si id agis, u
re uideari
ra. magis
iunctura
perficies, q
re, ut, qua
ad te scripsi
neuoletia

Appio noluit? Quæso, etiam ne tu has ineptias, homo mea sententia summa prudentia, multa etiam doctrina, plurimo rerum usu, addo urbanitatem, quæ est uirtus, ut Stoici rectissime putant, ullam Appietatem, aut Lentulitatem ualere apud me plus, quam ornamenta uirtutis existimas? cum ea consecutus non dumeram, quæ sunt hominum opinionibus amplissima: tamen ista uestra nomina nunquam sum admiratus: uiros eos, qui ea uobis reliquissent, magnos arbitrabar. postea uero quàm ita et accepi, et gessi maxima imperia, ut mihi nihil neque ad honorem, neque ad gloriam acquirendum putarem: superiorem quidem nunquam, sed parem uobis me speraui esse factum. nec mehercule aliter uidi existimare uel Cn. Pompeium, quem omnibus, qui unquam fuerunt; uel P. Lentulum, quem mihi ipsi antepono. tu si aliter existimas, nihil errabis, si paulo diligentius, (ut, quid sit ἐξοχή, quid sit εὐγένεια, intelligas) Athenodorus Sandonis filius quid de his rebus dicat, attenderis. sed ut ad rem redeam, me tibi non amicum modo, uerum etiam amicissimum, existimes uelim. profecto omnibus meis officijs efficiam, ut ita esse uere possis iudicare. tu autem si id agis, ut minus mea causa, dum ego absum, debere uidearis, quàm ego tua laborarim: libero te ista cura. παρ' ἐμοί γε καὶ ἄλλοι, οἳ κ' ἐμὲ τιμῶσιν, μάλιστα δὲ μητίετα Ζεὺς. si autem natura es φιλαίτιος: illud non perficies, quo minus tua causa uelim: hoc assequere, ut, quam in partem accipias, minus laborem. hæc ad te scripsi liberius, fretus conscientia officij mei, beneuolentiæq; , quam à me certo iudicio susceptam,

EPIST. LIB. III.
quoad tu uoles, conseruabo. Vale.

M. T. CICERO PROCOS. S. D.
APPIO PVLCHRO.

¶ Si, quantum ex literis tuis intelligere potui,
uidebam te hanc epistolam, cum ad Urbem
esses, esse lecturum, refrigerato iam leuissimo
sermone hominum provincialium: tamen, cum tu tam
multis uerbis ad me de improborum oratione scripsis-
ses, faciendum mihi putauit, ut tuis literis breui respon-
derem. sed prima duo capita epistolæ tuæ tacita mihi
quodam modo relinquenda sunt: nihil enim habent,
quod aut definitum sit, aut certum; nisi, me uultu &
taciturnitate significasse, tibi non esse amicum; idq; pro
tribunali, cum aliquid ageretur, & non nullis in con-
uiujs intelligi potuisse. hoc totum nihil esse, possum in-
telligere: sed cum sit nihil, nec quid dicatur quidem in-
telligo. illud quidem scio, meos multos, & illustreis
& ex superiore, & ex æquo loco sermones habitos cum
tua summa laude, & cum magna significatione nostræ
familiaritatis, ad te uere potuisse deferri. Nam quod
ad legatos attinet: quid à me fieri potuit aut elegan-
tius, aut iustius, quàm ut sumptus egentissimarum ci-
uitatum minuerem sine ulla imminutione dignitatis
tuæ, præferim ipsis ciuitatibus postulantibus? nam
mihi totum genus legationum tuo nomine proficiscen-
tium notum non erat. Apameæ cum essem, multarum
ciuitatū principes ad me detulerunt, sumptus decerni
legatis nimis magnos, cum soluendo ciuitates non es-

sent. Is
nem no
quim
num de
li mult
dium fer
(de ea
laudat
eorum e
gationib
aut loc
te bene
mine ne
cium su
etus esse
missiur
nisi quo
um quo
accom
riam fa
ad hanc
etum. i
cum Sar
dem uer
prum cap
ciuitatu
taria ciu
uero, et
quid, in
enim era

sent. hic ego multa simul cogitaui. primum, te, hominem non solum sapientem, uerum etiam, ut nunc loquimur, urbanum, non arbitrabar genere isto legationum delectari. idque me arbitror Synnadis pro tribunali multis uerbis disputauisse: primum, Appium Claudium senatui, populoque R. non Myndensium testimonio (de ea enim ciuitate metio facta est) sed sua sponte esse laudatum: deinde me ista uidisse multis accidere, ut eorum causa legationes Romam uenirent; sed his legationibus non meminisse ullum tempus laudandi, aut locum dari: studia mihi eorum placere, quod in te benemerito grati essent; consilium totum uideri mihi necesse: si autem uellent declarare in eo officium suum; laudaturum me, si quis suo sumptu functus esset officio; concessurum, si legitimo; non permissurum, si infinito. quid enim reprehendi potest; nisi quod addis, uisum esse quibusdam edictum meum quasi consulto ad istas legationes impediendas esse accommodatum. iam non tam mihi uidentur inuicem facere, qui haec disputant, quam si cuius aures ad hanc disputationem patent. Romae composui edictum. nihil addidi, nisi quod publicani me rogarunt, cum Samum ad me uenissent, ut de tuo edicto totidem uerbis transferrem in meum. diligentissime scriptum caput est, quod pertinet ad minuendos sumptus ciuitatum: quo in capite sunt quaedam noua saluaria ciuitatibus, quibus ego magnopere delector. hoc uero, ex quo suspicio nata est, me exquisiuisse aliquid, in quo te offenderem, tralatitium est. neque enim eram tam desipiens, ut privata rei causa legari

E P I S T. L I B. A I I.

putarem, qui & tibi non privato, & pro re non privata sua, sed publica; non in privato, sed in publico orbis terræ consilio, id est in senatu ut gratias agerent, mittebatur. neque cum edixi, ne quis iniussu meo profisceretur, exclusi eos, qui me in castra, & qui trans Taurum persequi non possent; nam id est maxime in tuis literis ridendum: quid enim erat, quod me persequerentur in castra, Taurum ue transirent; cum ego Laodicea usque ad Iconium iter ita fecerim, ut me omnium illarum dioecesium, quæ cis Taurum sunt, omniumq; earum ciuitatum magistratus, legationesq; cōuenirent? nisi forte postea cœperunt legare, quàm ego Taurum trāsgressus sum. quod certe non ita est. cum enim Laodiceæ, cum Apameæ, cum Synnadis, cum Philomeli, cum Iconij essem; quibus in oppidis omnibus commoratus sum: omnes iam istius generis legationes erant constitutæ. atque hoc tamen te scire uolo, me de isto sumptu legationum aut minuendo, aut remittendo decreuisse nihil, nisi quod principes ciuitatum à me postulassent, ne in uenditionem tributorum, & illā acerbissimam exactionem, quam tu non ignoras, capitum, atque hostiorum induceretur sumptus minime necessarij. ego autem, cum hoc suscepissem, non solum iustitia, sed etiam misericordia adductus, ut leuarem miseris perditas ciuitates, & perditas maxime per magistratus suos: non potui in illo sumptu non necessario negligens esse. tu, cum istiusmodi sermones ad te delati de me sunt, non debuisti credere. si autem eo genere delectaris, ut, quæ tibi in mentem ueniant, alijs attribuas: genus sermonis inducis in amicitiam. mini =

me liber
re unqu
lum, na
prefect
re uelle
bus auct
clarissime
re: Dispa
ego nega
putas? n
nire uol
bus meus
tuus Tary
id ipsum
quæ alios
sin alij t
dis, culpa
stra const
torem fir
sentem se
turū non
dendus es
absentem
nis, in quo
le dici: si
florum, et
men ipsum
ue aut gra
cum Corcy
xime quer

me liberale . ego , si in provincia de tua fama detrahere unquam cogitassem , non ad generum tuum Lentulum , neque ad libertum tuum Brundusij , neque ad præfectum fabrum Corcyrae , quem in locum me uenire uelles , retulissem . quare potes , doctissimis hominibus auctoribus , quorum sunt de amicitia gerenda præclarissime scripti libri , genus hoc totum orationis tollere : Disputabant ; ego contra differebam : Dicebant ; ego negabam . an mihi de te nihil esse dictum unquam putas ? ne hoc quidem , quod , cum me Leodiceam uenire uoluisses , Taurum ipse transisti ? quod iisdem diebus meus conuentus erat Apameæ , Synnadis , Philomeli , tuus Tarsi ? non dicam plura , ne , in quo te obiurgem , id ipsum uidear imitari . illud dicam , ut sentio : si ista , quæ alios loqui dicis , ipse sentis ; tua summa culpa est : sin alij tecum hæc loquuntur ; tua tamen , quod audis , culpa nonnulla est . mea ratio in tota amicitia nostra constans et grauis reperietur . quod si quis me astutiores fingit : quid potest esse callidius , quam , cum te absentem semper defenderim , cum præsertim mihi usu uenturum non arbitrarer , ut ego quoque absens à te defendendus essem ; nunc committere , ut tu iure optimo me absentem deserere posses ? unum genus excipio sermonis , in quo persæpe aliquid dicitur , quod te putem nolle dici : si aut legatorum tuorum cuipiam , aut præfectorum , aut Tribunorum mil. male dicitur : quod tamen ipsum non mehercule adhuc accidit me audiente , ut aut grauius diceretur , aut in plures , quam mecum Corcyrae Clodius est locutus , cum in eo genere maxime quereretur te aliorum improbitate minus feli-

EPIST. LIB. III.

cem fuisse hos ego sermones, quod & multi sunt, & tuam existimationem, ut ego sentio, non offendunt, la-
cessui nunquam, sed non ualde repressi. si quis est, qui
neminem bona fide in gratiam putet redire posse: non
nostram is perfidiam coarguit, sed indicat suam: si-
mulq; non de me is peius, quam de te existimat. sin au-
tem quem mea instituta in provincia non delectat; &
quadam dissimilitudine institutorum meorum ac tuo-
rum laedi se putat, cum uterq; nostrum recte fecerit,
sed non idem uterq; secutus sit: hunc ego amicum ha-
bere non curo. liberalitas tua, ut hominis nobilissimi,
latius in provincia patuit: nostra si angustior; & si
de tua proluxa, beneficaq; natura limauit aliquid poste-
rior annus, propter quandam tristitiam temporum;
non debent mirari homines, cum & natura semper ad
largiendum ex alieno fuerim restrictior, & tempori-
bus, quibus alij mouentur, iisdem ego mouear, me esse
acerbum sibi, ut sim dulcis mihi. De rebus urbanis
quod me certiore fecisti, cum per se mihi gratum fuit,
tum qd significasti tibi omnia mea mandata cura fore:
in quibus unum illud te precipue rogo, ut cures, ne
quid mihi ad hoc negotij aut oneris accedat, aut tem-
poris: Hortensiumq; nostrum collegam, & familia-
rem roges, ut, si unquam mea causa quidquam aut sen-
sit, aut fecit, de hac quoq; sententia bima decedat, qua
mihi nihil potest esse inimicius. De nostris rebus quod
scire uis: Tarso Non. Oct. Amanum uersus profecti
sumus. hac scripsi postridie eius diei, cum castra habe-
rem in Agro Mopsuhestiae. si quid egero, scribam ad te:
neque domum unquam ad meos literas mittam, quin

adiung
queris,
Parthica
esse in
sepissime
ni Resp. si
cuius literis
iturum.

M. T.

V

tem reddi
egressus e
prohibiti
impedita
tis erga t
teris lect
intellexi
mo inter
cesseris, u
ex ijs, qua
ruendis e
itaque qua
literis scrip
gnitatem p
mihi grati
HIL est e
potius effu

adiungam eas, quas tibi reddi uelim. De Parthis quod quæris, fuisse nullos puto. Arabes qui fuerunt admixto Parthico ornatu, dicuntur omnes reuertisse. hostem esse in Syria negant ullum. Tu uelim ad me quam sèpiissime & de tuis rebus scribas, & de meis, et de omni Reip. statu: de quo sum sollicitus, eo magis, quòd ex tuis literis cognoui, Pompeium nostrum in Hispaniam iturum. Vale.

M. T. C. IMP. APPIO PVLCHRO S. D.

IX tandem legi literas dignas Appio Clodio,
 V plenarum humanitatis, officij, diligentiæ. aspectus uidelicet Urbis tibi tuam pristinam urbanitatem reddidit. nã quas ex itinere ante, quàm ex Asia egressus es, ad me literas misisti, unas de legatis à me prohibitis proficisci, alteras de Apameorum ædificatione impedita, legi perinuitus. itaque conscientia meæ cõstantis erga te uoluntatis rescripsi tibi subiratus. ijs uero literis lectis, quas Philotimo liberto meo dedisti, cognoui, intellexiq; in prouincia multos fuisse, qui nos, quo animo inter nos sumus, esse nollent: ad Urbem uero ut accesseris, uel potius ut primum tuos uideris, cognosse te ex ijs, qua in te absentem fide, qua in omnibus officijs tuendis erga te obseruantia, & constantia fuisset. itaque quanti illud me æstimare putas, quod est in tuis literis scriptum? si quid acciderit, quod ad meam dignitatem pertineat, etsi uix fieri possit, tamen te parè mihi gratiam relaturum. tu uero facile facies: N I L est enim, quod studio, & beneuolentia, uel amore potius effici non possit. Ego, etsi & ipse ita indica-

EPIST. LIB. III.

bam, & fiebam crebro à meis per literas certior: tamen
 maximā lētitiā cepi ex tuis literis de spē minime du-
 bia, & planē explorata triūphi tui: neq; uero ob eam
 causam, quo ipse facilius consequeretur, (nam id quidem
 εὐτυχίῳ εἶναι est) sed mehercule, quod tua dignitas, atque
 amplitudo mihi est ipsa chara per se. quare quoniam
 plures tu habes, quā ceteri, quos scias in hanc pro-
 uinciam proficisci, quod te adeunt fere omnes, si quid
 uelis: gratissimum mihi feceris, si ad me, simul at-
 que adeptus eris, quod & tu confidis, & ego opto, li-
 teras miseris. longi subsellij, ut noster Pompeius ap-
 pellat, indicatio, & mora si quem tibi item unum, alte-
 rum uel diem abstulerit, (quid enim potest amplius?)
 tua tamen dignitas suum locum obtinebit. sed si me di-
 ligis, si à me diligere uis, ad me literas, ut quamprimum lē-
 titia afficiar, mittito. Et uelim, reliquum quod est pro-
 missi, ac muneris tui, mihi persoluas. cum ipsam cogni-
 tionem iuris auguralis consequi cupio: tum mehercule
 tuis incredibiliter studiis erga me, muneribusq; dele-
 ctor. quod autem à me tale quiddam desideras: sanē
 mihi considerandum est, quonam te remunerer potissi-
 mum genere: nam profecto non est meum, qui in scri-
 bendo, ut soles admirari, tantum industriæ ponam, com-
 mittere, ut in scribendo negligens fuisse uidear; præ-
 sertim cum id non modo negligentis, sed etiam ingrati
 animi crimen futurum sit. uerum hæc uidebimus.
 Illud, quod polliceris, uelim pro tua fide, diligētiaq; , &
 pro nostra non instituta, sed iam inueterata amicitia
 cures, enitare, ut supplicatio nobis quam honorificentissi-
 me quamprimum decernatur. omnino serlus misi literas,

quàm uellem . in quo cum difficultas nauigandi fuit
odiosa : tum in ipsum discessum senatus incidisse crea-
do meas literas . sed id feci adductus auctoritate , et cō-
silio tuo : idq; à me recte factum puto , quòd non sta-
tim ut Imperator appellatus sim , sed alijs rebus additis ,
æstiuisq; confectis , literas miserim . hæc igitur tibi erunt
curæ , quem admodum ostendis : meq; totum , & mea ,
& meos commendatos habebis . Vale .

M. T. CICERO IMP. APPIO
PVLCHRO S. P. D.

Um est ad nos allatum de temeritate eorū,
C qui tibi negotium facerent , etsi grauius
primo nuncio commotus sum , quòd nihil tã
præter opinionem meam accidere potuit : tamē , ut me
collegi , cætera mihi facillima uidebantur , quòd et in te
ipso maximam spem , & in tuis magnam habebam ;
multaq; mihi ueniebant in mentem , quamobrem istū
laborem tibi etiam honori putarem fore : illud planē
moleste tuli , quòd certissimum et iustissimum trium-
phum hoc inuidorum consilio esse tibi ereptum uide-
bam . quod tu si tanti facies , quanti ego semper ius-
dicaui faciendum esse : facies sapienter , & ages ui-
etor ex inimicorum dolore triumphum iustissimum :
ego enim planē uideo fore neruis , opibus , sapientiāq;
tua , uehementer ut inimicos tuos pœniteat intem-
perantiæ suæ . De me tibi sic , contestans omnes deos ,
promitto , atque confirmo : me pro tua dignitate (malo
enim dicere , quàm pro salute) in hac prouincia , cui tu

præfuiſti, rogando, deprecatoris; laborando, propin-
 qui; auctoritate, chari hominis (ut ſpero) apud ciuita-
 tes; grauitate, Imperatoris ſuſcepturum officia, atque
 parteis. omnia uolo à me & postules, & expectes.
 uincam meis officijs cogitationes tuas. Q. Seruilius
 per breues à te mihi literas reddidit, quæ mihi tamen
 nimis longæ uisæ ſunt: iniuriam enim mihi fieri pu-
 tabam, cum rogabar. nollem accidisset tempus, in quo
 perſpicere poſſes, quanti ego te, quanti Pompeium, quæ
 unum ex omnibus facio, ut debeo, plurimi, quanti Bru-
 tum facerem: quanquam in conſuetudine quotidiana
 perſpexiſſes, ſicuti perſpices. ſed quoniam accidit: ſi
 quid à me prætermiſſum fuerit, commiſſum facinus,
 & admiſſum dedecus cōfitebor. Pontinus, qui à te tra-
 ctatus eſt præſtanti ac ſingulari fide, cuius tui beneficij
 ſum ego teſtis, præſtat tibi memoriã, beneuolentiamq;
 quàm debet. qui, cum maximis rebus ſuis coactus à
 me inuitiſſimo deceſſiſſet; tamen, ut uidit tua intereſ-
 ſe, conſcendens iam nauem Epheso Laodiceam reuertit.
 talia cum te ſtudia uideam habiturũ eſſe innumerabi-
 lia: plane dubitare non poſſum, quin tibi amplitudini
 iſta ſollicitudo futura ſit. ſi uero effeceris, ut Cenſor
 creeris; & ſi ita geſſeris Cenſuram, ut & debes, & po-
 tes: non tibi ſolum, ſed tuis omnibus uideo in perpe-
 tuum ſummo te præſidio futurum. Illud pugna, &
 enitere, ne quid nobis temporis prorogetur: ut, cum
 hic tibi ſatiſfecerimus, iſtic quoque noſtram in te bene-
 uolentiam nauare poſſimus. Quæ de hominum, at-
 que ordinum omniũ erga te ſtudijs ſcribis ad me, mini-
 me mihi miranda, et maxime iucunda acciderunt: ea-
 demq;

demq;
 que cap
 amicitia
 tribui,
 in ciuita
 fortes,
 per tribu
 illud uer
 tem fuiſſ
 capitis in
 mictijs
 tunarum
 nibus ue
 (ut leuiſſ
 tus & po
 miliari
 ſcripta
 tuas inim
 remiſſem
 erga te
 cuiquam
 ficatur in
 tua: de
 landi, pur
 cuiquam
 mam ad l
 ſite palam
 clam, ma
 perfidia,
 men ea ſt

demq; ad me perscripta sunt à familiaribus meis. itaque capio magnam uoluptatem, cum tibi, cuius mihi amicitia non solum ampla, sed etiam iucunda est, ea tribui, quæ debeantur; tum uero etiamnum remanere in ciuitate nostra studia propè omnium consensu erga fortes, & industrios uiros: quæ mihi ipsi una semper tributa merces est laborum, & uigiliarum mearum. illud uero mihi permirum accidit, tantam temeritatem fuisse in eo adolescente, cuius ego salutem duobus capitis iudicijs summa contentione defendi, ut tuis inimicijs suscipiendis obliuisceretur patroni omnium fortunarum, ac rationum suarum; præsertim cum tu omnibus uel ornamentis, uel præsijs redundares, illi (ut leuissime dicam) multa desent: cuius sermo stultus & puerilis erat iam antea ad me à M. Celio familiari nostro perscriptus: de quo item sermone multa scripta sunt abs te. ego autem citius cum eo, qui tuas inimicitias suscepisset, ueterem coniunctionem di remissem, quàm nouam conciliaissem: neque enim de meo erga te studio dubitare debes: neque id est obscurum cuiquam in prouincia, nec Romæ fuit. sed tamen significatur in tuis literis suspicio quedam, & dubitatio tua: de qua alienum tempus est mihi tecum expostulandi, purgandi autem mei necessarium. ubi enim ego cuiquam legationi fui impedimento, quo minus Romam ad laudem tuam mitteretur: aut in quo potui, si te palam odissem, minus quod tibi obesset, facere? si clàm, magis aperte inimicus esse? quod si essem ea perfidia, qua sunt ij, qui in nos hæc conferunt: tamen ea stultitia certe non fuisset, ut aut in obscuro

F

odio apertas inimicitias, aut, in quo tibi nihil nocerem, summam ostenderem uoluntatem nocendi. ad me adire quosdam memini, qui dicerent, nimis magnos sumptus legatis decerni: quibus ego non tam imperaui, quam censui, sumptus legatis quam maxime ad legem Corneliam decernendos. atque in eo ipso me non perseverasse, testes sunt rationes ciuitatum: in quibus quantum quaque uoluit legatis tuis datum, induxit. te autem quibus mendacibus homines leuissimi onerarunt? non modo sublato sumptus, sed etiam a procuratoribus eorum, qui iam profecti essent, repetitos, et ablatos, eamque causam multis omnino non eundi fuisse. quereretur tecum, atque expostularem, nisi, ut supra scripsi, purgare me tibi hoc tuo tempore, quam accusare te mallet, idque putarem esse rectius. itaque nihil de te, quod credideris de me, quod obrem non debueris credere, pauca dicam. nam si me uirum bonum, si dignum istis studiis, eaque doctrina, cui me a pueritia dedi, si satis magni animi, non minimi consilij in maximis rebus perspectum habes: nihil in me non modo perfidiosum, et insidiosum, et fallax in amicitia, sed ne humile quidem, aut ieiunum debes agnoscere. sin autem me astutum, et occultum lubet fingere: quid est, quod minus cadere in eiusmodi naturam possit, quam aut florentissimi hominis aspernari beneuolentiam; aut eius existimationem oppugnare in provincia, cuius laudem domi defenderis; aut in ea re animum ostendere inimicum, in qua nihil obis; aut id eligere ad perfidiam, quod ad indicandum odium apertissimum sit, ad nocendum leuissimum? quid erat autem, cur ego in te tam implacabilis essem, cum te

exfrat
esset ea
sem. et
expetissi
fi, quae
mibi ma
expectati
id est ma
re: quid
aptius, q
coniuncti
pingui
possent
tua, non
secutus f
bentissim
liando, su
uictus, se
domestica
suis in g
rari pote
cerdotij ci
ri apud m
quidem f
esset intmi
ta: quis u
tuis, aut de
filie tuae?
salutem, di
tuum pui

ex fratre meo ne tunc quidem, cum tibi propè necesse
esset eas agere partes, inimicum mihi fuisse cognouis-
sem? cum uero reditum nostrum in gratiam uterque
expetisset: quid in Consulatu tuo frustra mecum egi-
sti, quod me aut facere, aut sentire uoluisses? quid
mihi mandasti, cum te Puteolis prosequerer, in quo nō
expectationem tuam diligentia mea uicerim? quòd si
id est maxime astuti, omnia ad suam utilitatem refer-
re: quid mihi tandem erat utilius, quid cōmodis meis
aptius, quàm hominis nobilissimi, atque honoratissimi
coniunctio, cuius opes, ingenium, liberi, affines, pro-
pinqui mihi magno uel ornamento, uel præsidio esse
possent? quæ tamen ego omnia in expetenda amicitia
tua, non astutia quadam, sed aliqua potius sapientia
secutus sum. quid illa uincula, quibus quidem li-
bentissime astringor, quanta sunt? studiorum simi-
litudo, suauitas consuetudinis, delectatio uitæ, atque
uictus, sermonis societas, literæ interiores. atque hac
domestica. quid illa tandem popularia? reditus illu-
stris in gratiâ, in quo ne per imprudentiam quidem er-
rari potest sine suspitione perfidiæ; amplissimi sa-
cerdotij collegium, in quo non modo amicitiam uiola-
ri apud maiores nostros fas non erat, sed ne cooptari
quidem sacerdotem licebat, qui cuiquam ex collegio
esset inimicus. quæ ut omitam tam multa, atque tan-
ta: quis unquam tanti quenquam fecit, aut facere po-
tuit, aut debuit, quanti ego Cn. Pompeium socerum
filix tuæ? etenim si merita ualent: patriam, liberos,
salutem, dignitatem, memet ipsum mihi per illum resti-
tutum puto. si consuetudinis iucunditas: quæ fuit

unquam amicitia consularium in nostra ciuitate coniunctior? si ulla amoris, atque officij signa: quid mihi ille non commisit? quid non mecum communicauit? quid de se in senatu, cum ipse abesset, per quenquam agi maluit? quibus ille me rebus non ornatissimū uoluit amplissime? qua denique ille facilitate, qua humanitate tulit contentionem meam pro Milone, aduersantem interdum actionibus suis? quo studio prouidit, ne qua me illius temporis inuidia attingeret, cum me consilio, cum auctoritate, cum armis denique texit suis? quibus quidem temporibus hæc in eo grauitas, hæc animi altitudo fuit, non modo ut Phrygi alicui, aut Lycoani, quod tu in Legatis fecisti, sed ne summorum quidem hominum maleuolis de me sermonibus crederet. huius igitur filius cum sit gener tuus; cumq; præter hanc coniunctionem affinitatis, quàm sis Cn. Pompeio charus, quàmq; iucundus, intelligam: quo tãdem animo in te esse debeo? cum præsertim eas ad me is literas miserit, quibus, etiam si tibi, cui sum amicissimus, hostis essem, placarer tamẽ, totumq; me ad eius uiri ita de me meriti uoluntatem, nutumq; conuerterem. sed hæc hætenus: pluribus enim etiã fortasse uerbis, quàm necesse fuit, scripta sunt. Nunc ea, quæ à me perfectæ, quæq; instituta sunt, cognosce. atque hæc agimus, & agemus magis pro dignitate, quàm pro periculo tuo: te enim, ut spero, propediem Censorem audiemus: cuius magistratus officia, quæ sunt maximi animi, summiq; consilij, tibi diligentius, & accuratius, quàm hæc, quæ nos de te agimus, cogitanda esse censeo. Vale.

M.

C

C

rum in al
qua mihi
debo igit
solutione
factus er
enim sui
sed nihil
ri solet) t
literæ: no
rius, quã
debat gra
plexus igit
uero ofcul
enim à cu
industrie
tor fortass
tribui put
titijs, sed
fuisse mira
quies, an
non attig
ut Sylla uo
ceret. amb
cusetur im

M. T. C. IMP. APPIO PVL-
CHRO, VT SPERO, CES. S. D.

Um essem in castris ad fluuium Pyramū, red-
ditæ mihi sunt uno tēpore à te epistolæ duæ,
quas ad me Q. Seruilius Tarso miserat. ead-
rum in altera dies erat adscripta Non. Apr. in altera,
quæ mihi recentior uidebatur, dies non erat. respon-
debo igitur superiori prius: in qua scribis ad me de ab-
solutione maiestatis. de qua etsi permultum ante certior
factus eram literis, nuncijs, fama denique ipsa: (nihil
enim fuit clarius: non quo quisquam aliter putasset:
sed nihil de insignibus ad laudem uiris obscure nuncia-
ri solet) tamen eadem illa lætiora fecerunt mihi tuæ
literæ: non solum, quia planius loquebātur, & ube-
rius, quàm uulgī sermo: sed etiam, quia magis tibi ui-
debar gratulari, cum de te ex te ipso audiebam. com-
plexus igitur sum cogitatione te absentem, epistolam
uero osculatus, etiam ipse mihi gratulatus sum. quæ
enim à cuncto populo, à senatu, à iudicibus ingenio,
industrie, uirtuti tribuuntur: quia mihi ipse assen-
sor fortasse, cum ea esse in me fingo; mihi quoque ipsi
tribui puto: nec tam gloriosum exitum tui iudicij ex-
stitisse, sed tam prauam inimicorum tuorum mentem
fuisse mirabar. De ambitu uero quid interest, in-
quies, an de maiestate? ad rem nihil: alterum enim
non attigisti, alteram auxisti. ueruntamen est maiestas,
ut Sylla uoluit, ne in quemuis impune declamare li-
ceret. ambitus uero ita apertam uim habet, ut aut ac-
cusetur improbe, aut defendatur: qui enim facta,

EPIST. LIB. III.

aut non facta largitio ignorari potest? tuorum autem
honorum cursus cui suspectus unquam fuit? me mise-
rum, qui nō affuerim. quos ego risus excitassem. Sed de
maiestatis iudicio duo mihi illa ex tuis literis iudicūdis-
sima fuerunt: unū, quod te ab ipsa Rep. defensum scri-
bis; quæ quidem etiam in summa bonorum, & fortiū
civium copia tueri taleis viros deberet; nunc uero eo
agis, quod tanta penuria est in omni uel honoris, uel
etatis gradu, ut tam orba ciuitas taleis tutores comple-
cti debeat: alterum, quod Pompeij, & Bruti fidem,
benevolentiamq; mirifice laudas. lætor uirtute, & of-
ficio cum tuorum necessariorum, meorum amicissimorū,
tum maxime alterius omnium seculorum, & gen-
tium principis, alterius iampridem iuuentutis, celeri-
ter, ut spero, ciuitatis. De mercenarijs testibus à suis
ciuitatibus notandis, nisi iam aliquid factum est per
Flaccum, fiet à me, cum per Asiam decedam. nunc
ad alteram epistolam uenio. Quod ad me quasi for-
mam communium temporum, & totius Reip. misisti
expressam prudentia literarum tuarum ualde est mihi
grata: uideo enim & pericula leuiora, quàm timebam,
& maiora præsidia, si quidem, ut scribis, omnes uires ci-
uitatis se ad Pompeij ductum applicauerūt: tuumq; si-
mul promptū animum & alacrem perspexi ad defen-
dendā Remp. mirificamq; cepi uoluptatem ex hac tua
diligentia, quod in summis tuis occupationibus mihi
tamen Reip. statum per te notum esse uoluisti. Nam
augurales libros ad commune utriusq; nostrum otium
serua: ego enim à te cum tua promissa per literas fla-
gitabam, ad Urbem te otiosissimum esse arbitrabar.

nunc ra-
tiones t-
mandat
iam qu-
sunt om-
cas esse,
ut, te le-
quod gen-
sin tibi di-
litera no-
nim Aris-
bat: sic t-
erit, ne p-
Censor, a

M

G

que id, qu-
lud, quod
amicus es,
in te sunt,
dem lateb-
impugnare
rum homi-
pridem ad-
lisper mea
facile inu-

nunc tamen, ut ipse polliceris, pro auguralibus libris orationes tuas confectas omnes expectabo. Tullius, cui mandata ad me dederas, non conuenerat me: nec erat iam quisquam mecum tuorum, præter omnes meos, qui sunt omnes tui. Stomachosiores meas literas quas dicas esse, non intelligo. bis ad te scripsi me purgans diligenter, te leuiter accusans in eo, quod de me cito credidisses. quod genus quærelæ mihi quidē uidebatur esse amici: sin tibi displicet, non utar eo posthac. sed si, ut scribis, eæ literæ non fuerunt disertæ, scito meas non fuisse. ut enim Aristarchus Homeri uersum negat, quem non probat: sic tu, (libet enim mihi iocari) quod disertum non erit, ne putaris meum. Vale, et in Censura, si iam es Censor, ut spero, de proauo multum cogitato tuo.

M. T. CICERO IMP. APPIO
PVLCHRO S. P. D.

Ratulabor tibi prius, (ita enim rerum ordo postulat) deinde ad me conuertar. Ego uero uehementer gratulor de iudicio ambitus; neque id, quod nemini dubium fuit, absolutum te esse; sed illud, quod quo melior ciuis, quo uir clarius, quo fortior amicus es, quoque plura uirtutis et industriæ ornamenta in te sunt, eo mirandum est magis, nullam ne in tabellæ quidē latebra fuisse absconditam maleuolentiam, quæ te impugnare auderet. non horum temporum, non horum hominum, atque morum negotium. nihil iam sum pridem admiratus magis. De me autem suscipe paulisper meas partes, et eum te esse finge, qui ego sum: si facile inueneris, quod dicas, noli ignoscere hæsitati

EPIST. LIB. III.

meae. ego uero uelim mihi, Tulliaeque; meae, sicut tu amicissime, & suauissime optas, prospere euenire ea, quae me insciente facta sunt à meis: sed ita cecidisse, ut agerentur eotempore, spero omnino cum aliqua felicitate, & opto: ueruntamen plus me in hac spe, tua sapientia, & humanitas consolatur, quam oportunitas temporis. itaque, quemadmodum expediam exitum huius institutae orationis, non reperio: neque enim tristius dicere quidquam debeo ea de re, quam tu ipse omnibus optimis prosequeris. neque non me tamen mordet aliquid: in quo unum non uereor, ne tu parum perspicias, ea, quae gesta sunt, ab illis esse gesta, quibus ego ita mandaram, ut, cum tam longe abfuturus essem, ad me ne referrent, agerent quod probassent. in hoc autem mihi illud occurrit: quid tu igitur, si affuisses? re probassem, de tempore, nihil te inuito, nihil sine consilio egissem tuo. uides me sudare, iandudum laborantem, quo modo ea tuear, quae mihi tuenda sunt, & te non offendam. leuua me igitur hoc onere: nunquam enim mihi uideor tractasse causam difficiliorem. sed tamen sic habeto: nisi iam tunc omnia negotia cum summa tua dignitate diligentissime confecissem: tamen si nihil uidebatur ad meum erga te pristinum studium addi posse; tamen hac mihi affinitate renunciata, non maiore equidem studio, sed acrius, apertius, significantius dignitatem tuam defendissem. decedenti mihi, & iam imperio annuo terminato, ante diem III. Non. Sext. cum ad Sidam nauim accederem, & mecum Q. Seruilius esset, literae à meis sunt redditae. dixi statim Seruilio (etenim uidebatur esse commotus) ut omnia à me maiora expectaret, quid

multa? benevolentior tibi, quàm fui, nihilo sum factus, diligentior quidem ad declarandam benevolentiam multo. nam ut uetus nostra similtas antea stimulat me, ut cauerem, ne cui suspicionem fide reconciliatæ gratiæ darem: sic affinitas noua curam mihi affert cauendi, ne quid de summo meo erga te amore detractum esse uideatur. Vale.

M. T. C. IMP. APPIO PVLCHRO S. D.

Vasi diuinarem, tali in officio fore mihi ali-
quando expectandum studium tuum; sic, cum de
tuis rebus gestis agebatur, in seruibam hono-
ri tuo. dicam tamē uere: plus, quā acceperas, reddidisti:
quis enim ad me non perscripsit, te non solū auctorita-
te orationis, sententia tua, quibus ego à tali uiro contē-
tus erā, sed etiā opera, consilio, domū ueniendo, conue-
niendis meis, nullum onus officij cuiquam reliquum fe-
cisse? hæc mihi ampliora multo sunt, quàm illa ipsa,
propter quæ elaborantur: INSIGNIA enim uir-
tutis multi etiam sine uirtute assecuti sunt; talium ui-
rorum tanta studia assequi sola uirtus potest. itaq; mi-
hi propono fructum amicitiae nostræ ipsam amicitiam,
qua nihil est uberius, præsertim in ijs studijs, quibus
uterque nostrum deuinctus est: nam tibi me profiteor
et in Rep. socium, de qua idem sentimus; et in quo-
tidiana uita coniunctum cum ijs artibus, studijsq;,
quæ colimus. uelim ita fortuna tulisset, ut, quanti ego
omnes tuos facio, tanti tu meos facere posses: quod
tamen ipsum nescio qua permotus animi diuinatione
non despero. sed hoc nihil ad te nostrum est onus, il-

EPIST. LIB. III.

lud uelim sic habeas, quod intelliges; hac re nouata ad
ditum potius aliquid ad meum erga te studium, cui ni
hil uidebatur addi posse, quam quidquam esse detra
ctum. cum hæc scribebam, Censorem iam te esse spera
bam: eo breuior est hæc epistola, & ut aduersus magi
strum morum modestior. Vale.

M. TVLLII CICERONIS EPISTOLA
RVM AD SVLPITIVM, ET ALIOS.
LIBER IIII.

M. T. CICERO SER. SVLPITIO S. D.

Aius Trebati^Cus familiaris meus ad me
scripsit, te ex se quæsisse, quibus in locis
essem; molesteq; ferre, quod me pro
pter ualeitudinem tuam, cum ad ur
bem accessissem, non uidisses; & hoc
tempore uelle te mecum, si propius accessissem, de offi
cio utriusque nostrum communicare. utinam Serui sal
uis rebus (sic enim est dicendum) colloqui potuissemus
inter nos: profecto aliquid opis occidenti Reip. tulisse
mus: cognoram enim iam absens, te hæc mala multo an
te providentem, defensorem pacis & in Consulatu tuo,
& post Consulatum fuisse. ego autem cum consilium
tuum probarem, & idem ipse sentirem, nihil proficie
bam: sero enim ueneram: solus eram: rudis esse uide
bar in causa: incideram in hominum pugnandi cupido
rum insanias. nunc, quoniã nihil iam uidemur posse opi
tulari Reip. si quid est, in quo nobismet ipsis consulere

passimus, non ut aliquid ex pristino statu nostro retineamus, sed ut quam honestissime lugeamus, nemo est omnium, quicū potius mihi, quā tecum cōmunicandum putem: nec enim clarissimorum uirorum, quorum similes esse debemus, exempla, neque doctissimorum, quos semper coluisti, praecepta te fugiunt. atque ipse antea ad te scripsissem, te frustra in senatum, siue potius in conuentum senatorum esse uenturum, ni ueritus essem, ne eius animum offenderē, qui à me, ut te imitarer, petebat. cui quidem ego, cum me rogaret ut adesset in senatu, eadem omnia, quae à te de pace, & de Hispanijs dicta sunt, ostendi me esse dicturum. rem uides, quo modo se habeat; orbem terrarum imperijs distributis ardere bello; Urbem sine legibus, sine iudicijs, sine iure, sine fide, relictam direptioni, & incendijs. itaque mihi uenire in mentem nihil potest, non modo quod sperem, sed uix iam quod audeam optare. sin autem tibi homini prudentissimo uidetur utile esse, nos colloqui: quanquam longius etiam cogitabam ab Vrbe discedere, cuius iam etiam nomen inuitus audio; tamen propius accedam. Trebatius mandauit, si quid tu cum uelles ad me mittere, ne recusaret: id quod ut facias, uelim: aut si quem tuorum fidelium uoles, ad me mittas: ne aut tibi exire ex Vrbe necesse sit, aut mihi accedere. ego tibi tantum tribuo, quantum mihi fortasse arrego: ut exploratum habeam, quidquid nos communi sententia statuerimus, id omnes homines probaturos. Vale.

M. T. CICERO SER. SVLPITIO S. D.

D III. Cal. Maias, cum essem in Cumano, ac-
 A cepit tuas literas: quibus lectis, cognoui non
 satis prudenter fecisse Philotimū; qui, cum abs
 te mandata haberet, ut scribis, de omnibus rebus, ipse ad
 me non uenisset, literas tuas misisset: quas intellexi bre-
 uiores fuisse, quod eum perlaturū putasses. sed tamen,
 postquam literas tuas legi, Posthumia tua me cōuenit,
 & Seruius noster. his placuit, ut tu in Cumanum ue-
 nires: quod etiam, mecum, ut ad te scriberem, egerūt.
 Quod meum consiliū exquiris: id est tale, ut capere facie-
 lius ipse possim, quā alteri dare. quid enim est, quod au-
 deā suadere tibi homini summa auctoritate, summaq;
 prudentia? si, quid rectissimum sit, quærimus: perspi-
 cuum est. si, quid maxime expediat: obscurum. sin ū
 sumus, qui profecto esse debemus, ut nihil arbitremur
 expedire, nisi quod rectum, honestumq; sit: non potest
 esse dubium, quid faciendum nobis sit. Quod existi-
 mas meam causam coniunctam esse cum tua: certe si-
 milis in utroque nostrum, cum optime sentiremus, error
 fuit. nam omnia utriusque consilia ad concordiam spe-
 ctauerunt. qua cum ipsi Cæsari nihil esset utilius, gra-
 tiam quoque nos inire ab eo, defendenda pace, arbi-
 trabamur. quantum nos fefellerit, & quem in locum
 res deducta sit, uides: neque solum ea perspicis, quæ ge-
 runtur, quæq; iam gesta sunt, sed etiam qui cursus re-
 rum, qui exitus futurus sit. ergo aut probare oportet
 ea, quæ fiunt; aut interesse, etiam si non probes. quæ-
 rum altera mihi turpis, altera etiam periculosa ratio

uidetur. Restat, ut discedendum putem: in quo reliqua uidetur esse deliberatio, quod consilium in discessu, quæ loca sequamur. omnino cum miserior res nunquam accidit, tum ne deliberatio quidē difficilior: nihil enim constitui potest, quod non incurrat in magnam aliquā difficultatem. tu, si uidebitur, ita censeo facias: ut, si habes iam statutum, quid tibi agendum putes, in quo nō sit coniunctum consilium tuum cum meo, supersedeas hoc labore itineris: sin autem est, quod mecum communicare uelis, ego te expectabo. tu, quod tuo commodo fiat, quamprimum uelim uenias, sicut intellexi & Seruio, & Posthumie placere. Vale.

M. T. C. SER. SVLPITIO S. D.

Ehementer te esse sollicitum, et in cōmunibus
 V miseris præcipuo quodam dolore angi, multi ad nos quotidie deferunt. quod quanquā minime miror, et meū quodāmodo agnosco: doleo tamen te sapiētia præditum propè singulari, nō tuis bonis delectari potius, quā alienis malis laborare. me quidē, etsi nemini cōcedo, qui maiorem ex perniciē, et peste Reip. molestiam traxerit; tamē multa iam consolantur, maximeq; conscientia consiliorum meorum: multo enim ante tanquam ex aliqua specula prospexi tempestatem futuram: neque id solum mea sponte, sed multo etiā magis monente, et denunciante te. etsi enim absui magnam partem Consulatus tui, tamen et absens cognoscebam, quæ esset tua in hoc pestifero bello cauendo, & prædicendo sententia: & ipse affui primis tempo-

ribus tui Consulatus, cum accuratissime monuisti sena-
 tum collectis omnibus bellis civilibus, ut & illa time-
 rent, quæ memissent; & scirent, cum superiores, nullo
 tali exemplo antea in Repub. cognito, tam crudeles
 fuissent, quicunque postea Remp. oppressisset armis,
 multo intolerabiliore futurum: NAM quod exem-
 plo fit, id etiam iure fieri putant, & aliquid, atque
 adeo multa addunt, & afferunt de suo. quare me-
 minisse debes, eos, qui auctoritatem, & consilium
 tuum non sunt secuti, sua stultitia occidisse, cum tua
 prudentia salui esse potuissent. dices: Quod me ista res
 consolatur in tantis tenebris, & quasi parietinis Reip?
 est omnino uix consolabilis dolor, tanta est omnium re-
 rum amissio, & desperatio recuperandi: sed tamen et
 Cæsar ipse ita de te iudicat, & omnes ciues sic existi-
 mant, quasi lumen aliquod extinctis cæteris elucere
 sanctitatem, & prudentiam, & dignitatem tuam.
 hæc tibi ad leuandas molestias magna esse debent.
 Quod autem à tuis abes, id eo leuius ferendum est,
 quod eodem tempore à multis, ac magnis molestiis
 abes; quas ad te omnes perscriberem, nisi uererer,
 ne ea cognosceres absens, quæ quia non uides, mihi
 uideris meliore esse conditione, quàm nos, qui uide-
 mus. hætenus existimo nostram consolationem recte
 adhibitam esse, quoad certior ab homine amicissi-
 mo fieres ijs de rebus, quibus leuari possent molestie
 tuæ reliqua sunt in te ipso, neque mihi ignota, nec mi-
 nima solatia, & ut quidem ego sentio, multo maxi-
 ma: quæ ego ipse experiens quotidie sic probò, ut ea
 mihi salutem afferre uideantur. te autem ab initio

ætatis memoria teneo summe omnium doctrinarū studio fuisse, omniaq; quæ à sapientissimis ad bene uivendum tradita essent, summo studio, curaq; didicisse; quæ quidem uel optimis rebus & usui, & delectationi esse possent. his uero temporibus habemus aliud nihil, in quo acquiescamus. nihil faciam insolenter: neq; te tali uel scientia, uel natura præditum hortabor, ut ad eas te referas arteis, quibus à primis temporibus ætatis studium tuum dedisti. tantum dicam, quod te spero approbaturum; me, posteaquam illi arti, cui studuerā, nihil esse loci neq; in curia, neque in foro uiderim, omnem meam curam, atque operam ad Philosophiam contulisse. tuæ scientiæ excellenti, ac singulari non multo plus, quàm nostræ, relictum est loci. quare non equidem te moneo: sed mihi ita persuasi, te quoque in iisdē uersari rebus, quæ etiam si minus prodesse, animum tamen à solitudine abducerent. Seruius quidem tuus in omnibus ingenuis artibus, in primisq; in hac, in qua ego me scripsi acquiescere, ita uersatur, ut excellat: à me uero sic diligitur, ut tibi uni concedam, præterea ne mini: mihiq; ab eo gratia refertur: in quo ille existimat, quod facile appareat, quod me colat, & obseruet, tibi quoque in eo se facere gratissimum. Vale.

M. T. CICERO S. D. SER. SVLPITIO.

A Accipio excusationem tuam, qua usus es, cur sæpius ad me literas uno exemplo delisses: sed accipio ex ea parte, quatenus aut negligentia, aut improbitate eorum, qui epistolas accipiant, fieri scribis, ne ad

nos perferantur. illam partem excusationis, qua te scribis orationis paupertate (sic enim appellas) iisdem uerbis epistolas sæpius mittere, nec agnosco, nec probo. Et ego ipse, quem tu per iocum (sic enim accipio) diuitias orationis habere dicis, me non esse uerborum admodum inopem agnosco: εἰ γὰρ οὐκ ἐδόκει enim non necesse est: sed tamē idem, nec hoc εἰ γὰρ οὐκ ἐδόκει περὶ, facile cedo tuorum scriptorum subtilitati, et elegantia. Consilium tuum, quo te usum scribis hoc Achaicum negotium non recusauisse, cum semper probauissem, tū multo magis probaui lectis tuis proximis literis: omnes enim causæ, quas commemoras, iustissimæ sunt, tuæque et auctoritate, et prudentia dignissimam. Quod aliter cecidisse rem existimas, atque opinatus sis: id tibi nullo modo assentior. sed quia tanta perturbatio, et confusio est rerum, ita perculsa, et prostrata fœdissimo bello iacent omnia, ut is cuique locus, ubi ipse sit, miserrimus esse uideatur: propterea et tui te consilij poenitet, et nos, qui domi sumus, tibi beati uidemur. at contra nobis non tu quidem uacuuus molestiis, sed præ nobis beatus. atque hoc ipso melior est tua, quam nostra conditio; quod tu, quid doleat, scribere audes; non ne id quidem tuto possumus; nec id uictoris uitio, quo nihil moderatius, sed ipsius uictoriæ, quæ ciuilibus bellis semper est insolens. uno te uicimus, quod de Marcelli collegæ tui salute paulo ante, quam tu cognouimus: etiam mehercule, quod, quemadmodum ea res ageretur, uidimus: nam sic fac existimes, post has misérias, idest postquam armis disceptari cœptum est de iure publico, nihil esse actum aliud cum dignitate: nam et ipse Cæsar accusata acerbitate

sata acer-
bitate; hon-
repente
cello ne-
rem hori-
de Marce-
dificisset,
accederet
est, ut spe-
tis Reip. i-
sari egiss-
set, neg-
meum co-
inertia, se-
racere. fre-
do animi
egi Cæsa-
honesto or-
malis. se-
qui forta-
si perpeti-
intra mo-
seruiam. n-
etrina libe-
tamen ho-
etatis ma-
uitijs, ut n-
sit. a quo
literis: se-
bunt. S

sata acerbitate Marcelli (sic enim appellabat) laudatq; honorificentissime, & æquitate tua, & prudētia, repente præter spem dixit, se senatui roganti de Marcello ne hominis quidem causa negaturum. fecerat autem hoc senatus, ut, cum à L. Pisone mentio esset facta de Marcello, & cum C. Marcellus se ad Cæsaris pedes abiecisset, cunctus consurgeret, & ad Cæsarem supplex accederet. noli quærere: ita mihi pulcher hic dies uisus est, ut speciem aliquam uiderer uidere quasi reuiuiscētis Reip. itaque cum omnes ante me rogati gratias Cæsari egissent præter Volcatium, (is enim, si eo loco esset, negauit se facturum fuisse) ego rogatus mutauim meum consilium: nam statueram, non mehercule inertia, sed desiderio pristinae dignitatis, in perpetuum tacere. fregit hoc meum consilium & Cæsaris magnitudo animi, & senatus officium. itaque pluribus uerbis egi Cæsari gratias: meq; metuo ne etiã in cæteris rebus honesto otio priuarim: quod erat unicum solatium in malis. sed tamen, quando effugi eius offensionem, qui fortasse arbitraretur, me hanc Remp. non putare, si perpetuo tacerem: modice hoc faciam, aut etiam intra modum; ut & illius uoluntati, & meis studiis seruiam. nam etsi à prima etate me omnis ars, & doctrina liberalis, & maxime philosophia delectauit: tamen hoc studium quotidie ingrauescit, credo & ætatis maturitate ad prudentiam, & his temporum uitij, ut nulla res alia leuare animum molestijs possit. à quo studio te abduci negotijs, intelligo ex tuis literis: sed tamen aliquid iam noctes te adiuuabunt. Seruius tuus, uel potius noster summa me oba-

servantia colit : cuius ego cum omni probitate , sum-
maq; virtute , tum studijs , doctrinaq; delector . is me-
cum saepe de tua mansione , aut decessione communi-
cat . adhuc in hac sum sententia , nihil ut faciamus ,
nisi quod maxime Cæsar uelle uideatur . res sunt eius-
modi , ut , si Romæ sis , nihil te præter tuos delectare pos-
sit . de reliquis nihil melius ipso est . ceteri , & cetera
eiusmodi , ut , si alterutrum necesse sit , audire ea ma-
lis , quàm uidere . hoc nostrum consilium nobis minime
iucundum est , qui te uidere cupimus : sed consulimus
tibi . Vale .

SER. SULPITIUS M. CICERONI S.

Osteaquam mihi renunciatū est de obitu Tul-
liæ filiae tuæ : sanequam pro eo , ac debui , gra-
uiter molesteq; tuli : communemq; eam cala-
mitatem existimaui : quī si istic affuissem , neque tibi
defuissem , coramq; meum dolorem tibi declarassem .
etsi genus hoc consolationis miserum , atque acerbum
est , propterea quia per quos id fieri debet , propinquos ,
ac familiares , ipsi pari molestia afficiuntur , neque sine
lacrymis multis id conari queunt ; ut magis ipsi uidean-
tur aliorum consolatione indigere , quàm alijs posse
suum officium præstare : tamen quæ in præsentia mi-
hi in mentem uenerunt , decreui breui ad te perscribere :
non quòd ea te fugere existimem : sed quòd for-
sitàn dolore impeditus , minus ea perspicias . quid est ,
quòd tantopere te commoueat tuus dolor intestinus ? co-
gita , quemadmodum adhuc fortuna nobiscum ege-

vit : ea nobis erepta esse , quæ hominibus non minus ,
quàm liberi , chara esse debent , patriam , honestatem , di-
gnitatem , honores omnes . hoc uno incommodo addito ,
quid ad dolorem adiungi potuit ? aut qui non in illis re-
bus exercitatus animus callere iam debet , atque omnia
minoris aestimare ? an illius uicem , credo , doles ? quoties
in eam cogitationem necesse est ut tu ueneris , ut nos sæ-
pe incidimus , hisce temporibus non pessime cum ijs es-
se actum , quibus sine dolore licitum est mortem cum
uita commutare . quid autem fuit , quod illam hoc tem-
pore ad uiuendum magnopere inuitare posset ? quæ
res ? quæ spes ? quod animi solatium ? ut cum aliquo
adolescente primario coniuncta ætatem ageret ? licitum
est tibi , credo , pro tua dignitate ex hac inuentute gene-
rum deligere , cuius fidei liberos tuos te tuto commit-
tere putares . an ut ea liberos ex sese pareret , quos cum
florentis uideret , letaretur ? qui rem à parente tradi-
tam per se tenere possent , honores ordinatim in Rep.
petituri essent , in amicorum negotijs liberalitate sua
uterentur ? quid horum fuit , quod non prius , quàm
datum , ademptum sit ? at uero malum est liberos amit-
tere : malum , nisi hoc peius sit , hæc sufferre , & per-
peti . quæ res mihi non mediocrem consolationem at-
tulit , uolo tibi commemorare , si forte eadem res tibi
minuere dolorem possit . ex Asia rediens , cum ab Aegina
Megaram uersus nauigarem , coepi regiones cir-
cumcirca prospicere . post me erat Aegina , ante Mega-
ra , dextra Piræus , sinistra Corinthus : quæ oppida
quodam tempore florentissima fuerunt , nunc prostra-
ta , & diruta ante oculos iacent . coepi egomet me-

cum sic cogitare: Hem, nos homunculi indignamur, si quis nostrum interijt, aut occisus est, quorum uita breuior esse debet, cum uno loco tot oppidum cadauera proiecta iaceant. uis ne tu te Serui cohibere, & meminisse, hominem te esse natum? crede mihi, cogitatione ea non mediocriter sum confirmatus. hoc idem, si tibi uidetur, fac ante oculos tibi proponas. modo uno tempore tot uiri clarissimi interierunt: de imperio præterea tanta diminutio facta est: omnes provinciæ conquassatæ sunt: in unius mulierculæ animula si iactura facta sit, tantopere commoueris? quæ si hoc tempore non suum diem obijisset; paucis post annis tamen ei moriendum fuit, quoniam homo nata fuerat. etiam tu ab hisce rebus animum, ac cogitationem tuam auoca: atque ea potius reminiscere, quæ digna tua persona sunt, illam, quandiu ei opus fuerat, uixisse: una cum Rep. fuisse: te patrem suum Prætorem, Consulem, Augurem uidisse: adolescentibus primarijs nuptam fuisse. omnibus bonis propè perfunctam esse: cum Resp. occideret, uita excessisse, quid est, quod tu aut illa cum fortuna hoc nomine queri possitis? denique noli te obliuisci Ciceronem esse, & eum, qui alijs consueueris præcipere, & dare consilium, neque imitari malos medicos, qui in alienis morbis profitentur se tenere medicinæ scientiā, ipsi se curare non possunt: sed potius, quæ alijs tute præcipere soles, ea tute tibi subijce, atque apud animum propone. **N V L L V S** dolor est, quem non longinquitas temporis minuatur, atque molliat. hoc te expectare tempus tibi turpe est, ac non, ei rei sapientia tua te occurrere. quod si quis etiam inferis sensus est:



AD S
qui illius a
certe illa re
teris amicis,
patrias: si
posse, deniq
ut etiam hu
tere, ut quis
pub. tempore
ad te de hac
diffidere. qu
scribendi. u
ferre fortun
si: fac aliqu
aque ferre po
nus uideri, n
deatur de
re animo es
tur, quema
faciam.

M. T. C.

G
e
m
pe aque dol
lectis aliqu
que leuare
mediocrem
tamen tu

AD SVLPITIVM, ET ALIOS: SI
qui illius amor in te fuit, pietasq; in omnes suos, hoc
certe illa te facere non vult, da hoc illi mortuæ: da cæ-
teris amicis, & familiaribus, qui tuo dolore mœrent: da
patriæ; ut si qua in re opus sit, opera, & consilio tuo uti
possit, denique, quoniam in eam fortunam deuenimus,
ut etiam huic rei nobis seruiendum sit: noli commit-
tere, ut quisquam te putet non tam filiam, quam Rei-
pub. tempora, & aliorum uictoriam lugere. plura me
ad te de hac re scribere pudet, ne uidear prudentiæ tuæ
diffidere. quare si hoc unum proposuero, finem facciam
scribendi. uidimus aliquoties secundam pulcherrime te
ferre fortunam, magnamq; ex ea re te laudem adipi-
sci: fac aliquando intelligamus, aduersam quoque te
æque ferre posse, neque id maius, quàm debeat, tibi o-
nus uideri, ne ex omnibus uirtutibus hæc una tibi ui-
deatur deesse. quod ad me attinet, cum te tranquillio-
re animo esse cognouero, de ijs rebus, quæ hic gerun-
tur, quemadmodumq; se provincia habeat, certio-
rem faciam. Vale.

M. T. CICERO S. D. SER. SVLPITIO.

Go uero Serui uellem, ut scribis, in meo gra-
uissimo casu affuisses: quantũ enim præsens
me adiuuare potueris & consolando, & pro-
pe æque dolendo, facile ex eo intelligo, quod literis tuis
lectis aliquantulum acquieui: nam & ea scripsisti,
quæ leuare luctum possent; & in me consolando non
mediocrem ipse animi dolorem adhibuisti. Seruius
tamen tuus omnibus officijs, quæ illi tempori tribui

G iij

potuerunt, declarauit, & quanti ipse me faceret, & quam suum talem erga me animum tibi gratum putaret fore: cuius officia iucundiora scilicet sæpe mihi fuerunt, nunquam tamen gratiora. me autem non oratio tua solum, & societas penè agritudinis, sed etiam auctoritas consolatur: turpe enim esse existimo, me non ita ferre casum meum, ut tu tali sapientia præditus ferendum putas. sed opprimor interdum, & uix resisto dolori, quòd ea me solatia deficiunt, quæ cæteris, quorum mihi exempla propono, simili in fortuna non defuerunt: nam & Q. Maximus, qui filium consularem, clarum uirum, & magnis rebus gestis amisit; & L. Paulus, qui duos septem diebus; & uester Gallus, & M. Cato, qui summo ingenio, summa uirtute filium perdidit; ijs temporibus fuerunt, ut eos tum ipsorum dignitas consolaretur ea, quam ex Rep. consequebantur. mihi autem, amissis ornamentis ijs, quæ ipse commemoras, quæq; eram maximis laboribus adeptus, unum manebat illud solatium, quod ereptum est. non amicorum negotijs, non Reip. procurratione impediuntur cogitationes meæ. nihil in foro agere licebat. aspicere curiam non poteram. existimabam id, quod erat, omnes me & industriæ meæ fructus, & fortunæ perdidisse. sed cum cogitarem hæc mihi tecum, & cum quibusdam esse communia; & cum frangerem iam ipse me, cogeremq; illa ferre toleranter. habebam quò confugerem, ubi conquiescerem, cuius in sermone, & suauitate omnes curas, doloresq; deponerem. nunc autem hoc tam graui uulnere etiam illa, quæ conseruisse uidebantur, recrudescunt. non enim, ut tum

me à Repu
secundum do
in eius boni
foro, quòd
mus iam con
piste expect
iur mihi le
stio consue
quam sperat
appropinqu
exopto quan
mentemur i
sit hoc temp
accommodan
spexisse mihi
quod cum i
ratio sit in
concessu, &

T
E rep
ip
iudicem, ut
men & ami
me benenole
ta est, me h
saluti tuæ co

me à Repub. mœstum domus excipiebat, quæ leuaret :
 sic nunc domo mœrens ad Remp. confugere possum, ut
 in eius bonis acquiescam. itaque & domo absum, &
 foro, quòd nec eum dolorem, quem à Rep. capio, do-
 mus iam consolari potest, nec domesticum Resp. quo ma-
 gis te expecto, teq; uidere quamprimum cupio. maz-
 ior mihi leuatio afferri nulla potest, quàm coniun-
 ctio consuetudinis, sermonumq; nostrorum. quan-
 quam sperabam tuum aduentum (sic enim audiebam),
 appropinquare. ego autem cum multis de causis te
 exopto quamprimum uidere, tum etiam, ut ante com-
 mentemur inter nos, qua ratione nobis traducendum
 sit hoc tempus, quod est totum ad unius uoluntatem
 accommodandum & prudentis, et liberalis, &, ut per-
 spexisse mihi uideor, nec à me alieni, et tibi amicissimi.
 quod cum ita sit, magnæ tamen est deliberationis, quæ
 ratio sit ineunda nobis, non agendi aliquid, sed illius
 concessu, & beneficio quiescendi. Vale.

M. T. CICERO S. D. M. MARCELLO.

Tsi eo te adhuc consilio usum intelligo, ut id
 E reprehendere non audeam, non quia ab eo
 ipse dissentiam, sed quòd ea te sapientia esse
 iudicem, ut meum consilium non anteponam tuo : ta-
 men & amicitia nostræ uetustas, & tua summa erga
 me beneuolentia, quæ mihi iam à pueritia tua cogni-
 ta est, me hortata est, ut ea scriberem ad te, quæ &
 saluti tuæ conducere arbitrarer, & non aliena esse du-

G iij

ROE PAI. LIB. IIII.
cerem dignitate . ego eum te esse , qui horum malo=
rum initia multo ante uideris , qui Consulatum magni
ficentissime , atque optime gesseris , præclare memini . sed
idem etiam illa uidi , neque te consilium ciuilis belli ita
gerendi , neque copias Cn. Pompeij , nec genus exercitus
probare , semperq; summe diffidere . qua in sententia
me quoque fuisse , memoria tenere te arbitror . neque
tu multum interfuisti rebus gerendis : & ego id sem=
per egi , ne interesset : non enim ijs rebus pugnaba=
mus , quibus ualere poteramus , consilio , auctoritate , cau=
sa , quæ erant in nobis superiora ; sed lacertis , et uiribus ,
quibus pares non eramus . uicti sumus igitur , aut , si
uinci dignitas non potest , fracti certe , & abiecti . in quo
tuum consilium nemo potest non maxime laudare ,
quòd cum spe uincendi simul abiicisti certandi etiam
cupiditatem , ostendistiq; sapientem , & bonum ciuem
initia belli ciuilis inuatum suscipere , extrema non liben=
rer persequi qui non idem consilium , quod tu , secuti
sunt : eos uideo in duo genera esse distractus . aut enim
renouare bellum conati sunt , & hi se in Africam con=
tulerunt : aut , quemadmodum nos , uictori sese credide=
runt . medium quoddam tuum consilium fuit , qui hoc
fortasse humilis animi duceres , illud pertinacis . fateor
à plerisque , uel dicam ab omnibus sapiens tuum consi=
lium , à multis etiam magni ac fortis animi iudica=
tum : sed habet ista ratio , ut mihi quidem uidetur , quæ=
dam modum : præsertim cum tibi nihil deesse arbitrer
ad tuas fortunas omnes obtinendas , præter uolunta=
tem : sic enim intellexi , nihil aliud esse , quod dubita=
tionem afferret ei , penes quem est potestas , nisi quòd

AD

ueretur
de quo qu
reat, ipse q
ses, ut abes
re: tamen id
in eius ipse
rus esset, te
libere uiue
& domi tu
di males u
quem uere
ne maior si
culo aliena
mi, atque in
nis locis hoc
rum est ma
bus multitu
tua, quæ
accipere in
quòd neq
Resp. tamen
nolo. ij. au
ligere confi
multæ, &
deprecanti
bus tardior
eguerimus
quantum
desumus. d
ti sumus.

uereretur, ne tu illud beneficium omnino non putares.
 de quo quid sentiam, nihil attinet dicere; cum appa-
 reat, ipse quid fecerim. sed tamen si iam ita constitui-
 ses, ut abesse perpetuo mallet, quàm ea, quæ nolles, uide-
 re: tamen id cogitare deberes, ubicunque esses, te fore
 in eius ipsius, quem fugeres, potestate. qui si facile passu-
 rus esset, te carentem patria, & fortunis tuis quiete, et
 libere uiuere: cogitandum tibi tamen esset, Roma ne,
 & domi tuæ, cuiusmodi res esset, an Mytilenis, aut Rho-
 di mallet uiuere. sed cum ita late pateat eius potestas,
 quem ueremur, ut terrarum orbem complexa sit: non
 ne maior sine periculo domi tuæ esse, quàm cum peri-
 culo alienæ? equidem etiam si oppetenda mors esset, do-
 mi, atque in patria mallet, quàm in externis, atque alie-
 nis locis. hoc idem omnes, qui te diligunt, sentiunt; quo-
 rum est magna pro tuis maximis, clarissimisque uirtuti-
 bus multitudo. habemus etiam rationem rei familiaris
 tuæ, quam dissipari nolumus. nam etsi nullam potest
 accipere iniuriam, quæ futura perpetua sit, propterea
 quòd neque, is qui tenet Remp. pateretur, neque ipsa
 Resp. tamen impetum prædonum in tuas fortunas fieri
 nolo. ij autem qui essent, auderem scribere, nisi te intel-
 ligere considerem. hic te unius sollicitudines, unius etiã
 multæ, & assiduæ lacrymæ C. Marcelli fratris optimi
 deprecantur. nos cura, & dolore proximi sumus, preci-
 bus tardiores, quòd ius adeundi, cum ipsi deprecatores
 egerimus, non habemus. gratia tantum possumus,
 quantum uicti. sed tamen consilio, studio Marcello non
 desumus. à tuis reliquis non adhibemur. ad omnia para-
 ti sumus. Vale.

M. CICERO S. D. M. MARCELLO.

Eque monere te audeo praestanti prudentia uirum, nec confirmare maximi animi hominem, uirumque fortissimum, consolari uero nullo modo. nam si ea, quae acciderunt, ita fers, ut audio: gratulari magis uirtuti debeo, quam consolari dolore tuum. sin te tanta mala Reip. frangunt: non ita abundo ingenio, ut te consoler, cum ipse me non possim. reliquum est igitur, ut tibi me in omni re eum praebeam, praestemque; ut ad omnia, quae tui uelint, ita sim praesto, ut me non solum omnia debere tua causa quae possum, sed ea quoque, quae non possum, putent. illud uel tu me monuisse, uel censuisse, puta, uel propter beneuolentiam tacere non potuisse; ut, quod ego facio, tu quoque in animum inducas, si sit aliqua Resp. in ea te esse oportere, iudicio omnium, reque principem, necessitate cedentem temporis: sin autem nulla sit, hunc tamen aptissimum esse etiam ad exulandum locum. si enim libertatem sequimur; qui locus hoc dominatu uacat? sin qua lenecunque locum; qui est domestica sede iucundior? sed mihi crede, etiam is, qui omnia tenet, fauet iugenijs: nobilitatem uero, et dignitatem hominum, quantum ei res, et ipsius causa concedit, amplectitur. sed plura, quam statueram. redeo ergo ad unum illud, me tuum fore cum tuis, si modo erunt tui; sin minus, me certe in omnibus rebus satis nostrae coniunctioni, amorique facturum. Vale.

M. C.

oportere, et
Theophilus
erga te, bene
rum ad te
atque etiam
sum; ut in
esse multa
quam audi
oculorum m
quod etiam
bi ipsi dicer
ciendum, q
dere, id est
bitum. de
ty res. dice
plane licet
tur consilio
to secus fier
an, qui in
se periculat
prudentiar
censemus in
bus fuisse
consilium
auctoritat

M. CICERO S. D. M. MARCELLO.

E T si per paucos ante diebus dederam Quæ Mutio
 literas ad te pluribus uerbis scriptas, quibus
 declaraueram, quo te animo censerẽ esse
 oportere, & quid tibi faciendum arbitrarer: tamen cū
 Theophilus libertus tuus proficisceretur, cuius ego fidẽ
 erga te, beneuolentiamq; perspexeram; sine meis literis
 eum ad te uenire nolui. iisdem igitur de rebus etiam
 atque etiam hortor, quibus superioribus literis hortatus
 sum; ut in ea Rep. quæcunque est, quamprimum uelis
 esse. multa uidebis fortasse, quæ nolis; nõ plura tamen,
 quàm audis quotidie. non est porrò tuũ, uno sensu solũ
 oculorum moueri; cum illud idem auribus percipias,
 quod etiam maius uideri solet, minus laborare. At ti-
 bi ipsi dicendum erit aliquid, quod non sentias; aut fa-
 ciendum, quod non probes. Primum T E M P O R I ce-
 dere, idest necessitati parere, semper sapientis est ha-
 bitum. deinde non habet, ut nunc quidem est, id ui-
 tũ res. dicere fortasse, quæ sentias, non licet: tacere
 planè licet. omnia enim delata ad unum sunt. is uti-
 tur consilio ne suorum quidem, sed suo. quod non mul-
 to secus fieret, si is Remp. teneret, quem secuti sumus.
 an, qui in bello, cum omnium nostrum coniunctum es-
 se periculum suo cerneret, certorum hominum minime
 prudentium consilio uteretur; eum magis communem
 censemus in uictoria futurũ fuisse, quã incertis in re-
 bus fuisset? & qui nec te Consule tuum sapientissimũ
 consilium secutus esset; nec, fratre tuo Consulatum ex
 auctoritate tua gerente, nobis auctoribus uti uoluerit;

E P I. L I B. I I I I.

nunc omnia tenentem nostras sententias desideraturū
censes fuisse? O M N I A sunt misera in bellis civili-
bus quæ maiores nostri ne semel quidē, nostra ætas sæ-
pe iam sensit: sed M I S E R I V S nihil, quàm ipsa ui-
ctoria: quæ, etiam si ad meliores uenit, tamen eos ipsos
ferociores, impotentioresq; reddit, ut etiam si natura ta-
les non sint, necessitate esse cogantur. M V L T A enim
uictori eorum arbitrio, per quos uicit, etiam inuito fa-
cienda sunt. an tu non uidebas mecum simul, quam illa
crudelis esset futura uictoria? igitur tunc quoque pa-
tria careres, ne, quæ nolles, uideres? nō, inquires: ego enim
ipse tenerem opes, & dignitatem meam. at erat tua
uirtutis, in minimis res tuas ponere, de Rep. uēhemen-
tius laborare. deinde, qui finis istius consilij est? nam ad-
huc & factum tuum probatur, &, ut in tali re, etiam
fortuna laudatur: factum, quod & initium belli neces-
sario secutus sis, & extrema sapienter persequi nolue-
ris: fortuna, quod honesto otio tenueris & statum, &
famā dignitatis tuæ. nunc uero nec locus tibi ullus dul-
cior esse debet patria: nec eum diligere minus debes,
quod deformior est, sed misereri potius: nec eam multis
claris uiris orbatam, priuare etiam aspectu tuo. deni-
que, si fuit magni animi non isse supplicem uictori: ui-
de, ne superbi sit, aspernari eiusdem liberalitatem: &
si sapientis est carere patria, duri non desiderare: & si
re publica non possis frui, stultum est nolle priuata. ca-
put illud est, ut, si ista uita tibi commodior esse uidea-
tur, cogitandum tamen sit, ne tutior non sit. magna
gladiorum est licentia: sed in externis locis minor etiā
ad facinus uerecundia. mihi salus tua tantæ curæ est,

AD SVLPITIVM, ET ALIOS. 55

ut Marcelli fratri tuo aut par, aut certe proximus sim.
Tuum est consulere temporibus, & incolumitati, & ui-
ta, & fortunis tuis. Vale.

M. CICERO M. MARCELLO S.

T si nihil noui, quod ad te scriberem, habebā;
e magisq; literas tuas iam expectare incipie-
bam, uel te potius ipsum: tamen cum Theo-
philus proficisceretur, non potui nihil ei literarum da-
re. Cura igitur, ut quamprimum uenias: uenies enim,
mihi crede, expectatus, neque solum nobis, idest tuis,
sed prorsus omnibus: uenit enim mihi in mētem, subue-
reri interdum. ne te delectet tarda decessio, quòd si nul-
lum haberes sensum, nisi oculorum: prorsus tibi ignosce-
rem, si quosdam nolles uidere. sed cum leuiores non mul-
to essent, quæ audirentur, quam quæ uiderentur, suspi-
carer autem multum interesse rei familiaris tuæ, te
quamprimum uenire, idq; in omnes partes ualere: puta-
ui ea de re te esse admonendum. sed quoniam, quod mi-
hi placeret, ostendi: reliqua tu pro tua prudentia con-
siderabis: me tamen uelim, quod ad tempus te expec-
temus, certiores facias. Vale.

M. MARCELLVS M. CICERONI S.

Lurimum ualuisse apud me tuā semper au-
p etoritatē, cū in omni re, tū in hoc maxime
negotio potes existimare. cum mihi C. Marcel-
lus frater amantissimus mei non solū consilium daret,
sed precibus quoq; me obsecraret; nō prius mihi persua-
dere potuit, quā tuis est effectū literis, ut uterer uestro

potissimum consilio. Res quemadmodum sit acta, vestrae literae mihi declarant. Gratulatio tua etsi est mihi probatissima, quod ab optimo sit animo: tamen hoc mihi multo iucundius est, & gratius, quod in summa paucitate amicorum, propinquorum, ac necessariorum, qui vere meae saluti fauerent, te cupidissimum mei, singularemque mihi beneuolentiam praestitisse cognoui. Reliqua sunt eiusmodi, quibus ego, quoniam haec erant tempora, facile, & æquo animo carebam. hoc uero eiusmodi esse statuo, ut sine talium uirorum, & amicorum beneuolentia, neque in aduersa, neque in secunda fortuna quisquam uiuere possit. itaque hoc ego mihi gratulor. tu uero ut intelligas homini amicissimo te tribuisse officium, re tibi praestabo. Vale.

SER. SVLPITIVS CICERONI. S.

Tsi scio non iucundissimum nuncium me uobis allaturum; tamen, quoniam CASVS, & natura in bonis dominatur, uisum est facendum, quoquo modo res se haberet, uos certiores ut facerem. Ad V. Cal. Iun. cum ab Epidauro Pireæum nauim aduectus essem, ibi Marcellum collegam nostrum conueni; eumque diem ibi consumpsi, ut cum eo essem. postero die, cum ab eo digressus essem, eo consilio, ut ab Athenis in Boeotiam irem, reliquamque iurisdictionem absoluerem: ille, uti aiebat, supra Maleas Italiā uersus nauigaturus erat, postridie eius diei, cum ab Athenis proficisci in animo haberem; circiter horam decimam noctis Posthumius familiaris eius ad me uenit; & mihi nuntiavit, M. Marcellum collegam nostrum post cenæ

tempus à P.
cussum esse
cho; alterum
eam uiuere
se à Marcella
rogaret, uti e
profectus pri
puer Acidini
erat scripseru
dijsse. ita ui
sima morte d
tem pepercer
ferret. ego tar
ni duos libert
profugisse me
tabernaculum
illa lectica, q
urbem eum
rat, sumus ei
niensibus, loc
petrare non p
neque tamen
ximam fuit
liremus, nobis
rarum gymn
combussimus
ses in eodem
ciendum loca
collegio, & P
ei praestitum

tempus à P. Magio Chilone, familiari eius, pugione percussus esse, & duo uulnera accepisse, unum in stomacho, alterum in capite secundum aurem; sperare tamen, eum uiuere posse: Magium se ipsum interfecisse postea se à Marcello ad me missum esse, qui hæc nuntiaret, et rogaret, uti cogerem medicos. coegi, et è uestigio eò sum profectus prima luce. cum nō longe à Piræo abessem; puer Acidini obuiam mihi uenit cū codicillis, in quibus erat scriptum, paulo ante lucem Marcellum diem suū obijisse. ita uir clarissimus ab homine terribilissimo acerbissima morte est affectus; et cui inimici propter dignitatem pepercerant, inuentus est amicus, qui ei mortem afferret. ego tamen ad tabernaculum eius perrexi; inueni duos liberos, & pauculos seruos: reliquos aiebant profugisse metu perterritos, quòd dominus eorum ante tabernaculum interfectus esset. coactus sum in eadem illa lectica, qua ipse delatus eram, meisq; lecticarijs in urbem eum referre: ibiq; pro ea copia, quæ Athenis erat, funus ei satis amplum faciendum curauim. ab Atheniensibus, locum sepulture intra urbem ut darent, impetrare non potui; quòd religione se impediri dicerent: neque tamen id antea cuiquam concesserant. quod proximum fuit; uti in quo uellemus gymnasio eum sepeliremus, nobis permiserunt. nos in nobilissimo orbis terrarum gymnasio Academia locum delegimus sibiq; eū combussimus: posteaq; curauimus, ut idem Athenienses in eodem loco monumentum ei marmoreum faciendum locarent. ita, quæ nostra officia fuerunt, pro collegio, & propinquitate & uiuo, & mortuo omnia ei præstitimus. Vale. Data pridie Calend. Iun. Athenis.

EPI. LIB. IIII.
M. CICERO P. NIGIDIO FIGVLO S.D.

Varenti mihi iandiu quid ad te potissimum
q scribere, non modo certa res ulla, sed ne genus
quidem literarum usitatum ueniebat in me-
rem: unam enim partem, & consuetudinem earum epi-
stolarum, quibus secundis rebus uti solebamus, tempus
eripuerat: perfeceratq; fortuna, ne quid tale scribere
possem, aut omnino cogitare, relinquebatur triste quod-
dam, & miserum, & his temporibus consentaneum ge-
nus literarum: id quoque deficiebat me: in quo debebat
esse aut promissio auxilij alicuius, aut consolatio dolo-
ris tui. quod pollicerer, non erat: ipse enim pari fortuna
obiectus, aliorum opibus casus meos sustentabā: sæpiusq;
mihi ueniebat in mentem, queri, quod ita uiuerem, quā
gaudere, quod uiuerem. quanquā enim nulla me ipsum
priuatim perculit insignis iniuria; nec mihi quidquam
tali tempore in mentem uenit optare, quod non ultro
mihi Cæsar detulerit: tamen nihilo minus eis conficior
curis, ut hoc ipsum, quod maneam in uita, peccare me
existimem: careo enim cum familiarissimis multis, quos
aut mors eripuit nobis, aut distraxit fuga; tum omni-
bus amicis, quorum beneuolentiam nobis conciliaret
per me quondam te socio defensa Respublica: uersorq; in eorū
nafragijs, et bonorum direptionibus: nec audio solum,
quod ipsum esset miserum, sed etiam id ipsum uideo,
quo nihil est acerbius, eorū fortunas dissipari, quibus nos
olim adiutoribus illud incendium extinximus: & in
qua urbe modo gratia, auctoritate, gloria florui-
mus, in ea nunc ijs quidem omnibus caremus: obtineamus
mus ipsius

mus ipsius Caesaris summam erga nos humanitatem:
sed ea plus non potest, quàm uis, & mutatio omnium
rerum, atque temporum. itaq; orbus ijs rebus omnibus,
quibus & natura me, & uoluntas, & consuetudo as-
suefecerat; cū cæteris, ut quidem uideor, tum ipsi mihi
displiceo: natus enim ad agendum semper aliquid di-
gnum uiro, nunc non modo agendi rationem nullam
habeo, sed ne cogitandi quidem: & qui antea aut ob-
scuris hominibus, aut etiam fontibus opitulari poterā;
nunc P. Nigidio, uni omnium doctissimo, & sanctissi-
mo, & maxima quondam gratia, & mihi certe ami-
cissimo, ne benigne quidem polliceri possum. ergo hoc
ereptum est literarum genus. Reliquum est, ut conso-
ler, & afferam rationes, quibus te à molestijs coner ab-
ducere. at ea quidem facultas uel tui, uel alterius con-
solandi, in te summa est, si unquam in ullo fuit. itaque
eam partem, quæ ab exquisita quadam ratione, & do-
ctrina profiscitur, non attingam, tibi totam relinquā.
quid sit forti, & sapienti homine dignum, quid graui-
tas, quid altitudo animi, quid acta tua uita, quid stu-
dia, quid artes, quibus à pueritia floruisti, à te flagitēt,
tu uidebis. ego, quod intelligere, et sentire, quia sum Ro-
mæ, & quia curo, attendoq; , possum, id tibi affirmo,
te in istis molestijs, in quibus es hoc tempore, non diu-
tius futurum, in ijs autem, in quibus etiam nos sumus,
fortasse semper fore. uideor mihi perspicere, primum
ipsius animum, qui plurimum potest, propensum ad sa-
lutem tuā. non scribo hoc temere. quo minus familiaris
sum, hoc sum ad inuestigandum curiosior. quo facilius,
quibus est iratior, respondere tristius possit; hoc est adhuc

tardior ad te molestia liberandum . familiares uero eius, & ij quidem , qui illi iucundissimi sunt, mirabiliter de te & loquuntur , & sentiunt . accedit eodem vulgi uoluntas, uel potius consensus omnium . etiam illa , quæ minimum nunc quidem potest (sed possit necesse est) Resp . quasunque uires habebit , ab ijs ipsis , quibus tenetur , de te propediē , mihi crede , impetrabit . Redeo igitur ad id , ut iam tibi etiam pollicear aliquid , quod primo omiseram . nam & amplectar eius familiarissimos , qui me admodum diligunt, multumq; mecum sunt : & in ipsius consuetudinem , quam adhuc meus pudor mihi clausit, insinuabo : et certe omnes uias persequar, quibus putabo ad id, quod uolumus , peruenire posse . in hoc toto genere plura faciam, quàm scribere audeo . cætera, quæ tibi à multis prompta esse certo scio , à me paratissima . nihil in re familiari mea est , quod ego malim meum esse, quàm tuum . hac de re , & de hoc genere toto, hoc scribo parcius, quod te , id quod ipse confido, sperare malo esse usurum tuis .

Extremum illud est, ut te horter , & obsecrem , animo ut maximo sis ; nec ea solum memineris , quæ ab alijs magnis uiris accepisti ; sed illa etiam, quæ ipse ingenio, studioq; peperisti . quæ si colliges ; & sperabis omnia optime ; & , quæ accident , qualiacunque erunt , sapienter feres . sed hæc tu melius , uel optime omnium . Ego , quæ pertinere ad te intelligam , studiosissime omnia, diligentissimeq; curabo ; tuorumq; tristissimo meo tempore meritorum erga me memoriam conseruabo .

M. CI

In

B. ri

m

dicebas, te u

ego autem,

uiris probare

is autem in

re (ipossis,

uestigium q

ipsumq; pra

is, quæ parti

re feramus :

exitus ex alie

tem . quo in

cordor, hæc

nostras, nō

quanto peri

quibus si ij

piditate add

iratorum ho

quæ crudel

sent ; quæ u

plissimoru, p

dicentem, at

hanc nimium

ri . Quod

laris : te ita

re nihil no

M. C I C E R O S. D. C N. P L A N C I O.

Inas à te accepi literas, Corcyra datas : quarum alteris mihi gratulabare , quod audisses me meam pristinam dignitatem obtinere : alteris dicebas, te uelle, quae egissem, bene, ac feliciter euenire . Ego autem, si dignitas est bene de Rep. sentire, & bonis uiris probare , quod sentias : obtineo dignitatem meam. sin autem in eo dignitas est, quod sentias, aut re efficere si possis , aut denique libera oratione defendere : ne uestigium quidem ullum est reliquum nobis dignitatis : agiturq; praeclare , si nosmet ipsos regere possimus ; ut ea, quae partim iam adsunt, partim impendent, moderate feramus : quod est difficile in eiusmodi bello , cuius exitus ex altera parte cadem ostendat, ex altera seruitutem . quo in periculo non nihil me consolatur, cum recordor , haec me tum uidisse , cum secundas etiam res nostras, non modo aduersas pertimescebam ; uidebamq; , quanto periculo de iure publico disceptaretur armis : quibus si ij uicissent, ad quos ego pacis spe, non belli cupiditate adductus accesseram ; intelligebam tamen, et iratorum hominum , & cupidorum , & insolentium quam crudelis esset futura uictoria : sin autem uicti essent ; quatus interitus esset futurus ciuium partim amplissimorum, partim etiam optimorum : qui me haec praedicentem, atque optime consulentem saluti suae, malebant nimium timidum, quam satis prudentem existimari . Quod autem mihi de eo , quod egerim , gratularis : te ita uelle , certo scio : sed ego tam misero tempore nihil noui consilij cepissem, nisi in reditu meo nihil-

H ij

EPIST. LIB. IIII.

meliores res domesticas, quàm Remp. offendissem. quibus enim pro meis immortalibus beneficijs charissima mea salus, & meæ fortunæ esse debebant: cū propter eorum scelus nihil mihi intra meos parietes tutū, nihil insidijs uacuum uiderem; nouarum ne necessitudinum fidelitate cōtra ueterum perfidiam muniendum putauī. sed de nostris rebus satis, uel etiam nimīū multa. De tuis uelim in eo sis animo, quō debes esse, id est ut ne quid tibi præcipue timendum putes: si enim status erit aliquis ciuitatis, quicumque erit, te omnium periculorum uideo expertem fore: nam alteros tibi iā placatos esse intelligo alteros nunquam iratos fuisse. De mea autem in te uoluntate sic uelim iudices, me, quibuscunque rebus opus esse intelligam, quanquā uideam quis sim hoc tempore, & quid possim, opera tamen, & consilio, studio quidem certe, rei, famæ, salutis tuæ præsto futurum. Tu uelim, & quid agas, & quid acturum te putes, facias me quamdiligentissime certiolem. Vale.

M. CICERO S. D. CN. PLANCIO.

Ccepi perbreues tuas literas: quibus id, quod scire cupiebam, cognoscere non potui: cognoui autem id, quod mihi dubium non fuit: nā quàm fortiter ferres cōmuneis miseras, non intellexi: quàm me amares, facile perspexi: sed hoc sciebā: illud si scissem, ad id meas literas accōmodassem. sed tamen etsi antea scripsi, quæ existimaui scribi oportere: tamē hoc tempore breuiter cōmonendū putauī, ne quo peri-

culo te proprio existimares esse : in magno omnes, sed tamen in communi sumus. quare non debes aut propriam fortunam, & præcipuam postulare, aut communem recusare. quapropter eo animo sumus inter nos, quo semper fuimus. quod de te sperare, de me præstare possum. Vale.

M. TVLLII CICERONIS EPISTOLARVM AD METELLVM, ET ALIOS.
LIBER V.

Q. METELLVS Q. F. CELER PROCOS. S. D. M. T. CICERONI.

Inales, bene est. Existimaram pro tuo inter nos animo, & pro reconciliata gratia, neque me absentem ludibrio læsum iri, nec Metellum fratrem obdictum capite, ac fortunis per te oppugnatum iri. quem si parum pudor ipsius defendebat; uel familiæ debebat nostræ dignitas, uel meum studium erga uos, remq; pub. satis subleuare. nunc uideo illum circumuentum, me desertum à quibus minime cōueniebat. itaque in luctu, & squalore sum, qui prouinciæ, qui exercitui præsum, qui bellum gero. quæ quoniam nec ratione, nec maiorum nostrorum clementia administrasti: non erit mirandum, si uos poenitebit. Te tam mobili in me, meosq; esse animo, non sperabam. Me interea nec domesticus dolor, nec cuiusquā iniuria à Rep. abducat. Vale.

EPIST. FAM.

M. T. CICERO Q. METELLO Q. F.
 CELERI PROCOS. S. D.

I tu, exercitusq; ualetis, bene est. Scribis ad
 S. me, te existimasse pro mutuo inter nos ani-
 mo, & pro reconciliata gratia, nunquam te
 à me ludibrio laesum iri: quod cuiusmodi sit, satis intelli-
 gere non possum: sed tamen suspicor ad te esse allatū,
 me, in senatu cū disputarem, permultos esse, qui Remp.
 à me conseruatā dolerent, dixisse; à te propinquos tuos,
 quibus negare non potuisses, impetrasse, ut ea, quæ sta-
 tuisses tibi in senatu de mea laude esse dicenda, retice-
 res. quod cum dicerem, illud adiunxi: mihi tecum ita
 dispersitum officium fuisse in Reip. salute retinenda, ut
 ego urbem à domesticis insidijs, & ab intestino scelere,
 tu italiam & ab armatis hostibus, & ab occulta coniu-
 ratione defenderes: atque hanc nostram tantū, & tam
 præclari muneris societatem à tuis propinquis labefa-
 ctatam: qui, cum tu à me rebus amplissimis, atque ho-
 norificentissimis ornatus esses, timuissent, ne qua mihi
 pars abs te uoluntatis mutuae tribueretur. hoc in sermo-
 ne cum à me exponeretur, quæ mea expectatio fuisset
 orationis tuæ, quantoq; in errore uersatus essem: uisa
 est oratio non iniucunda; & mediocris quidam est ri-
 sus consecutus, non in te, sed magis in errorem meum.
 & quod, me abs te cupisse laudari, aperte, atque inge-
 nue confitebar. iam hoc non potest in te non honorifice
 esse dictum, me in clarissimis meis, atque amplissimis
 rebus tamen aliquod testimonium tuæ uocis habere no-
 luisse. Quod autem ita scribis, pro mutuo inter nos

animo qu
 scio: equi
 tur, & re
 termisse p
 enim ratio
 iorem in d
 lud dico, m
 fuerim, sta
 rare coepi
 suspicari u
 sciente eff
 tum illo d
 te uerba fe
 meam non
 eas tuos con
 die factum
 officium m
 quam prop
 senatu ege
 literas mis
 lim iudice
 uentus, cur
 Quod scrib
 go, cur reco
 tata est.
 tem tuam
 lim existim
 bari, & fr
 luntate: de
 resisterim

animo quid tu existimes esse in amicitia mutuum, ne-
scio: equidem hoc arbitror, cum par uoluntas accipi-
tur, & redditur. ego si hoc dicam, me tua causa præ-
termisisse provinciam, tibi ipse leuior uidear esse: meæ
enim rationes ita tulerunt: atque eius mei consilij ma-
iorem in dies singulos fructum, uoluptatemq; capio. il-
lud dico, me, ut primum in concione provinciam depo-
suerim, statim, quemadmodum eam tibi traderem, cogi-
tare coepisse. nihil dico de sortitione uestra: tantum te
susplicari uolo, nihil in ea re per collegam meum me in-
sciente esse factum. recordare cætera; quàm cito sena-
tum illo die facta sortitione coegerim; quàm multa de
te uerba fecerim; cum tu ipse mihi dixisti, orationem
meam non solum in te honorificam, sed etiam in colle-
gas tuos contumeliosam fuisse. iam illud S. C. quod eo
die factum est, ea perscriptione est, ut, dum id extabit,
officium meum in te obscurum esse non possit. postea uero
quàm profectus es, uelim recordere, quæ ego de te in
senatu egerim, quæ in concionibus dixerim, quas ad te
litteras miserim. quæ cum omnia collegeris; tu ipse ue-
lim indices, satis ne uideatur his omnibus rebus tuus ad-
uentus, cum proxime Romam uenisti, mutuo respondisse.
Quod scribis de reconciliata nostra gratia: non intelli-
go, cur reconciliatam esse dicas, quæ nunquam immu-
tata est. Quod scribis, non oportuisse Metellum fra-
trem tuum ob dictum à me oppugnari: primum hoc ue-
lim existimes, animum mihi istum tuum uehementer pro-
bari, & fraternam plenam humanitatis, ac pietatis uo-
luntatē: deinde si qua ego in re fratri tuo Reipublicæ causa
resliterim; peto, ut mihi ignoscas: tam enim sum amis-

H. iiij

E P I S T. L I B. V.

cus Reip. quàm qui maxime. si uero meam salutem contra illius impetum in me crudelissimum defendere: satis habebas, nihil me etiamnum tecum de tui fratris iniuria conqueri. quem ego cum comperissem omnem sui Tribunatus conatum in meam perniciem parare, atque meditari: egi cum Claudia uxore tua, & cum uestra sorore Mutia, cuius erga me studium pro Cn. Pompeij necessitudine multis in rebus perspexeram, ut eum ab illa iniuria deterrerent. atque ille, quod te audisse credo, prid. Cal. Ianu. qua iniuria nemo unquam in aliquo magistratu improbissimus ciuis affectus est, ea me Consulem affecit, cum Rempu. conseruassem: atque abeuntem magistratu concionis habendæ potestate priuauit. cuius iniuria mihi tamen honori summo fuit: nam, cum ille mihi nihil, nisi ut iurarem, permitteret; magna uoce iuraui uerissimum, pulcherrimumq; iusiurandum: quod populus item magna uoce, me uere iurasse iurauit. hac accepta tam insigni iniuria, tamen illo ipso die misi ad Metellum communis amicos, qui agerent cum eo, ut ab illa mente desisteret. quibus ille respondit, sibi non esse integrum: etenim paulo ante in concione dixerat, ei, qui in alios animaduertisset indicta causa, dicendi ipsi potestatem fieri non oportere. hominem grauem, & ciuem egregium; qui, qua poena senatus, consensu bonorum omnium, eos affecerat, qui urbem incendere, magistratus, ac senatum trucidare, bellum maximum conflare uoluissent, eadem dignum iudicaret eum, qui curiam cedere, urbem incendijs, Italiam bello liberasset. itaque ego Metello fratri tuo præsentì restiti: nam in

A
senatu Ca
ret sibi ci
Ad III. I
uerbo ora
neque illi
cunque ra
tione, sed
ritati si u
esset, qui
quàm con
de me ne
fratre ess
filij: lenis
cum de his
me dicto
in me ini
humanita
acerbissim
la est à m
quotiescu
qui mihi
tiam; qu
ri non mo
parte adis
ter erat,
trem tuar
bis, anim
te uolunt
rem. Atq
per littera

senatu Cal. Ian. sic cum eo de Rep. disputavi, ut sentiret sibi cum uiro forti, & constanti esse pugnandum. Ad III. Non. Ian. cum agere coepissem, tertio quoque uerbo orationis suæ me appellabat, mihi minabatur: neque illi quidquam deliberatius fuit, quàm me, quacunque ratione posset, non iudicio, neque disceptatione, sed ui, atq; impressione euertere. huius ego temeritati si uirtute, atque animo non restitissem: quis esset, qui me in Consulatu nō casu potius existimaret, quàm consilio fortem fuisse? hæc si Metellum cogitare de me nescisti: debes existimare, te maximis de rebus à fratre esse cælatum. sin aliquid impertinuit tibi sui consilij: lenis à te, & facilis existimari debeo, qui nihil tecum de his ipsis rebus expostulem. & si intelligis non me dicto Metelli, ut scribis, sed consilio eius, animoq; in me inimicissimo esse commotum. Cognosce nunc humanitatem meam: si humanitas appellanda est in acerbissima iniuria remissio animi, ac dissolutio. nulla est à me unquam sententia dicta in fratrem tuum. quotiescunque aliquid est actum, sedens ijs assensi, qui mihi lenissime sentire nisi sunt. addam illud etiam; quod iam ego curare non debui, sed tamen fieri non moleste tuli, atque etiam, ut ita fieret, pro mea parte adiui; ut S. C. meus inimicus, quia tuus frater erat, subleuaretur. quare non ego oppugnaui fratrem tuum, sed fratri tuo repugnaui: nec in te, ut scribis, animo fui mobili, sed ita stabili, ut in mea erga te uoluntate, etiam desertus ab officijs tuis, permanerem. Atque hoc ipso tempore tibi penè minitanti nobis per literas, hoc rescribo, atque respondeo. ego dolori tuo

EPIST. FAM.

non solum ignosco, sed summam etiam laudem tribuo: meus enim me sensus, quanta vis fraterni sit amoris, admonet. à te peto, ut tu quoque æquum te iudicem dolori meo præbeas; si acerbe, si crudeliter, si sine causa sum à tuis oppugnatus, ut statuas mihi non modo non cedendum, sed etiam tuo, atque exercitus tui auxilio in eiusmodi causa utèdum fuisse. Ego te mihi semper amicum esse uolui: me ut tibi amicissimum esse intelligeres, laboravi. maneo in uoluntate, & quoad uoles tu, permanebo: citiusq; amore tui fratrem tuum odisse desinam, quàm illius odio quidquam de nostra beneuolentia detrahatur. Vale.

Q. METELLVS NEPOS S. D.
M. CICERONI.

H Ominis importunissimi contumeliæ, quibus crebris concionibus me onerat, tuis erga me officijs leniuntur: & ut sunt leues huiusmodi homines, à me despiciuntur: libenterq; commutata persona, te mihi fratris loco esse duco. de illo ne meminisse quidem uolo: tametsi bis eum inuitum seruauì. De me, meisq; rebus, ne uobis multitudine literarum molestior essem, ad Lollium perscripsi, de rationibus etiam prouinciæ quid uellem fieri, ut is uos doceret, & commonefaceret. Si poteris, uelim pristinam tuam erga me uoluntatem conserues. Vale.

M. T. CICERO S. D. Q. METEL-
LO NEPOTI COS.

Itera Q. fratris, & T. Pomponij necessarij
L mei tantum mihi spei dederant, ut in te non
minus auxilij, quam in tuo collega mihi con-
stitutum fuerit. itaq; ad te literas statim misi: per quas,
ut fortuna postulabat, & gratias tibi egi, & de reli-
quo tempore auxilium petij. postea mihi non tã meo-
rum litera, quã sermones eorum, qui hac iter faciebãt,
animum tuum immutatum significabant. quæ res fe-
cit, ut tibi literis obstrepere non auderem. nunc mihi
Q. frater meus mitissimam tuam orationẽ, quam in
senatu habuisses, perscripsit: qua inductus, ad te scri-
bere sum coactus: & abs te, quantum tua fert uolun-
tas, peto, quæsoq; ut tuos mecum serues potius, quã
propter arrogantiam, & crudelitatem tuorum me op-
pugnes. tu, tuas inimicitias ut Reip. donares, te uicisti:
alienas ut contra Rempu. confirmes, adduceres? quod se
mihi tua clementia opem tuleris, omnibus in rebus me
fore in tua potestate tibi confirmo. sin mihi neque ma-
gistratum, neque senatum, neque populum auxiliari
propter eam uim, quæ me cum Rep. uicit, licuerit: ui-
de, ne, cum uelis reuocare tempus omnium seruando-
rum, cum, qui seruetur, non erit, non possis. Vale.

M. T. CICERO S. D. C. ANTO-
NIO M. F. IMP.

E T si statueram nullas ad te literas mittere, nisi
comendatitias, non q. eas intelligere satis apud

E P I S T. L I B. V.

te ualere; sed ne ijs, qui me rogarent, aliquid de nostra coniunctione imminutum esse ostēderem: tamen cum T. Pomponius, homo omnium meorum in te studiorum & officiorum maxime conscius, tui cupidus, nostri amantissimus, ad te proficiscetur, aliquid mihi scribendum putavi, præsertim cum aliter ipsi Pomponio satisfacere non possem. Ego si abs te summa officia desiderem, mirum nemini uideri debeat: omnia enim à me in te profecta sunt, quæ ad tuum commodum, quæ ad honorem, quæ ad dignitatem pertinerent. pro ijs rebus nullam mihi abs te relatam esse gratiam, tu es optimus testis. contra etiam esse aliquid abs te profectum, ex multis audiui: nam comperisse me, non audeo dicere; ne forte id ipsum uerbum ponam, quod abs te aiunt falso in me solere conferri. sed ea, quæ ad me delata sunt, malo te ex Pomponio, cui non minus molesta fuerunt, quàm ex meis literis, cognoscere. meus in te animus quàm singulari officio fuerit, & senatus, & populus R. testis est. tu quàm gratus erga me fueris, ipse existimare potes. quantum mihi debeas, ceteri existiment. ego quæ tua causa antea feci, uoluntate sum adductus, posteaquē constantia. sed reliqua, mihi crede, multo maius meum studium, maioremquē grauitatem, & laborem desiderant: quæ ego si non profundere, ac perdere uidebor, omnibus meis uiribus sustinebo: sin ingrata esse sentiam, non committam, ut tibi ipse insanire uidear. ea quæ sint, & cuiusmodi, poteris ex Pomponio cognoscere. atq; ipsum tibi Pomponium ita commendo, ut, quanquam ipsius causa confido te facturum esse omnia, tamen abs te hoc petam, ut, si quid

residet in te amoris erga me, id omne in Pōponij negotio ostendas. hoc mihi gratius facere nihil potes. Vale.

M. CICERO S. D. P. SESTIO

L. F. PROCOS.

Um ad me Decius libertus tuus uenisset; egissetq; mecum, ut operam darem, ne tibi hoc tempore succederetur: quanquam illū hominem frugi, & tibi amicum existimabam; tamen, quod memoria tenebā, cuiusmodi ad me literas antea misisses, non satis credidi homini prudenti, tam ualde esse mutatam uoluntatem tuam. sed posteaquam & Cornelia tua Terentiam conuenit, & ego cum Q. Cornelio locutus sum: adhibui diligētiam, quotiescunque senatus fuit, ut adessem: plurimūq; in eo negotij habui, ut Q. Fusium Trib. pl. & ceteros, ad quos tu scripseras, cogerem mihi potius credere, quam tuis litteris. omnino res tota in mensem Ian. reiecta erat, sed facile obrinebatur. Ego tua gratulatione commotus, quod ad me pridē scripseras uelle te bene euenire, quod de Crasso domum emissem, emi eam ipsam domum XXXV, aliquanto post tuam gratulationem. itaque nunc me scito tantum habere æris alieni, ut cupiam coniurare, si quis me recipiat. sed partim odio induti me excludunt, & aperte uindicem coniurationis oderunt: partim non credunt; & à me insidias metuumt; nec putant ei nummos deesse posse, qui ex obsidione fœneratores exemerit. omnino semissibus magna copia est. ego autem meis rebus ge-

EPIST. LIB. V.

his hoc sum affecutus, ut bonum nomen existimer.
Domum tuam, atque ædificationem omnem perspexi,
& uehementer probaui. Antonium, etsi eius in me
officia omnes desiderant, tamen in senatu grauissime,
ac diligentissime defendi; senatumq; uehementer ora
tione mea, atque auctoritate commoui. Tu ad me
uelim literas crebrius mittas. Vale.

M. TVLLIVS M. F. CICERO S. D. CN.
POMPEIO CN. F. MAGNO, IMP.

I tu, exercitusq; ualetis, bene est. Ex literis
S tuis, quas publice misisti, cepi unā cum omni-
bus incredibilem uoluptatem: tantam enim
spem otij ostendisti, quantā ego semper omnibus te uno
fretus pollicebar. sed hoc scito, tuos ueteres hostes, no-
uos amicos, uehementer literis perculsos, atq; ex magna
spe deturbatos iacere. ad me autē literas quas misisti,
quanquam exiguam significationem tuæ erga me uo-
luntatis habebant, tamen nihil scito iucundas fuisse.
nulla enim re tam letari soleo, quā meorū officiorū
conscientia. quibus si quando non mutuo respōdetur;
apud me plus officij residere facillime patior. illud non
dubito, quin, si te mea summa erga te studia parū mi-
hi adiunxerunt, Resp. nos inter nos conciliatura, cō-
iuncturaq; sit. ac ne ignores, quid ego in tuis literis de-
siderarim: scribam aperte, sicut & mea natura, &
nostra amicitia postulat. Res eas gessi, quarum aliquā
in tuis literis & nostræ necessitudinis, & Reip. causa
gratulationem expectaui: quam ego abs te prætermis-

AD N
sem esse an
offenderes.
mus, orbis
qua, cum u
gnitudine d
iori, quā
Lelius, facil
se patiare.

M. T
N
V
q tu
bi
non enim f
modi, quo
sulibus, &
decertauit,
cepitq; mihi
bus orname
dū debitum
prum officiu
quam mihi t
fuit: sed qua
tium, & te
aliquando in
tum mihi m
tuis rebus m
uoluntatis,

sam esse arbitror, quòd uerebare, ne cuius animum offenderes. sed scito, ea, quæ nos pro salute patriæ gessimus, orbis terræ iudicio, ac testimonio comprobari. quæ, cum ueneris, tanto consilio, tantâq; animi magnitudine à me gesta esse cognosces, ut tibi multo maiori, quàm Africanus fuit, me non multo minorem, quàm Lælius, facile & in Rep. & in amicitia adiunctum esse patiare. Vale.

M. TVLLIVS CICERO M. LICINI
NIO P. F. CRASSO S. D.

Vantum meum studium extiterit dignitatis
q tuæ uel tuendæ, uel etiam augendæ, non dubito, quin ad te omnes tui perscripserint: non enim fuit aut mediocre, aut obscurum, aut eiusmodi, quod silentio posset præteriri. nam & cum Cōsulibus, & cum multis consularibus tanta contentione decertauī, quanta nunquam antea ulla in causa: suscepīq; mihi perpetuam propugnationem pro omnibus ornamentis tuis: ueterīq; nostræ necessitudini iandiu debitum, sed multa uarietate temporum interruptum officium cumulate reddidi. neque mehercule unquam mihi tui aut colendi, aut ornandi uoluntas defuit: sed quædam pestes hominum laude aliena dolentium, & te nonnunquam à me alienarunt, & me aliquando immutarunt tibi. sed extitit tempus optatum mihi magis, quàm speratum, ut florentissimis tuis rebus mea perspicī posset & memoria nostræ uoluntatis, & amicitie fides. sum enim consecutus,

non modo ut domus tua tota, sed ut cuncta ciuitas
 me tibi amicissimum esse cognosceret. itaque & præ-
 stantissima omnium fœminarum uxor tua, & eximia
 pietate, uirtute, gratia tui Crassi meis consilijs, monitis,
 studijs, actionibusq; nituntur: et senatus populusq; R.
 intelligit, tibi absenti nihil esse tam promptum, aut tã
 paratum, quàm in omnibus rebus, quæ ad te pertineat,
 operam, curam, diligentiam, auctoritatem meam. quæ
 sint acta, quæq; agantur, domesticorum tibi literis de-
 clarari puto. De me sic existimes, ac tibi persuadeas ue-
 hementer uelim; non me repentina aliqua uoluntate,
 aut fortuito ad tuam amplitudinem meis officijs am-
 plectendam incidisse, sed, ut primum forum attigerim,
 spectasse semper, ut tibi possem quam maxime esse cõ-
 iunctus. quo quidem ex tempore, memoria teneo, neq;
 meam tibi obseruantiam, neque mihi tuam summam
 beneuolentiam, ac liberalitatem defuisse. si qua inter-
 ciderunt non tam re, quàm suspitione uiolata; ea cum
 fuerint & falsa, & inania, sint euulsa ex omni memo-
 ria, uitâq; nostra. is enim tu uir es, & eum me esse cu-
 pio, ut, quoniam in eadem Reip. tempora incidimus,
 coniunctionem, amicitiamq; nostram utrique nostrum
 laudi sperem fore. quam obrem tu quantum tuo iudi-
 cio tribuendum nobis esse putes, statues ipse, & ut spes-
 ro, statues ex nostra dignitate. ego uero tibi profiteor,
 atque polliceor eximium, et singulare meum studium
 in omni genere officij, quod ad honestatem, & glo-
 riam tuam spectet. in quo, etiam si multi mecum con-
 tendent, tamen cū reliquis omnibus, tum Crassis tuis iu-
 dicibus omnes facile superabo: quos quidẽ ego ambos
 unice

unice dili-
 magis sum-
 ritia sua
 rum paren-
 existimes
 ea, quæ tibi
 naturum,
 pia defen-
 non solum
 causa per-
 arbitrata
 telligerem
 ad amplit-
 eturum: si
 tuis, effectus
 neque que
 obrem ue-
 mis, maxi-
 cissimum
 te gratia
 forensibus
 tuorum me
 me deside

AD METELLVM, ET ALIOS. 65

unice diligo, sed in Marco benevolentia impari: hoc magis sum Publio deditus, quod me quanquam a pueritia sua semper, tamen hoc tempore maxime, sicut alterum parentem, & obseruat, et diligit. has literas uelim existimes foederis habituras esse uim, non epistolae; meque ea, quae tibi promitto, ac recipio, sanctissime esse obseruaturum, diligentissimeque facturum. quae a me suscepta defensio est te absente dignitatis tuae, in ea iam ego non solum amicitiae nostrae, sed etiam constantiae meae causa permanebo. quamobrem satis esse hoc tempore arbitratus sum, hoc ad te scribere: me, si quid ipse intelligerem aut ad uoluntatem, aut ad commodum, aut ad amplitudinem tuam pertinere, mea sponte id esse facturum: sin quidpiam aut a te essem admonitus, aut a tuis, effecturum, ut intelligeres, nihil neque te scripsisse, neque quenquam tuorum ad me frustra detulisse. quamobrem uelim ita & ipse ad me scribas de omnibus minimis, maximis, mediocribusque rebus, ut ad hominem amicissimum: & tuis praecipias, ut opera, consilio, auctoritate, gratia mea sic utantur in omnibus publicis, priuatis, forensibus, domesticis, tuis, amicorum, hospitum, clientium tuorum negotiis, ut, quoad eius fieri possit, praesentiae tuae desiderium meo labore minuat. Vale.

P. VATINIUS IMP. M. CICE=

RONI SVO S. D.

I uales, bene est: ego ualeo. si tua consuetudinem in patrocinijs tuendis seruas, P. Vatinius cliens ad te uenit, qui pro se causam dicier

vult. non puto repudiabis in honore, quem in periculo
 recepisti. ego autem quem potius adoptem, aut inuo-
 cem, quàm illum, quo defendente vincere didici? an
 verear, ne, qui potentissimorum hominum cōspirationem
 neglexerit pro mea salute, is pro honore meo, pusillo-
 rum, ac maleuolorum obreētationes, & inuidias non
 prosternat, atque obterat? quare si me, sicut soles, amas;
 suscipe me totum; atque hoc, quidquid est oneris, ac
 muneris, pro mea dignitate tibi tuendum, ac sustinen-
 dum puta. scis meam fortunam, nescio quo modo facile
 obreētatores inuenire, non meo quidem mehercule
 merito: sed quanti id refert, si tamen fato nescio quo
 accidit? si quis forte fuerit, qui nostræ dignitati obesse
 uelit: peto à te, ut tuam consuetudinem, & liberali-
 tatem in me absente defendendo mihi præstes. Literas
 ad senatum nostris de rebus gestis quo exemplo mise-
 ram, infra tibi perscripsi. Dicitur mihi tuus seruus
 anagnostes fugitiuus cum Vardæis esse: de quo tu mihi
 nihil mandasti: ego tamen, terra, mariq; ut conquirere-
 tur, præmandavi: & profecto tibi illum reperiam, ni-
 si in Dalmatiam aufugerit, & inde tamen aliquando
 eruam. Tu nos fac ames. Vale. ad III. Id. Quint. ex
 castris, Narona.

P. VATINIVS IMP. M. CICE-
 RONI SVO S. D.

I uales, bene est: ego quidem ualeo. De Diony-
 sio tuo adhuc nihil extrico, et eo minus, quòd
 me frigus Dalmaticum, quod illinc eiecit,

AD
 etiam hi
 illum ali
 imperas.
 tionis dili
 lio: nam
 modi uos
 unum om
 familias,
 uastauit
 culit, &
 re possun
 peras me
 rius eram
 dono, qui
 repta, na
 occisos, ad
 berem, i
 finire no
 lo, que
 discipulo
 eo maxim
 fendes.
 plicationi
 fert: qua
 res gesser
 bellum co
 tiqua: q
 hac nisi o
 decernu
 rilimpera

etiam hic refrigeravit : sed tamen non desistam , quin illum aliquando eruam . sed tamen omnia mihi dura imperas . de Catilio nescio quid ad me scripsisti deprecationis diligentissimæ . Apage te cum nostro Sex. Seruilio : nam mehercule ego illum quoque amo . sed huiusce modi uos clientes , huiusmodi causas recipitis ? hominem unum omnium crudelissimū , qui tot ingenuos , matres familias , ciues R. occidit , arripuit , disperdidit , regiones uastauit ? simius , non semissis homo , contra me armatulus , & eum bello cepi . sed tamen mi Cicero quid facere possum ? omnia mehercule cupio , quæ tu mihi imperas . meam animaduersionem et supplicium , quo : suus eram in eum , quem cepissem , remitto tibi , & con- dono . quid illis respondere possum . qui sua bona direpta , nauis expugnatas , fratres , liberos , parentes occisos , actione expostulant ? si mehercule Appij os haberem , in cuius locum suffectus sum ; tamen hoc sustinere non possem . quid ergo est ? faciam omnia sedulo , quæ te sciam uelle . defenditur à Q. Volusio tuo discipulo . si forte ea res poterit aduersarios fugare , in eo maxima spes est . Nos , si quid erit istic opus , defendes . Cæsar adhuc mihi iniuriam facit : de meis supplicationibus , & rebus gestis Dalmaticis adhuc non refert : quasi uero non iustissimi triumphi in Dalmatia res gesserim . nam si hoc expectandum sit , dum totum bellum conficiam : uiginti oppida sunt Dalmatiæ antiqua : quæ ipsa sibi ascinerunt , amplius sexaginta . hæc nisi omnia expugno , si mihi supplicationes non decernuntur ; longe alia conditione ego sum , ac ceteri Imperatores .

Ego post supplicationes mihi decretas in Dalmatiam profectus sum: sex oppida ui oppugnando cepi: unum hoc, quod erat maximum, quater à me iam captum: quatuor enim turreis, & quatuor muros cepi, & arcem eorum totā: ex qua me niues, frigora, imbres detruferunt: indigneq; mi Cicero oppidum captum, & bellum iam confectum relinquere sum coactus. quare te rogo, si opus erit, ad Cæsarem meam causam agas, meq; tibi in omnes partes defendendū putes, hoc existimās, neminē te tui amantiorem habere. Vale. Non. Dec. Narona.

M. CICERO P. VATINIO IMP. S.

Rata tibi esse officia mea, non miror: cognovi enim te gratissimum omnium: idq; nunquā destiti prædicare: nec enim tu mihi gratiam modo habuisti, uerum etiam cumulatissime retulisti. quamobrem reliquis tuis rebus omnibus pari me studio erga te, & eadem uoluntate cognosces. Quod mihi foeminam primariam Pompeiam uxorem tuam commendas: cum Sura nostro statim tuis literis lectis locutus sum, ut ei meis uerbis diceret, ut, quidquid opus esset, mihi denunciaret, me omnia, quæ ea uellet, summo studio curaq; facturum: itaq; faciam, eamq; si opus esse uidebitur, ipse conueniam. tu tamen ei uelim scribas, ut nullam rem neque tam magnam, neque tam parvam putes, quæ mihi aut difficilis, aut parum me digna uideatur. omnia, quæ in tuis rebus agam, & non laboriosa mihi, & honesta uidebuntur. De Dionysio, si me amas, confice, quamcunque ei fidem dederis, præsta-

AD METELLVM, ET ALIOS. 67
bo. si uero improbus fuerit, ut est; duces eum captiuum
in triumpho. Dalmatis Diij male faciant, qui tibi mole=
sti sunt. sed, ut scribis, breui capientur, & illustrabunt
res tuas gestas: semper enim habiti sunt bellicosi. Vale.

M. CICERO S. D. L. LVCEIO Q. F.

Oram me tecum eadem hæc agere sæpe conã
tem deterruit pudor quidem penè subrusti=
cus: quæ nunc expromam absens audacius:
epistola enim non erubescit. Ardeo cupiditate incredibi=
li, neque, ut ego arbitror, reprehendenda, nomen ut no=
strum scriptis illustretur, & celebretur tuis. quod etsi
mihi sæpe ostendis te esse facturum, tamen ignoscas ue=
lim huic festinationi meæ: genus enim scriptorum tuo=
rum etsi erat semper à me uehementer expectatum, ta=
men uicit opinionem meam; meq; ita uel cepit, uel incē=
dit, ut cuperem quàm celerrime res nostras monumentis
commendari tuis: non enim me solum commemoratio
posteritatis ad spem quandam immortalitatis rapit, sed
etiã illa cupiditas, ut uel auctoritate testimonij tui, uel
indicio beneuolentiæ, uel suauitate ingenij uiui perfrua=
mur. neque tamen, hæc cū scribebam, eram nescius, quã
tis oneribus premerere susceptarū rerum, & iam institu=
tarū. sed quia uidebam Italici belli, & civilis historiã iã
penè à te esse perfectam; dixeras autē mihi, te reliquas
res ordiri: deesse mihi nolui, quin te admonerem, ut cogi=
tares, cōiuncte ne malles cū cæteris rebus nostra cōtexe=
re, an, ut multi Græci fecerunt, Callisthenes Troicū bel=
lum, Timæus Pyrrhi, Polybius Numantinū, qui omnes à

perpetuis suis historijs ea, quæ dixi, bella separauerunt; tu quoque item civilem coniurationē ab hostilibus, externisq; bellis seiungeres. equidem ad nostram laudem non multum uideo interesse: sed ad properationem meam quiddam interest, non te expectare, dum ad locum uenias, at statim causam illam totam, & tēpus arripere. & simul si uno in argumento, unaq; in persona mens tua tota uersabitur: cerno iam animo, quāto omnia uberiora, atque ornatiora futura sint. neque tamē ignoro, quā impudenter faciam, qui primum tibi tantum oneris imponam, (potest enim mihi denegare occupatio tua) deinde etiam, ut ornes me, postulem. quid, si illa tibi non tantopere uidentur ornanda? sed tamen, qui semel uerecundia sineis transierit, eum bene, & nauiter oportet esse impudentem. itaque te planē etiam atque etiam rogo, ut & ornes ea uehementius etiam, quā fortasse sentis; & in eo leges historiæ negligas; gratiamq; illam, de qua suauissime quodam in proœmio scripsisti, à qua te affici non magis potuisse demonstras, quā Herculem Xenophontium illum à uoluptate, ea si me tibi uehementius commendabit, ne aspernere; amoriq; nostro plusculum etiam, quā concedit ueritas, largiari. quòd si te adducemus, ut hoc suscipias: erit, ut mihi persuadeo, materies digna facultate, & copia tua. à principio enim coniurationis usque ad reditum nostrum uidetur mihi modicum. quoddam corpus confici posse. in quo & illa poteris uti civilium commutationum scientia, uel in explicandis causis rerum nouarum, uel in remedijs incommodorum; cum & reprehendes ea, quæ uituperanda duces; & quæ

placebunt, exponendis rationibus comprobabis, & si liberius, ut consuesti, agendum putabis, multorum in nos perfidiam, insidias, proditionem notabis, multam etiam casus nostri tibi uarietatem in scribendo suppeditabunt, plenam cuiusdam uoluptatis, quæ uehementer animos hominum in legendo scripto retinere possit: NIHIL est enim aptius ad delectationem lectoris, quàm temporum uarietates, fortunæq; uicissitudines: quæ etsi nobis optabiles in experiendo non fuerunt, in legendo tamen erunt iucundæ. HABET enim præteriti doloris secura recordatio delectationem: cæteris uero nulla perfunctis propria molestia, casus alienos sine ullo dolore intuentibus, etiam ipsa misericordia est iucunda. quem enim nostrum ille moriens apud Mantineam Epaminondas non cum quadam miseratione delectat? qui tum denique sibi auelli iubet spiculum, posteaquam ei percontanti dictum est, clypeum esse saluum: ut etiam in uulneris dolore, æquo animo cum laude moreretur. cuius studium in legendo non cretum Themistoclis fuga, redituq; retinetur? etenim ordo ipse annalium mediocriter nos retinet quasi enumeratione fastorum: at uiri sæpe excellentis ancipites, uariiq; casus habent admirationem, expectationem; lætitiā, molestiam; spem, timorem: si uero exitu notabilē concluduntur, expletur animus iucundissimæ lectionis uoluptate. quod mihi acciderit optatius, si in hac sententia fueris, ut à continentibus tuis scriptis, in quibus perpetuam rerum gestarum historiam complecteris, secernas hanc quasi fabulam rerum, euentorumq; notiorum. habet enim uarios actus, multasq; actiones

& consiliorum, & temporum. Ac non uereor, ne assen-
 tatiuncula quadam aucupari tuam gratiam uidear,
 cum hoc demonstrem, me à te potissimum ornari, cele-
 brariq; uelle: neque enim tu is es, qui, quid sis, ne-
 scias; & qui non eos magis, qui te non admirentur, in-
 uidos, quàm eos, qui laudent, assentatores arbitrere. ne-
 que autem ego sum ita demens, ut me sempiternæ glo-
 riæ per eum commendari uelim, qui non ipse quoque
 in me commendando propriam ingenij gloriam conse-
 quatur: neque enim Alexander ille gratiæ causa ab
 Apelle potissimum pingi, & à Lysippo fingi uolebat,
 sed quòd illorum artem cum ipsis, tum etiam sibi glo-
 riæ fore putabat. atque illi artifices corporis simulacra
 ignotis nota faciebant: quæ uel si nulla sint, nihilo
 sunt tamen obscuriores clari uiri: nec minus enim est
 Spartiates Agesilaus ille perhibendus, qui neque pictâ,
 neque fictâ imaginem suam passus est esse, quàm qui
 in eo genere laborarunt: unus enim Xenophontis libel-
 lus in eo rege laudando facile omnes imagines omnium,
 statuasq; superauit. atque hoc præstantius mihi fuerit
 & ad lætitiâ animi, & ad memoriæ dignitatem, si
 in tua scripta peruenero, quàm si in cæterorum; quòd
 non ingenium mihi solum suppeditatum fuerit tuum,
 sicut Timoleonti a Timæo, aut ab Herodoto Themisto-
 cli, sed etiam auctoritas clarissimi, & spectatissimi
 uiri, & in Reipub. maximis, grauissimisq; causis cogni-
 ti, atque in primis probati: ut mihi non solum præco-
 nium, quod, cum in Sigæum uenisset, Alexander ab
 Homero Achilli tributum esse dixit, sed etiam graue
 testimonium impertitum clari hominis, magniq; uis

AD
 deatur
 non rat
 dato ni
 res impe
 me rogat
 cere, qu
 de me m
 rum. se
 uitia: c
 si quid
 prehens
 nor as
 me recu
 cum cet
 nomina
 dorum
 adhibe
 hæc nos
 nitabim
 rere, co
 nostroru
 mandat
 uerbis p
 initio se
 et cæter
 & nos
 rebus q
 has mi
 comme
 in terr

deatur. placet enim Hector ille mihi Næuianus, qui non tantum laudari se lætatur, sed addit etiam, à laudato uiro. quod si à te non impetro, hoc est, si qua te res impedierit, (neque enim fas esse arbitror, quidquā me rogantem abs te non impetrare) cogar fortasse facere, quod nonnulli sæpe reprehendunt: scribam ipse de me multorum tamen exemplo, & clarorum uiro- rum. sed, quod te non fugit, hæc sunt in hoc genere uitia: & uerecundius ipsi de sese scribant, necesse est, si quid est laudandum; & prætereant, si quid forte reprehendendum est. accedit etiam, ut minor sit fides, minor auctoritas, multi denique reprehendant, & dicāt, uerecundiores esse præcones ludorū gymnico- rum, qui, cum cæteris coronas imposuerunt uictoribus, eorumq; nomina magna uoce pronunciarunt, cum ipsi ante ludorum missionem corona donentur, alium præconem adhibeant, ne sua uoce ipsi se uictores esse prædicent. hæc nos uitare cupimus, & si recipis causam nostram, uitabimus: idq; ut facias, rogamus. Ac ne forte mirere, cur, cum mihi sæpe ostenderis te accuratissime nostrorum temporum consilia, atque euentus literis mandaturum, à te id nunc tantopere, & tam multis uerbis petamus: illa nos cupiditas incendit, de qua initio scripsi, festinationis, quod alacres animo sumus, ut et cæteri uiuentibus nobis ex libris tuis nos cognoscant, & nosmet ipsi uiui gloriola nostra perfruamur. his de rebus quid acturus sis, si tibi non est molestum, rescribas mihi uelim. si enim suscipis causam, conficiam commentarios rerum omnium. sin autem differs me in tempus aliud, coram tecum loquar. tu interea non

EPI. LIB. V.
cessabis, & ea, quæ habes instituta, perpolies, nosq;
diliges. Vale.

M. CICERO S. D. L. LV
CEIO Q. F.

Vanquam ipsa consolatio literarum tuarum
q mihi gratissima est; declarat enim summam
benevolentiam coniunctam pari prudentia:
tamen illum fructum ex ijs literis uel maximum cepi,
quod te præclare res humanas contemnentem, & opti-
me contra fortunam paratum, armatumq; cognoui.
quam quidem laudem sapiëntiæ statuo esse maximam,
NON aliunde pendere, nec extrinsecus aut bene, aut
male uiuendi, suspensas habere rationes. quæ cogita-
tio cum mihi non omnino excidisset, (etenim penitus
insederat) ui tamen tempestatum, & concussu cala-
mitatum erat aliquantum labefactata, atque conuul-
sa: cui te opitulari & uideo, & id fecisse etiam proxi-
mis literis, multumq; profecisse sentio. itaque hoc sæ-
pius dicendum, tibiq; non significandum solum, sed
etiam declarandum arbitror, nihil mihi esse potuisse
tuis literis gratius. ad consolandum autem cum illa
ualent, quæ eleganter, copioseq; collegisti: tum nihil
plus, quam quod firmitudinem, grauitatemq; ani-
mi tui perspexi; quam non imitari, turpissimum exi-
stimo. itaque hoc etiam fortiozem me puto, quam te
ipsum præceptorem fortitudinis, quod tu mihi uidere
spem nonnullam habere, hæc aliquando futura melio-
ra: casus enim gladiatorij, similitudinesq; eæ, tum ra-

tiones in ea disputatione à te collectæ, uetabant me
 Reipub. penitus diffidere. itaque alterum minus mirū,
 fortiolem te esse, cum aliquid speres: alterum mirum,
 spe ulla teneri. quid est enim non ita affectum, ut id
 non deletum, extinctumq; omne esse fateare? circun-
 spice omnia membra Reipub. quæ notissima sunt tibi:
 nullum reperiēs profecto, quod non fractum, debilita-
 tum ue sit. quæ persequerer, si aut melius ea uiderem,
 quàm tu uides; aut commemorare possem sine dolore.
 quanquam tuis monitis, præceptisq; omnis est abiciens
 dolor. ergo & domestica feremus, ut censes, & pu-
 blica paulo etiam fortius fortasse, quàm tu ipse, qui
 præcipis. te enim spes aliqua consolatur, ut scribis: nos
 autem erimus etiam in omni desperatione fortes, ut tu
 tamen idem & hortaris, & præcipis. das enim mihi iu-
 cundas recordationes conscientie nostræ, rerumq; ear-
 um, quas te in primis auctore gessimus. præstitimus
 enim patriæ non minus certe, quàm debuimus, plus
 profecto, quàm est ab animo cuiusquam, aut consilio
 hominis postulaturn. ignoscet mihi de me ipso aliquid
 prædicanti: quarum enim tu rerum cogitatione nos
 leuare ægritudine uoluisti, earum etiam commemora-
 tione lenimur. itaque, ut mones, quantum potero, me
 ab omnibus molestiis, & angoribus abducam: transfe-
 ramq; animum ad ea, quibus secundæ res ornantur, ad-
 uersæ adiuuantur: tecumq; & ero tantum, quantum
 patietur utriusque ætas, & ualetudo: & si esse una
 minus poterimus, quàm uolumus, animorum tamen
 coniunctione ijsdem studiis ita fruemur, ut nunquam
 non unà esse uideamur. Vale.

EPI. LIB. V.
L. LVCEIVS Q. F. S. D. M. TVL-
LIO CICERONI M. F.

I uales, bene est: ego ualeo, sicut soleo, paululo
S tamen etiam deterius, quàm soleo. Te requisi
ui sæpius, ut uiderem. Romæ quia postea non
fuiſti, quàm à me diſceſſeſas, miratus ſum: quod item
nunc miror. non habeo certum, quæ te res hinc maxi
me retrahat; ſi ſolitudine delectare, cum ſcribas, & ali
quid agas eorum, quorum conſueſti: gaudeo, neque re
prehendo tuum conſilium: nam nihil iſto poteſt eſſe iu
cundius, non modo miſeris hiſ temporibus, & luctuoſis,
ſed etiam tranquillis, & optatis, præſertim uel animo
defatigato tuo, qui nunc requiem quærit ex magnis oc
cupationibus, uel erudito, qui ſemper aliquid ex ſe pro
mat, quod alios delectet, te ipſum laudibus illuſtret. ſin
autem, ſicut hic dum eras, & lacrymis, & triſtitia te
tradidiſti: doleo, quia doles, & angere: nec poſſum te, ſi
concedis, quod ſentimus, ut liberius dicamus, non accu
ſare. quid enim? tu ſolus aperta non uidebis, qui pro
pter acumen occultiſſima perſpicis? tu non intelliges
te querelis quotidianis nihil proficere? non intelliges
duplicari ſolicitudines, quas eleuare tua te prudentia
poſtulat? quòd ſi non poſſumus aliquid proficere ſua
dendo, gratia contendimus & rogando, ſi quid noſtra
cauſa uiſ, ut iſtis te moleſtijs laxes, & ad conuietum no
ſtrum redeas, & ad conſuetudinem, uel noſtram com
munem, uel tuam ſolius, ac propriam. cupio non
obtundere te, ſi non delectare noſtro ſtudio: cupio
deterreſcere, ne permaneas in incepto: cum duæ res

AD
iſte con
mibi ue
fendas.

M.

O

& opta
tempus
tu ſuſpi
uerbis
uulneris
enim: ad
buius
runt, al
re poſſen
amor, co
res deeſt
una? ne
alibet
in Puteo
forum co
neſcio qu
maxime
deret. q
to & do
latijs? li
aliud fa

istæ contrariæ me conturbent: ex quibus aut in altera
mihi uelim, si potes obtemperes; aut in altera non of=
fendas. Vale.

M. CICERO L. LVCEIO Q. F. S.

Mnis amotuus ex omnibus partibus se osten=
dit in his literis, quas à te proxime accepi, nō
ille quidem mihi ignotus, sed tamen gratus,
& optatus, dicerem iucundus, nisi id uerbum in omne
tempus perdidissem, neque ob eam unam causam, quā
tu suspicaris, & in qua me lenissimis, & amantiſſimis
uerbis utens, re grauiter accusas; sed quod illius tanti
uulneris quæ remedia esse debebant, ea nulla sunt. quid
enim? ad amicos ne confugiam? quā multi sunt? ha=
buimus enim ferè communis: quorum alij occide=
runt, alij nescio quo pacto obduruerunt. tecum uiue=
re possem equidem, & maxime uellem. uetustas est,
amor, consuetudo, studia paria: quod uinculum, quæ
res deest nostræ coniunctioni? possumus ne igitur esse
una? nec mehercule intelligo, quid impediat: sed certe
adhuc non fuimus, cum essemus uicini in Tusculano,
in Puteolano, nam quid dicam, in urbe? in qua, cum
forum commune sit, uicinitas non requiritur. sed casu
nescio quo in ea tempora nostra ætas incidit, ut, cum
maxime florere nos oporteret, tum uiuere etiam pu=
deret. quod enim mihi poterat esse perfugium spolia=
to & domesticis, & forensibus ornamentis, atque so=
latijs? literæ, credo, quibus utor assidue: quid enim
aliud facere possum? sed nescio quo modo ipse illæ ex=

cludere me à portu, & perfugio uidentur, et quasi exprobrare, quòd in ea uita maneā, in qua nihil insit, nisi propagatio miserrimi temporis. Hic tu ea me abesse urbe miraris, in qua domus nihil delectare possit, summū sit odium temporum, hominum, fori, curiæ? itaq; sic literis utor, in quibus consumo omne tempus, non ut ab his medicinam perpetuam, sed ut exiguam doloris obliuionem petam. quòd si id egissemus ego, atque tu, quod ne in mentem quidem nobis ueniebat propter quotidianos metus: omne tempus una fuisset: neque me ualedo tua offenderet, neque te mœror meus. quod, quantum fieri poterit, consequamur: quid enim utrique nostrum aptius? propediem te igitur uidebo. Vale.

M. T. CICERO S. D. TITIO.

¶ Si unus ex omnibus minime sum ad te consolandum accommodatus, quòd tantum ex tuis molestiis cepi doloris, ut consolatione ipse egerem: tamen cum longius à summi luctus acerbitate meus abesset dolor, quàm tuus, statui nostræ necessitudinis esse, meæq; in te beneuolentiæ, non tacere tanto in tuo mœrore tandiu, sed adhibere aliquam modicam consolationem, quæ leuare dolorem tuum posset, si minus sanare potuisset. Est autem consolatio peruulgata quidem illa maxime, quā semper in ore, atque in animo habere debemus, HOMINES nos ut esse meminimus, ea lege natos, ut omnibus telis fortunæ proposita sit uita nostra; neque esse recusandum, quo minus ea, qua nati sumus, conditione uiuamus: ne ue

tam grauit̃ eos casus feramus, quos nullo consilio ui-
 tare possumus: euentisq; aliorum memoria repetendis,
 nihil accidisse nobis noui cogitemus, neque hæ, neque
 ceteræ consolationes, quæ sunt à sapiētissimis uiris usur-
 patæ, memoriæq; & literis proditæ, tantum uidentur
 proficere debere, quantum status ipse nostræ ciuitatis,
 & hæc perturbatio temporum perditorum: cum bea-
 tissimi sint, qui liberos non susceperunt; minus autem
 miseri, qui his temporibus amiserunt, quàm si eosdem
 bona, aut denique aliqua Rep. perdidissent. quòd si tuū
 te desiderium mouet; aut si tuarum rerum cogitatione
 mœres: non facile exhauriri tibi istum dolorem posse
 uniuersum puto. sin illa te res cruciat, quæ magis amo-
 ris est, ut eorum, qui occiderunt, miseras lugeas: ut ea
 non dicam, quæ sæpissime & legi, & audiui, nihil ma-
 li esse in morte; in qua si resideat sensus, immortalitas
 illa potius, quàm mors ducenda sit; sin sit amissus, nulla
 uideri miseria debeat, quæ non sentiatur: hoc tamen
 non dubitās confirmare possum, ea misceri, parari, im-
 pendere Reip. quæ qui reliquerit, nullo modo mihi qui-
 dem deceptus esse uideatur: quid est enim iam non mo-
 do pudori, probitati, uirtuti, reētis studijs, bonis artibus,
 sed omnino libertati, ac saluti loci? non mehercule
 quenquam audiui hoc grauissimo, & pestilenti-
 anno adolescentulum, aut puerum mortuum, qui mi-
 hi non à Dijs immortalibus ereptus ex his miserijs, at-
 que ex iniquissima conditione uitæ uideretur. quare
 si tibi unum hoc detrahi potest, ne quid ijs, quos amasti,
 mali putes contigisse: permultum erit ex mœrore tuo
 diminutum; relinquetur enim simplex illa iam cura

doloris tui, quæ non cum illis communicabitur, sed ad te ipsum proprie referetur in qua non est iam gravitas, ac sapientiæ tuæ, quam tu à puero præstitisti, ferre immoderatiùs casum incommodorum tuorum, qui sit ab eorum, quos dilexeris, miseria, maloq; seiunctus: etenim eum semper te & priuatis in rebus, & publicis præstitisti, tuenda tibi ut sit gravitas, & constantiæ seruendum: nam quod allatura est ipsa diuturnitas, quæ maximos luctus uetustate tollit, id nos præripere consilio, prudentiaq; debemus. etenim si nulla unquam fuit liberis amissis tam imbecillo mulier animo, quæ nõ aliquando lugendi modum fecerit: certe nos, quod est dies allatura, id consilio anteferre debemus, neque expectare temporis medicinam, quam repræsentare ratione possimus. His ego literis si quid profecissem, existimabam optandum quiddam me esse affecutum: sin minus forte ualuissem, officio tamen esse functum beneuolentissimi, atque amicitissimi: quem me tibi et fuisse semper existimes uelim, & futurum esse confidas. Vale.

M. CICERO S. D. P. SEXT O P. F.

Non obliuione amicitiae nostræ, neque intermissione cōsuetudinis meæ, superioribus tēporibus ad te nullas literas misi, sed quod priora tempora in ruinis Reip. nostrisq; iacuerūt, posteriora autē me à scribēdo tuis iniustissimis, atque acerbissimis incōmodis retardarunt. cum uero & interuallum iam satis longum fuisset; et tuam uirtutem, animiq; magnitudinem

tudinem diligentius essem mecum recordatus : non putavi esse alienum institutis meis, hæc ad te scribere. Ego te P. Sesti & primis temporibus illis, quibus in inuidiâ absens, & in crimen uocabare, defendi : & cum in tui familiarissimi iudicio, ac periculo tuum nomen cōiungeretur, quàm potui acuratiissime te, tuamq; causam tutatus sum : & proxime recenti aduentu meo cū rē aliter institutam offendissem, ac mihi placuisset, si affuissem, tamen nulla re salutis tuæ defui : cumq; eo tēpore inuidia annonæ inimici non solum tui, uerum etiam amicorum tuorum, iniquitas totius iudicij, multaq; alia Reip. uitia plus, quàm causa ipsa, ueritasq; ualuisse ; Publio tuo neque opera, neq; consilio, neque labore, neque gratia, neque testimonio defui. quā obre omnibus officijs amicitiae diligenter à me, sancte q; seruatis, ne hoc quidem prætermittendam esse duxi, te ut hortarer, rogaremq; ut & hominem te, & uirum esse meminisses ; idest ut & communem, incertumq; casum, quem neque uitare quisquam nostrū, neque præstare ullo pacto potest, sapienter ferres ; & dolori fortiter, ac fortunæ resisteres ; cogitaresq; & in nostra ciuitate, & in cæteris, quæ rerū potitæ sunt, multis fortissimis, atq; optimis uiris iniustis iudicijs tales casus incidisse. illud utinam ne uere scriberem, ea te Rep. carere, in qua neminem prudentem hominem res ulla delectet. De tuo autem filio uereor, ne, si nihil ad te scripserim, debitum eius uirtuti uidear testimoniū non cepisse : sin autē omnia, quæ sentio, perscripserim, ne refricē meis literis desiderium, ac dolorē tuum. sed tamen prudentiss. me facies, si illius pietatem, uirtutem, industriam,

ubicunq; erit, tuam esse, tecum esse duces: NEC enim minus nostra sunt, quæ animo cōplectimur, quàm quæ oculis intuemur. quamobrem et illius eximia uirtus, summusq; in te amor magnæ tibi cōsolationi debet eē; & nos, ceteriq;, qui te non ex fortuna, sed ex uirtute tua pendimus, semperq; pendemus; & maxime animi tui conscientia, cum tibi nihil merito accidisse reputabis, & illud adiunges, HOMINES sapientes turpitudine, non casu; & delicto suo, non aliorum iniuria commoueri. Ego & memoria nostræ ueteris amicitiae, & uirtute, atq; obseruantia filij tui monitus, nullo loco deero neque ad consolandum, neq; ad leuandū fortunam tuam. tu si quid ad me forte scripseris, perficiam ne te frustra scripsisse arbitrere. Vale.

M. CICERO S. D. T. FABIO.

¶ Tsi egomet, qui te consolari cupio, consolandus ipse sum, propterea quod nullā rem grauius iandiu tuli, quàm incōmodū tuū: tamē te magnopere non hortor solum, sed etiam pro amore nostro rogo, atque oro, te colligas, uirumq; præbeas, et, qua conditione omnes homines, et quibus tēporibus nati sumus, cogites. plus tibi uirtus tua dedit, quā fortuna abstulit: propterea quod adeptus es, quod nō multi homines noui; amisisti, quod plurimi homines nobilissimi. ea denique uidetur conditio impendere legum, iudiciorum, temporum, ut optime actum cum eo uideatur esse, qui quamleuissima pœna ab hac Rep. discesserit. tu uero, qui & forrunas, et liberos habeas, & nos,

ceterosq; necessitudine, & beneuolentia tecum coniunctissimos; quiq; magnam facultatem sis habiturus nobiscum, & cum omnibus tuis uiuendi; & cū unum sit iudiciū ex tam multis, quod reprehendatur, ut quod una sententia, eaq; dubia, potentia alicuius condonatū existimetur: omnibus his de causis debes istam molestiā quamleuissime ferre. Meus animus erit in te, liberosq; tuos semper, quem tu esse uis, & qui esse debet. Vale.

M. CICERO RVFO S.

E T si mihi nūquam dubiū fuit, quin tibi essem charissimus: tamen quotidie magis id perspicuo: extatq; id, quod mihi ostenderas quibusdā literis, hoc te studiosiorem in me colendo fore, quā in prouincia fuisses, (etsi, meo iudicio, nihil ad tuū prouinciale officium addi potest) quo liberius iudiciū esse posset tuū. itaque me & superiores literæ tuæ admodū delectauerunt, quibus & expectatum meum aduentū abs te amanter uidebam, & cum aliter res cecidisset, ac putasses, te meo consilio magnopere esse lætatum: et his proximis literis magnum cepi fructum & iudiciū, & officij tui: iudiciū, quod intelligo te, id quod omnes fortes, ac boni uiri facere debent, nihil putare utile esse, nisi quod rectum, honestumq; sit: officij, quod te mecum, quodcunque cepissem consilij, polliceris fore: quo neque mihi gratius, neq; ut ego arbitror, tibi honestius esse quidquam potest. mihi consilium captum iandiu est. de quo ad te, non quo celandus esses, nihil scripsi antea, sed quia communicatio consilij tali tempore,

K ij

EPIST. LIB. V.

quasi quædam admonitio uidetur esse offici, uel potius
efflagitatio ad coeundam societatem uel periculi, uel la-
boris. cum uero ea tua sit uoluntas, humanitas, beneuo-
lentia erga me: libenter amplector talem animum, sed
ita, (non enim dimittam pudorem in rogando meum)
si feceris id, quod ostendis, magnam habebo gratiam;
si non feceris, ignoscam; & alterum timori, alterum
mihi te negare non potuisse arbitror. est enim res pro-
fecto maxima. quid rectum sit, apparet: quid expe-
diat, obscurum est, ita tamen, ut, si nos ii sumus, qui
esse debemus, idest studio digni, & literis nostris,
dubitare non possimus, quin ea maxime conducant, quæ
sunt rectissima. quare tu, si simul placebit, statim ad
me uenies. sin idem placebit, atque eodem, nec conti-
nuo poteris: omnia tibi ut nota sint, faciam. quid-
quid statueris, te mihi amicum; id, quod opto, etiam
amicissimum iudicabo. Vale.

CICERO RVFOS.

Voquo modo potuissem, te conuenissem, si eò,
q quò constitueras, uenire uoluisses. quare etsi
mei comodi causa comouere me noluisti: ta-
men ita existimes uelim, me antelaturum fuisse, si ad me
misisses, uoluntatem tuam commodo meo. Ad ea, quæ scri-
psisti, commodius equidem possem de singulis ad te rebus
scribere, si M. Tullius scriba meus adesset: à quo mihi
exploratum est, in rationibus duntaxat referendis, (de
cæteris rebus affirmare non possum) nihil eum fecisse
scientem, quod esset contra aut rem, aut existimationem

tuam : deinde si rationum referendarum ius uetus, & mos antiquus maneret, me relaturum rationes, nisi tecum pro coniunctione nostrae necessitudinis contulisset, confecissemque; non fuisse. quod igitur fecissem ad urbem, si consuetudo pristina maneret; id, quando lege Iulia relinquere rationes in provincia necesse erat, easdemque totidem uerbis referre ad aerarium, feci in provincia, neque ita feci, ut te ad meum arbitrium adducerem, sed tribui tibi tantum, quantum me tribuisse nunquam poenitebit. totum enim scribam meum, quem tibi uideo nunc esse suspectum, tibi tradidi. tu ei M. Mindium fratrem tuum adiunxisti. rationes confectae me absente sunt tecum : ad quas ego nihil adhuc tribui praeter lectionem. ita accepi librum à meo seruo scriba, ut eundem acceperim à fratre tuo. si honos is fuit, maiorem tibi habere non potui: si fides, maiorem tibi habui, quam penè ipsi mihi. si providendum fuit, ne quid aliter, ac tibi & honestum, & utile esset, referretur : non habui, cui potius id negotij darem, quam scribae meo. nihil quidem certe factum est, quod lex iubebat, ut apud duas ciuitates, Laodicensem, & Apamensem, quae nobis maxime uidebantur, quoniam ita necesse erat, rationes confectas, & consolutas deponeremus. itaque huic loco primum respondendo, me, quanquam iustis de causis rationes deferre properarim, tamen te expectaturum fuisse, nisi in provincia relictas rationes pro latis haberem. Quamobrem de Volusio quod scribis, non est id rationum: docuerunt enim me periti homines, in his cum omnium peritissimus, tum mihi amicissimus C. Ca-

millus, ad Volusium transferri nomen à Valerio non potuisse, sed prædes Valerianos teneri. neque id erat HSXXX, ut scribis, sed XIX. erat enim curata nobis pecunia Valerij mancipis nomine: ex qua reliquum quod erat in rationibus, retuli. sed sic me & liberalitatis fructu priuas, & diligentiae, & quod minime tamen laboro, mediocris etiam prudentiae, liberalitatis, quod maioris scribae mei beneficio, quam meo, legatum meum, praefectumque; maxima calamitate leuatos, cum praesertim non deberent esse obligati: diligentiae, quod existimas, de tanto officio meo, tanto etiam periculo nec scisse me quidquam, nec cogitasse; scribam, quidquid uoluisset, cum id mihi ne recitasset quidem, retulisse: prudentiae, cum rem à me ne insipienter quidem cogitatam putas. nam & Volusij liberandi meum fuit consilium: & ut multa tam grauis Valerianis praedibus, ipsique T. Mario depelleretur, à me inita ratio est: quam quidem omnes non solum probant, sed etiam laudant. & si uerum scire uis, hoc uni scribae meo intellexi non nimium placere. sed ego putauisse uiri boni, cum populis suum seruaret, consulere fortunis tot uel amicorum uel ciuium. Nam de Lucio est ita actum, ut auctore Cn. Pompeio ista pecunia in fano poneretur. id ego agnouisse meo iussu esse factum. qua pecunia Pompeius est usus, ut tua, quam tu deposueras, Sestius. sed hoc ad te nihil intelligo pertinere. illud me non animaduertisse moleste ferrem, ut adscriberem, te in fano pecuniam iussu meo deposuisse, nisi ista pecunia grauissimis esset, certissimisque monumentis testata, cui data, quo S. C. quibus

nis, quibus
uiderem
se: non de
men adscri
re. sic ut scri
neque in eo
rue. adde
addidi: no
nolles, nege
re ita rela
sed si quid
quod ego
possim: de
leges liceat,
ita ita effe
si quid me
ubites, qu
nam uelle
Quod scrib
& praefect
esse in quo
tempus ad
tior sum fe
bus ratione
necia tua
qui ambit
& de Trib
gro: gene
non erat
quibus me

tuis, quibus meis literis P. Sestio tradita esset. quæ cum
 uiderem tot uestigijs impressa, ut in his errari non pos-
 set: non adscripsi id, quod tua nihil referebat: ego ta-
 men adscripsisse mallem, quando id te uideo desidera-
 re. sicut scribis tibi id esse referendum, idem ipse sentio:
 neque in eo quidquam à meis rationibus discrepabunt
 tuæ. addes enim tu, meo iussu: quod ego nunquam
 addidi: nec causa est, cur negem: nec, si esset, & tu
 nolles, negarem. Nam de HS nongentis millibus, cer-
 te ita relatum est, ut tu, siue frater tuus referri uoluit.
 sed si quid est, quando de Luceio parum prouisum est,
 quod ego in rationibus referendis etiamnum corrigere
 possim: de eo mihi, cum S. C. non sim usus, quid per
 leges liceat, considerandum est. te certe in pecunia exa-
 eta ita efferre ex meis rationibus relatis nō oportui: an
 si quid me fallit: sunt enim alij peritiores. illud caue
 dubites, quin ego omnia faciam, quæ interesse tua, aut
 etiam uelle te existimem, si ullo modo facere possim.
 Quod scribis de beneficijs, scito à me & Tribunos mil.
 & præfectos, & contubernales duntaxat meos delatos
 esse. in quo quidem ratio me fefellit. liberū enim mihi
 tempus ad eos deferendos existimabam dari: postea cer-
 tior sum factus, triginta diebus deferri necesse, qui-
 bus rationes retulissim. sanè moleste tuli, non illa be-
 neficia tuæ potius ambitioni reseruata esse, quā meæ,
 qui ambitione nihil uterer. de centurionibus tamen,
 & de Tribunorum mil. contubernalibus res est in inte-
 gro: genus enim horum beneficiorum definitum lege
 non erat. Reliquum est de HS centum millibus: de
 quibus meminī mihi à te Myrina literas esse allatas,

non mei errati, sed tui: in quo peccatum uidebatur
 esse, si modo erat, fratris tui, & Tullij. sed cum id
 corrigi non posset, quod iam depositis rationibus ex pro-
 uincia decessemus: credo me quidem tibi, pro animi
 mei uoluntate, proq; ea spe facultatum, quam tum
 habebamus, quam humanissime potuerim, rescripsisse.
 sed neque tum me humanitate mearum literarū obli-
 gatum puto, neque tuam hodie epistolam de HS cen-
 tum sic accepisse, ut ij accipiunt, quibus epistolæ per hæc
 tempora molestæ sunt. simul illud cogitare debes. me
 omnē pecuniam, quæ ad me saluis legibus peruenisset,
 Ephesi apud publicanos deposuisse: id fuisse HS X XII;
 eam omnem pecuniam Pompeium abstulisse. quod ego
 siue æquo animo fero, siue iniquo: tu de HS centum
 æquo animo ferre debes, & existimare, eo minus ad
 te uel de tuis cibarijs, uel de mea liberalitate peruenis-
 se. quod si mihi expensa ista HS centum tulisses: tamen,
 quæ tua est suauitas, quiq; in me amor, nolles à me
 hoc tempore æstimationem accipere: nam numerat-
 um si cuperem, non erat. sed hæc iocatum me pu-
 to, ut ego te existimo. ego tamen, cum Tullius rure
 redierit, mittam eum ad te, si quid ad rem putabis
 pertinere. Hanc epistolam cur non scindi uelim, cau-
 sa nulla est. Vale.

M. CICERO S. D. L. MESCINIO.

G Rata mihi tuæ literæ fuerūt: ex quibus intel-
 lexi, quod et sine literis arbitrabar, uidēdi mei
 te summa cupiditate affectum esse. quod ego

ita libenter accipio, ut tamen tibi non concedam : nam tecum esse, ita mihi commoda omnia, quæ opto, contingant, ut uehementer uelim: etenim, cum esset maior & uirorum, & ciuium bonorum, & iucundorum hominum, & amantium mei copia, tamen erat nemo, qui cum essem libentius, quàm tecum, et pauci, quibuscum æque libenter : hoc uero tempore, cum alij interierint, alij absint, alij mutati uoluntate sint, unum medius fidius tecum diem libentius posuerim, quàm hoc omne tempus cum plerisque eorum, quibuscum uiuo necessario : noli enim existimare, mihi non solitudinem iucundiores esse, qua tamen ipsa uti non licet, quàm sermones eorum, qui frequentant domum meam excepto uno, aut summum altero. itaque utor eodem perfugio, quo tibi utendum censeo, literulis nostris, præterea etiam conscientia consiliorum meorum. ego enim is sum, quemadmodum tu facillime potes existimare, qui nihil unquam mea potius, quàm meorum ciuium causa fecerim: cui nisi inuidisset is, quem tu nūquam amasti, (me enim amabas) & ipse beatus esset, & omnes boni. ego sum, qui nullius uim plus ualere uolui, quàm honestum otium. idemq; cum illa ipsa arma, quæ semper timueram, plus posse sensi, quam illum consensum bonorum, quem ego idem effeceram; quauis tuta conditione pacem accipere malui, quàm uiribus cum ualentiore pugnare. sed & hæc, & multa alia coràm breui tempore licebit. neque me tamen ulla res alia Romæ tenet, nisi expectatio rerum Africanarum. uidetur enim mihi res in propinquum adducta discrimen. puto autem mea nō nihil interesse, quāquam, id ipsum quid

inter sit, non sanè intelligo, ueruntamen, quidquid il-
 linc nunciatum sit, non longe abesse à cōsilijs amicorū :
 est enim res ipsa iam in eum locum adducta, ut, quan-
 quam multum inter sit inter eorum causas, qui dimi-
 cant, tamen inter uictorias non multum intersuturū
 putem. sed planè animus, qui dubijs rebus forsitan fue-
 rit infirmior, desperatis confirmatus est multum: quem
 etiam superiores tuæ literæ confirmarunt: quibus intel-
 lexi, quàm fortiter iniuriam ferres: iuuatq; me, tibi
 cum summam humanitatem, tum etiam tuas literas
 profuisse. uerum enim scribam: teneriore mihi animo
 uidebare, sicut omnes ferè, qui uita ingenua, in bea-
 ta, & libera ciuitate uiximus. sed ut illa secunda mo-
 derate tulimus: sic hanc non solum aduersam, sed etiā
 funditus euersam fortunam fortiter ferre debemus:
 ut hoc saltem in maximis malis boni consequamur, ut
 mortem, quam etiam beati contemnere debebamus,
 propterea quòd nullum sensum esset habitura, nunc sic
 affecti non modo contemnere debeamus, sed etiā opta-
 re. Tu, si me diligis, fruiere isto otio; tibiq; persua-
 de, PRÆTER culpam, ac peccatum, quo sem-
 per caruisti, & carebis, homini accidere nihil posse,
 quod sit horribile, aut pertimescendum. Ego, si ui-
 debitur recte fieri posse, ad te ueniam breui. si quid
 accideris, ut mutandum consilium sit: te certiore fac-
 iam statim. tu ita fac cupidus mei uidendi sis, ut istinc
 te ne moueas tam infirma ualitudine, nisi ex me pri-
 us quæseris per literas, quid te uelim facere. Me ue-
 lim ut facis, diligas, ualitudiniq; tuæ, & tranquillita-
 ti animi seruias. Vale.

M. T.
RVM

M. C.

E.

no niro
 que in lo
 acerbitas
 rum: tam
 rianditum
 cogitatione
 siderio te
 xime te co
 um libera
 desideras
 rum temer
 nullo in pr
 tas, aut p
 comumero
 sic agitare
 num tuas
 qui in te
 bat, fuit
 ti. nec ta

M. TVLLII CICERONIS EPISTOLA-
RVM AD TORQVATVM, ET ALIOS.
LIBER VI.

M. CICERO S. D. A. TORQVATO.

E T si ea perturbatio est omnium rerū,
ut suæ quæque fortunæ maxime pœ-
niteat, nemoq; sit, quin ubiuis, quàm
ibi, ubi est, esse malit: tamen mihi du-
bium non est, quin hoc tempore bo-
no viro Romæ esse miserrimum sit. nam etsi quocun-
que in loco quisque est, idem est ei sensus, & eadem
acerbitas ex interitu rerum & publicarum, & sua-
rum: tamen oculi augent dolorem, qui ea, quæ cæte-
ri audiunt, intueri coguntur, nec auertere à miserijs
cogitationem sinunt. quare etsi multarum rerum de-
siderio te angere necesse est: tamen illo dolore, quo ma-
xime te confici audio, quod Romæ non sis, animum tu-
um libera. etsi enim cum magna molestia tuos, tuâq;
desideras: tamen illa quidem, quæ requiris, suum sta-
tum tenent, nec melius, si tu adesses, tenerent, nec sunt
ullo in proprio periculo. nec debes tu, cum de tuis cogi-
tas, aut præcipuam aliquam fortunam postulare, aut
cōmunem recusare. de te autem ipso Torquate est tuū
sic agitare animo, ut nō adhibeas in consiliū cogitatio-
num tuarum desperationem, aut timorem. nec enim is,
qui in te adhuc iniustior, quàm tua dignitas postula-
bat, fuit, non magna signa dedit animi erga te mitigax-
ti. nec tamen is ipse, à quo salus petitur, habet explica-

EPIST. LIB. VI.

tam, aut exploratâ rationem salutis suæ. CVMQVE
 omnium bellorum exitus incerti sint: ab altera uictoria
 tibi periculum nullum esse perspicio, quod quidem
 seiunctum sit ab omnium interitu: ab altera te ipsum
 nunquam timuisse, certo scio. reliquum est, ut te id
 ipsum, quod ego quasi consolationis loco pono, maxime
 excruciet, commune periculum Reip. cuius tanti mali,
 quamuis docti uiri multa dicant, tamen uereor, ne con-
 solatio ulla possit uera reperiri, præter illam, quæ tan-
 ta est, quantum in cuiusq; animo roboris est, atque ner-
 uorum. si enim BENE sentire, recteq; facere, satis est
 ad bene, beateq; uiuendum: uereor, ne eum, qui se opti-
 morum consiliorum conscientia sustentare possit, mise-
 rum esse, nefas sit dicere. nec enim nos arbitror uictoria
 præmijs ductos patriam olim, & liberos, & fortunas
 reliquisse: sed quoddam nobis officium iustum, &
 piuum, & debitum Reip. nostræq; dignitati uidebatur;
 qui neque, cum id faciebamus; tam eramus amentes, ut
 explorata nobis esset uictoria. quare si id euenit, quod
 ingredientibus nobis in causam propositum fuit accide-
 re posse: non debemus ita cadere animis, quasi aliquid
 euenerit, quod fieri posse nunquam putarimus. simus
 igitur ea mente, quam ratio, & ueritas præscribit; ut
 nihil in uita nobis præstandum præter culpâ putemus;
 eaq; cum careamus, omnia humana placate, & mode-
 rate feramus. atque hæc eò pertinet oratio, ut perditis
 rebus omnibus, tamen ipsa uirtus se sustentare passe ui-
 deatur. sed si est spes aliqua rebus communibus, ea tu,
 quicumque status est futurus, carere non debes. atque
 hoc mihi scribenti ueniebat in mentem, me eum esse,

cuius tu
 auctorit
 quo quid
 filium in
 ti uideb
 ipsos era
 lps, neq
 prati: ne
 diuinab
 sum fore
 mebam
 tu, atqu
 quod eue
 bus præst
 tem arm
 sed tu ill
 esse oport
 Philargy
 animo, ut
 solitum
 bes, nec
 qui esse d
 quæ ceter
 & suspens
 quod &
 moderati
 per unice
 & sapien
 tem, et co
 armati

cuius tu desperationem accusare solitus esses, quemq;
auctoritate tua cunctantem & diffidentem excitare.
quo quidem tempore non ego causam nostram, sed con-
siliū improbābam: serō enim nos ijs armis aduersa-
ri uidebam. quæ multo ante confirmata per nosmet
ipsos erant: docebamq; pilis, & gladijs, non consis-
lijs, neque auctoritatibus nostris, de iure publico disce-
ptari. neque ego ea, quæ facta sunt, fore cum dicebā,
diuinābam futura: sed quod & fieri posse, & exitio-
sum fore, si euenisset, uidebam, id ne accideret, ti-
mebam; præsertim cum, si mihi alterutrum de euen-
tu, atque exitu rerum promittendum esset, id futurū,
quod euenit, exploratius possem promittere. ijs enim re-
bus præstabamus, quæ non prodeunt in aciem: usu au-
tem armorum, & militum robore inferiores eramus.
sed tu illum animum nunc adhibe quæso, quo me tum
esse oportere censebas. hæc eo scripsi, quod mihi nunc
Philargyrus tuus, omnia de te requirenti, fidelissimo
animo, ut mihi quidem uisus est, narrauit, te interdum
solicitem solere esse uehementius. quod facere non de-
bes, nec dubitare, quin aut aliqua Rep. sis futurus,
qui esse debes; aut perdita, non afflictiore conditione,
quā cæteri. hoc uero tempus, quo exanimati omnes, et
& suspensi sumus, hoc moderatiore animo ferre debes,
quod & in ea urbe es, ubi nata, & alta est ratio, ac
moderatio uitæ: & habet Ser. Sulpitium, quem sem-
per unice dilexisti: qui te profecto & beneuolentia,
& sapientia consolatur. cuius si essemus & auctorita-
tem, et consiliū secuti, togati potius potentiam, quā
armati uictoriam subissemus. sed hæc longiora for =

EPIST. LIB. VI.

tasse fuerunt, quàm necesse fuit. illa, quæ maiora sunt, brevius exponam. Ego habeo, cui plus, quàm tibi, debeam, neminem. quibus tantum debebam, quantum tu intelligis, eos mihi huius belli casus eripuit. quĩ sim autem hoc tempore, intelligo. sed quia NEMO est tã affliktus, qui, si nihil aliud studeat, nisi id, quod agit, non possit nauare aliquid, & efficere: omne meum cõsilium, operam, studiũ certe uelim existimes tibi, tuisq; liberis esse debitum. Vale.

M. CICERO S. D. A. TORQUATO.

Eto à te, ne me putes obliuione tui rarius ad te scribere, quàm solebam, sed ut grauitate ualitudinis, qua tamen iam paululum uideor leuari, aut quòd absim ab Vrbe, ut, quĩ ad te profiscantur, scire non possim. quare uelim ita statutum habeas, me tui memoriam summa cum beneuolentia tenere, tuasq; omnes res non minori mihi cure, quàm meas esse. Quòd maiore in uarietate uersata est adhuc tua causa, quàm homines aut uolebant, aut opinabantur: mihi crede, non est pro malis temporum, quod moleste feras, necesse est enim, aut armis urgeri Remp. sempiternis, aut, his positis, recreari aliquando, aut funditus interire. si arma ualebunt: nec eos, à quibus reciperis, uereri debes, nec eos, quos adiunxisti. si armis aut cõditione positis, aut defatigatione abiektis, aut uictoria detractis, ciuitas respirauerit: et dignitate tua frui tibi, et fortunis licebit. sin omnino interterint omnia, fueritq; is exitus, quẽ uir prudentissimus M. Anto-

nus iam tum timebat, cum tantum instare malorum suspicabatur: misera est illa quidem cōsolatio, tali præsertim ciui, & uiro, sed tamen necessaria, NIHIL esse præcipue cuiquam dolendum in eo, quod accideret uniuersis. quæ uis insit in his paucis uerbis (plura enim committenda epistolæ non erant) si attendes, quod factis: profecto etiam sine meis literis intelliges, te aliquid habere, quod speres; nihil, quod aut hoc, aut aliquo Reip. statu timeas; omnia si interierint, cum superstitem te esse Reip. ne si liceat quidem uelis, ferendam esse fortunam, præsertim quæ absit à culpa. sed hæc hætenus. Tu uelim scribas ad me, quid agas, & ubi futurus sis; ut, aut quod scribam, aut quod ueniam scire possim. Vale.

M. CICERO S. D. A. TORQVATO.

Vperioribus literis beneuolentia magis adductus, quàm quo res ita postularet, fui longior. neque enim confirmatione nostra egebat uirustua: neq; erat ea mea causa, atque fortuna, ut, cui ipsi omnia deessent, alterum confirmare. hoc item tempore breuior esse debeo. siue enim tum nihil opus fuit tam multis uerbis; nihilo magis nunc opus est: siue tū opus fuit; illud satis est, præsertim cū accesserit nihil noui. nam etsi quotidie aliquid audimus earum rerum, quas ad te perferri existimo: summa tamen eadē est, & idem exitus, quem ego tū uideo animo, quā ea, quæ oculis cernimus. nec uero quidquam uideo, quod non idem te uidere certo sciam. nam etsi, quem exitū acies

E P I S T. L I B. VI.

habitura sit, diuinare nemo potest: tamen et belli exitum uideo; & si id minus, hoc quidem certe, cum sit necesse alterutrum uincere, qualis futura sit uel hæc, uel illa uictoria. idq; cum optime perspexi, tale uideo, nihil ut mali uideatur esse futurum, si id uel ante acciderit, quod uel maximū ad timorē proponitur: I T A enim uiuere, ut non sit uiuendum, miserrimum est: mori autem nemo sapiens miserum duxit, ne beato quidē. sed in ea es urbe, in qua hæc uel plura, & ornatiores parietes ipsi loqui posse uideantur. ego tibi hoc confirmo, E T S I leuis est consolatio ex miserijs aliorum, nihilo te nunc maiore in discrimine esse, quā quemuis aut eorum, qui discesserint, aut eorum, qui remanserint. alteri dimicant: alteri uictorem timent. sed hæc consolatio leuis, illa grauior, qua te uti spero, ego certe utor: nec enim, dum ero, angar ulla re, cum omni uacæ culpa; & si non ero, sensu omnino carebo. sed rursus γλαυκ' εἰς ἀθάνατος, qui ad te hæc. Mihi tu, tui, tua omnia maximæ curæ sunt, & dum uiuam, erunt. Vale.

M. CICERO S. D. A. TORQUATO.

Oui, quod ad te scriberem, nihil, erat: & tamen, si quid esset, sciebam te à tuis certior rem fieri solere. de futuris autem rebus etsi semper difficile est dicere, tamen interdū coniectura possis propius accedere, cum res est eiusmodi, cuius exitus prouideri possit. nunc tantum uidemur intelligere, nō diuturnum bellum: etsi id ipsum nonnullis uideatur secus. equidem cum hæc scribebam, aliquid iam actū putabam,

tabam, non quo ego certo scirem, sed quod non difficilis
erat coniectura. nam cum omnis belli Mars communis,
& cum semper incerti exitus praeliorum sint: tum
hoc tempore ita magnæ utrinque copię, ita paratæ ad
depugnandum esse dicuntur, ut, uterunque uicerit,
non sit mirum futurum. illa in dies singulos magis ma-
gisq; opinio hominum confirmatur, etiam si inter cau-
sas armorum aliquantum intersit, tamen inter uicto-
rias non multum interfuturum. alteros propemodum
iam sumus experti: de altero, nemo est quin cogitet
quàm sit metuendus iratus uictor armatus. hoc loco si
uideor augere dolorem tuum, quem consolando leuare
debebam, fateor me communium malorum consolatio-
nem nullam inuenire, præter illam, quæ tamen, si possis
eam suscipere, maxima est, quæq; ego quotidie magis
utor; CONSCIENCIAM rectæ uoluntatis maxi-
mam consolationem esse rerum incommodarum, nec es-
se ullum magnum malum præter culpam. à qua quan-
do tantum absumus, ut etiam optime senserimus, euen-
tusq; magis nostri consilij, quàm consilium reprehend-
datur; & quando præstitimus, quod debuimus: modera-
te, quod euenit, feramus. sed hoc mihi tamen nõ sumo,
ut te consolet de communibus miserijs, quæ et ad conso-
landum maioris ingenij, & ad ferendum singularis uir-
tutis indigent. illud cuius facile est docere, cur præci-
pue tu dolere nihil debeas. eius enim, qui tardior in te
leuando fuit, quam fore putaramus, non est mihi dubia
de tua salute sententia: de alijs autem non arbitror te
expectare quid sentiam. reliquum est, ut te angat, quod
absis à tuis tandiu, res molesta, præsertim ab ijs pue-

ris, quibus nihil potest esse festiuius. sed, ut antea ad te scripsi, tempus est huiusmodi, ut suam quisque conditionem miserrimam putet; & ubi quisque sit, ibi esse minime uelit. equidem, nos quod Romæ sumus, miserrimum esse duco; non solum quod in omnibus malis acerbius est uidere, quàm audire; sed etiam quod ad omnes casus subitorum periculorum magis obiecti sumus quàm si abessemus. etsi me ipsum consolatore tuum non tantum literæ, quibus semper studui^a, quantum longinquitas temporis mitigauit. quanto fuerim dolore, meministi. in quo prima illa consolatio est, uidisse me plus, quàm cæteros, cum cupiebam quamuis iniqua conditione pacem. quod etsi casu non diuinatione mea factum est: tamen hæc inani prudentiæ laude delector. deinde, quod mihi ad consolationem commune tecum est, si iam uocer ad exitum uitæ, non ab ea Rep. auellar, qua carendum esse doleam, præsertim cum id sine ullo sensu futurum sit. adiuuat etiam ætas, & acta iam uita, quæ cum cursu suo bene cōfecto delectatur, tum uetat in eo uim timere, quod nos iam natura ipsa penè perduxerit. postremo is uir, uel etiam ij uiri hoc bello occiderunt, ut impudentia uideatur, eandem fortunam, si res cogat, recusare. equidem mihi omnia propono: nec ullum est tantum malum, quod non putem, impendere: sed cum plus in metuendo mali sit, quàm illo ipso, quod timetur, desino; præsertim cum id impendeat, in quo non modo dolor nullus, uerum finis etiam doloris futurus sit. sed hæc satis multa, uel plura potius, quàm necesse fuit. facit autem non loquacitas mea, sed beneuolentia longiores epistolas. Seruium discessisse Athenis

moleste tuli: non enim dubito, quin magnæ tibi leua-
 tionis sit solitus esse quotidianus congressus, & sermo
 cum familiarissimi hominis, tum optimi, & prudentis-
 simi uiri. tu uelim te, ut debes, & soles, tua uirtute su-
 stentare. ego, quæ te uelle, quæq; ad te, & ad tuos pertine-
 re arbitror, omnia studiose, diligenterq; curabo. quæ
 cum faciam beneuolentiam tuam erga me imitabor,
 merita non assequar. Vale.

M. CICERO A. CAECINAE S. D.

Votiescunque filium tuum uideo, (uideo au-
 tem ferè quotidie) polliceor ei studium quidē
 meum, & operam sine ulla exceptione aut
 laboris, aut occupationis, aut temporis, gratiam autem,
 atque auctoritatem cum hac exceptione, quantum ua-
 leam, quantumq; possim. Liber tuus & lectus est, &
 legitur à me diligenter, & custoditur diligentissime.
 Res, & fortunæ tuæ mihi maximæ curæ sunt. quæ qui-
 dem quotidie faciliores mihi, et meliores uidentur: mul-
 tisq; uideo magnæ esse curæ: quorum de studio, & de
 sua spe filium ad te perscripsisse certo scio. ijs autem de
 rebus, quas coniecturas consequi possumus, non mihi su-
 mo, ut plus ipse prospiciam, quàm te uidere, atque intel-
 ligere mihi persuaferim. sed tamē quia fieri potest, ut tu
 ea perturbatiore animo cogites; puto esse meū, quid sen-
 tiam, exponere. ea natura rerum est, & is temporū cur-
 sus, ut non possit ista aut tibi, aut ceteris fortuna esse
 diuturna, neque hærere in tam bona causa, & in tā bo-
 nis ciuibus tam acerba iniuria. quare ad eā spem quam

L ij

extra ordinem de te ipso habemus nō solum propter dignitatem, et uirtutem tuam (hæc enim ornamenta sunt tibi etiam cum alijs communia) accedunt tua præcipua, propter eximium ingenium, summamq; uirtutem: cui mehercule hic, cuius in potestate sumus, multū tribuit. itaque ne punctum quidem temporis in ista fortuna fuisses, nisi eo ipso bono tuo, quo delectatur, se uiolatum putaret. quod ipsum lenitur quotidie: significaturq; nobis ab ijs, qui simul cum eo uiuunt, tibi hanc ipsam opinionem ingenij apud ipsum plurimū profuturā. quæ propter primum fac animo forti, atque magno sis ita enim natus, ita educatus, ita doctus es, ita etiam cognitus, ut tibi id faciendū sit. deinde spem quoque habeas firmissimā propter eas causas, quas scripsi. à me uero tibi omnia, liberisq; tuis paratissima esse confidas uelim: id enim & uetustas nostri amoris, et mea consuetudo in meos, & tua multa erga me officia postulant. Vale.

M. CICERO A. CAECINAE S. D.

Ereor, ne desideres officium meum: quod tibi
 V pro nostra et meritorum multorum, et studiorum, & partium coniunctione deesse non debet: sed tamen uereor, ne literarum à me officiū requiras. quas tibi & iam pridē, & sæpe misissem, nisi quotidie melius expectans, gratulationē, quàm confirmationem animi tui, cōplecti literis maluissem. nunc autem, ut spero, breuī gratulabimur: itaque in aliud tempus id argumentum epistolæ differo. his autem literis animū tuum, quem minime imbecillum esse & audio, & spe-

ro, etsi non sapientissimi, at amicissimi hominis auctoritate confirmandum etiam atque etiam puto; nec ijs quidem uerbis, quibus te consoler ut afflicto, & iam omni spe salutis orbatum, sed ut eum, de cuius incolumitate non plus dubitem, quam te memini dubitare de mea. nam cum me ex Rep. expulissent ij, qui illa cadere posse, stante me, non putarunt: memini me ex multis hospitibus, qui ad me ex Asia, in qua tu eras, uenerant, audire, te de glorioso, & celeri reditu meo confirmare. si te ratio quedam Etruscae disciplinae, quam a patre nobilissimo atque optimo uiro acceperas, non fefellit: nec nos quidem nostra diuinationo faller, quam tum sapientissimorum uirorum monumentis, atque praecipis, plurimoque; ut scis, doctrinae studio, tum magno etiam usu tractanda Reip. magnaque nostrorum temporum uarietate consecuti sumus, cui quidem diuinationi hoc plus confidimus, quod ea nos nihil in his tam obscuris rebus, tamque perturbatis unquam omnino fefellit. dicerem, quae antea futura dixissem, ni uererer, ne ex euentis fingere uiderer. sed tamen plurimi sunt testes, me & initio, ne coniungeret se cum Caesare, monuisse Pompeium, & postea, ne seiungeret. coniunctione frangi senatus opes, disunctione ciuile bellum excitari uidebam. atque utebar familiarissime Caesare, Pompeium faciebam plurimi: sed erat meum consilium cum fidele Pompeio, tum salutare utrique. quae praeterea prouiderim, praetereo: nolo enim hunc de me optime meritum existimare, ea me suasisse Pompeio, quibus ille si paruisset, esset hic quidem clarus in toga, & princeps, sed tantas opes, quantas nunc habet, non

haberetur. eundem in Hispaniam censui. quod si fecisset, civile bellum nullum omnino fuisset. rationem haberi absentis non tam pugnari ut liceret, quam ut, quando ipso Consule pugnante populus iusserat, haberetur. causa belli orta est. quid ego prætermisi aut monitorum, aut querelarum? cum uel iniquissimam pacem iustissimo bello anteferrem. uicta est auctoritas mea non tam à Pompeio (nam is mouebatur) quam ab ijs, qui duce Pompeio freti, per opportunitatem & rebus domesticis, & cupiditatibus suis illius belli uictoriam fore putabant. susceptum bellum est, quiescente me: depulsum ex Italia, manente me, quod potui. sed ualuit apud me plus pudor meus, quam timor. ueritus sum deesse Pompeii saluti, cum ille aliquando non defuisset meae. itaque uel officio, uel fama bonorum, uel pudore uictus, ut in fabulis Amphiaras, sic ego prudens & sciens ad pestem ante oculos positam sum profectus. quo in bello nihil aduersi accidit non prædicente me. quare, quando, ut Augures, & astrologi solent, ego quoque Augur publicus ex meis superioribus prædictis constitui apud te auctoritatem augurij, & diuinationis meae: debet habere fidem nostra prædictio. non igitur ex alitis inuolatu, nec è cantu sinistro oscinis, ut in nostra disciplina est, nec è tripudijs solistimis, aut somnijs tibi auguror: sed habeo alia signa, quæ obseruem; quæ etsi non sunt certiora illis, minus tamen habent uel obscuritatis, uel erroris, notantur autem mihi ad diuinandum signa duplici quadam uia: quarum alteram duco è Cæsare ipso, alteram è temporum civilium natura, atque ratione. in Cæsare hæc

sunt: mitis, clemensq; natura, qualis exprimitur præ
clare illo libro querelarum tuarum. accedit, quòd mirifi
ce ingenijs excellentibus, quale est tuum, delectatur.
præterea cedit multorum iustis, & officio incensis, non
inanibus, aut ambitiosis uoluntatibus. in quo uehemen
ter eum consentiens Etruria mouebit. cur hæc igitur
adhuc parum profecerunt? quia non putat se sustine
re causas posse multorum, si tibi, cui iustius uidetur
irasci posse, concesserit. Quæ est igitur, inquires, spes ab
irato? eodem fonte se hausturum intelligit laudes suas,
è quo sit leuiter aspersus. postremo homo est ualde acu
tus, & multum providens: intelligit, te, hominem in
parte Italiæ minime contemnenda facile omnium no
bilissimum, et in communi Rep. cuius summorum tuæ
ætatis uel ingenio, uel gratia, uel fama populi R. pa
rem, non posse prohibere à Rep. diutius. nolet hoc tem
poris potius esse aliquando beneficium, quàm iam suū.
dixi de Cæsare: nunc dicam de temporum, rerumq; na
tura. Nemo est tam inimicus ei causæ, quam Pompe
ius animatus melius, quàm paratus susceperat, què
nos malos ciues dicere, aut homines improbus audeat.
in quo admirari soleo grauitatem, & iustitiam, & sa
pientiam Cæsaris: nunquam nisi honorificentissime
Pompeium appellat. at in eius personam multa fecit
asperius. armorum ista, & uictoriæ sunt facta, non Cæ
saris. at nos quemadmodum est complexus? Cassium
sibi legauit: Brutum Galliæ præfecit, Sulpitium Græ
ciæ: Marcellum, cui maxime succensebat, cum summa
illius dignitate restituit. quò igitur hæc spectant? re
rum hoc natura, & ciuiliū temporum non patietur:

nec manens, nec mutata ratio feret³, primum ut non in causa pari eadem sit & conditio, & fortuna omnium: deinde ut in eam ciuitatem boni uiri, & boni ciues, nulla ignominia notati, non reuertantur, in quam tot, nefariorum scelerum condemnati reuerterunt. habes augurium meum. quo, si quid addubitarem, non potius uterer, quàm illa consolatione, qua facile fortem uirum sustentarem, te, si explorata uictoria arma sumpsissem pro Rep. (ita enim tum putabas) non nimis esse laudandum: sin propter incertos exitus, euentusq; bellorum posse accidere, ut uinceremur, putasses; non debere ad secundam fortunam bene paratum fuisse, aduersam ferre nullo modo posse. disputarem etiam, quanto solatio tibi conscientia tui facti, quantæ delectationi in rebus aduersis literæ esse deberent. commemorarem non solum ueterum, sed & horum etiam recentium uel ducum, uel comitum tuorum grauissimos casus. etiam externos multos claros uiros nominarem: LEVAT enim dolorem communis quasi legis, & humanæ conditionis recordatio. exponerem etiam, quemadmodum hic, & quanta in turba, quantaq; in confusione rerum omnium uiueremus: necesse est enim minore desiderio perdita Rep. carere, quàm bona. sed hoc genere nihil opus est. incolumem te cito, ut spero, uel potius ut perspicio, uidebimus. interea tibi absenti, & huic qui adest, imagini animi, & corporis tui, constantissimo, atque optimo filio tuo studium, officium, operam, laborē meum iam pridem & pollicitus sum, & detuli, nunc hoc amplius, quòd me amīcissime quotidie magis Cæsar amplectitur, familiares quidem eius sicuti neminem.

apud quem quidquid ualebo uel auctoritate, uel gratia
ualebo tibi. tu cura, ut cum firmitudine te animi, tum
etiam spe optima sustentēs. Vale.

A. CAECINA M. CICERONI S.

Vòd tibi non tam celeriter liber est redditus,
q ignosce timori nostro, & miserere temporis.
filius, ut audio pertuit, (neque iniuria) si li
ber exisset, quando non tam interest, quo animo scriba
tur, quam quo accipiatur, ne ea res inepte mihi noce
ret; cum præsertim adhuc styli pœnas dem. qua quidem
in re, singulari sum fato. nam cum mendum scripturæ
litura tollatur, stultitia fama multetur: meus error
exilio corrigitur: cuius summa criminis est, quòd arma
tus aduersario male dixi. nemo nostrum est, ut opi
nor, quin uota uictoriæ suæ fecerit: nemo, quin, et
tiam cum de alia re immolaret, tamen eo quidem ip
so tempore, ut quamprimum Cæsar superaretur, opta
rit. hoc si non cogitat, omnibus rebus felix est. si scit,
& persuasus est: quid irascitur ei, qui aliquid scripsit
contra suam uoluntatem, cum ignorit omnibus, qui
multa Deos uenerati sint contra eius salutem? sed, ut
eodem reuertar, causa hæc fuit timoris: scripsi de te,
parce mediusfidius, & timide, non reuocans me ipse,
sed penè refugiens. genus autem hoc scripturæ non
modo liberum, sed incitatum, atque elatum esse
debere, quis ignorat? solutum existimatur esse, alteri
maledicere: tamen cauendum est, ne in petulantiam in
cidas. imeditum, se ipsum laudare, ne uitium arro

gantie subsequatur. solum uero liberum, alterum, laudare. de quo quidquid detrahas, necesse est aut infirmitati, aut inuidiae assignetur. ac nescio an tibi gratius, oportuniusque acciderit. nam quod prestare non poteram primum erat non attingere: secundum beneficium, quamparcissime facere. sed tamen ego me quidem sustinui: multa minui: multa sustuli: complura ne posui quidem. **Q**UEM AD MODUM igitur scalarum gradus si alios tollas, alios incidas, nonnullos male haerentes relinquant, ruinae periculum struas, non ascensum pares; sic tot malis tum uictum, tum fractum studium scribendi, quid dignum auribus, aut probabile potest afferre? cum uero ad ipsius Caesaris nomen ueni, toto corpore contremisco, non poenae metu; sed ipsius iudicii: totum enim Caesarem non noui. quem putas animum esse, ubi secum loquitur? hoc probabit hoc uerbum suspiciosum est. quid, si muto? at uereor, ne peius sit. age uero, laudo aliquem, num offendo? cum porro offendam, quid si non uult? armati stylum persequitur: uicti, et non dum restituti quid faciet? auges etiam tu mihi timorem, qui in Oratore tuo caues tibi per Brutum, et ad excusationem socium quaeris. ubi hoc omnium patronus facis: quid me, ueterem tuum, nunc omnium clientem, sentire oportet? in hac igitur calumnia timoris, et caecae suspicionis tormento cum plurima ad alieni sensus coniecturam, non ad suum iudicium scribantur, quam difficile sit euadere, si minus expertus es, quod te ad omnia summum, atque excellens armauit ingenium, nos sentimus. sed tamen ego filio dixeram, librum tibi legeret, et auferret; aut ea conditione da-

ret, si reciperes te correcturum, hoc est, si totum alium faceres. De Asiatico itinere, quanquam summa necessitas premebat, ut imperasti, feci. Te pro me quid hor- ter? uides tempus uenisse, quo necesse sit de nobis consti- tui. nihil est mi Cicero, quod filium meum expectes. ado- lescens est. omnia excogitare uel studio, uel etate, uel me- tu non potest. totum negotium tu sustineas oportet. in- te mihi omnis spes est. tu pro tua prudentia, quibus re- bus gaudeat, quibus capiatur Cæsar, tenes. à te omnia proficiantur, & per te ad exitum perducantur, neces- se est. apud ipsum multum, apud eius omnes plurimum potes. unum si tibi persuaseris, non hoc esse tui muneris si quid rogatus fueris, ut facias, (quanquam id magnū, & amplum est) sed totum tuum esse onus, perficies: nisi forte aut in miseria nimis stulte, aut in amicitia nimis impudenter tibi onus impono. sed utrique rei excusatio- nem tuæ uitæ consuetudo dat: nam quod ita consue- uisti pro amicis laborare, non iam sic sperant abs te, sed etiam sic imperant tibi familiares. Quod ad librum attinet, quem tibi filius dabit; peto à te, ne exeat; aut ita corrigas, ne mihi noceat. Vale.

M. CICERO A. CAECINAE S. D.

Um esset mecū Largus, homo tui studiosus, lo-
cutus Cal. Ian. tibi præfinitas esse: quod om-
nibus in rebus perspexeram, quæ Balbus &
Oppius absente Cæsare egissent, ea solere illi rata esse,
egi uehementer cum his, ut hoc mihi darent, tibi in sis

cilia, quoad uellemus, uti esse liceret. qui mihi cum sues-
 sent aut libenter polliceri, si quid esset eiusmodi, quod
 eorum animos non offenderet, aut etiam negare, & af-
 ferre rationem, cur negaret: huic meae rogationi potius
 non continuo responderunt: eodem die tamen ad me
 reuerterunt, mihiq; hoc dederunt, ut esses in Sicilia,
 quoad uelles, se praestituros; nihil ex eo te offensionis
 habiturum. quando, quid tibi permittatur, cognouisti:
 quid mihi placeat, puto te scire oportere. actis his rebus,
 literae à te mihi sunt redditae: quibus à me consilium
 petis, quid sim tibi auctor, in Sicilia'ne subsidias, an ut
 ad reliquias Asiaticae negotiationis proficiscare. haec tua
 deliberatio non mihi conuenire uisa est cum oratio-
 ne Largi: ille enim mecum, quasi tibi non liceret in Si-
 cilia diutius commorari, ita locutus erat: tu autem,
 quasi concessum sit, ita deliberas. sed ego, siue hoc, siue
 illud est, in Sicilia censeo commorandum. propinquitas
 locorum uel ad impetrandum adiuuat crebris literis,
 & nuncijs, uel ad reditus celeritatem, re aut impetra-
 ta, quod spero, aut aliqua ratione confecta. quam obrem
 censeo magnopere commorandum. T. Furfano Posthu-
 mio familiari meo legatisq; eius, ite meis familiaribus di-
 ligentissime te commendabo, cum uenerint: erant es-
 nim omnes Mutinae. uiri sunt optimi, & tui similium
 studiosi, & mei necessarij. quae mihi uenient in men-
 tem, quae ad te pertinere arbitrabor, ea mea sponte
 faciam. si quid ignorabo, de eo admonitus omnium
 studia uincam. ego etsi coram de te cum Furfano ita
 loquar, ut tibi literis meis ad eum nihil opus sit: ta-
 men quoniam tuis placuit, te habere meas literas, quas

ei redderes, morem eis gessi. earum literarum exemplum infra scriptum est. Vale.

M. CICERO T. FURFANO

PROCOS. S. D.

Um A. Cæcina tanta mihi familiaritas, cōsuetudoq; semper fuit, ut nulla maior esse possit. nam & patre eius, claro homine, & forti uiro, plurimum usi sumus: & hunc à puero, quod & spem mihi magnam afferebat summæ probitatis, summæq; eloquentiæ, & uiuebat mecum coniunctissime non solum officijs amicitiae, sed etiam studijs communibus, sic semper dilexi, ut non ullo cum homine coniunctius uiuerem. nihil attinet me plura scribere. quàm mihi necesse sit eius salutem, & fortunas, quibuscunque rebus possim, tueri, uidere. reliquum est, ut, cum cognorim pluribus rebus, quid tu & de bonorū fortuna, & de Reip. calamitatibus sentires, nihil à te petam, nisi ut ad eam uoluntatem, quam tua sponte erga Cæcinam habiturus esses, tantus cumulus accedat commendatione mea, quanti me à te fieri intelligo. hoc mihi gratius facere nō hil potes. Vale.

M. CIC. TREBATIO. S. D.

E Go, quanti te faciā, semperq; fecerim, quanti me à te fieri intellexerim, sum mihi ipse testis. nam & consiliū tuū, uel casus potius diutius in armis ciuilibus commorandi, semper mihi magno dolori fuit & hic euentus, quod tardius, quàm est æquum,

Et quàm ego uellem, recuperes fortunam, Et dignita-
 tem tuam, mihi non minori curæ est, quàm tibi sem-
 per fuerint casus mei. itaque Et Posthumuleno, Et Se-
 stio, Et sæpissime Attico nostro, proximeq; Theudæ li-
 berto tuo totum me patefeci: Et his singulis sæpe di-
 xi, quacunque re possem, me tibi, Et liberis tuis satisfacere cupere: idq; tu ad tuos uelim scribas, hæc quidem certe, quæ in potestate mea sunt, ut operam, studium, consilium, rem, fidem meam sibi ad omnes res paratam putent si auctoritate, Et gratia tantum possem, quantum in ea Rep. de qua ita meritus sum, posse deberem: tu quoque is esses, qui fuisti, cum omni gradu amplissimo dignissimus, tū certe ordinis tui facile princeps. sed quando eodem tempore, eademq; de causa nostrum uterque cecidit: tibi Et illa polliceor, quæ supra scripsi, quæ sunt adhuc mea; Et ea, quæ præterea uideo mihi ex aliqua parte retinere tanquam ex reliquijs pristinae dignitatis. neque enim ipse Cæsar, ut multis rebus intelligere potui, est alienus à nobis: Et omnes ferè famularissimi eius, casu deuincti magnis meis ueteribus officijs, me diligenter obseruant, et colunt. itaque si quis mihi erit aditus de tuis fortunis, idest de tua incolumitate, in qua sunt omnia, agendi, quod quidem quotidie magis ex eorum sermonibus adducor ut sperem: agam per me ipse, Et moliar. singula persequi non est necesse: uniuersum studium meum, Et beneuolentiam ad te deferro. sed magni mea interest, hoc tuos omnes scire, quod tuis literis fieri potest, ut intelligant omnia Ciceronis patere Trebatio, hoc eò pertinet, ut nihil existiment esse tam difficile, quod non pro te mihi, susceptum, incun-

M. CIC. TREBATIO. S. D.

Ntea misissem ad te literas, si genus scribendi
A inuenirem, tali enim tempore aut consolari
amicorum est, aut polliceri. consolatione non
utebar, quod ex multis audiebam, quam fortiter, sapiē
terq; ferres iniuriam temporum, quamq; te uehemēter
consolaretur conscientia factorum, & consiliorum tuo
rum. quod quidem si facis, magnum fructum studio
rum optimorum capis: in quibus te scio semper esse
uersatum: idq; ut facias, etiam atque etiam te hortor.
simul & illud tibi, homini peritissimo rerum & exem
plorum, & omnis uetustatis, ne ipse quidem rudis, sed
in studio minus fortasse, quam uellem, at in rebus, at
que usu plus etiam, quam uellem, uersatus, spondeo, ti
bi acerbitatem istam, et iniuriam non diuturnam fore.
nam & ipse, qui plurimum potest, quotidie mihi dela
bi ad æquitatem, & ad rerum naturam uidetur: & ip
sa causa ea est, ut iam simul cum Rep. quæ in perpe
tuum iacere non potest, necessario reuiuiscat, atque re
creetur: quotidieq; fit aliquid lenius, & liberalius,
quam timebamus. quæ quoniam in temporum inclina
tionibus sæpe paruis posita sunt: omnia momenta obser
uabimus, neque ullum prætermitemus tui iuandi, et
leuandi locum, itaque illud alterum, quod dixi litera
rum genus quotidie mihi, ut spero, fiet procliuius, ut et
tiam polliceri possim. id re, quam uerbis, faciā libentius.

tu uelim existimes, & plures te amicos habere, quam qui in isto casu sint, ac fuerint, quantū quidem ego intelligere potuerim; & me concedere eorum nemini, fortem fac animum habeas, & magnum: quod est in uno te. quæ sunt in fortuna, temporibus regentur, & consilijs nostris providebuntur. Vale

M. CICERO TREBATIO S.

Olabellam antea tantummodo diligebam: ob
 D ligatus ei nihil eram. nec enim acciderat mihi opus esse: & ille mihi debebat, quod non defueram eius periculis. nunc tāto sum deuinctus eius beneficio, quod & antea in re, & hoc tempore in salute tua cumulatissime mihi satisfecit, ut nemini plus debeam. qua in re tibi gratulor ita uehemēter, ut te quoque mihi gratulari, quam gratias agere malim. alterū omnino non desidero: alterum uere facere poteris. quod reliquum est, quando tibi uirtus, & dignitas tua reditū ad tuos aperuit: est tuæ sapiētiae, magnitudinisq; animi, quid amiseris, obliuisci; quid recuperaueris, cogitare. uiues cum tuis: uiues nobiscum. plus acquisuisti dignitatis, quam amisisti rei familiaris: quæ ipsa tū esset iucundior, si ulla res esset publica. Vestorius noster familiaris ad me scripsit, te mihi maximas gratias agere. hæc prædicatio tua mihi ualde grata est: eaq; te uti facile patior cum apud alios, tum mehercule apud Sironem nostrum amicum: quæ enim facimus, ea prudentissimo cuique maxime probata esse uolumus. Te cupio uidere quamprimum. Vale.

M. CICERO

M. CICERO AMPIO BALBO S. D.

Ratulor tibi mi Balbe, uereq; gratulor: nec
 G sum tam stultus, ut te usura falsi gaudij frui
 uelim, deinde frangi repente, atque ita cadere,
 ut nulla res te ad æquitatē animi postea possit extolle-
 re. egi tuam causam apertius, quā tempora nostra
 ferebāt: uincebatur enim fortuna ipsa debilitatæ gra-
 tiæ nostræ tui charitate, et meo perpetuo erga te amore,
 culto à te diligētissime. omnia promissa, cōfirmata, cer-
 ta, et rata sunt, quæ ad reditum, & salutem tuā perti-
 nent, uidi, cognoui, interfui. etenim omnes Cæsaris fa-
 miliares satis opportune habeo implicatos cōsuetudine,
 & beneuolentia, sic, ut, cū ab illo discesserint, me proxi-
 mum habeant. hoc Pansa, Hircius, Balbus, Oppius, Ma-
 tius, Posthumius, planè ita faciunt, ut me unice diligāt.
 quòd si mihi pro me efficiendū fuisset, nō me pœniteret
 pro ratione temporum ita esse molitum. sed nihil est à
 me inseruitum temporis causa. ueteres mihi necessitu-
 dines cū his omnibus intercedunt. quibuscum ego agere
 de te non destiti: principem tamen habuimus Pansam,
 tui studiosissimum, mei cupidum: qui ualet apud il-
 lū non minus auctoritate, quā gratia. Cimber autem
 Tullius mihi planè satisfecit. ualent tamen apud Cæsa-
 rem nō tā ambitiosæ rogationes, quā necessariae: quas
 quia Cimber habebat, plus ualuit, quā pro ullo alio ua-
 lere potuisset. diploma statim non est datū, quòd miri-
 fica est improbitas in quibusdā, qui tulissent acerbius,
 ueniā tibi dari, quem illi appellant tubam belli civilis:
 multa q; ita dicunt, quasi n. n. gaudeāt id bellum inci-

M

disse. quare uisum est occultius agendum, neque ullo modo diuulgandum, de te iam esse perfectum: sed id erit perbreui: nec dubito, quin legente te has literas cōfecta iam res futura sit. Pansa quidem mihi, grauis homo, & certus, non solum confirmauit, uerum etiā recepit, perceleriter se ablaturum diploma. mihi tamen placuit, hæc ad te perscribi: minus enim te firmū sermo Apuleiæ tuæ, lacrymæq; Ampia declarabant, quā significant literæ tuæ. atque illæ arbitrabatur, cum à te abessent ipsæ, multo in grauiore te cura futurū. quare magnopere putauī, angoris, & doloris tui leuandi causa, pro certis ad te ea, quæ essent certa, perscribi oportere. scis me antea sic solitum esse scribere ad te, magis ut cōsolarer fortem uirū, atque sapientē, quā ut exploratam spem salutis ostenderem, nisi eam, quam ab ipsa Rep. cū hic ardor extinctus esset, sperari oportere censerem. recordare tuas literas, quibus & magnū animum mihi semper ostendisti, & ad omnes casus ferendos constantem, atque paratum. quod ego nō mirabar, cum recordarer te & à primis temporibus ætatis in Rep. esse uersatum, & tuos magistratus in ipsa discrimina incidisse salutis, fortunarumq; communium: & in hoc ipsum bellum esse ingressum, non solum ut uictor beatus, sed etiam, si ita accidisset, uictus ut sapiens esses. deinde cum studium tuum consumas in uirorum fortium factis memoriæ prodendis, considerare debes, nihil tibi esse committendum, quamobrem eorum, quos laudas, non te similem præbeas. sed hæc oratio magis esset apta ad illa tempora, quæ iam effugisti. nunc uero tantum te para ad hæc nobiscum ferenda.

quibus eg
eandem
ac litera
delectation
salutem, se
omnia de
M. C
T
E
non feci
uare posse
habere coep
remus: fac
ratem decla
intelligo, q
nam & res
& ut mihi
iūq; cum d
militariis
mū ex Afr
bus tuis no
tas, & am
salutis tuæ
ipsum Cæsa
quā uol
nia petunt
simul Afr
habere sol

quibus ego si quam medicinam inuenirē, tibi quoque eandem traderem. sed est unum perfugium, doctrina, ac literæ, quibus semper usi sumus: quæ secundis rebus delectationem modo habere uidebantur, nunc uero et salutem. sed ut ad initium reuertar, caue dubites, quin omnia de salute, ac reditu tuo profecta sint. Vale.

M. CICERO Q. LIGARIO S. D.

Tsi tali tuo tempore me aut consolandi, aut
E iuuandi tui causa scribere ad te aliquid pro
nostra amicitia oportebat: tamen adhuc id
non feci, quia neque lenire uidebar oratione, neque le-
uare posse dolorem tuū. postea uero quā magnā spē
habere coepi, fore, ut te breui tempore incolumem habe-
remus: facere nō potui, quin tibi et sententiā, et uolū-
tatem declararem meam. primum igitur scribam, quod
intelligo, et perspicio, non fore in te Cæsarem duriorē:
nam et res cum quotidie, et dies, et opinio hominum,
et, ut mihi uidetur, etiam sua natura mitiorem facit:
idq; cum de reliquis sentio, tum de te etiā audio ex fa-
miliarissimis eius: quibus ego ex eo tempore, quo pri-
mū ex Africa nūtiū uenit, supplicare unā cum fratri-
bus tuis non destiti: quorum quidem et uirtus, et pie-
tas, et amor in te singularis, et assidua, et perpetua
salutis tuæ cura tantum proficit, ut nihil sit, quod non
ipsum Cæsarem tributurū existimem: et si tardius fit,
quā uolumus; magnis occupationibus eius, à quo om-
nia petuntur, aditus ad eum difficiliore fuerunt: et
simul Africanæ causæ iratior, diutius uelle uidetur eos
habere sollicitos, à quibus se putat diuturnioribus esse

M ij

E P I S T. L I B. VI.

molestijs conflictatum. sed hoc ipsum intelligimus eum
 quotidie remissius, & placatius ferre. quare mihi cre-
 de, & memoria manda, me tibi id affirmasse, te in istis
 molestijs diutius non futurum. quando, quid sentirem,
 exposui: quid uellem tua causa, re potius declarabo,
 quam oratione. & si tantum possem, quantum in ea
 Rep. de qua ita meritus sum, ut tu existimas, posse debe-
 bam: ne tu quidem in istis incōmodis esses: eadē enim
 causa opes meas fregit, quæ tuam salutem in discrimen
 adduxit. sed tamē quidquid imago ueteris meæ di-
 gnitatis, quidquid reliquæ gratiæ ualebunt, studiū, con-
 silium, opera, gratia, fides mea nullo loco deerit tuis op-
 timis fratribus. tu fac habeas fortem animum, quem
 semper habuisti; primum ob eas causas, quas scripsi,
 deinde quod ea de Rep. semper uoluisti, atque sensisti,
 ut non modo nunc secunda sperare debeas, sed etiam,
 si omnia aduersa essent, tamen conscientia & factorū,
 & consiliorum tuorum, quæcunque acciderent, fortissi-
 mo, & maximo animo ferre deberes. Vale.

M. CICERO Q. LIGARIO S. D.

Escito omnem meum laborem, omnem operā
 M curam, studiū in tua salute consumere. nam
 cum te semper maxime dilexi: tum fratrum
 tuorū, quos æque, atq; te, summa beneuolentia sum cō-
 plexus, singularis pietas, amorq; fraternus nullum me
 patitur officij erga te, studiūq; munus, aut tempus præ-
 termittere. sed quæ faciā, fecerimq; pro te, ex illorum
 te literis, quā ex meis malo cognoscere. quid autem
 sperem, aut confidam, & exploratum habeam de salu-

te tua, id tibi à me declarari uolo. nam si quisquam est
timidus in magnis, periculosisque rebus, semperque magis
aduersos rerum exitus metuens, quam sperans secundos,
is ego sum: & si hoc uitium est, eo me non carere con-
fiteor. ego idem tamen cum ad II. Cal. intercalareis prio-
res rogatu fratrum tuorum uenissem mane ad Caesarem;
atque omnem adeundi, & conueniendi illius indigni-
tatem, & molestiam pertulissem: cum fratres, & pro-
pinqui tui iacerent ad pedes, & ego essem locutus, quæ
causa, quæ tuum tempus postulabat; non solum ex ora-
tione Caesaris, quæ sanè mollis, & liberalis fuit, sed etiã
ex oculis, & uultu, & multis præterea signis, quæ faci-
lius perspicere potui, quam scribere, hanc in opinionem
discessi, ut mihi tua salus dubia non esset: quamobrem
fac animo magno, fortiq; sis, & si turbidissima sapien-
ter ferebas, tranquilliora late feras. ego tamen tuis rebus
sic adero, ut difficillimis: neque Caesari solum, sed etiã
amicis eius omnibus, quos mihi amicissimos eē cognoui,
pro te, sicut adhuc feci, libentissime supplicabo. Vale.

CICERO BASILIO S.

Tibi gratulor: mihi gaudeo. te amo: tua
tueor. à te amari, & quid agas, quidq; istic
agatur, certior fieri uolo. Vale.

BITHYNICVS CICERONI S.

S I mihi tecum nō & multæ, & iustæ causæ ami-
citiae priuatim essent, repeterē initia amicitiae
ex parentibus nostris: quod faciendū ijs existi-

M ii

EPI. LIB. VI.

mo, qui paternam amicitia nullis ipsi officijs prosecuti sunt. itaque contentus ero nostra ipsorum amicitia: cuius fiducia peto à te, ut absentem me, quibuscunque in rebus opus fuerit, tueare, si nullum officium tuum apud me intermoriturum existimas. Vale.

M. CICERO BITHYNICO S.

Um cæterarum rerum causa cupio esse ali-
C quando Remp. constitutam: tum uelim, mihi credas, accidere id etiam, quo magis expectam promissum tuum, quo in literis uteris: scribis enim, si ita sit, te mecum esse uicturum. gratissima mihi tua uoluntas est: facisq; nihil alienum necessitudine nostra, iudicijsq; patris tui de me, summi uiri. nam sic habeto, beneficiorum magnitudine eos, qui temporibus ualuerunt, aut ualeant, coniunctiores tecum esse, quam me, necessitudine neminem. quamobrem grata mihi est et memoria tua nostræ coniunctionis, et eius etiam augenda uoluntas. Vale.

M. CICERO LEPTAE. S. D.

Imul accepi à Seleuco tuo literas, statim quæ-
S siui è Balbo per codicillos, quid esset in lege. rescripsit, eos, qui facerent præconium, uetari esse in decurionibus; qui fecissent, non uetari. quare bono animo sint et tui, et mei familiares: neque enim erat ferendum, cum, qui hodie auri spicinam facerent, in senatu Romæ legerentur, eos, qui aliquando præconiū fecissent, in municipijs decuriones esse non licere. De Hispanijs noui nihil: magnū tamen exercitum Pompeiū habere

constat: nam Cæsar ipse ad nos misit exemplum Patietti
 literarum, in quo erat, illi XI. esse legiones. scripserat
 etiam Messalla Q. Salasso, Q. Curtium fratrem eius,
 iussu Põpei, inspectante exercitu interfectum, q̄ con-
 sensisset cum Hispanis quibusdā, si in oppidum nescio
 quod Pompeius rei frumentariæ causa uenisset, eum
 comprehendere, ad Cæsaremq; deducere. De negotio
 tuo quod sponsor es pro Pompeio: si Balbus consponsor
 tuus redierit, homo in re familiari non parum diligēs,
 non desinam cum illo cōmunicare, si quid expediri pos-
 sit: quod uidebatur mihi ille confidere. Oratorem
 meum tantopere à te probari, uehemēter gaudeo. mihi
 quidē sic persuadeo, me, quidquid habuerim iudicij de
 dicendo, in illum librum contulisse. qui si est talis, qua-
 lem tibi uideri scribis, ego quoque aliquid sum: sin alia-
 ter, non recuso, quin, quantum de illo libro, tantūdem
 de mei iudicij fama detrahatur. Leptam nostrum cū-
 pio delectari iam talibus scriptis. etsi abest maturitas
 ætatis: iam tamen personare aureis eius huiusmodi uo-
 cibus, non est inutile. Me Romæ tenuit omnino Tullie
 meæ partus. sed cum ea, quemadmodum spero, satis
 firma sit, teneor tamen dum à Dolabellæ procuratori-
 bus, exigam primam pensionem. Et mehercule nō tam
 sum peregrinator iam, quā solebā. ædificia mea me de-
 lectabant, et otium. domus est, quæ nulli uillarū mearū
 cedat: otium omni desertissima regione maius. itaque
 ne literæ quidem meæ impediuntur: in quibus sine ulla
 interpellatione uersor. quare, ut arbitror, prius hic te
 nos, quā istic tu nos uidebis. Lepta suauissimus ediscat
 Hesiodum; et habeat in ore, τῆς δ' ἀγέτης ἰδὲ φῶτα.

EPIST. LIB. VI.

CICERO LEPTAE S.

Aculam officio functū esse gaudeo. eius Fa-
 M lernum mihi semper idoneū uisum est diuer-
 sorio: si modo tecti satis est ad comitatum no-
 strū recipiendum. ceteroqui is mihi locus non displicet:
 nec ea re Petrinum tuum deseram: nam & uilla, &
 amoenitas illa cōmorattonis est, non diuersorij. De cu-
 ratione aliqua munerum regionum cū Oppio locutus
 sum. nam Balbum, posteaquā tu es profectus, nō uidi:
 tantis pedum doloribus afficitur, ut se cōueniri nolit. o-
 mnino de tota re, ut mihi uideris, sapientius faceres, si
 non curares: quod enim eo labore assequi uis, nullo mo-
 do assequere: tanta est enim intimorum multitudo, ut
 ex his potius aliquis effluat, quā nouo sit aditus, prae-
 sertim qui nihil afferat prater operam, in qua ille se de-
 disse beneficium putabit, (si modo ipsum sciet) nō acce-
 pisse. sed tamen aliquid uidebimus, in quo sit spes ali-
 ter quidem non modo non appetendum, sed etiam fu-
 giendum puto. Ego me Asturæ diutius arbitror com-
 moraturum, quoad ille quandoque ueniat. Vale.

CICERO THORANIO S.

Ederam triduo ante pueris Cn. Plancij literas
 D ad te: eo nūc ero breuior, teq; ut antea conso-
 labar, hoc tempore monebo. Nihil puto tibi
 esse utilius, quā ibidē opperiri, quoad scire possis, quid
 tibi agendum sit. nā prater navigationis longæ, & hie-
 malis, & minime portuosæ periculū, quod uitaueris; ne

illud quidem non, quamuis subito, cū certi aliquid audieris, te istinc posse proficisci: nihil est præterea, cur aduenientibus te offerre gestias. multa præterea metuo, quæ cum Chilone nostro communicavi. quid multa? loco opportuniore in his malis nullo esse potuisti, ex quo te, quocunque opus erit, facillime, & expeditissime conferas. quod si recipiet ille se, ad tempus aderis. sin, quoniam multa accidere possunt, aliqua res eum uel impedit, uel morabitur: tu ibi eris, ubi omnia scire possis. hoc mihi prorsus ualde placet. De reliquo ut te sæpe per literas hortatus sum, ita uelim tibi persuadeas, te in hac causa nihil habere, quod timendum sit, præter communem casum ciuitatis. qui & si est grauissimus: tamen ita uiximus, & id ætatis iam sumus, ut omnia, quæ non nostra culpa nobis accident, fortiter ferre debeamus. Hic tui omnes ualent, summaq; pietate te desiderant, & diligunt, & colunt. Tu & cura, ut ualeas, & te istinc ne temere commoueas.

CICERO THORANIO. S. D.

E T si cū hac ad te scriberē, aut appropinquare exitus huius calamitosissimi belli, aut iam aliquid actū, & confectū uidebatur: tamen quotidie commemorabam, te unum in tanto exercitu mihi fuisse assensorem, & me tibi; solosq; nos uidisse, quātum esset in eo bello mali, in quo spe pacis exclusa, ipsa uictoria futura esset acerbissima, quæ aut interitū allatura esset, si uictus esses, aut, si uicisses, seruitutē. itaque ego; quem tum fortes illi uiri, & sapientes, Do-

EPIST. LIB. VI.

miti, & Lentuli timidum esse dicebant, (et eram plane: timebam enim, ne evenirent ea, quæ acciderunt) idem nunc nihil timeo, & ad omnem eventum paratus sum. cum aliquid uidebatur cauere posse, tum id negligi dolebam. nunc uero euersis omnibus rebus, cum consilio profici nihil possit, una ratio uidetur, quidquid evenierit, ferre moderate; præsertim cum omnium rerum mors sit extremum; & mihi sim conscius, me, quoad licuerit, dignitati Reip. consuluisse, & hac amissa salutem retinere uoluisse. hæc scripsi, non ut de me ipse dicerem, sed ut tu, qui coniunctissima fuisti mecum & sententia, & uoluntate, eadem cogitares: MAGNA enim consolatio est, cum recordare, etiam si secus acciderit, te tamen recte, uereque sensisse. atque utinam liceat aliquando aliquo Reip. statu nos frui, interque nos conferre sollicitudines nostras, quas pertulimus tum, cum timidi putabamur, quia dicebamus ea futura, quæ facta sunt. De tuis rebus nihil esse, quod timeas, præter uniuersæ Reip. interitum, tibi confirmo. De me autem sic uelim iudices; quantum ego possim, me tibi, salutis tuæ, liberisque tuis summo cum studio præsto semper futurum. Vale.

CICERO DOMITIO S. D.

N On ea res me deterruit, quo minus, posteaquam in Italiam uenisti, literas ad te mittere, quod tu ad me nullas miseris, sed quia nec quid tibi pollicer ipse egens rebus omnibus, nec quid suaderem, cum mihi met ipsi consilium deesset, nec quid consolationis afferrem in tantis malis, reperiēbam. hæc quanquam nihilo

AD
meliora
tiora: tam
hui. ego si
Reip. causa
ses, tamen,
tionem te
sed cum co
nem statu
contention
stra uetere
ma mea in
bis, parent
semper cha
riorumque
quæque ad
tradita, me
tempore ut
plurimisque
animo, at
tius me par
ne quæcum
trabor, tant
et studio, &
uoluntatem
emantissim
ciam, ut te
ego tamen
mo studio

meliora sunt, nunc etiam atque etiam multo despera-
 tiora: tamen inanes esse meas literas, quàm nullas, ma-
 lui. ego si te intelligerem plus conatum esse suscipere
 Reip. causa muneris, quàm quantum præstare potuis-
 ses, tamen, quibuscunque rebus possem, ad eam condi-
 tionem te uiuendi, quæ daretur, quæq; esset, hortarer.
 sed cum consilij tui bene, fortiterq; suscepti eum tibi fia-
 nem statueris, quem ipsa fortuna terminum nostrarum
 contentionum esse uoluisset: oro, obtestorq; te pro no-
 stra uetere coniunctione, ac necessitudine, proq; sum-
 ma mea in te beneuolentia, & tua in me pari, te ut no-
 bis, parenti, coniugi, tuisq; omnibus, quibus es, fuistiq;
 semper charissimus, saluū conserues; incolumitati tuæ,
 tuorumq; qui ex te pendent, consulas; quæ didicisti,
 quæq; ab adolescentia pulcherrime à sapiētissimis uiris
 tradita, memoria, & scientia comprehendisti, ijs hoc
 tempore utare; quos coniunctos summa beneuolentia,
 plurimisq; officijs amisisti, eorum desiderium si nō æquo
 animo, at forti feras. ego quid possim, nescio, uel po-
 tius me parum posse sentio. illud tamen tibi polliceor,
 me, quæcunque saluti, dignitatiq; tuæ conducere arbi-
 trabor, tanto studio esse facturum, quanto semper tu
 & studio, & officio in meis rebus fuisti. hanc meam
 uoluntatem ad matrem tuam, optimam fœminā, tuiq;
 amantissimam, detuli. si quid ad me scripseris, ita fac-
 ciam, ut te uelle intellexero. sin tu minus scripseris,
 ego tamen omnia, quæ tibi utilia esse arbitror, sum-
 mo studio, diligentiaq; curabo. Vale.

M. TVLLII CICERONIS EPISTOLARVM
AD MARIVM, ET ALIOS.
LIBER VII.

M. CICERO M. MARIO S. D.

I te dolor aliquis corporis, aut infirmitas
valetudinis tuæ tenuit, quo minus
ad ludos uenires: fortunæ magis tri-
buo, quàm sapientiæ tuæ. sin hæc, quæ
ceteri mirantur, contemnenda duxi-
sti, & cum per valetudinem posses, uenire tamen no-
luisti: utrunque lator, et sine dolore corporis te fuisse,
& animo ualuisse, cum ea, quæ sine causa mirantur
aliij, neglexeris: modo ut tibi constiterit fructus otij tui:
quo quidem tibi perfrui mirifice licuit, cum esses in
ista amœnitate penè solus relictus. neque tamen du-
bito, quin tu ex illo cubiculo tuo, ex quo tibi Stabianũ
perforasti, & patefecisti Seianum, per eos dies matu-
rina tempora lectiunculis consumpseris: cum illi inte-
rea, qui te istuc reliquerunt, spectarent cõmuneis mi-
mos semisomni. reliquas uero partes diei tu consu-
mebas ijs delectationibus, quas tibi ipsi ad arbitrium
tuum compararas. nobis autem erant ea perpetienda,
quæ scilicet P. Metius probauisset. omnino, si quæris,
ludi apparatissimi, sed non tui stomachi: coniecturã
enim facio de meo. nam primum honoris causa in sce-
nam redierant ij, quos ego honoris causa de scena de-
cessisse arbitrabar. deliciæ uero tuæ noster Aesopus
cuiusmodi fuit, ut ei desinere per omnes homines lice-

A
ret. is iur
co, si sci
reliquos lu
quod solen
collebat om
dubito qui
lectationis
equo Troi
na pedita
pulari ad
lam attul
togeni tuo
nes meas le
stru, delect
aut Ocos le
disuel in se
non ames, u
soleas. nam
gladiatores
spectur se
uendationes
negat: sed
cum aut h
tur, aut p
que tamen
hec spectas
rum extren
gi, atque te
ricordia qu
quandam

ret. is iurare cum cœpisset, vox eum defecit in illo loco, SI sciens fallo. quid tibi ego alia narrē? nosti enim reliquos ludos. quid? ne id quidem leporis habuerūt, quod solent mediocres ludi: apparatus enim spectatio tollebat omnem hilaritatem: quo quidem apparatu nō dubito quin animo æquissimo carueris: quid enim delectationis habēt sexcenti muli in Clytemnestra? aut in Equo Troiano craterarū tria millia? aut armatura varia peditatus, & equitatus in aliqua pugna? quæ popularē admirationē habuerunt, delectationem tibi nullam attulissent. quod si tu per eos diss operā dedisti Pro togeni tuo: dum modo tibi quiduis potius, quā orationes meas legerit, nā tu haud paulo plus, quā quisquā nostrū, delectationis habuisti. non enim te puto Græcos, aut Oscos ludos desiderasse; præsertim cum Oscos ludos uel in senatu nostro spectare possis, Græcos uero ita non ames, ut ne ad uillam quidem tuam uia Græca ire soleas. nam quid ego te athletas putem desiderare, qui gladiatores contempseris? in quibus ipse Pompeius confitetur se & operam, et oleum perdidisse. reliquæ sunt uenationes binæ per dies quinque, magnificæ, nemo negat: sed quæ potest esse homini politico delectatio, cum aut homo imbecillus à ualentissima bestia laniatur, aut præclara bestia uenabulo transuerberatur? quæ tamen si uidenda sint, sæpe uidisti: neque nos, qui hæc spectauimus, quidquam noui uidimus. elephantorum extremus dies fuit: in quo admiratio magna uulgi, atque turbæ, delectatio nulla extitit: quin et misericordia quædā consecuta est, atq; opinio eiusmodi, esse quandam illi belluæ cum genere humano societatem.

his ego tamen diebus, ludis scenicis, ne forte uidear tibi non modo beatus, sed liber omnino fuisse, dirupi penè me in iudicio Galli Caninij familiaris tui. quòd si tam facilem populū haberem, quam Aesopus habuit, libenter mehercule artem desinerē, tecumq; et cum similibus nostri uiuerem. nam me cum antea tadebat, cum & ætas, & ambitio hortabantur, & licebat denique, quem nolebam, non defendere: tum uero hoc tēpore uita nulla est: neque enim fructū ullum laboris expecto; et cogor nonnunquā homines non optime de me meritos, rogatu eorum, qui bene meriti sunt, defendere. itaque quæro causas omnes aliquando uiuēdi arbitrati meo: teq; et istam rationem otij tui et laudo uehementer, et probo: quodq; nos minus interuisis, hoc fero animo æquiore, quòd, si Romæ esses, tamen neque nos lepore tuo, neq; te, si quis est in me, meo frui liceret propter molestissimas occupationes meas: quibus si me relaxaro, (nam ut planè exoluam, non postulo) te ipsum quidē, qui multos annos nihil aliud cōmentaris, docebo profecto, quid sit humaniter uiuere. tu modo istam imbecillitatem uoletudinis tuæ sustenta, & tuere, ut facis; ut nostras uillas obire, & mecum simul lecticula concursare possis. hæc ad te pluribus uerbis scripsi, quā soleo, non otij abundantia, sed amoris erga te, quòd me quadam epistola subinuitaras, si memoria tenes, ut ad te aliquid eiusmodi scriberem, quo minus te prætermisisse ludos poeniteret. quod si assecutus sum, gaudeo: sin minus, hoc me tamen cōsolabor, quòd post hæc ad ludos uenies, nosq; uises, neque in epistolis reliques meis spem aliquam delectationis tuæ. Vale.

A D

M.

A

M m

di

disti multū

simili per

coheredito

torē potius

co satis est

De Bur

de mihi gr

minis sord

credas mihi

inimici lera

dio: deinde

primisq; me

ne extitisse

ni, ac poten

fortasse uide

tum ipsum

defenderam

frimen esse

nec sua quia

stente stare

me in quem

nullis inuid

quam obrer

sa est. nūq

qui ausi sa

M. CICERO M. MARIO S. D.

Andatum tuum curabo diligenter. sed ho-

M mo acutus ei mandasti potissimum, cui expe-
diret, illud uenire quamplurimo. sed eo uis-
disti multū, quod præfinisti, quo ne pluris emerē. quod
si mihi permisisses: qui meus amor in te, cōfecissem cū
coheredibus. nunc, quando tuum pretium noui, licita-
torē potius apponā, quā illud minoris ueneat. sed de io-
co satis est. tuū negotiū agam, sicuti debeo, diligenter.

De Bursa te gaudere certo scio. sed nimis uerecun-
de mihi gratularis: putas enim, ut scribis, propter ho-
minis sordes minus me magnam illam lætitiā putare.
credas mihi uelim, magis me iudicio hoc, quā morte
inimici lætatum. primum enim iudicio malo, quā gla-
dio: deinde gloria potius amici, quā calamitate. iu-
primisq; me delectauit, tantum studium bonorum in
me extitisse contra incredibilem contentionem clarissi-
mi, ac potentissimi uiri. postremo, quod uix uerisimile
fortasse uideatur, oderam multo peius hunc, quā il-
lum ipsum Clodium. illum enim oppugnaram: hunc
defenderam. & ille, cum omnis Resp. in meo capite di-
scrimen esset habitura, magnum quiddam spectauit,
nec sua quidem sponte, sed eorum auxilio, qui me
stante stare non poterant: hic simiolus animi causa
me, in quem inueheretur, delegerat; persuaaseratq; non
nullis inuidis meis, se in me emissarium semper fore.
quamobrem ualde tubeo gaudere te. magna res ge-
sta est. nunquam ulli fortiores ciues fuerunt, quā
qui ausi sunt eum contra tantas opes eius, à quo ipsi

EPIST. LIB. VII.

lecti iudices erant, condemnare. quod fecissent nunquam, nisi ijs dolori meus fuisset dolor. Nos hic multitudine, & celebritate iudiciorum, & nouis legibus ita distinemur, ut quotidie uota faciamus, ne intercalatur, ut quamprimum te uidere possimus. Vale.

M. CICERO M. MARIO S. D.

Ersepe mihi cogitanti de communibus miserijs, in quibus tot annos uersamur, & ut uideo, uersabimur, solet in mentem uenire illius temporis, quo proxime fuimus una. quin etiam ipsum diem memoria teneo. nam ad III. Idus Maias, Lentulo & Marcello Coss. cum in Pompeia = num uesperu uenissem, tu mihi sollicito animo praesto fuisti. sollicitum autem te habebat cogitatio tum officij, tum etiam periculi mei. si manerem in Italia, uerebare, ne officio deessem. si proficiscerer ad bellum, periculum te meum commouebat. quo tempore uidisti profecto me quoque ita conturbatum, ut non explicarem, quid esset optimum factu: pudori tamen malui, famaeque cedere, quam salutis meae rationem ducere. cuius me mei facti poenituit, non tam propter periculum meum, quam propter uitia multa, quae ibi offendi, quod ueneram: primum neque magnas copias, neque bellicosas: deinde extra duces paucosque praeterea, (de principibus loquor) reliqui primum in ipso bello rapaces, deinde in oratione ita crudeles, ut ipsam uictoriam horrerem: maximum autem aes alienum amplissimorum uirorum.

quid

quid quæris? nihil boni præter causam. quæ cum uiderem, desperans uictoriam primum cœpi suadere pacem, cuius fueram semper auctor: deinde, cum ab ea sententia Pompeius ualde abhorreret, suadere institui, ut bellum duceret. hoc interdum probabat, & in ea sententia uidebatur fore, & fuisset fortasse, nisi quædam ex pugna cœpisset suis militibus confidere, ex eo tempore uir ille summus, nullus imperator fuit. signatirone, & collectirio exercitu cum legionibus robustissimis contulit. uictus, turpissime, amissis etiam castris, solus fugit. hunc ego belli mihi finem feci: nec putavi, cum integri pares non fuisset, fractos superiores fore. discessi ab eo bello, in quo aut in acie cadendum fuit, aut in aliquas insidias incidendum, aut deueniendum in uictoris manus, aut ad Iubam confugiendum, aut capiendus tanquam exilio locus, aut consciscenda mors uoluntaria. certe nihil fuit præterea, si te uictori nolles, aut non auderes committere. ex omnibus autem ijs, quæ dixi, incommodis, nihil tolerabilius exilio, præsertim innocenti, ubi nulla adiuncta est turpitudine: addo etiam, cum ea urbe careas, in qua nihil sit, quod uidere possis sine dolore. ego cum meis, (si quidquam nunc cuiuspiam est) etiam in meis esse malui. quæ acciderunt, omnia dixi futura. ueni domum, non quod optima uiuendi cōditio esset, sed tamen, si esset aliqua forma Reip. tanquam in patria ut essem; si nulla, tanquam in exilio. mortem mihi cur consciscerem, causa nulla uisa est; cur optarem, multæ: uetus est enim, VBI non sis, qui fueris, non esse, cur uelis uiuere. sed tamen VACARE culpa, magnam

EPI. LIB. VII.

est solatium : præsertim cum habeam duas res , quibus
 me sustentem, optimarum artium scientiam, & maxi-
 marum rerum gloriam: quarum altera mihi uiuo nun-
 quam eripietur , altera ne mortuo quidem . hæc ad te
 scripsi uerbosius : & tibi molestus fui , quod te cum
 mei, tum Reip. cognoui amantissimum . notum tibi om-
 ne consilium meum esse uolui , ut primum scires me
 nunquam uoluisse plus quenquam posse, quàm uniuersam
 Remp. postea autem quàm alicuius culpa tantum
 ualeret unus, ut obsisti non posset, me uoluisse pacem :
 amisso exercitu, & eo duce, in quo spes fuerat uno, me
 uoluisse etiam reliquis omnibus; postquam non potue-
 rim, mihi ipsi finem fecisse belli: nunc autem, si hæc ci-
 uitas est , ciuem esse me : si non , exulem esse : non in-
 commodiore loco, quàm si me Rhodum, aut Mitylenas
 contulissem . hæc tecum coràm malueram : sed quia
 longius fiebat, uolui per literas eadem: ut haberes, quid
 diceres, si quando in uituperatores meos incidisses: sunt
 enim, qui cum meus interitus nihil fuerit Reip. profu-
 turus, criminis loco putent esse , quod uiuam : quibus
 ego certo scio non uideri satis multos perisse: qui si me
 audissent , quamuis iniqua pace, honeste tamen uiue-
 rent : armis enim inferiores, non causa fuissent . habes
 epistolam uerbosio rem fortasse, quàm uelles. quod tibi
 ita uideri putabo , nisi mihi longiorem remiseris .
 Ego , si quæ uolo expediero, breuî tempore te , ut spes-
 ro, uidebo. Vale.

M. CICERO M. MARIO S. D.

D VIII. Cal. in Cumanum ueni cum Libo=
 A ne tuo, uel nostro potius: in Pompeianum sta-
 tim cogito: sed faciam te ante certiozem. te
 cum semper ualere cupio, tum certe, dum hic sumus:
 uides enim, quanto post una futuri sumus. quare si
 quod constitutum cum podagra habes, fac in alium
 diem differas. cura igitur, ut ualeas: & me hoc biduo,
 aut triduo expecta. Vale.

M. T. CICERO C. CAESARI IMP. S.

Ide quàm mihi persuaferim, te me esse altera=
 V rum, nò modo in ijs rebus, quæ ad me ipsum,
 sed etiam in ijs, quæ ad meos pertinent. C. Tre-
 batiũ cogitaram, quocumque exirem, mecum ducere, ut
 eum meis omnibus studijs, & beneficijs quam ornatiissi-
 mum domum reducerem. sed posteaquam & Pompeij
 commoratio diuturnior erat, quàm putaram; et mea quæ-
 dam tibi non ignota dubitatio aut impedire profectio-
 nem meam uidebatur, aut certe tardare: uide, quid mi-
 hi sumpserim: cœpi uelle ea Trebatium expectare à te,
 quæ sperasset à me: neque mehercule minus et prolixè
 de tua uoluntate promisi, quàm eram solitus de mea
 polliceri. casus uero mirificus quidam interuenit quasi
 uel testis opinionis meæ, uel sponsor humanitatis tuæ.
 nam cum de hoc ipso Trebatio cum Balbo nostro loque-
 rer accuratius domi meæ, literæ mihi dantur à te, qui-
 bus in extremis scriptum erat: M. Furnium, quem mihi

N ij

commendas, uel Regem Gallie faciam, uel Leptæ legatum? si uis tu, ad me alium mitte, quem ornem. sustulimus manus & ego & Balbus: tanta fuit opportunitas, ut illud nescio quid non fortuitum, sed diuinum uideretur, mitto igitur ad te Trebatium, atque ita mitto, ut initio mea sponte, post autem inuitatu tuo mittendum duxerim. hunc mi Cæsar sic uelim omni tua comitate complectare, ut omnia, quæ per me possis adduci ut in meos conferre uelis, in unum hunc conferas. de quo tibi homine hoc spondeo, non illo uetere uerbo meo, quod, cum ad te de Milone scripsissem, iure lusisti, sed more Romano, quo modo homines non ineptiloquantur, probiorem hominem, meliorem uirum, prudentiorem esse neminem. accedit etiam, quod familiam ducit, in iure ciuili singularis memoria, summa scientia. huic ego neque Tribunatum, neque profeeturam, neque ullius beneficii certum nomen peto: beneuolentiam tuam, & liberalitatem peto: neque impedio, quominus, si tibi ita placuerit, etiam hisce eum ornes gloriolæ insignibus: totum denique hominem tibi trado de manu (ut alunt) in manum tuam istam & uictoria & fide præstantem. sumus enim putidiusculi, quàm per te uix licet: uerum, ut uideo, licebit. Cura ut ualeas: & me, ut amas, ama.

M. CICERO TREBATIO S. D.

I N omnibus meis epistolis, quas ad Cæsare, aut ad Balbū mitto, legitima quædā est accessio commendationis tuæ, nec ea uulgaris, sed cū ali-

quo insigni indicto meæ erga te benevolentia. tu modo ineptias istas, & desideria Urbis, et urbanitatis depone: & quo consilio profectus es, id assiduitate & uirtute consequere. hoc tibi tam ignoscemus nos amici, quàm ignouerunt Medæ, quæ Corinthi arcem altam habebant, matronæ opulentæ optimates, quibus illa manibus gypsatis persuasit, ne sibi illæ uitio uerterent, quòd abesset à patria: Nam M V L T I suam rem bene gessere, & publicam patria procul: Multi, qui domi ætatem agerent, propterea sunt improbari. quo in numero tu certe fuisse, nisi te extrusissemus. sed plura scribemus aliàs. tu, qui cæteris cauere didicisti, in Britania ne ab es sedarijs decipiaris, caueto. & quando Medeam agere cœpi, illud semper memento: Q V I ipse sibi sapiens prodesse nequit, ne quidquam sapit. Cura ut ualtas.

M. CICERO TREBATIO S. D.

E Go te commendare non desisto: sed quid proficiam, ex te scire cupio. spem maximam habeo in Balbo, ad quem de te diligentissime, & sepiissime scribo. illud sol eo mirari, non me toties accipere tuas literas, quoties à Q. fratre mihi afferuntur. In Britania nihil esse audio neque auri, neque argenti. id si ita est, esset dum aliquod suadeo rapias. & ad nos quàm primū recurras. sin autem sine Britania tamen assequi id, quod uolumus, possumus: perfice, ut sis in familiaribus Cæsaris multū enim te in eo frater adiuuabit meus, multum Balbus, sed, mihi crede, tuus pudor, & labor plurimum. Imperatorem liberalissimum habes, ætatem

EPI. LIB. VII.

opportunissimam, cōmendationē certe singulārē: ut tibi unum timendū sit, ne ipse tibi defuisse uideare. Vale.

CICERO TREBATIO S. D.

Crispit ad me Cæsar perhumaniter, nondum
 S te sibi satis esse familiarem propter occupatio-
 nes suas, sed certe fore. cui quidem ego rescripsi, quā mihi gratum esset futurum, si quamplurimū in te studiū, officiū, liberalitatis suæ contulisset. sed ex tuis literis cognoui præproperam quandam festinationem tuam: & simul sum admiratus, cur Tribunatus commoda, dempto præsertim labore militiæ, contempseris. querar cum Vacerra, & Manilio: nam Cornelio nihil audco dicere: cuius tu periculo stultuses, quando te ab eo sapere didicisse profiteris. quin tu urges istam occasionem, & facultatem, qua melior nunquam reperietur. Quod scribis de illo Prætiano iureconsulto, ego te ei non desino commendare, scribit etiam ipse mihi, te sibi gratias agere debere. de eo quid sit, cura ut sciam. Ego uestras Britanicas literas expecto. Vale.

CICERO TREBATIO S. D.

Andiu ignoro, quid agas: nihil enim scribis:
 I neque ego ad te his duobus mensibus scripseram. quia cum Q. fratre meo non eras; quō mitterem, aut cui darem, nesciebam. cupio scire quid agas, & ubi sis hiematurus: equidem uelim cum Cæsare: sed ad eum propter eius occupationes, nihil sum ausus scribere: ad Balbum tamen scripsi. tu tibi deesse noli, serius potius ad nos, dum plenior. quod huc properes,

nihil est, præsertim Vacerra mortuo. sed tibi consilium non deest. quid constitueris, cupio scire. Cn. Octavius, an Cn. Cornelius quidem, tuus familiaris, summo genere natus, terræ filius, is me, quia scit tuum familiarem esse, crebro ad cœnam inuitat. adhuc non potuit perducere: sed mihi tamen gratum est. Vale.

CICERO TREBATIO S. D.

Egi tuas literas: ex quibus intellexi te Cæsari nostro ualde iureconsultum uideri. est quod gaudeas, te in ista loca uenisse, ubi aliquid sapere uiderere. quod si in Britanniam quoque profectus esses, profecto nemo in illa tanta insula peritior te fuisset. ueruntamen (rideamus licet: sum enim à te inuitatus) subinvideo tibi, ultro te etiam accersitum ab eo, ad quem cæteri, non propter eius superbiam, sed propter occupationem, aspirare non possunt. sed tu in ista epistola nihil mihi scripsisti de tuis rebus: quæ mehercule mihi non minori curæ sunt, quàm meæ. ualde metuo, ne frigeas in hibernis. quamobrem camino luculento utendum censeo. idem et Mutio, et Manilio placebat, præsertim, qui sagis non abundares. quanquam uos nunc istic satis calere audio. quo quidem nuncio ualde mehercule de te timueram. sed tu in re militari multo es cautior, quàm in aduocationibus, qui neque in Oceano natære uolueris studiosissimus homo nandandi, neque spectare essedarios, quem antea ne andabatam quidem defraudare poteramus. sed iam satis iocati sumus. Ego de te ad Cæsarem quam diligenter

N iij

EPI. LIB. VII.

scripserim, tute scis; quàm saepe, ego. sed mehercule iam intermiseram; ne uiderer liberalissimi hominis, mei; amantiissimi uoluntati erga me diffidere. sed tamen his literis, quas proxime dedi, putauì esse hominẽ cõmonendum. id feci. quid profecerim, facias me uelim certiorẽ, & simul de toto statu tuo, consilijsq; omnibus: scire enim cupio, quid agas, quid expectes, quàm longum istũ tuum discessum à nobis futurũ putes, sic enim tibi persuadeas uelim, unum mihi esse solatium, quare facilius possim pati te esse sine nobis, si tibi esse id emolumento sciam. sin autem id non est, nihil duobus nobis est stultius: me, qui te non Romam attraham: te, qui non huc ad uoles. una mehercule nostra uel seuera, uel iocosa congressio pluris erit, quàm non modo hostes, sed etiam fratres nostri Edui. quare omnibus de rebus fac ut quamprimum sciam: Aut consolando, aut consilio, aut re iuvero. Vale.

CICERO TREBATIO S. D.

N I si ante Roma profectus esses, nunc eam certe relinqueres: quis enim tot interregnis iure cõsultum desiderat? ego omnibus, unde patitur, hoc cõsiliũ dederim, ut à singulis interregibus binas aduocationes postulent. satis ne tibi uideor abs te ius ciuile didicisse? sed heus tu, quid agis? ecquid fit? uideo enim te iam iocari per literas. hæc signa meliora sunt, quàm in meo Tusculano. sed quid sit, scire cupio. consuli quidem te à Cæsare scribis: sed ego tibi ab illo consuli mallem. quod si aut fit, aut futurum putas, perfer istam mi

litiam, & permane : ego enim desiderium tui spe tuorum commodorum consolabor . sin ista sunt inaniora , recipe te ad nos . nam aut erit hic aliquid aliquando : aut si minus, una mehercule collocutio nostra pluris erit, quàm omnes Samarobrinæ . denique si te cito retuleris, sermo nullus erit : sin frustra diutius abfueris, non modo Laberium, sed etiam sodalem nostrum Valerium pertimesco . mira enim persona induci potest Britanici iureconsulti . hæc ego non rideo, quamvis tu rideas : sed de re seuerissima tecum, ut soleo, iocor . remoto ioco, tibi hoc amicissimo animo præcipio, ut, si istic mea commendatione tuam dignitatem obtinebis, perferas nostri desiderium ; honestatem, & facultates tuas augeas . sin autem ista frigebunt, recipias te ad nos . omnia tamen, quæ uis, & tua uirtute profecto , & nostro summo erga te studio consequere .

M. CIC. TREBATIO. S. D.

Irabar, quid esset, quòd tu mihi literas mittere intermisisses . indicauit mihi Pansa meus Epictureum te esse factum . o castra præclara : quid tu fecisses, si te Tarentum, & non Samarobrinam misissem ? iam tum mihi non placebas, cum idem intuebare, quod & Titius familiaris meus . sed quonam modo ius ciuile defendes, cum omnia tua causa facias, non ciuium ? ubi porrò illa erit formula fiduciæ , V T inter bonos bene agier oportet ? quis enim est bonus , qui facit nihil, nisi sua causa ? quod ius statues communi diuidundo , cum commune nihil possit esse apud eos, qui

EPI. LIB. VII.

omnia uoluptate sua metiuntur? quomodo autem tibi placebit Iouem lapidem iurare, cum scias Iouem iratum esse nemini posse? quid fiet porro populo Vlubrano, si tu statueris πολιτεν δεδωκεν non oportere? quare si planè à nobis deficiis moleste fero. sin Pansæ assentari commodum est, ignosco, modo scribas aliquando ad nos, quid agas, & à nobis quid agi, quid fieri, aut curari uelis. Vale.

M. CICERO TREBATIO S. D.

Deo ne me iniustum esse existimasti, ut tibi
 A irascerer, quòd parum mihi constans, et nimium
 cupidus decedendi uiderere, ob eamq; causam
 me arbitrarere literas ad te iandiu non misisse? mihi
 perturbatio animi tui, quam primis literis perspiciebam,
 molestia attulit: neque alia fuit ulla causa intermissio-
 nis literarum, nisi quòd ubi esses, planè nesciebam. hic
 tu me etiam instimulas, nec satisfactionem meam acci-
 pis. audi mi Testa: utrum superbior te pecunia fa-
 cit, an quòd te Imperator consulit: moriar, ni, quæ tua
 gloria est, puto te malle à Cesare consuli, quàm inau-
 rari. si uero utrunque est: quis te feret præter me, qui
 omnia ferre possum? sed ut ad rem redeam, te istic in-
 uitum non esse uehementer gaudeo: & ut illud erat
 molestum, sic hoc est iucundum. tantum metuo ne ar-
 tificium tuum tibi parum profit: nam, ut audio, istic
 ,, Non ex iure manu confertum, sed mage ferro
 ,, Rem repetunt: & tu soles ad uim faciendâ adhiberi?
 neq; est, quod illâ exceptionē in interdicto pertimescas,

q̄ tu prior ui hominibus armatis conueneris: scio enim te non esse procacem in laceffendo. sed ut ego quoque te aliquid de nostris cautionibus admoneam, Treuiros uites censeo: audio capitales esse, malle auro, argento; ære essent. sed aliàs iocabimur. Tu ad me de istis rebus omnibus scribas uelim quam diligentissime.

Ad III. Non. Mart. Vale.

CICERO TREBATIO S. D.

Hrysippus Ve Etius Cyri architecti libertus fecit, ut te non immemorem putarem mei: salutem enim mihi uerbis tuis nunciauit. ualde iam lautus es, qui graueres literas ad me dare, homini præfer tim propè domestico. quòd si scribere oblitus es, minus multi iam te aduocato causa cadent. sin nostri oblitus es, dabo operam, ut istuc ueniam ante, quàm plasnè ex animo tuo effluam. sin æstiuorum timor te debilitat, aliquid excogita, ut fecisti de Britania. illud quidè perlibenter audiui ex eodè Chrysippo, te esse Cæsari familiarem. sed mehercule malle, id quod erat æquius, de tuis rebus ex tuis literis quam sæpiissime cognoscere. quod certe ita fieret, si tu maluisses beneuolentiæ, quàm litiū iura perdiscere. sed hæc iocati sumus et tuo more, et non nihil etiam nostro. Te ualde amamus, nosq; à te amari tum uolumus, tum etiam confidimus. Vale.

CICERO TREBATIO. S. D.

q̄ Vàm sint morosi, qui amāt, uel ex hoc intelligi potest. moleste ferebā antea te inuitū istie esse: pungit me rursus, quòd scribis te esse istic libens

ter. neque enim, mea commendatione te non delectari, facile patiebar: & nunc angor, quidquam tibi sine me esse iucundum, sed tamen hoc malo nos ferre desiderium, quam te non ea, quæ spero, consequi. Quod uero in C. Matij suauissimi, doctissimiq; hominis familiaritatem uenisti, non dici potest, quam ualde gaudeam: qui, fac, ut te quammaxime diligat. mihi crede, nihilex ista provincia potes, quod iucundius sit, deportare. Cura ut ualeas.

CICERO TREBATIO S. D.

NE quo Troiano scis esse in extremo, SERO
I SAPIUNT. tu tamen mi uetule non sero.
primum illas rabiosulas sat fatuas dedisti. de
inde, quod in Britannia non nimis φιλοτέωγον te præbuis-
sti, planè non reprehendo. nunc uero in hibernis iniectus
mihi uideris. itaque te commouee non curas. VSQVE
QUAQUE sapere oportet. id erit telum acerrimum.

Ego si foris coenitarem, Cn. Octauio familiari tuo non defuissem: cui tamen dixi, cum me aliquoties inuitaret, oro te, quis tu es? sed mehercule, extra iocum, homo bellus est: uellem eum tecum abduxisses. Quid agatis, ecquid in Italiam uenturi sitis hac hieme, fac planè sciam. Balbus mihi confirmauit te diuitem futurum. id utrum Romano more locutus sit, bene nummarum te futurum, an, quo modo Stoici dicunt, omnes esse diuites, qui cælo, & terra frui possunt, postea uidero. Qui istinc ueniunt, superbiam tuam accusant, quod negent te per cunctantibus respondere. sed tamen est, quod gaudeas: constant enim inter omnes, neminem te uno Samarobrina iuris peritorem esse. Vale.

CICERO TREBATIO S. D.

X tuis literis & Quinto fratri gratias egi, &
E te aliquando collaudare possum, quod iam
uideris certa aliqua in sententia constitisse.
nam primorum mensium literis tuis uehementer com-
mouebam, quod mihi interdum (pace tua dixerim) leuis
in urbis, urbanitatisq; desiderio, interdum piger, inter-
dum timidus in labore militari. saepe autē etiam, quod
à te alienissimum est, subimpudens uidebare: tanquam
enim syngrapham ad Imperatorem, non epistolam, attu-
lisses; sic pecunia ablata domum redire properabas: nec
tibi in mentem ueniebat, eos ipsos, quicum syngraphis
uenissent Alexandriam, nullum adhuc nummum au-
ferre potuisse. ego si mei commodi rationem ducerem,
te mecum esse maxime uellem: non enim mediocri af-
ficiebar uel uoluptate ex consuetudine nostra, uel utilita-
te ex consilio, atque opera tua: sed cum te ex ado-
lescentia tua in amicitiam, & fidem meam contulis-
ses; semper te non modo tuendum mihi, sed etiam au-
gendum, atque ornandum putauī. itaque quoad opina-
tus sum me in prouinciam exiturum; quæ ad te ultro
attulerim, meminisse te credo. posteaquam mea mutata
ratio est, cum uiderem me à Cæsare honorificentissime
tractari, & unice diligī, hominisq; liberalitatem incre-
dibilem, & singularem fidem nossē: sic ei te com-
mendaui, & tradidi, ut grauissime, diligentissimeq;
potui. quod ille ita & accepit, & mihi saepe literis
significauit, & tibi uerbis, & re ostendit, mea comen-
datione sese ualde esse commotum. hunc tu uirum na-

Etus, si me aut sapere aliquid, aut uelle tua causa putas, ne dimiseris: & si qua te forte res aliquando offenderit, cum ille aut occupatione, aut difficultate tardior tibi erit uisus, perferto, & ultima expectato: quæ ego tibi & iucunda, & honesta præstabo. pluribus te hortari non debeo: tantum moneo, neque amicitiae confirmandæ clarissimi ac liberalissimi uiri, neque uberioris prouinciæ, neque ætatis magis idoneum tempus, hoc si amiseris, te esse ullum unquam reperturum. hoc, quemadmodum uos scribere soletis in uestris libris, idem Q. Cornelio uidebatur. In Britanniam te non esse profectum, uehementer gaudeo, quod & tu labore caruisti, & ego te de rebus illis non audiã. ubi sis hibernaturus, & qua spe, aut cõditione, perscribas ad me uelim. Vale.

CICERO TREBATIO S. D.

Ccepi à te aliquot epistolas uno tempore, quas
 A tu diuersis temporibus dederas: in quibus me cætera delectarunt: significabant enim te ipsam militiam iam firmo animo ferre, et esse fortem uirum, & constantem: quæ ego paulisper in te ita desiderauì, non imbecillitate animi tui, sed magis ut desiderio nostri te æstuarè putarem. quare perge, ut cœpisti: forti animo istam tolera militiam. multa, mihi crede, assequere: ego enim renouabo commendationem, sed tempore. sic habeto, non tibi maiori esse curæ, ut iste tuus à me discessus fructuosissimus tibi sit, quàm mihi. itaque, quando uestre cautiones infirmæ sunt, græculam tibi misi cautionem chirographi mei. Tu me ue-

lim de ratione Gallici belli certiore facias : ego enim ignauissimo cuique maximam fidem habeo . sed ut ad epistolas tuas redeam , cætera belle : illud miror : quis solet eodem exemplo plures dare , qui sua manu scribit ? nam quòd in palimpsesto , laudo equidem parsimoniam : sed miror , quid in illa chartula fuerit , quod delere malueris , quàm hæc scribere : nisi forte tuas formulas : non enim puto te meas epistolas delere , ut reponas tuas . an hoc significas , nihil fieri , frigere te , ne chartam quidem tibi suppeditare ? iam ista tua culpa est , qui uerecundiam tecum extuleris , & non hic nobiscum reliqueris . ego te Balbo , cum ad uos proficiscetur , more Romano commendabo . tu , si interualum longius erit mearum literarum , ne sis admiratus : eram enim abfuturus mense Apr. has literas scripsi in Pontino , cum ad uillam M. Aemilij Philemonis diuertissem : ex qua iam audieram fremitum clientium meorum , quos quidem tu mihi conciliasti : nam Vlurbis honoris mei causa uim maximam ranunculatorum se commosse constabat . Cura ut ualeas . VI. Idus Apr. de Pontino.

M. CICERO TREBATIO S. D.

Pistolam tuam , quam accepi ab L. Aruntio , E considi innocentè : nihil enim habebat quod non uel in concione recte legi posset . sed & Aruntius ita te mandasse aiebat , & tu adscripseras . uerum illud esto . nihil te ad me postea scripsisse demiror , præsertim tam nouis rebus . Vale.

EPI. LIB. VII.

CICERO TREBATIO S. D.

Ide quanti apud me sis. etsi iure id quidem :
V non enim amore te uinco. ueruntamen quod
 presenti tibi propè subnegarem, non tribue-
 rem certe, id absenti debere non potui. itaque ut pri-
 mum Velia navigare coepi, institui Topica Aristotelica
 conscribere, ab ipsa urbe commonitus amantissima tui.
 eum librum tibi misi Rhegio, scriptum quàm planissi-
 me res illa scribi potuit. sin tibi quædam uidebuntur
 obscuriora, cogitare debebis, **N V L L A** M artem literis
 sine interprete, & sine aliqua exercitatione percipi pos-
 se. non longe abieris. num ius ciuile uestrum ex libris co-
 gnosci potest? qui quanquam plurimi sunt, doctorem ta-
 men, lumenq; desiderant. quanquam tu, si attente le-
 ges, si sæpius, per te omnia consequere, ut cerre intelli-
 gas. ut uero etiam ipsi tibi loci proposita questione oc-
 currant, exercitatione consequere: in qua quidem nos
 te continebimus, si & salui redierimus, & salua ista of-
 fenderimus. Vale. V. Cal. Sext. Rhegio.

CICERO TREBATIO S. D.

A Mabilior mihi Velia fuit, quod te ab ea sensi
 amari. sed quid ego dicā te, quā quis non a-
 mar? Rufio medijsidius tuus ita desideraba-
 tur, ut si esset unus è nobis. sed ego te non reprehēdo, qui
 illū ad ædificationem tuā traduxeris: quanquam enim
 Velia non est uilior, quàm Lupercal, tamen istuc malo,
 quā hæc omnia. tamen, si me audies, quem soles, has pa-
 ternas

ternas possessiones tenebis, (nescio quid enim Velientes
 uerebatur) neque Helethem nobilem amnem relinques,
 nec Papirianam domum deseres: quanquam illa qui-
 dem habet lucum, à quo etiam aduenæ teneri solent:
 quem tamen si excideris, multum prospexeris. sed in
 primis opportunum uidetur, his præsertim temporibus,
 habere perfugium primum eorum urbem, quibus cha-
 rus sis, deinde etiam tuam domum, tuosque agros, eaque
 remoto, salubri, amœnoque loco: idque etiam mea inter-
 esse mihi Trebati arbitror. sed ualebis, mea que negotia ui-
 debis, mea que; Dijs iuuantibus, ante brumam expectabis.
 Ego à Sex. Fabio Niconis discipulo librum abstuli Νίκα-
 νος περὶ πολυφαγίας. ò medicum suauem, mea que; docilem
 ad hanc disciplinam. sed Bassus noster me de hoc libro
 calauit: te quidem non uidetur. Ventus increbrescit.
 Cura ut ualeas. XIII. Cal. Sext. Velia.

CICERO TREBATIO S. D.

Ilij causam te docui. is postea fuit apud me.
 S cū ei dicere, tibi uideri, sponsonem illā nos
 sine periculo facere posse, si bonorum Turpilliæ
 possessionē Q. Cæpio Prætor ex edicto suo mihi dedit:
 negare aiebat Seruium tabulas testamenti esse eas, quas
 instituisset is, qui factionē testamenti non habuerit: hoc
 idem Offiliū dicere: tecum se locutum negabat: mea que;
 rogauit, ut se, causamque suam tibi cōmendarem. nec uir
 melior mihi Testa nec mihi amicior P. Silio quisquam est,
 te tamen excepto. gratissimum igitur mihi feceris, si
 ad eū ultro ueneris, ei que; pollicitus eris: sed, si me amas,
 quāprimū. hoc te uehementer et atque etiam rogo. Vale.

O

EPI. LIB. VII.

CICERO TREBARIO S. D.

I luseras heri inter scyphos, quòd dixeram cō-
trouersiam esse, posset ne hæres, quod furtū
antea factum esse, recte furti agere. itaque
etsi domum bone potus, seroq; redieram: tamen id caz
put, ubi hæc controuersia est, notauī, & descriptum tibi
misi: ut scires, id, quod tu neminem sensisse dicebas,
Sex. Aelium, M. Manilium, M. Brutum sensisse. ego ta-
men Scæuolæ, & Testæ assentior. Vale.

M. CICERO M. FABIO GALLO S. D.

T Antum ex Arpinati ueneram, cum mihi à te
literæ redditæ sunt: ab eodemq; accepi Aulia-
ni literas in quibus hoc erat liberalissimum,
nomina se faciūrum, cum uenisset, qua ego uellē die.
fac quæso, qui ego sum, esse te. est ne aut tui pudoris,
aut nostri, primū rogare de die, deinde plus annua po-
stulare? sed essent mi Galle omnia facilia, si & ea mer-
catus esses, quæ ego desiderabam, & ad eam summam,
quam uoluerā. ac tamen isti hæc ipsa, quæ te emisse scri-
bis, nō solum rata mihi erūt, sed etiā grata: planē enim
intelligo, te non modo studio, sed etiam amore usum,
quæ te delectarint hominem, ut ego semper iudicaui,
in omni iudicio elegantissimum, quæq; me digna puta-
ris, coemisse. sed uelim maneat Damasippus in senten-
tia: prorsus enim ex istis emptionibus nullam desidero.
tu autem ignarus instituti mei, quanti ego genus omne
signorum omnium non æstimo, tantī ista quatuor, aut

quinque sumpſisti . ſed Bacchas iſtas cum muſis Metelli
 li comparas : quid ſimile ? primum ipſas ego muſas nū-
 quam tanti putaſſem : atque id feciſſem muſis omni-
 bus approbantibus . ſed tamen erat aptum bibliothecæ ,
 ſtudijsq; noſtris congruens . Bacchis uero ubi eſt apud
 me locus ? at pulchellæ ſunt : noui optime , & ſæpe ui-
 di . nominatim tibi ſigna mihi nota mandaſſem , ſi pro-
 baſſem : ea enim ſigna ego emere ſoleo , quæ ad ſimili-
 tudinem gymnaſiorum exornēt mihi in palæſtra locū .
 Martis uero ſignum quod mihi pacis auctori ? gaudeo
 nullum Saturni ſignum fuiſſe : hæc enim duo ſigna
 putarem mihi æs alienum attuliſſe . Mercurij malle
 aliquod fuiſſet ; felicius , puto , cum Auiano tranſigere
 poſſemus . quod tibi deſtinaras Trapezophoron : ſi te
 delectat , habebis . ſin autem ſententiam mutaſti , ego ha-
 bebo ſcilicet . iſta quidem ſumma næ ego multo liben-
 tius emerim diuerſorium Tarracinæ , ne ſemper hoſpiti
 moleſtus ſim . omnino liberti mei uideo eſſe culpam , cui
 planè res certas mandaram , itemq; Iunij , quem puto
 tibi notum eſſe Auiani familiarem . exedria quædam
 mihi noua ſunt inſtituta in porticula Tuſculani : ea uo-
 lebam tabellis ornare : etenim ſi quid generis iſtiusmodi
 me delectat , pictura delectat . ſed tamen ſi iſta mihi
 ſunt habenda , certiore uelim me facias , ubi ſint , quā-
 do accerſantur , quo genere uecturæ : ſi enim Dama-
 ſippus in ſententia non manebit , aliquē pseudo Dama-
 ſippum uel cum iactura reperiemus . Quod ad me
 de domo ſcribis iterum , iam id ego proficiſcens manda-
 ram meæ Tulliæ : ea enim ipſa hora acceperam tuas li-
 teras . egeram etiam cum tuo Nicia , q̄ iſ n̄titur , ut ſcis ,

familiariter Cassio. ut redij autem, prius, quàm tuas legi has proximas literas, quæsiui de mea Tullia, quid egisset. per Liciniam se egisse dicebat: sed opinor Cassium uti non ita multum sorore: eam porro negare se audere, cum uir abesset, (est enim profectus in Hispaniam Decius) illo & absente, & insciente migrare. est mihi gratissimum, tanti à te æstimatam consuetudinē uitæ, uictusq; nostri, primum ut eam domum sumeres, ut non modo propè me, sed planè mecum habitare posses: deinde ut migrare tātōpere festines. sed ne uiuā, si tibi cōcedo, ut eius rei tu cupidior sis, quàm ego sum. itaque omnia experiar: uideo enim, quid mea intersit, quid utriusque nostrum. si quid egero, faciam ut scias. tu & ad omnia rescribes: & quando te expectem, facies me, si tibi uidebitur, certiore. Vale.

M. CICERO M. FABIO GALLO S. D.

Moris quidē tui, quoquò me uerto, uestigia,
 A uel proxime de Tigellio: sensi enim ex literis
 tuis ualde te laborasse amo igitur uoluntatē.
 sed pauca de re. Capius (opinor) olim, NON omnibus
 dormio: sic ego non omnibus mi Galle seruiō. cū quæ
 est hæc seruitus; olim, cum regnare existimabamur, non
 tã ab ullis, quàm hoc tempore obseruor à familiarissimis
 Cæsaris omnibus, præter istū. id ego in lucris pono,
 nō ferre hominē pestilentiorē patriæ suæ, eumq; addi-
 ctum iam tum puto esse Calui Licini Hipponacteo præ-
 conio. at uide, quid succenseat. Phameæ causam suscep-
 ram, ipsius quidem causa: erat enim mihi sanè fami-

liaris. is ad me uenit, dixitq; iudicem sibi operā dare constituisse eo ipso die, quo de P. Sestio in consilium iri necesse erat. respondi, nullo modo me facere posse, cū uellem: alium diem si sumpsisset, me ei non defuturū. ille autem, qui sciret se nepotem bellum tibicinem habere, & sat bonū unctorem, discessit à me, ut mihi uidebatur, iratior. habes Sardos uenales, aliū alio nequiorē. cognosti meā causam, & istius Salaconis iniquitatē.

Catonem tuū mihi mitte: cupio enim legere. me adhuc non legisse, turpe utrique nostrum est. Vale.

CICERO M. FABIO GALLO S. D.

Vòd epistolam cōscissam doles, noli laborare:
 q salua est domi: petes, cū libebit. Quòd autem me mones, ualde gratū est: idq; ut semper facias, rogo: uideris enim mihi uereri, ne, si istum habuerimus, rideamus γέλῳτα σὰρξ δ' ὀνὸν. sed heus tu, manum de tabula: magister adest citius, quā puer a ramus. uereor, ne in Catonem, Cato in nos. Mi Gallē caue putes quidquam melius, quā epistolæ tuæ partē ab eo loco, cætera labuntur. secreto hoc audi: tecū habeto: ne Apellæ quidem liberto tuo dixeris. præter duos nos, loquitur isto modo nemo: bene, malē ue, uidero: sed quidquid est, nostrū est. urge igitur, nec trāsuersum unguē (quod aiūt) à stylo: is enim est dicendi opifex. atq; ego quidē aliquātū iam etiā noctis assumo. Vale.

CICERO GALLO S. D.

C Vm decimum iam diem grauitè ex intestino laborarem; neque ijs, qui mea opera uti uole-

O iij

bant, probarem me non ualere, quia febrim non habere-
 rem: fugi in Tusculanum; cum quidem biduum ita
 ieiunus fuisset, ut ne aquam quidem gustarem. itaq;
 confectus languore, et fame, magis tuum officiū de-
 sideraui, quā abs te requiri putauī meum. ego autem
 cum omneis morbos reformido, tū quo Epicurum tuū
 Stoici male accipiunt, quia dicat *δυσουγκία*, *καὶ δυσεν-*
τερικὰ πᾶσι sibi molesta esse. quorum alterum morbu
 edacitatis esse putant, alterum etiam turpioris intem-
 perantiæ. sane *δυσεντερικὰν* pertimuerā. sed uisa est mi-
 hi uel loci mutatio, uel animi etiam relaxatio, uel ipsa
 fortasse iam senescentis morbi remisso profuisse. attamē
 ne mirere, unde hoc acciderit, quomodo ue cōmiserim:
 lex sumptuaria, quæ uidetur *λιτότητα* attulisse, ea mi-
 hi fraudi fuit: nam dū uolunt isti lauti terra nata,
 quæ lege excepta sunt, in honorem adducere; fungos,
 heluellas, herbas omnes ita condiunt, ut nihil possit es-
 se suauius. in eas cū incidissem in cœna augurali apud
 Lentulum, tanta me *δυσήγησις* arripuit, ut hodie primū
 uideatur coepisse consistere. ita ego, qui me ostreis, et
 murenis facile abstinebam, à beta etiam, et malua de-
 ceptus sum. posthac igitur erimus cautiorees. tu tamē
 cū audisses ab Anitio, (uidit enim me nauseantem) non
 modo mittendi causam iustam habuisti, sed etiam ui-
 sendi. ego hic cogito commorari, quoad me reficiam:
 nam et uires, et corpus amisi. sed si morbum depu-
 lero, facile, ut spero, illa reuocabo. Vale.

M. CICERO GALLO S. D.

M Iror cur me accuses, cum tibi id facere non
liceat: quòd si liceret, tamen non debebas.

E G O enim te in Consulatu observaram. & ais fore, ut te Cæsar restituat. multa tu quidem dicis, sed tibi nemo credit. Tribunatum plebis dicis te mea causa petisse. utinam semper esses Tribunus: intercessorem non quæreret. negas me audere, quod sentiam, dicere, quasi tibi, cum parum prudenter me rogares, parum fortiter responderim. hæc tibi scripsi, ut isto ipso in genere, in quo aliquid posse vis, te nihil esse cognoscere. quòd si humaniter mecum questus esses, libenter tibi me, & facile purgassem: non enim mihi ingrata sunt, quæ fecisti; sed quæ scripsisti, molesta. me autem, propter quem ceteri liberi sunt, tibi liberum non visum demiror. nam si falsa fuerunt, quæ tu me, ut ais, detulisti: quid ego tibi debeo? sin uera: tu es optimus testis, quid mihi populus R. debeat. Vale.

M. CICERO CVRIO S. D.

M Emini, cum mihi desipere uidebare, quòd istuc potius uiueres, quàm nobiscum: erat enim multo domicilium huius urbis, cum quidem hæc urbs, aptius humanitati, & suauitati tuæ, quàm tota Peloponnesus, nedum Patræ. nunc contra & uidisse mihi multum uideris, cum propè desperatis his rebus te in Græciam contulisti; & hoc tempore non solum sapiens, qui hinc absis, sed etiam beatus. quanquam quis, qui aliquid sapiat, nunc beatus esse potest? sed quod

tu, cui licebat, pedibus es consecutus, ut ibi esses, ubi nec Pelopidarum : nosti cætera : nos idem propemodū consequimur alia ratione . cum enim salutationi nos dedimus amicorum, quæ sit hoc etiam frequentius, quàm solebat, quòd quasi auem albam uidentur bene sentientē ciuem uidere : abdo me in bibliothecam : itaq; opera efficio tanta, quanta fortasse tu senties. intellexi enim ex tuo sermone quodam, cum mœstitiam meam, et desperationem accusares, domi tuæ dicere te, ex meis libris animum meū desiderare . sed mehercule & tū Remp. lugebam, quæ non solum suis erga me, sed etiam meis erga se beneficijs erat mihi charior : & hoc tempore, quanquam me non ratio solum consolatur, quæ plurimum debet ualere, sed etiam dies, quæ stultis quoque mederi solet, tamen doleo ita communem rem esse dilapsam, ut ne spēs quidem, melius aliquando fore, relinquitur. nec uero nunc quidem culpa in eo est, in cuius potestate omnia sunt : (nisi forte id ipsum esse nō debuit) sed alia casu, alia etiam nostra culpa sic acciderunt, ut de præteritis non sit querendum. reliquam spē nullam uideo . quare ad prima redeo. sapienter hæc reliquisti, si consilio ; feliciter, si casu. Vale.

M. CVRIVS M. CICERONI SVO S.

I uales, bene est : sum enim χεῖρος μὲν tuus,
 S κτῆνος δὲ Attici nostri. ergo fructus est tuus,
 mancipiū illius. quod quidē si inter senes coemptionalis uenale proseripserit, egerit nō multū. at illa nostra prædicatio quanti est ? nos, q̄ simus, q̄ habeas

mus, quod homines existimemur, id omne abs te habere.
 quare Cicero mi perseuera constanter nos conservare;
 & Sulpitij successori nos de meliore nota commenda,
 quo facilius tuis præceptis obtemperare possimus, teq;
 ad Urbem lubentes uidere, & nostra defigere, deporta=
 req; tuto possimus. sed amice magne noli hanc episto=
 lam Attico ostendere. sine eum errare, & putare me
 uirum bonū esse, nec solere duos parietes de eadem fide
 lia dealbare. ergo patrone mi bene uale, Tironemq;
 meū saluta nostris uerbis. D. A. D. IIII. Cal. Nou.

CICERO CVRIO S. D.

Go uero iam te nec hortor, nec rogo, ut do=
 E mū redeas: quin hinc ipse euolare cupio, &
 aliquò peruenire, ubi nec Pelopidarū nomen,
 nec facta audiam. incredibile est, quā turpiter mibi fa=
 cere uidear, qui his rebus intersem. nā tu uideris mul=
 to ante prouidisse, quid impenderet, tū, cū hinc profugi=
 sti. quanquam enim hæc etiam auditu acerba sunt:
 tamen audire tolerabilius est, quā uidere. in cāpo cer=
 te non fuisti, cum hora secunda comitijs quæstorij in=
 stitutis, sella Q. Maximi, quem illi Consulem esse dice=
 bant, posita esset. quo mortuo nunciato, sella sublata
 est. ille autem, qui comitijs tributis esset auspicatus, cen=
 riata habuit, Consulem hora septima renunciauit, qui
 usque ad Cal. Ian. esset, quæ erant futuræ mane po=
 stridie. ita Caninio Cos. scito neminem prandisse. ni=
 hil tamen eo Consule mali factum est: fuit enim miri=
 fica uigilantia, qui suo toto Consulatu somnum non

EPI. LIB. VII.

uiderit. hæc tibi ridicula uidentur: non enim ades quæ si uideres, lacrymas non teneres. quid, si cætera scribam? sunt enim innumerabilia generis eiusdem: quæ quidem ego non ferrẽ, nisi me in philosophiæ portum contulissem, & nisi haberem socium studiorum meorum Atticum nostrum. cuius quando proprium te esse scribis mancipio & nexu, meum autem usu & fructu: contentus isto sum: ID ENI M cuiusque est propriũ, quo quisq; fruitur, atque utitur. sed hæc aliàs pluribus. Acilius, qui in Græciam cum legionibus missus est, maximo meo beneficio est: bis enim est à me iudicio capitis rebus saluis defensus: & est homo non ingratus, meq; uehementer obseruat. ad eum de te diligentissime scripsi: eamq; epistolam cum hac coniunxi: quam ille cum acceperit, ecquid tibi pollicitus sit, uelim ad me scribas. Vale.

CICERO CVRIO S. D.

Acile perspexi ex tuis literis, quod semper studi, & me à te plurimi fieri, & te intelligere quàm mihi charus esses. quod quando uterq; nostrũ consecutus est: reliquum est, ut officijs eertemus inter nos: quibus æquo animo uel uincam te, uel uincar abs te. Acilio non fuisse necesse meas dari literas, facile patior. Sulpitiũ tibi operã intelligo ex tuis literis non multũ opus fuisse, propter res tuas ita contractas, ut, quem admodũ scribis, nec caput, nec pedes. equidẽ uellem uti pedes haberent, ut aliquãdo redires: uides enim exaruisse iam ueterem urbanitatẽ, ut Pomponius noster suo iure possit dicere, nisi nos pauci reti-

neamus gloriam antiquam Atticam . ergo is tibi, nos eī
succeedimus . ueni igitur quæso , ne tantum semen ur-
banitatis unā cum Rep. intereat. Vale.

M. CICERO VOLVMNIO S. D.

Q uod sine prænominē familiariter, ut debebas,
ad me epistolam misisti : primum addubita-
ui, nū à Volumnio senatore esset, quocū mihi
est magnus usus: deinde ὁ τραπεδία literarum fecit, ut
intelligerē tuas esse . quibus in literis omnia mihi per-
iucunda fuerunt, præter illud, quod parum diligenter
possessio salinarum mearum à te procuratore defendi-
tur . ais enim , ut ego discefferim , omnia omnium
dicta, in his etiam Sestiana , in me conferri . quid ? tu
id pateris ? non ne defendis ? non resistis ? equidem spe-
rabam ita notata me reliquisse genera dictorum meo-
rum, ut cognosci sua sponte possent . sed quando tanta
fex est in Vrbe, ut nihil sit tam ἀκρὸν, quod non alicui
uenustum esse uideatur : pugna, si me amas, nisi acuta
ἀμφιβολία, nisi elegans ὑπερβολή, nisi παρὰ γράμμα bel-
lum, nisi ridiculum παρὰ προσδοκίαν, nisi cetera, quæ
sunt à me in secundo libro de oratore per Antonij per-
sonam disputata de ridiculis, ἐν τεχνῶν, & arguta ap-
paribunt, ut sacramento cōtendas mea non esse . Nā
de iudicijs quod quereris, multo laboro minus . trahan-
tur per me pedibus omnes rei . sit uel Selijs tam elo-
quens , ut possit probare se liberum : non laboro . ur-
banitatis possessionem, amabo, quibusuis interdictis de-
fendamus : in qua te unum metuo, contemno ceteros.

derideri te putas? nunc demum intelligo te sapere. sed mehercule, extra iocum, ualde mihi tuæ literæ facetæ, elegantesq; uisæ sunt. illa quamuis rdiicula essent, si-
cut erant, mihi tamen risum non mouerunt: cupio enim nostrum illum amicum in Tribunatu quampluri-
mum habere grauitatis, idq; cum ipsius causa, (est enim mihi, ut scis, in amoribus) tum mehercule etiam Re-
ip. quam quidē, quamuis in me ingrata sit, tamen ama-
re non desinā. Tu mi Volumni quando et instituisti,
& mihi uides esse gratum, scribe ad me quāsepiissime
de rebus urbanis, de Rep. iucundus est mihi sermo lite-
rarum tuarum. præterea Dolabellam, quem ego per-
spicio, & iudico cupidissimum esse, atque amantiissi-
mum mei, cohortare, & confirma, & redde planè me-
um. non mehercule quo quidquam desit, sed quia ual-
de cupio, non uideor nimium laborare. Vale.

M. CICERO VOLVMNIO S. D.

Vo'd declamationibus nostris cares, damni ni-
q hil facis. Quòd Hircio inuideris, nisi eum
amares: non erat causa inuidendi: nisi for-
te ipsius eloquentiæ magis, quàm quòd me audiret, in-
uideres: nos enim planè mi suauissime Volumni aut
nihil sumus, aut nobis quidem ipsis displicemus, grega-
libus illis, quibus te plaudente uigebamus, amissis, ut,
etiam si aliquando aliquid dignum nostro nomine emi-
simus, ingemiscamus, quòd hæc pennigero, non armige-
ro in corpore tela exerceantur, ut ait Philoëtetes apud
Accium abiecta gloria. sed tamen omnia mihi erunt,

si tu ueneris, hilariora: quanquam uenies, ut ipse intel-
ligis, in maximarum quasi concursum occupationum:
quas si, ut uolumus, exceperimus, ego uero multam sa-
lutem & foro dicam, & curiæ, uiuamq; tecum mul-
tum, & cum communibus nostris amatoribus: nam &
Cassius tuus, & Dolabella noster, uel potius uterq; no-
ster, studiis iisdem tenentur, & meis æquissimis utun-
tur auribus. opus est huc limatulo, & politulo tuo iu-
dicio, & illis interioribus literis meis, quibus sæpe uere-
cundior me in loquendo facis: mihi enim iudicatum
est, si modo hoc Cæsar aut patietur, aut uolet, depone-
re illā iam personam, in qua me sæpe illi ipsi probaui,
ac me totum in literas abdere, tecumq; & cum cæteris
earum studiosis honestissimo orio perfrui. Tu, uel-
lem, ne ueritus esses, ne perinitus legerem tuas literas,
si mihi, quemadmodum scribis, longiores forte misis-
ses. ac uelim posthac sic statuas, tuas mihi literas lon-
gissimas quasque gratissimas fore. Vale.

EPISTOLARVM CELII

AD CICERONEM

LIBER VIII.

M. CELIVS M. CICERONI S. D.

Qvod tibi decedenti pollicitus sum, me omnes res urbanas diligentissime tibi perscripturū: data opera paravi, qui sic omnia persequeretur, ut uerear, ne tibi arguta nimium hæc sedulitas uideatur: tamen si tu scio quā sis curiosus, & quā omnibus peregrinantibus gratum sit, minimarū quoque rerum, quæ domi gerantur, fieri certiores. tamen in hoc te deprecor, ne meum hoc officium arrogantiae cōdemnes, quod hūc laborem alteri delegavi: non quin mihi suauissimum sit & occupato, & ad literas scribendas, ut tu nosti, pigerrimo, tuæ memoriæ dare operam: sed ipsum uolūmen, quod tibi misi, facile, ut ego arbitror, me excusat. nescio cuius otij esset, non modo perscribere hæc, sed omnino animadvertere: omnia enim sunt ibi S. C. edita, fabulæ, rumores. quod exemplum si forte minus te delectarit: ne molestiam tibi cum impensa mea exhibeam, fac me certiores. si quid in Rep. maius actum erit, quod isti operarij minus cōmode persequi possint: & quemadmodum actum sit, & quæ existimatio consecuta, quæque de eo spes est, diligenter tibi perscribemus. ut nunc est, nulla magnopere expectatio est. nam et illi rumores de comitijs transpadanorum Cumarum tenuis caluerunt. Romam cum uenissem, ne tenuissimam qui-

dem auditionem de ea re accepi. præterea Marcellus quidem adhuc nihil retulit de successione prouinciarum Galliarum. in Cal. Iun. ut mihi ipse dixit, eam distulit relationem. sanequam eos sermones repressit, qui de eo tum fuerant, cum Romæ nos essemus. Tu si Pompeium, ut uolebas, offendisti, qui tibi uisus sit, & quam orationem habuerit tecum, quamq; ostenderit uoluntatem, (solet enim aliud sentire, & loqui, neque tamen tantum ualere ingenio, ut non appareat, quid cupiat) fac mihi perscribas. Quod ad Cæsarem attinet, crebri, & non belli de eo rumores, sed susurrationses duntaxat ueniunt. alius, equitem perdidisse; quod opinor certe factum: alius, septimam legionem uapulasse, ipsum agud Bellouacos circūfideri, interclusum ab reliquo exercitu. neque adhuc certi quidquam est, neque hæc incerta tamen uulgo idætantur, sed inter paucos, quos tu nosti planè, secreto narrantur. at Domitius, cum manus ad os apposuit? Te ad I X. Cal. Iun. subrostrani, quod illorum capiti sit, dissiparant periisse: ita ut in urbe, ac foro toto maximus rumor fuerit, te à Q. Pompeio in itinere occisum. ego, qui scirem Q. Pompeium Baulis embæneticam facere, & usq; eò, ut ego misererer eius esurie, non sum commotus, & hoc mendacio, si qua pericula tibi impenderent, ut defungeremur optaui. Plancus quidem tuus Rauēnæ est: & magno congiario donatus à Cæsare, nec beatus, nec bene instructus est. Tuū politici libri omnibus uigent. Vale.

M. CELIVS CICERONI S. D.

Erte inquam absolutus est . me præsente pro-
 C nūciatum est, & quidem omnibus ordinibus,
 sed & singulis in uno quoq; ordine sentētijs.
 uide modo, inquis. non mehercules: nihil enim unquam
 tam præter opinionē, tam quod uideretur omnibus in-
 dignum, accidit. quin ego, cum pro amicitia ualidissi-
 me fauerem ei, & me iam ad dolendum præparassem:
 postquam factum est, obstupui, & mihi uisus sum ca-
 ptus esse. quid alios putas? Clamoribus s. maximis iu-
 dices corripuerunt: & ostenderunt planè esse, quod fer-
 ri nō posset. itaq; relictus lege Licinia, maiore esse peri-
 culo uidetur. accessit huc, quòd postridie eius absolutio-
 nis in theatrū Curionis Hortensius introijt: puto, ut suū
 gaudium gauderemus. hic tibi strepitus, fremitus, cla-
 mor, tonitruū, & rudentum sibilus. hoc magis animad-
 uersum est, quòd intactus à sibilo peruenerat Hortēsius
 ad senectutem. sed tū ita bene, ut in totā uitam cuius
 satis esset, & poeniteret eum iam uicisse. De Rep.
 quod tibi scribam, nihil habeo. Marcelli impetus rese-
 derunt, non inertia, sed, ut mihi uidebatur, consilio.
 De comitijs consularibus incertissima est existimatio.
 Ego incidi in competitorem nobilem, & nobilē agentē:
 nam M. Octavius Cn. F. & C. Hirrus mecum petit.
 hoc ideo scripsi, quòd scio te acriter propter Hirrū nun-
 tium nostrorum comitorum expectaturum. tu tamen
 simul ac me designatum audieris, ut tibi curæ sit, quod
 ad pantheras attinet, rogo. Syngrapham Sitianā tibi
 on. men. o. Commentarium rerum urbanarum pri-
 mum dedi

mum dedi L. Castrinio Pæto, secundum ei, qui has li-
teras tibi reddet. Vale.

M. CELIVS M. CICERONI S. D.

St ne? uici, & tibi sæpe, quod negaras disce-
dens curaturum, literas mitto? est, si quidem
perferuntur, quas do. atque hoc eo diligentius
factito, quòd, cum otiosus sum, planè, ubi delecti-
otio-
lum meum non habeo. tu cum Romæ eras, hoc mihi
certum, ac iucundissimum uacanti negotium erat, tecum
id otij tempus consumere: idq; non mediocriter deside-
ro: ut non modo mihi solus esse, sed Romæ, te profe-
cto, solitudo uideatur facta: & qui, quæ mea negligẽ-
tia est, multos sæpe dies ad te, cum hic eras, non accedes-
bam, nunc, quotidie non esse te, ad quem cursitem, di-
scrucior. maxime uero, ut dies noctesq; quæram, com-
petitor Hirrus curat. quo modo illum putas Augura-
tus tuum competitorem dolere? & dissimulare me cer-
tiores, quàm se, candidatum? de quo ut, quem optas,
quamprimum nuncium accipias, tua medius fidi-
tis, quàm mea causa cupio. nam me, si fio, forsitan cum
locupletiore referam: sed hoc usque eò suauis est, quòd,
si acciderit, tota uita risus nobis deesse non poterit. sed
tanti? sed est mehercule. nec multum M. Octavius eo-
rum odia, qui Hirrum premunt, quæ permulta sunt,
subleuat. Quod ad Philotimi liberti officium, et bo-
na Milonis attinet: dedimus operam, ut & Philotimus
quâ honestissime Miloni absenti, eiusq; necessarijs satis-
faceret; & secundum eius fidem, & sedulitatem assu-

matio tua conseruaretur. illud nunc à te peto, si eris, ut spero, otiosus, aliquod ad nos, ut intelligamus nos tibi curæ esse, σὺνταγμα conscribas. qui tibi istuc, inquis, in mentem uenit homini non inepto? aliquod ex tā multis tuis monumentis extare, quod nostræ amicitiae memoriam posteris quoque prodat, uelim, cuiusmodi, puto quæris, tu aptius, qui omnem nosti disciplinā, quod maxime conueniat, excogitabis, genere tamen, quod et ad nos pertineat, & διδασκαλίαν quandam, ut uersecetur inter manus, habeat. Vale.

M. CELIVS M. CICERONI S. D.

Nuideo tibi: tā multa quotidie, quæ mirere, istòc perferuntur: primum illud, absolutum Messalam, deinde eundem condemnatum: C. Marcellum Cos. factū: M. Claudii à repulsa postulatum à Gallis duobus: P. Dolabellam Quindecimuirum factum. hoc tibi non inuideo, caruisse te pulcherrimo spectaculo, & Lentuli Cruris repulsi uultum non uidisse. at qua spe, quàm certa opinione descendat? quàm ipso diffidēte Dolabella? et hercules, nisi nostri equites acutius uidissent, penè cōcedente aduersario superasset. illud te nō arbitror miratū, Seruiū Trib. pl. des. cōdemnatū: cuius locū C. Curio petijt. senequam multis incutit, qui eū, facilitatemq; eius nō norunt, magnū metum. sed, ut spero, & uolo, & ut se fert ipse, bonos & senatum malet. totus, ut nunc est, hic scaturit. huius autē uoluntatis initium, & causa est, q̄ eum non mediocriter Cæsar, qui solet infimorum hominum

amicitias sibi qualibet impensa adiungere, ualde contempsit. qua in re mihi uidetur illud perquam uenuste cecidisse, quod à reliquis quoque usque eo est animaduersum; ut Curio, qui nihil consilio facit, ratione, & insidijs usus uideretur in euitandis eorum consilijs, qui se intenderant aduersarios in eius Tribunatum: Laelios, & Antonios, & id genus ualentes dico. Has ego tibi literas eo maiore misi interuallo, quòd comitiorum dilationes occupatiorem me habebant, & expectare in dies exitum cogeant, ut confectis omnibus te facere certiore. ad Cal. Sext. usque expectaui. praetoris morae quidam inciderunt. mea porro quem euentum sint habitura, nescio: opinionem quidem, quod ad Hirrum attinet, incredibilem Aedilium pl. comitijs nata sunt: nam M. Celium Vicinianum mentio illa fatua, quam deriseramus olim, & promulgatio de Dictatore subito deiecit, & deiectum magno clamore insecuta est. inde Hirrum cuncti iam, non faciendum, flagitare. spero te celeriter & de nobis, quod sperasti, & de illo, quod uix sperare ausus es, auditurum. De Rep. iam noui quidquam expectare desieramus: sed cum senatus habitus esset ad Apollinis ad XI. Cal. Sext. & referretur de stipendio Cn. Pompeij; mentio facta est de legione ea, quam expensam tulit C. Caesari Pompeius, quo numero esset, quo appeteretur, cum ex Gallia coactus esset dicere Pompeius se legionem abducturum, sed non statim sub mentionem, & conuiuium obtrektorum. inde interrogatus de successione C. Caesaris. de qua, hoc est de prouincijs, placitum est, ut, cum primum ad Urbem reuerteretur Cn. Pompeius, coram eo de successione

prouinciæ ageretur: Nam Ariminum ad exercitum Pompeius erat iturus, & statim iit. puto Idibus Sext. de ea re factum iri. profecto aut transigaretur aliquid aut turpiter intercedetur. nam in disputando coniecit illam uocem Cn. Pompeius, omnes oportere senatui dicto audientis esse. ego tamen sic nihil expecto, quo modo Paulum Cos. des. primum sententiam dicentem.

Sæpius te admoneo de syngrapha Sitiana: cupio enim te intelligere, eam rem ad me ualde pertinere. item de pantheris, ut Cybaratas accersas, curesq; mihi ut uehantur. Præterea nunciatum nobis, & pro certo iam habetur, Regem Alexandrinum mortuum. quid mihi suadeas, quo modo regnum illud sese habeat, quis procuraret, diligenter mihi perscribas. Cal. Sext. Vale.

M. CELIVS M. CICERONI S. D.

Va tu curas, quod ad pacem prouinciæ tuæ finitimarumq; regionum attinet, nescio. ego quidem uehementer animi pendeo. nam si hoc moderari possemus, ut pro uiribus copiarum tuarum belli quoque existeret magnitudo; & quantum gloriæ, triumphoq; opus esset, assequeremur; periculo samq; et grauem illam dimicationem euitaremus: nihil tam esset optandum. nunc si Parthus mouet aliquid, scio non mediocrem fore contentionem. tuus porro exercitus uix unum saltum tueri potest. hanc autem nemo ducit rationem: sed omnia desiderantur ab eo, (tanquam nihil denegatum sit ei, quo minus quamparatissimus esset) qui publico negotio præpositus est. accedit huc,

quòd successionem futuram propter Galliarum contro-
uersiam non uideo . tametsi hac de re puto te constitu-
tum, quid facturus esses , habere: tamen , quo matur-
ius constitueres, cum hunc euentum providebā, uisum
est ut te facere certiore . nosti enim hæc tralatitia : de
Gallijs constituetur: erit , qui intercedat : deinde alius
existet , qui nisi libere liceat de omnibus provincijs de-
cernere senatui, reliquas impediatur : sic multum, ac diu
ludetur , atq; ita diu, ut plus biennium in his tricis mo-
retur . Si quid noui de Rep. quod tibi scriberem , ha-
berem, usus essem mea consuetudine , ut diligenter, &
quid actum esset , & quid ex eo futurum sperarem,
perscriberem. sanè tanquā in quodam silice iam omnia
adhæserunt. Marcellus idē illud de provincijs urget: sed
neque adhuc frequētem senatum efficere potuit. quòd
si, hoc anno præterito, Curio Tribunus, & eadē actio de
provincijs introibit, quā facile tunc sit omnia impedi-
re, & quā hoc Cæsari, & ijs, qui suam causam , non
Reip. curent , superet, non te fallit. Vale.

M. CELIVS M. CICERONI S. D.

Non dubito, quin perlatum ad te sit, Appium
à Dolabella reū factū: sanequam non ea, qua
existimaui, inuidia : neque enim stulte
Appius ; qui , simul atque Dolabella accessit ad tribu-
nal, introierat in urbē triūphiq; postulationem abiece-
rat. quo factō retulit sermones: paratiorq; uisus est, quā
sperauerat accusator . is nunc in te maximam spem ha-
bet . scio tibi eum non esse odio: quā uelis eum abli-

P iij

gare, in tua manu est: cum quo simulates si tibi non fuissent, liberius tibi de tota re esset. nunc si ad illam summam seueritatem legitimam ius exegeris: cauendum tibi erit, ne parum simpliciter & cādde posuisse inimicitias uidearis. in hanc partem porro tutum tibi erit, si quid uolueris, gratificari: nemo enim necessitudine, & amicitia te deterritū ab officio dicet. Illud mihi occurrit, quod inter postulationē, & nominis delationem uxor à Dolabella discessit. quid mihi discens mandaris, memini. quid ego tibi scripserim, te nō arbitror oblitum. non est iam tempus plura narrandi. unum illud monere te possum: si res tibi non displicebit, tamen hoc tempore nihil de tua uoluntate ostendas; expectes, quemadmodum exeat ex hac causa; ne quā inuidiosum tibi sit, si emanarit. porro significatio ulla si intercesserit, clarius, quā debeat, aut expediat, fiat. neque ille tacere eam rem poterit, quæ suæ spei tam opportuna acciderit, quæq; in negotio conficiendo tanto illustrior erit: cum præsertim is sit, qui, si perniciosum sciret esse loqui de hac re, uix tamen se contineret. Pompeius dicitur ualde pro Appio laborare, ut etiam putent alterutrum de filiis ad te missurum. hic nos omnes absoluimus. & hercule confecta, omnia fœda, & inhonesta sunt. Consules autem habemus summa diligentia. adhuc S. C. nisi de feriis latinis nullum facere potuerunt. Curioni nostro Tribunatus congelciat. sed dici non potest, quo modo hic omnia iaceant. nisi ego cum tabernariis, & aquariis pugnarem, ueternus ciuitatem occupasset: si Parthi uos nihil calfaciunt, nos hic frigore frige scimus: tamē,

quoquo
bibulus
hoc sic
nem frig
bellissime
transfugi
gemq; ui
metarian
dum fece
Amabo t
nito me
ues, suad
equitatis
tibi erit p

M. C.

V

q q
st
clabor, ne
oreniores
rio subito
die de dera
nisi hac u
scens Ore
ror Triar
uincia ue
claretuler
te accider

quoquo modo hic omnia iaceant, potuit sine Parthis. Bibulus in Amano nescio quid cohorticularum amisit. hoc sic nunciatum est. Quod tibi supra scripsi, Curio nem frigere: iam calet: nam feruentissime concerpitur: bellissime enim quia de intercalando non obtinuerat, transfugit ad populum, et pro Caesare loqui coepit, legemque uiariam non dissimilem agrariae Rulli, et aliam metariam, quas iubet Aediles metiri, iactauit. hoc nondum fecerat, cum priorem epistolae partem scripsi. Amabo te, si quid, quod opus fuerit, Appio facies, posuito me in gratiam. De Dolabella integrum tibi reserues, suadeo. et huic rei, de qua loquor, et dignitati tuae, equitatisque opinioni hoc ita facere expedit. Turpe tibi erit pantheras graecas me non habere. Vale.

M. CELIVS M. CICERONI S. D.

Vam cito tu istinc decedere cupias, nescio: ego quidem eo magis, quo adhuc felicius rem gestisti dum istic eris, de belli Parthici periculo cruciabor, ne hunc risum meum metus aliqui perturbent. Breuiore has literas properanti publicanorum tabellario subito dedi. tuo liberto pluribus uerbis scriptas pridie dederam. Res autem nouae nullae sane acciderunt. nisi haec uis tibi scribi, quae certe uis. Cornificius adolescens Orestillae filiam sibi despondit. Paula Valeria soror Triarii diuortium sine causa, quo die uir est pro uincia uenturus erat, fecit. nuptura est D. Bruto. nondum retulerat. multa in hoc genere incredibilia te absente acciderunt. Ser. Ocella nemini persuasisset se moechum.

P. ii. ij

EPIST. LIB. VIII.

esse, nisi triduo bis deprehensus esset. quæris, ubi? ubi hercule ego minime uellem. relinquo tibi, quod ab alijs quæras: neque enim displicet mihi, Imperatorem singulos percunctari, cum qua sit aliquis deprehensus. Vale.

M. CELIVS M. CICERONI S. D.

Tsi de Rep. quæ tibi scribam, habeo: tamen
 E nihil, quo magis gauisurum te putem, habeo,
 quàm hoc. scito C. Sempronium Rufum, rufum,
 mel, ac delicias tuas, caluniam maximo plausu tulisse.
 quæris, qua in causa? M. Tuccium accusatorem suum post
 ludos Romanos reum lege Plotia de ui fecit, hoc consilio,
 quod uidebat, si extraordinarius nemo reus accessisset, si
 bi hoc anno causam esse dicendam. dubium porro illi non
 erat, quid futurum esset. nemini hoc deferre munusculum
 maluit, quam suo accusatori. itaque sine ullo subscriptore
 descendit, et Tuccium reum fecit. at ego, simul atque
 audiui, inuocatus ad subsellia rei accurro: surgo, neque
 uerbum de re facio: totum Sempronium usque eodem perago, ut
 Vestorium quoque interponam, et illam fabulam narrem,
 quemadmodum tibi pro beneficio dederit, si quid in iniurijs
 suis esset, quo Vestorius teneretur. Hæc quoque magna
 nunc contentio forum tenet. M. Seruilius, postquam,
 ut coeperat, omnibus in rebus turbabat, nec, quod non
 uenderet, quidquam reliquerat: maxima nobis traditus
 erat inuidia: neque Laterensis prætor, postulante Pansa,
 nobis patronis, quod ea pecunia peruenisset, recipere
 uoluit. quod Pilius necessarius Attici nostri de res
 petundis eum postulauit: magna illico fama surrexit,

Et de damnatione feruenter loqui est coeptum. quo
 uento proijcitur Appius minor, ut implicet, pecuniam
 ex bonis paternis peruenisse ad seruilium, prauarica-
 tionisq; causam diceret depositum HS LXXXI. ad-
 miraris amentiam. quid, si actiones stultissimas, quid, si
 nefarias patris confessiones audisses? mitti in consi-
 lium eosdem illos, qui lites aestimarant, iudices. cum æ-
 quo numero sententiæ fuissent, Laterensis leges igno-
 rans pronunciauit quod singuli ordines iudicassent. Et
 ad extremum, ut solet, ait, Referam. postquam disces-
 sit, Et pro absoluto Seruilius haberi coeptus, legisq;
 unum Et centesimum caput legit, in quo ita erat,
 QVOD eorum iudicium maior pars indicarit, id ius
 ratum esto: in tabulas absolutum non retulit, ordinum
 iudicia perscripsit. postulante rursus Appio, cum L.
 Lollio transegit, Et se relaturum dixit. sic nunc ne-
 que absolutus, neque damnatus Seruilius de repetundis
 saucius Pilio tradetur: nam de diuinatione Appi-
 us, cum calumniam iurasset, contendere ausus non
 est, Pilioq; cessit, Et ipse de pecunijs repetundis à Ser-
 uilijs est postulatus, Et præterea de ui reus à quodam
 suo emissario est factus. recte hoc par habet.
 Quod ad Remp pertinet, omnino multis diebus ex-
 pectatione Galliarum actum nihil est. aliquando ta-
 men, sæpe re dilata, Et grauitè acta, Et plane per-
 specta Cn. Pompeij uoluntate in eam partem, ut eum
 decedere post Cal. Mart. placeret, S. C. quod tibi mis-
 si, factum est, auctoritatesq; perscriptæ.
 S. C. auctoritates. Prædic Cal. Oct. in ade-
 Apollinis. scribendo affuerunt, L. Domitius Cn.

EPIST. LIB. VIII.

F. Aenobarbus, Q. Cæcilius Q. F. Metellus Pius Scipio, L. Iulius L. Pomp. Annalis, C. Septimius T. F. Quirina, C. Luceius C. F. Pup. Hirrus, C. Scribonius C. F. Pop. Curio, L. Atteius L. F. An. Capito, M. Oppius M. F. Terentina.

Quod M. Marcellus Cos. V. F. de provincijs consularibus: D. E. R. I. C. uti L. Paulus, C. Marcellus Coss. cum magistratū inissent, ad ex Cal. Mar. quæ in suo magistratu futurae essent, de consularibus provincijs ad senatum referrent, ne ne quid prius ex Cal. Mart. ne ne quid coniunctim de ea re referretur à Consulibus: utiq; eius rei causa per dies comitiales senatum haberet, S. Q. C. facerent: & cum de ea re ad senatum referretur à Consulibus, qui eorum in CCC. iudicibus essent, sex adducere liceret: si quid de ea re ad populum, plebem ue lato opus esset, ut Ser. Sulpitius, M. Marcellus Coss. Prætt. Trib. pl. quibus eorū uideretur, ad populum, plebem ue ferrent: quod ij non tulissent, uti quicunque deinceps essent, ad populum, plebem ue ferrent.

S. C. A. Præd Cal. Oct. in æde Apollinis. scribendo affuerūt, L. Domitius Cn. F. Aenobarbus, Q. Cæcilius Q. F. Metellus Pius Scipio, L. Iulius L. F. Pom. Annalis, C. Septimius T. F. Quirina, C. Scribonius C. F. Pop. Curio, L. Atteius L. F. An. Capito, M. Oppius M. F. Terentina. Quod M. Marcellus Cos. V. F. de provincijs: D. E. R. I. C. senatum existimare, neminē eorum, qui potestatem habent intercedendi, impediendi, morā afferre oportere, quo minus de Rep. quamprimū ad senatū referri, S. Q. C. fieri possit. qui impedierit, eum senatū existimare cōtra Remp. fecisse: si quis huic

S. C. intercesserit ; senatui placere , auctoritatem perscribi , & de ea re ad senatum , populumq; referri . huic S. C. intercessit C. Celius , L. Vicinius , P. Cornelius , C. Vibius Pansa . Item senatui placere , de militibus , qui in exercitu C. Caesaris sunt , qui eorum stipendia emerita , causas , quibus de causis missi fieri debeant , habeant , ad hunc ordinem referri , ut eorum ratio habeatur , causaeq; cognoscantur . si quis huic S. C. intercesserit , senatui placere , auctoritatem perscribi , & de ea re ad senatum , populumq; referri . huic S. C. intercessit C. Celius , C. Pansa Trib. ple. Itemq; senatui placere , in Ciliciam provinciam , inq; VIII , reliquas provincias , quas Praetorij pro Pretore obtineant , eos , qui Praetores fuerunt , neque in provincia cum imperio fuerunt , quos eorum ex S. C. cum imperio in provincias pro Praetore mitti oporteret , eos sortito in provincias mitti placere : Si ex eo numero , quos S. C. in provincias ire oporteret , ad numerum non essent , qui in eas provincias proficiscerentur ; tñ , uti quodque collegium primum Praetorum fuisset , neque in provincias profecti essent , ita sorte in provincias proficiscerentur : Si ad numerum ij non essent , tñ deinceps proximi cuiusq; collegij , qui Praetores fuissent , neque in provincias profecti essent , in sortem conicerentur , quoad is numerus effectus esset , quem ad numerum in provincias mitti oporteret : Siquis huic S. C. intercessisset , auctoritas perscriberetur . huic S. C. intercessit C. Celius , C. Pansa Trib. pl. Illa praeterea Cn. Pompeij sunt animadversa , quae maxime confidentiam attulerunt hominibus , ut diceret , se

E P I S T. L I B. V I I I.

ante Cal. Mar. non posse sine iniuria de provincijs Cæsaris statuere: post Cal. Mar. se non dubitaturū. cum interrogaretur, si qui tum intercederent: dixit hoc nihil interesse, utrum Cæsar senatui dicto audiens futurus non esset, an pareret, qui senatum decernere non pateretur. Quid si, inquit alius, & Consul esse, & exercitū habere uolet? at ille, quā clementer: Quid, si filius meus suste mihi impingere uolet? his uocibus, ut existimarent homines Pompeio cum Cæsare esse negotium, effecit. itaque iam, ut uideo, alterutram ad conditionem descendere uult Cæsar, ut aut maneat, neque hoc anno sui ratio habeatur; aut, si designari poterit, decedat. Curio se contra eum totum parat. quid assequi possit, nescio. illud uideo, bene sentientem, & si nihil effecerit, cadere non posse. me tractat liberaliter; & mihi suo munere negotium imposuit: nam si mihi non dedisset eas, quæ ad ludos ei aduectæ erant Africanæ; potuit supersederi. nunc quando dare necesse est; uelim tibi curæ sit, quod à te semperpetij, ut aliquid istinc bestiarum habeamus: Sitianamq; syngropham tibi commendo. libertum Philonem istuc misi, & Diogenem Græcum: quibus mandata, & literas ad te dedi. eos tibi, & rem, de qua misi, uelim curæ habeas: nam quā uehemēter ad me pertineat, in ijs, quas tibi illi reddent, literis descripsi. Vale.

M. CELIVS M. CICERONI S. D.

1. I. tu, inquis, Hirrum tractasti? immo, si
S. scias quàm facile, quàm ne contentionis qui-
dem minimæ fuerit: pudeat te, ausum illū
unquam esse incedere tanquam tuum competitorem.
post repulsam uero risus facit: ciuem bonum ludit, &
contra Cæsarem sententias dicit: expectationem corripit:
Curionem prorsus non mediocriter obiurgatus.
hac repulsa se mutauit. præterea qui nunquam in foro
apparuerit, non multum in iudicijs uersatus sit, agit
causam liberaliter, sed raro post meridiem. De pro-
uincijs quod tibi scripseram Idibus Sext. actum iri, in-
terpellat iudicium Marcelli Cos. des. in Cal. reiecta
causa est, ne frequentiam quidem efficere potuerant,
has literas ad IIII. Non Sep. dedi, cum ad eam diem
ne profligatum quidem quidquam esset. ut uideo, cau-
sa hæc integra in proximum annum transferetur: &
quantum diuino, relinquendus tibi erit: qui provin-
ciam obtineat: nam non expedietur successio; quan-
do Galliæ, quæ habent intercessorem, in eandem con-
ditionem, quam ceteræ prouinciæ, uocantur. hoc mi-
hi non est dubium: quo tibi magis scripsi, ut ad hunc
euentum te parares. Fere literis omnibus tibi de
pantheris scripsi. turpe tibi erit, Patiscū Curioni de-
cem misisse, te non multis partibus plureis. quas ipsas
Curio mihi, & alias Africanas decem donauit, ne pu-
tes illum tantum prædia rustica dare scire. tu, si mo-
do memoria tenueris, & Cybirtas accersieris, itemq;
in Pamphylia literas miseris; (nam ibi plures capi

aiunt) quod uoles, efficies. hoc uehementius laboro
 nunc, quod seorsum à collega puto mihi omnia paran-
 da. Amabo te impera tibi: hoc cura: soles libenter,
 ut ego, maiorem partem nihil curare. in hoc negotio
 nulla tua, nisi loquendi, cura est, hoc est imperandi, et
 mandandi. nam simul atque erunt capta; qui alant
 eas, & deportet, habes eos, quos ad Sitianam syn-
 grapham misi. puto etiam, si ullam spem mihi literis
 ostenderis, me isto missurum alios. M. Fetidium,
 equitem Romanum, amici mei filium, bonum, & stre-
 nuum adolefcētem, qui ad suum negotium istuc uenit,
 tibi commendo: & te rogo, ut eum in tuorum nume-
 ro habeas. agros, quos fructuarios habent ciuitates,
 uult tuo beneficio. quod tibi facile, & honestum fa-
 ctu est, immuneis esse. gratos, & bonos uiros tibi ob-
 ligaris. Nolo te putare Fauonium à columnarijs præ-
 teritum esse. optimus quisque eum non fecit. Pom-
 peius tuus aperte Cæsarem uetat provinciam tenere cū
 exercitu, & Consulem esse: tamen hanc sententiam
 dixit; nullum hoc tempore S. C. faciendum: Scipio hāc,
 ut Cal. Mar. de provincijs Gallijs, neu quid coniunctim,
 referretur. Contristauit hęc sententia Balbum Corne-
 lium: & scio eum conquestum esse cum Scipione.
 Calidius in defensione sua fuit disertissimus, in accusa-
 tione satis frigidus. Vale.

M. CELIVS M. CICERONI S. D.

Anequam literis C. Cassii, & Deiotari sumus
S commoti. nam Cassius, cis Euphratem copias
Parthorum esse, scripsit: Deiotarus, profectus
per Comagenem in provinciam nostram. ego quidem
præcipuum metum, quod ad te attinebat, habui, qui scī
rem quā paratus ab exercitu esses, ne quod hic tumultus
dignitati tuæ periculum afferret. nam de uita, si pa
rator ab exercitu esses, timuissē. nunc hæc exiguitas
copiarum recessum, non dimicationem mihi tuam præ
sagiebat. hoc quo modo acciperent homines, quā pro
babilis necessitas futura esset; uereor etiam nūc; neq;
prius desinam formidare, quā tetigisse te Italiam audie
ro. sed de Parthorum transitu nunciij uarios sermones
excitarunt: alius enim Pompeiū mittendum, alius ab
Urbe non remouendum, alius Cæsarem cum suo exercē
tu, alius Consules, nemo tamen ex S. C. priuatos. Consu
les autem, quia uerentur ne illud S. C. fiat, ut paludati
exeant, aut contumeliose præter eos ad alium res trans
feratur; omnino senatum haberi nolunt; usque eò, ut
parum diligentes in Rep. uideantur. sed honeste, siue
negligentia, siue inertia est, siue ille, quem proposui, me
tus, latet sub hac temperantiæ existimatione, nolle pro
uinciam. à te literæ non uenerunt: & nisi Deiotari
subsecutæ essent; in eam opinionem Cassius uenerat;
quæ diripuisset ipse, ut uiderentur ab hoste uastata; fin
xisse bellum, & Arabas in provinciam immisisse, eosq;
Parthos esse, senatui renunciaſse. quare tibi suadeo,
quicunque est istic status rerum, diligenter, & caute

perscribas; ne aut uelificatus alicui dicaris, aut aliquid, quod referret scire, reticuisse. Nunc exitus est anni: nam ego has literas ad XIII. Cal. Dec. scripsi. planè nihil uideo ante Cal. Ian. agi posse. nosti Marcellum, quàm tardus, & parùm efficax sit; itemq; Seruium, quàm cunctator. cuiusmodi putas hos esse? aut qui id, quod nolint, conficere posse, qui, quæ cupiunt, tamen ita frigide agunt, ut nolle existimentur? nouis magistratibus autem, si Parthicum bellum erit, hæc causa primos menses occupabit. sin autē aut non erit istud bellum; aut tantum erit, ut uos, aut successores paruis additis copijs sustinere possint: Curionem uideo se dupliciter iactaturum; primum, ut aliquid Cæsari adimat; inde, ut aliquid Pompeio tribuat, quoduis, quàm libet tenue munusculum. Paulus porro non humane de provincia loquitur. huius cupiditati occursum est Furnius noster: plures suspicari non possum. hæc noui. alia, quæ possunt accidere, non cerno. multa tempus afferre, & præparata multa scio: sed intra fines hos, quæcunque acciderint, uertentur. illud addo, actiones C. curionis de agro Campano. de quo negant Cæsarem laborare; sed Pompeium ualde uelle, ne uacuum aduenienti Cæsari pateat. Quod ad tuum decessum attinet, illud tibi non possum polliceri, me curaturum, ut tibi succedatur: illud certe præstabo, ne quid amplius prorogetur. tui consilij est, si tempus, si senatus coget, si honeste à nobis recusari non poterit; uelis ne perseverare. mei officij est, meminisse, qua obestatione decedens mihi, ne paterer fieri, mandaris. Vale.

M. CELIVS

M. CELIVS M. CICERONI S. D.

Non diu, sed acriter nos tuæ supplicationes
N torserunt: incideramus enim in difficilem
nodum: nam Curio tui cupidissimus, cui om-
nibus rationibus comitiales eripiebantur, negabat se
ullo modo pati posse, decerni supplicationes; ne, si quid
furore Pauli adeptus esset boni, sua culpa uideretur
amisisse, & præuicator causæ publicæ existimaretur.
itaque ad pacationem descendimus: & confirmarunt
Consules, se his supplicationibus in hunc annum non
usuros, planè, quod utrisque Consulibus gratias agas,
est; Paulo magis certe: nam Marcellus sic respondit ei,
spem in istis supplicationibus non habere: Paulus, se
omnino in hunc annum non edicturum. renunciatum
nobis erat, Hirrum diutius dicturum: prendimus eum:
non modo non fecit, sed, cum de hostibus ageretur, &
posset rem impedire, si, ut numeraretur, postularet,
tacuit: tantum Catoni assensus est, qui de te iam lo-
cutus honorifice, non decreuit supplicationes. tertius
ad hos Fauonius accessit. quare pro cuiusque natura,
& instituto gratiæ sunt agendæ: his, quod tantum
uoluntatem ostenderunt pro sententia; cum impedi-
re possent, non pugnarunt: Curioni uero, quod de
suarum actionum cursu tua causa deflexit. nam
Furnius, & Lentulus, ut debuerunt, quasi eorum res
esset, unà nobiscum circumierunt, & laborarunt.
Balbi quoque Cornelij operam, & sedulitatem lau-
dare possum: nam cum Curione uehementer locutus
est: & eum, si aliter fecisset, iniuriam Cæsari fa-

Q

EPI. LIB. VIII.

Eturum dixit : tum eius fidem in suspicionem adduxit. decreverant, qui inique transigi uolebant, Domitij, Scipiones. quibus hac re ad intercessionem euocandam interpellantibus, uenustissime Curio respondit, se eo libētius, non intercedere, quod quosdam, qui decernerent, uideret confici nolle. Quod ad Remp. attinet, in unam causam omnis contentio coniecta est, de prouincijs inquam adhuc incubuisse cum senatu Pompeius uidetur, ut Cæsar ante Id. Non. decedat. Curio omnia potius subire constituit, quàm id pati : cæteras suas abiicit actiones. nostri porrò, quos tu bene nosti, ad extremum certamen rem deducere non audent. Scena rei totius hæc. Pompeius, tanquam Cæsarem non impugnet, sed, quod illi æquum putet, constituat, ait Curionem quærere discordias. ualde autem non uult, & planè timet, Cæsarem Consulem designari prius, quàm exercitum, & prouinciã tradiderit. accipitur satis male à Curione. et totus eius secundus Consulatus exagitur. hoc tibi dico : si omnibus rebus prement Curionem, Cæsar defendetur : intercessorem si, quod uidentur, reformidabunt, Cæsar, quoad uolet, manebit. quam quisque sententiam dixerit, in commentario est rerum urbanarum : è quo tu, quæ digna sunt, selige. multa transi, in primis ludorum explosiones : & funerum, & cæterarum ineptiarum plura habet inutilia, denique malo in hanc partem errare, ut, quæ non desideras, audias, quàm quidquam, quod opus est, prætermittatur. Tibi curæ fuisse de Sitiano negotio, gaudeo. sed quando suspicaris minus certa fide eos tibi uisos ; tanquam procurator sic agas rogo. Vale.

CEL

M.

P

homo aud
occultum
multi mi
rem male
peri eum
dam loci
cissimo h
ferre Cn.
precarer i
impetrare
cum aliqu
meritorum
faceret qu
ge eius ho
tuam nō a
tum subir
sam inimi
mibi in pe
multatis et
lam seruio
quibus cur
ret accusat
dicere non
censibus la
rant. uix

M. CELIVS M. CICERONI S. D.

Vdet me tibi confiteri, & queri de Appij ho-
P minis ingratiſſimi iniurijs; qui me odiſſe, quia
magna mihi debebat beneficia, coepit: et cum
homo auarus, ut ea ſolueret, ſibi imperare non poſſet;
occultum bellum mihi indixit, ita occultum tamen, ut
multi mihi renunciarent, & ipſe facile animaduerte-
rem male eum de me cogitare. poſteaquam uero com-
peri eum collegium tentaſſe; deinde aperte cum quibus-
dam locutum, cum L. Domitio, ut nunc eſt, mihi inimi-
ciſſimo homine deliberare uelle, hoc munuſculum de-
ferre Cn. Pompeio: ipſum reprehenderem, & ab eo de-
precarer iniuriam: quem uitam mihi debere putarem,
impetrare à me non potui. quid ergo eſt? tum quidem
cum aliquot amicis, qui teſtes erant meorum in illum
meritorum, locutus ſum. poſteaquam illum, ne cui ſatis-
faceret quidem, me dignum habere ſenſi: malui colle-
gæ eius homini alieniſſimo mihi, & propter amicitiam
tuam nō æquiſſimo me obligare, quàm illius ſimilæ uul-
tum ſubire. id poſtquam reſciuit; excaudit; & me cau-
ſam inimicitiarum quærere clamauit; quaſi, quòd
mihi in pecunia minus ſatiſfecieſſet, per hanc ſpeciem ſi-
multatis eū conſectarer. poſtea non deſtitit accerſere pa-
lam Seruium accuſatorem, inire cum Domitio conſilia.
quibus cum parum procederet, ut ulla lege mihi pone-
ret accuſatorem: compelliari ea lege me uoluerunt, qua
dicere non poterant. inſolentiſſimi homines ſummis cir-
cenſibus ludis meis poſtulandum me lege Scantinia cu-
rant. uix hoc erat Pola elocutus, cum ego Appium

Q ij

Ces. eadem lege postulavi. quod melius caderet, nihil uidi: nam sic est à populo, & non infimo quoque approbatum ut maiorem Appio dolorem fama, quam postulatio attulerit. præterea coepi sacellum, in domo quod est, ab eo petere. Conturbat me mora serui huius, qui tibi literas attulit: nam acceptis prioribus literis, amplius quadraginta mansit. Quid tibi scribam, ne scio. scis Domitio diem timori esse. expecto te ualde, & quamprimum uidere cupio. A te peto, ut meas iniurias perinde doleas, ut me existimas & dolere, et tuas ulcisci solere. Vale.

M. CELIVS M. CICERONI S. D.

Ratulo tibi affinitate uiri medijs fidius optimi: nam hoc ego de illo existimo. cætera porro, quibus adhuc ille sibi parum utilis fuit; & ætate iam sunt decursa; & consuetudine, atque auctoritate tua, pudore Tullie, si qua restabunt, confido celeriter sublatum iri: non est enim pugna in uitis, neque habes ad id, quod melius sit, intelligendum. deinde, quod maximum est, ego illum ualde amo. Vides Cicero Curionem nostrum lautum intercessionis de provincijs exitum habuisse. nam cum de intercessione referretur, quæ relatio fiebat ex S. C. primaq; M. Marcelli sententia pronunciata esset, qui agendum cum Tribunis pl. censebat: frequens senatus in alia omnia ijs stomacho est scilicet Pompeius Magnus nunc ita languenti, ut uix id, quod sibi placeat, reperiat. transierant illuc, ut ratio esset eius habenda, qui neque

exercitum, neque provincias tradere uellet. quemadmodum hoc Pompeius laturus sit, cum cognoscat, quidnam Reip. futurum sit, si aut non possit, aut non curet, uos senes diuites uideritis. Q. Hortensius, cum has literas scripsi, animam agebat. Vale.

M. CELIVS M. CICERONI S. D.

Anti non fuit Arsacen capere, Seleuciam expugnare, ut earum rerū, quæ hic gestæ sunt, spectaculo careres. nunquam tibi oculi doluissent, si in repulsa, Domitij uultum uidisses. magna illa comitia fuerunt: & plane studia ex partium sensu apparuerunt. per pauci necessitudinem secuti, officium præstiterunt. itaque mihi est Domitius inimicissimus, ut ne familiarem quidem suum, quem nosti, tam oderit, quàm me, atque eo magis, quòd per iniuriam sibi putat ereptum, cuius ego auctor fuerim. nunc furit tam gauisos homines suum dolorem, unumq; me studiosiorem Antonij. nam Cn. Saturninum adolescentem ipse Cn. Domitius reum fecit, sanequam à superiore uita inuidiosum. quod iudicium nunc in expectatione est, etiam in bona spe, post Sex. Peducei absolutionem. De summa Rep. sæpe tibi scripsi me etiamnum pacem non uidere: & quo propius ea contentio, quàm fieri necesse est, accedit; eo clarius id periculum apparet. propositum hoc est, de quo, qui rerum potiuntur, sunt dimicaturi: quod Cn. Pompeius constituit non patì, C. Cæsarem Consulem aliter fieri, nisi exercitum, & provincias tradiderit: Cæsari autem per-

Q. ij

E P I. L I B. V I I I.

suasum est, se saluum esse non posse, si ab exercitu reces-
serit. fert illam tamen conditionem, ut ambo exercitus
tradant. sic illi amores, & inuidiosa coniunctio non
ad occultam recedit obtrectationem, sed ad bellum
erumpit: neque, mearum rerum quid consilij capiam,
reperio, neque dubito, quin te quoque hæc deliberatio
sit perturbatura. nam mihi cum hominibus his et gra-
tia est, & necessitudo: tamen tantum causam illam,
non homines odi. illud te non arbitror fugere, QVIN
homines in dissensione domestica debeant, quandiu ciui-
liter sine armis certetur, honestiorem sequi partem; ubi
ad bellum & castra uentum sit, firmiorem; & id me-
lius statuere, quod tutius sit. in hac discordia uideo Cn.
Pompeium, senatum, quiq; res indicant, secum habitu-
rum: ad Cæsarem omnes, qui cum timore, aut mala spe
uiuunt, accessuros: exercitum conferendum non esse.
omnino sat spatij sit ad considerandas utriusque copias,
& ad eligendam partem. Propè oblitus sum, quod
maxime fuit scribendum. Scis Appium Cæs. hic ostenta
facere? de signis, & tabulis; de agri modo, de ære alie-
no acerrime agere? persuasum est ei, Censuram lomen-
tum, aut nitrum esse. errare mihi uidetur: nam for-
des eluere uult: uenas sibi omnes, & uiscera aperit.
curre per deos, atque homines, & quamprimum hæc ri-
sum ueni. legi Scantiniæ iudicium apud Drusum fie-
ri: Appium de tabulis, et signis agere, crede mihi, est pro-
perandum. Curio noster sapienter id, quod remisit
de stipendio Pompeij, fecisse existimatur. ad summam
quæris, quid putem futurum? si alteruter eorum ad
Parthicum bellum non eat, uideo magnas impendere

discordias : quas ferrum , & uis iudicabit. uterque & animo, & copijs est paratus. si sine summo periculo fieri posset, magnum, & iucundum tibi fortuna spectaculum parabat. Vale.

M. CELIVS M. CICERONI S. D.

E quando tu hominem ineptiorem, quàm tuum Cn. Pompeium uidisti, qui tantasturbas, qui tam nugax esset, commoritur? ecquem autem? Casare nostro acriorem in rebus gerendis, eodē in uictoria temperatiorem aut legisti, aut audisti? quid est? nunc tibi nostri milites, qui durissimis, & frigidissimis locis teterrima hieme bellum ambulando confecerunt, malis orbicularis esse pasti uidentur. quid? iam, inquis, gloriose. imo, si scias quàm sollicitus sum; tum hanc meam gloriam, quæ ad me nihil pertinet, derideas. quæ tibi exponere nisi coram non possum: idq; celeriter fore spero: nam me, cum expulisset ex Italia Pompeium, constituit ad Urbem uocare: id quod iam existimo confectum: nisi maluit Pompeium Brundisij circumsedere. peream, si minima causa est properandi isto mihi, quod te uidere, & omnia intima conferre discupio. habeo autem quàm multa? huic uereor, quod solet fieri, ne, cum te uidero, omnia obliuiscar. sed tamen quodnam ob scelus iter mihi necessarium retro ad alpeus uersus incidit? adeo, quod Intemelij in armis sunt, neque de magna causa. Belienus uerna Demetrii, qui ibi cum præsidio erat, Domitium quendam nobilem illic Caesaris hospiti-

Q. iiij

tem, à contraria factione nummis acceptis comprehen-
dit, & strangulauit. ciuitas ad arma ijt. eò nunc cum
quatuor cohortibus mihi per niues eundum est. Vsq̃ue
quaue, inquis, se Domitij male habent. Vellem quidem
Venere prognatus tantum animi habuisset in uestro
Domitio, quantum ipse catenatus in hoc habuit Cicero
ne F. S. D. Vale.

M. CELIVS M. CICERONI S. D.

Xanimatus sum tuis literis: quibus te nihil
E nisi triste cogitare ostendisti: neque, id quid
esset, perscripsisti: neque non tamen, quale es-
set quod cogitares, aperulisti. has illico ad te literas scri-
psi. Per fortunas tuas Cicero, per liberos te oro, &
obsecro, ne quid grauius de salute, & incolumitate
tua consulas: nam Deos, hominesq̃, amicitiamq̃ no-
stram testificor, me neque temere tibi prædixisse, ne-
que temere monuisse; sed postquam Cæsarem conue-
nerim, sententiamq̃ eius, qualis futura esset parta
uictoria, cognouerim, te certiozem fecisse: si existimas
eandem rationem fore Cæsari in dimittendis aduersa-
rijs, & conditionibus ferendis, erras. nihil nisi atrox,
& sæuū cogitat, atque etiam loquitur. iratus se-
natui exijt. his intercessionibus planè incitatus est.
non mehercule erit deprecationi locus. quare si tibi tu,
si filius unicus, si domus, si spes tuæ reliquæ tibi cha-
ræ sunt; si aliquid apud te nos, si uir optimus gener
tuus ualet: eorum fortunas non debes uelle contur-
bare; ut eam causam, in cuius uictoria salus no-

stra est, odiſſe, aut relinquere cogamur; aut impiam cupiditatem contra ſalutem tuam habeamus. denique illud cogita; quod offenſæ fuerit, in iſta cunſtatione te prius ſubiſſe. nunc te contra uictorem facere, quem dubijs rebus lædere noluiſti; & ad eos fugatos accedere, quos reſiſtentes ſequi nolueris; ſummæ ſtultitiæ eſt. uide, ne dū pudet te, parum optimatem eſſe, parum diligenter, quid optimum ſit, eligas. quòd ſi totum tibi perſuadere non poſſum: ſaltem, dum, quid de Hiſpanijs agamus, ſcitur, expecta: quas tibi nuntio aduentu Cæſaris fore noſtras. quam iſti ſpem habeant amiſſis Hiſpanijs, nescio. quod porro tuum conſilium ſit ad deſperatos accedere, non mediufidius reperio hoc, quod tu non dicendo mihi ſignificaſti, Cæſar audierat: ac ſimul atque, aue, mihi dixit, ſtatim, quid de te audiſſet, expoſuit. negaui me ſcire: ſed tamen ab eo petij, ut ad te literas mitteret, quibus maxime ad remanendum commoueri poſſes. me ſecum in Hiſpaniā ducit: nam niſi ita faceret; ego prius, quàm ad Urbem accederem, ubicunque eſſes, ad te percurriſſem, & hoc à te præſens contendiſſem. atque omni uī te retinuiſſem. etiam atque etiam mi Cicero cogita, ne te, tuosq; omneis funditus euertas, ne te ſciens prudensq; eò demittas, unde exitum uides nullum eſſe. quòd ſi te aut uoces optimatum commouent; aut nonnullorum hominum inſolentiam, & iactationem ferre non potes, eligas, cenſeo, aliquod oppidum uacuum à bello. dū hæc decernuntur, quæ iam erunt conſecta. id ſi feceris; & ego te ſapienter feciſſe iudicabo; & Cæſarem non offendes. Vale.

M. CELIVS M. CICERONI S. D.

Ergo me potius in Hispania fuisse tum, quàm
 E Furnijs, cum tu profectus es ad Pompeium?
 quòd utinam aut non in ista parte Appius
 Claudius, aut non in hac C. Curio: cuius amicitia me
 paulatim in hanc perditam causam imposuit: nam
 mihi sentio bonam mentem iracundia, & amore ab=
 latam. tum tu porro, cum ad te proficiscens noctu
 Ariminum, uenissem; dum mihi pacis mandata das
 ad Cæsarem, & mirificum ciuem agis, amici officium
 neglexisti. neque mihi consuluisti. neque hæc dico,
 quòd diffidam huic causæ: sed, crede mihi, perire sa=
 tius est, quàm hos uidere. quòd si timor uestre crudeli=
 tatis non esset; eiekti iam pridem hinc essemus: nam
 hic nunc præter fœneratores paucos nec homo, nec or=
 do quisquam est, nisi Pompeianus. equidem iam effe=
 ci, ut naxime plebs, & qui antea noster fuit, popu=
 lus uester esset. cur hoc, inquis? immo reliqua expe=
 cta, uos inuitos uincere coegero. irritaui in me Cato=
 nem. uos dormitis; nec hæc adhuc mihi uidemini in=
 telligere, quàm nos pateamus, & quàm simus imbecilli. at=
 que hoc nullius præmij spe faciam, sed quòd apud me
 plurimum solet ualere doloris, atque indignitatis cau=
 sa. quid istic facitis? prælium expectatis, quod fir=
 missimum est? uestras copias non noui: nostri ual=
 de depugnare, & facile algere, & esurire consue=
 runt. Vale.

M. T.
A

pinquar
 sit. & se
 tionem q
 tamen ad
 iuuare. sc
 redisse c
 gratiam.
 in success
 debar em
 delissimis
 tis paruisse
 tudinem
 sapientior
 quando pl
 uiderim, e
 deant me
 sculano, si
 minime sa

M. T. CICERONIS EPISTOLARVM.
AD VARRONEM, ET ALIOS,
LIBER IX.

M. CICERO M. TERENTIO
VARRONI S. D.

Xijs literis, quas Atticus à te missas
mihi legit, quid agere, & ubi esses, con-
gnoui: quando autem te uisuri esse-
mus, nihil sanè ex eisdem literis potuit
suspiciari. in spem tamen uenio, appro-
pinquare tuum aduentum: qui mihi utinam solatio
sit. & si tot tantisq; rebus urgemur, ut nullam aliena-
tionem quisquam non stultissimus sperare debeat. sed
tamen aut tu potes me, aut ego te fortasse aliqua re
iuuare. scito enim me, posteaquam in Urbem uenerim,
rediisse cum ueteribus amicis, idest cum libris nostris in-
gratiam. & si nò iccirco eorum usum dimiseram, quòd
ijs succenserem, sed quòd eorum me suppudebat: ui-
debar enim mihi, cum me in res turbulentissimas infi-
delissimis socijs demissem, præceptis illorum non sa-
tis paruisse. ignoscunt mihi, & reuocant in consue-
tudinem pristinam: teq; quòd in ea permanseris.
sapientio rem, quàm me, dicunt fuisse. quamobrem
quando placatis his utor, uideor sperare debere, si te
uiderim, & ea, quæ premant, & ea, quæ impena-
deant me facile transiturum. quamobrem siue in Tus-
culano, siue in Cumano ad te placebit, siue, quod
minime uelim, Romæ: dummodo simul simus, perfici-

EPI. LIB. IX.

eiam profecto, ut id utrique nostrum commodissimum
esse uideatur. Vale.

CICERO VARRONI S. D.

Aninius idem tuus, & idem noster, cum ad
C me peruesperi uenisset, & se postridie mane
ad te iturum esse dixisset: dixi ei me daturum
aliquid mane, & ut peteret, rogavi. conscripsi epistolam
noctu: nec ille ad me rediit. oblitum credidi. attamen
eam ipsam epistolam misissem per meos, nisi audissem
ex eadem, postridie te mane à Tusculano exiturum. at
tibi repente paucis post diebus, cum minime expectare.
uenit ad me Caninius mane: proficisci ad te statim di-
xit. & si erat ἐωλός illa epistola, praesertim tantis po-
stea nouis rebus allatis: tamen perire meam lucubra-
tionem nolui, & eam ipsam Caninio dedi. sed cum eo,
& homine docto, & amantiissimo tui locutus ea sum,
quæ pertulisse illum ad te existimo. tibi autem idem
consilij do, quod mihi met ipsi: ut uitemus oculos homi-
num, si linguas minus facile possumus: qui enim uictori-
a se efferunt, quasi uictos nos intuentur; qui autem
uictos esse nostros moleste ferunt, nos dolent uiuere.
quæres fortasse, cur, cum hæc in Vrbe sint, non absim,
quemadmodum tu. tu enim ipse, qui & me, & alios
prudencia uincis, omnia credo uidisti: nihil omnino te
fefellerit. quis est tam lynceus, qui in tantis tenebris nihil
offendat? nusquam incurrat? ac mihi quidem iam pri-
dem uenit in mentem, bellum esse aliquò exire, ut ea,
quæ agebantur hic, quæq; dicebantur, nec uiderem, nec
audirem. sed calumntabar ipse: putabam, qui obuiam

A
mili ue
rum, au
metuit,
nauem p
& quis
discedere
possent.
tamen d
obduxit
igitur h
feruesca
quemad
enim es
uictoris
coniectu
nolo, ni
uenire:
fesserin
tius, qua
bis illud,
lettation
tem: non
architec
Remp. pot
ra, tamen
nus in cau
etissimi u
ac legibus
sturus, &
scripseris

mihi uenisset, ut cuique commodum esset, suspicaturum, aut dicturum etiam, si non suspicaretur: Hic aut metuit, & ea re fugit: aut aliquid cogitat, & habet nauem paratam. denique leuissime qui suspicaretur, & qui fortasse me nouisset optime, putaret me iccirco discedere, quod quosdam homines oculi mei ferre non possent. hæc ego suspicans, adhuc Romæ maneo: & tamen λεληθὼς consuetudo diuturna callum iam obduxit stomacho meo. habes rationem, mei consilij. tibi igitur hæc. Censeo latendum tantisper ibidem, dum defuerescat hæc gratulatio, & simul dum audiamus, quemadmodum negotium confectum sit, confectum enim esse existimo. magni autem intererit, qui fuerit uictoris animus, qui exitus rerum. quanquam, quod me coniectura ducat, habeo: sed expecto tamen. te uero nolo, nisi ipse rumor iam raucus erit factus, ad Baias uenire: erit enim nobis honestius etiam, cum hinc discesserimus, uideri uenisse in illa loca ploratum potius, quam natatum, sed hæc tu melius: modo stet nobis illud, una uiuere in studijs nostris, à quibus antea de lectionem modo petebamus, nunc uero etiam salutem: non deesse, si quis adhibere uolet non modo ut architectos, uerum etiam ut fabros ad ædificandam Remp. potius libenter accurrere: sin nemo utetur opera, tamen & scribere, & legere πλεῖστον; & si minus in curia, atque in foro, at in literis, & libris, ut doctissimi ueteres fecerunt, nauare Reip. & de moribus, ac legibus quærere. mihi hæc uidentur, tu quid sis acturus, & quid tibi placeat, pergratum erit, si ad me scripseris. Vale.

EPI. LIB. IX.

CICERO VARRONI S. D.

¶ Tsi, quid scriberem, non habebam: tamen
 E Caninio ad te eunti nō potui nihil dare. quid
 ergo potissimum scribam? quod uelle te puto,
 cito me ad te esse uenturum, etsi uide quaeso, satis ne re-
 etum sit nos hoc tanto incendio ciuitatis in istis locis
 esse. dabimus sermonem ijs, qui nesciunt nobis, quocun-
 que in loco simus, eundem cultum, eundem uictum es-
 se. quid refert? tamen in sermonem incidemus. ualde
 id, credo, laborandum est, ne, cum omnes in omni gene-
 re & scelerum & flagitiorum uolumentur, nostra no-
 biscum, aut inter nos cessatio uituperetur. ego uero ne-
 glecta barbarorum inscitia te persequar. quamuis e-
 nim hęc sint misera, quę sunt miserrima: tamen artes
 nostrę nescio quo modo nunc uberiores fructus ferre
 uidentur, quā̄m olim ferebant: siue quia nulla nunc
 in re alia acquiescimus: siue quod grauitas morbi facit,
 ut medicina egeamus, eaq̄; nunc appareat, cuius uim
 non sentiebamus, cum ualebamus. sed quid ego hęc ad
 te, cuius domi nascuntur, λαὸν εἰς Ἀθήνας? nihil sci-
 licet, nisi ut rescribens aliquid, me expectares. sic igitur
 facies. Vale.

CICERO VARRONI S. D.

¶ Εἰ δὲ αὐτῶν me scito κατὰ Διόδωρον κρι-
 νειν. quapropter si uenturus es, scito necesse
 esse te uenire. sin autem non es, τῷ ἄδω ἁ-
 τῶν est te uenire. nunc uide, utra te κρίσις magis dele-
 etet, Χρυσίππειά ne, an hęc, quam noster Diodorus nō

A
 concoqu
 loquens
 De Costi
 darum.
 hortum i

M

que eui
 qui id
 dum pr
 cium: r
 nem. ita
 commo
 non reue
 tem otio
 los uereor
 quibus n
 fuerit in
 debo: sin
 centiorem

C

tione: ne
 u: opinor

concoquebat. sed de his etiam rebus, otiosi cum erimus, loquemur. hoc etiam est *ἡγεστὰ Χρυσίανων δωματῶν*. De Costio mihi gratum est: nam id etiam Attico mandaram. Tu si minus ad nos, nos accurremus ad te. si hortum in bibliotheca habes, nihil deerit. Vale.

CICERO VARRONI S. D.

Mihi uero ad Nonas bene maturum uidetur fore, neque solum propter Remp. sed etiam propter anni tempus. quare diem istum probo: itaque eundem ipse sequar. consilij nostri ne si eos quidem, qui id secuti non sunt, non poeniteret, nobis poenitendum putarem: secuti enim sumus non spem, sed officium: reliquimus autem non officium, sed desperationem. ita uerecundiores fuimus, quam qui se domo non commouerunt; saniores, quam qui amissis opibus domum non reuerterunt. sed nihil minus fero, quam seueritatem otiosorum: & quoquo modo res se habet, magis illos uereor, qui in bello occiderunt, quam hos curo, quibus non satisfacimus, quia uiuimus. Mihi si spatium fuerit in Tusculanum ante Nonas ueniendi istuc te uidebo: sin minus, persequar in Cumanum, & ante te certiolem faciam, ut lauatio parata sit. Vale.

CICERO VARRONI S. D.

Aninius noster me tuis uerbis admonuit, ut scriberem ad te, si quid esset, quod putare te scire oportere. est igitur aduentus in expectatione: neque tu id ignoras. sed tamen cum ille scripsisset, ut opinor, se in Alsien se uenturum, scripserunt ad eum

sui, ne id faceret: multos ei molestos fore, ipsumque multis: Ostia uideri commodius eum exire posse. id ego non intelligebam quid interesset. sed tamen Hircius mihi dixit, et se ad eum, et Balbum, et Oppium scripsisse, ut ita faceret, homines, ut cognoui, amantes tui. hoc ego iccirco nosse te uolui, ut scires, hospitium tibi ubi parares, uel potius utrobique: quid enim ille factururus, incertum est: et simul ostentaui tibi, me istis esse familiaris, et consilij eorum interesse. quod ego cur nolim, nihil uideo: NON enim est idem, ferre, si quid ferendum est; et probare, si quid probandum non est. etsi, quid non probem quidem, nescio, praeter initia rerum: nam haec in uoluntate fuerunt: uidi enim (nam tu aberas) nostros amicos cupere bellum, hunc autem non tam cupere, quam non timere. ergo haec consilij fuerunt, reliqua necessaria. uincere autem aut hos, aut illos, nece, se est. scio te semper mecum in luctu fuisse, cum uideremus, quam illud ingens malum alterutrius exercitus ex ducum interitu: tum uero, extremum malorum omnium esse ciuile belli uictoriam: quam quidem ego etiam illorum timebam, ad quos ueneramus: crudeliter enim otiosis minabantur: eratque ijs et tua inuisa uoluntas, et mea oratio. nunc uero si essent nostri potiti, ualde intemperantes fuissent: erant enim nobis perirati, quasi quidquam de nostra salute decreuissimus, quod non idem illis censuissimus: aut quasi utilius Reip. fuerit, eos etiam ad bestiarum auxilium confugere, quam uel mori, uel cum spe si non optima, at aliqua tamen uiuere. at in perturbata Rep. uiuimus. quis negat? sed haec uiderint ij, qui nulla sibi subsidia

fidia ad
uenirem
enim te
tempesta
ne percip
tractes, q
rum et
hos tuos
terq; om
ui nulla
imitam
coquies
cum op
ad eam
fortasse
mendam
minum
neris ijs
facio, q
sirem, ro
tu melius
quod rog
quetua

C I

C

indicabo

sidia ad omnes uitæ status parauerunt. huc enim ut uenirem, superior longius, quàm uolui, fluxit oratio. cū enim te semper magnum hominem duxi; tum, q̄ his tempestatibus es propè solus in portu, fructusq; doctrinæ percipis eos, qui maximi sunt, ut ea consideres, eaq; tractes, quorum & usus, et delectatio est omnibus istorum & actis, & uoluptatibus anteponenda. equidem hos tuos Tusculanenses dies instar esse uitæ puto: libenterq; omnibus omnes opes concesserim, ut mihi liceat, uī nulla interpellate, isto modo uiuere quod nos quoq; imitamur, ut possumus, et in nostris studiis libentissime cōquiescimus: QVI S enim hoc non dederit nobis, ut, cum opera nostra patria siue non possit uti, siue nolit, ad eam uitam reuertamur, quam multi docti homines, fortasse non recte, sed tamen multi, etiam Reip. præponendam putauerunt? quæ igitur studia magnorū hominum sententia uacationem habent etiam publici muneris, iis, concedente Rep. cur non abutamur? sed plus facio, quàm Caninius mandauit: is enim, si quid ego scirem, rogaret, quod tu nescires; ego tibi ea narro, quæ tu melius scis, quàm ipse, qui narro. faciam ergo illud, quod rogatus sum, ut eorum, quæ temporis huius sint, quæ tua interesse audiero, ne quid ignores. Vale.

CICERO VARRONI S. D.

Oenabam apud Seium, cū utrique nostrū red
C ditæ sunt à te literæ. Mihi uero iam maturū uidetur. nā quòd antea te calumniatus sum, indicabo malitiam meam. uolebam propè alicubi esse,

R

EPIST. LIB. IX.

si quid bonæ salutis σὺν τῇ δούλῳ ἐρχομένῳ . nunc , quādo
confecta sunt omnia , dubitandum non est , quin equis
uiris : nam ut audiui de Lucio Cæsare filio , mecū ipse ,
Quid hic mihi faciet patri ? itaque non desino apud
istos , qui nunc dominātur , cœnitare . quid faciam ?
tempori seruiendum est . sed ridicula missa , præsertim
cum sit nihil , quod rideamus . Africa terribili tremit
horrida terra tumultu . itaque nullum est ἀποπροηγμέ-
νον , quod non uerear . sed quod quæris , quando , quā ,
quò : nihil adhuc scimus : istuc ipsum de Baijs : non
nulli dubitant , an per Sardiniam ueniat : illud enim
adhuc prædium suum non inspexit , nec ullum habet
deterius , sed tamen non contemnit . ego omnino ma-
gis arbitror per Siciliam , uel iam sciemus : adueniat
enim Dolabella . eum puto magistratū fore : πολλοὶ μοι
θῆταί κρείττονες διδασκάλων . sed tamen si sciam quid
tu constitueris , meum consilium accommodabo potissi-
mum ad tuum : quare expecto tuas literas . Vale .

CICERO VARRONI S. D.

¶ Si munus flagitare , quamuis quis ostenderit ,
E ne populus quidem solet , nisi cōcitatus : tamen
ego expectatione promissi tui moueor , ut ad-
moneam te , non ut flagitem . nisi autē ad te quatuor
admonitores non nimis uerecūdos : nosti enim profecto
os eius adolescentioris Academiæ . ex ea igitur media
excitatos misi : qui , metuo , ne te forte flagitent : ego au-
tē mandauī , ut rogarent . expectabam omnino iandiu ,
meq; sustineb. , ne ad te prius ipse quid scribere , quā

aliquid accepissem, ut possem te remunerari quāsimilimo munere. sed cum tu tardius faceres, idest, ut ego interpretor diligentius: teneri non potui, quin coniunctionem studiorum, amorisq; nostri quo possem literarum genere declararem. feci igitur sermonem inter nos habitum in Cumano, cum esset una Pomponius. tibi dedi partes Antiochianas, quas à te probari intellexisse mihi uidebar, mihi sumpsi Philonis. puto fore, ut, cū legeris, mirere id nos locutos esse inter nos, quod nunquam locuti sumus: sed nosti morem dialogorū. post hac autem mi Varro quamplurima, si uidebitur, et de nobis, & inter nos: serò fortasse: sed superiorum temporum fortuna, Reip. causam sustineat. hæc ipsi præstare debemus. atque utinam quietis temporibus, atq; aliquo si nō bono, at saltem certo statu ciuitatis hæc inter nos studia exercere possemus. quanquam tū quidem uel aliæ quæpiā rationes honestas nobis & curas, & actiones darent. nunc autem quid est, sine his cur uiuere uelimus? mihi uero cum his ipsis uix: his autē detractis, ne uix quidem. sed hæc coram, & sæpius.

Migrationem, & emptionem feliciter euenire uolo, tuumq; in ea re consilium probo. Cura ut ualeas.

DOLABELLA CICERONI S. D.

I uales, gaudeo: & ipse ualeo, & Tullia nostra recte ualet. Terentia minus belle habuit: sed certum scio iam cōualuisse eam. præterea rectissime sunt apud te omnia. Etsi nullo tempore in suspicionē tibi debui uenire, partiū cā potius, quam tua

R ij

EPIST. LIB. IX.

tibi suadere, ut te aut cum Cæsare, nobiscumq; coniun-
geres, aut certe in otium referres: præcipue nunc iam
inclinata uictoria, ne possum quidem in ullam aliã in-
cidere opinionem, nisi in eam, in qua scilicet tua de re
tibi suadere uidear, quod pie tacere non possum. tu au-
tem mi Cicero sic hæc accipies, ut, siue probabuntur ti-
bi, siue non probabuntur, ab optimo certe animo, ac de-
ditissimo tibi, & cogitata, & scripta esse indices. ani-
maduertis Cn. Pompeium nec nominis sui, nec rerum
gestarum gloria, nec etiam Regum, aut nationũ clien-
telis, quas ostentare crebro solebat, esse tutum: & hoc
etiam, quod infimo cuique contigit, illi nõ posse contin-
gere, ut honeste effugere possit, pulso Italia, amissis Hi-
spanijs, capto exercitu ueterano, circumuallato nunc de-
nique: quod, nescio, an ulli unquã nostro acciderit Im-
perator. quamobrem, quid aut ille sperare possit, aut
tu, animum aduerte pro tua prudentia. sic enim facil-
lime quod tibi utilissimum erit consilij capies. illud au-
tem à te peto, ut, si iam ille euitauerit hoc periculũ,
& se abdiderit in classem, tu tuis rebus consulas, et ali-
quando tibi potius, quàm cuius, sis amicus. satisfactum
est iam à te uel officio, uel familiaritati: satisfactum
etiam partibus, & ei Reip. quam tu probabas. reliquũ
est, ubi nunc est Resp. ibi simus potius, quàm, dum illam
ueterem sequimur, simus in nulla. quare uelim mi in-
cundissime Cicero, si forte Pompeius pulsus his quoque
locis, rursus alias regiones petere cogatur, ut tu te uel
Athenas, uel in quamuis quietam recipias ciuitatem.
quod si eris facturus, uelim mihi scribas: ut ego, si ullo
modo potero, ad te aduolem. quæcunque de tua digni-

tate ab I
nitate C
et meas
ritatis ha
nitatis, cu
possit ad

CIC

N

quo, eti
omnino
à me tibi
sire cur
strum,
opinor)
Parchus
quus inodi
mæque Be
nigetur f
ingentium
ego? tu ad
tus, ut ne
pareat?
strum pro
ego enim
cus Bursa,
mihi sit i

tate ab Imperatore erunt impetranda : qua est humanitate Cæsar, facillimum erit ab ea tibi ipsi impetrare: & meas tamen preces apud eum non minimum auctoritatis habituras puto . erit tuæ quoque fidei, & humanitatis, curare, ut is tabellarius, quem ad te misi, reuerti possit ad me, & à te mihi literas referat. Vale.

CICERO P. DOLABELLAE S. D.

Non sum ausus Saluio nostro nihil ad te literarum dare : nec mehercule habebam, quid scriberem, nisi te à me mirabiliter amari: de quo, etiā nihil scribente me, te non dubitare certo scio. omnino mihi magis literæ sunt expectandæ à te, quàm à me tibi. nihil enim Romæ geritur, quod te putem scire curare : nisi forte scire uis, me inter Niciam nostrum, & Vidium iudicem esse. profert alter (ut opinor) duobus uersiculis expensum Niciæ: alter Aristarchus hos ὀβελίζει. ego tanquam criticus anti-quus iudicaturus sum, utrum sint τοῦ ποιητοῦ, ἀνπαρεμβεβλημένοι. puto te nunc dicere : oblitus ne es igitur fungorum illorum, quos apud Niciam? & ingentium culinarum cum Sophia Septimiæ? quid ego? tu adeo mihi excussam seueritatem ueterem putas, ut ne in foro quidem reliquæ pristinae frontis appareāt? sed tamen suavissimum συμβώτιον nostrum præstabo integellum, nec committam, ut, si ego eum condemnaro, tu restituas; ne habeat Plan-cus Bursa, apud quem literas, discat. sed quid ago? cum mihi sit incertum, tranquillone sis animo, an, ut, in bel-

R ii

E P I S T. L I B. I X.

lo, in aliqua maiuscula cura, negotio'ue uersere; labor longius. cum igitur mihi erit exploratum te libenter esse risurum, scribam ad te pluribus. te tamen hoc scire uolo, uehementer populum sollicitum fuisse de P. Syl-
lae morte ante, quam certum scierit. nunc quærere de-
sierunt, quo modo perierit. satis putant se scire, quod
sciunt. ego ceteroqui animo æquo fero: unum uereor,
ne hasta Cæsaris refrixerit. Vale.

CICERO DOLABELLÆ SVO S. D.

El meo ipsius interitu malle literas meas de
V siderares, quam eo casu, quo sum grauissime
afflictus: quē ferrē certe moderatius, si te ha-
berem: nam & oratio tua prudens, & amor erga me
singularis multum leuaret. sed quoniam breui tēpore,
ut opinio nostra est, te sum uisurus: ita me affectum
offendes, ut multum à te possim iuari: nō quo ita sim
fractus, ut aut hominē me esse oblitus sim, aut fortu-
næ succumbendum putem: sed tamen hilaritas illa no-
stra & suauitas, quæ te præter cæteros delectabat, ere-
pta mihi omnis est, firmitatem tamen, & constantiam,
si modo fuit aliquando in nobis, eandem cognosces, quā
reliquisti. Quod scribis, prælia te mea causa susti-
nere: non tam id laboro, ut, si qui mihi obtrectēt, à te
refutentur: quā intelligi cupio, qđ certe intelligitur,
me à te amari. quod ut facias, te etiam atq; etiam ro-
go: ignoscasq; breuitati mearum literarum. nam &
celeriter unā futuros nos arbitror; & non dum satis
confirmatus sum ad scribendum. Vale.

CICERO DOLABELLAE S. D.

Ratulor Baijs nostris, si quidē, ut scribis, salu-
 G. bres repente factae sunt: nisi forte te amant,
 & tibi assentantur, & tandiu, dum tu ades,
 sunt oblitae sui. quod quidem si ita est; maxime miror,
 coelum etiam, & terras uim suam, si tibi ita cōueniat,
 dimittere. Oratiunculam pro Deiotaro, quam requi-
 rebas, habebam mecum, quod non putaram. itaq; eā ti-
 bi misi. uelim sic legas, ut causam tenuem, & inopem,
 nec scripture magnopere dignam. sed ego hospiti ue-
 zeri, & amico munusculum mittere uolui leuidentse
 crasso filo, cuiusmodi ipsius solent esse munera. Tu ue-
 lim animo sapiēti, fortiq; sis, ut tua moderatio, & gra-
 uitas aliorum infamet iniuriam. Vale.

CICERO DOLABELLAE S. D.

Suberinus Calenus & meus est familiaris, &
 C. Leptae nostri familiarissimi pernecessarius. is
 cum uitandi belli causa profectus esset in Hi-
 spaniam cum M. Varrone ante bellum, ut in ea prouin-
 cia esset, in qua nemo nostrum post Afranium superax-
 tum bellum ullum fore putarat: incidit in ea ipsa ma-
 la, quae summo studio uitauerat: oppressus est enim bel-
 lo repentino. quod bellum commotum à Scapula, ita po-
 stea confirmatum est à Pompeio, ut nulla ratione se ab
 illa miseria eripere posset. eadem causa fere est M. Pla-
 nij heredis, qui est item Calenus, Leptae nostri fami-
 liarissimus. hosce igitur ambos sic tibi commendo, ut

R iij

EPIST. LIB. V. IX.

maiore cura, studio, sollicitudine animi commendare non possim. uolo ipsorum causa: meq; in eo uehementer & amicitia mouet, & humanitas. Lepta uero cum ita laboret, ut eius fortunæ uideantur in discrimē uenire: non possum ego non aut proxime, atque ille, aut et æque laborare. quapropter etsi sæpe expertus sum, quantum me amares: tamen sic uelim tibi persuadeas, id me in hac re maxime iudicaturum. peto igitur à te, uel, si pateris, oro, ut homines miseros, & fortuna, quam uitare nemo potest, magis, quam culpa calamitosos, conserues incolumis, uelisq; per te, me hoc muneri cum ipsis amicis hominibus, tum municipio Caleno, quicum mihi magna necessitudo est, tum Leptæ, quem omnibus antepono, dare. quod dicturus sum, puto equidem nō ualde ad rem pertinere, sed tamen nihil obest dicere. res familiaris alteri eorum ualde exigua est, alteri uix equestris. quapropter quando his Cæsar uitam sua liberalitate concessit, nec est quod ijs præterea magnopere possit adimi, redditum, si me tantum amas, quantum certe amas, hominibus confice. in quo nihil est, præter uiam longam: quam iccirco non fugiunt, ut & uiuant cum suis, & moriantur domi. quod ut enitare, contendasq; uel potius ut perficias, (posse enim te, mihi persuasi) uehementer te etiam atque etiam rogo. Vale.

CICERO DOLABELLÆ COS. S. D.

E T si cōtētus eram mi Dolabella tua gloria, satisq; ex ea magnā lætitiā, uoluptatēq; capiebā, tamē nō possum nō cōfiteri, cumulari me

maximo
me a scri
nio autem
timi uiri
præterea
omnes, cu
mihi con
se dubita
perans,
lem præ
respond
cere, ne
rior, ne
silijs præ
dior et
à digni
fuit hon
flore.
florere l
quidem
sem, qu
bus, tamen
ro, inqu
labellam
iam salu
lor, &
solum po
ra de fa
nihil præ
us. atq

maximo gaudio, quod uulgo, hominum opinio socium
 me ascribat tuis laudibus. neminem conueni (conue=
 nio autem quotidie plurimos: sunt enim permulti op=
 timi uiri, qui ualitudinis causa in hæc loca cōueniant,
 præterea ex municipijs frequentes necessarij mei) quin
 omnes, cum te summis laudibus ad coelum extulerunt,
 mihi continuo maximas gratias agant: negant enim
 se dubitare, quin tu meis præceptis, & consilijs obtem=
 perans, præstantissimum te ciuem, & singulare Consu=
 lem præbeas. quibus ego quanquam uerissime possum
 respondere, te, quæ facias, tuo iudicio, & tua sponte fa=
 cere, nec cuiusquã egere consilio: tamẽ neq; planẽ assen=
 tior, ne imminuam laudem tuam, si omnis à meis con=
 silijs profecta uideatur: neq; ualde nego: sum enim aut
 dior etiam, quã satis est gloria. est tamen non alienum
 à dignitate tua, quod ipsi Agamemnoni Regum Regi
 fuit honestum, habere aliquem in consilijs capiũdis Ne=
 storem. mihi uero gloriosum, te iuuenem Consulem
 florere laudibus quasi alumnum disciplinae meae. L.
 quidem Cæsar, cum ad eum egrotum Neapolim uenif=
 sem, quanquam erat oppressus totius corporis dolori=
 bus, tamen ante, quàm me planẽ salutauit, ò mi Cice=
 ro, inquit, gratulor tibi, cum tantum uales apud Do=
 labellam, quantum si ego apud sororis filium ualerem,
 iam salui esse possemus. Dolabellæ uero tuo & gratu=
 lor, & gratias ago. quem quidem post te Consulem
 solum possumus uere Consulem dicere. deinde mul=
 ta de factò, ac de re gesta: tum nihil magnificentius,
 nihil præclarius actum unquam, nihil Reipu. salutari=
 us. atque hæc una uox omnium est. à te autẽ peto, ut

E P I S T. L I B. V I X.

me hanc quasi falsam hereditatem alienæ gloriæ sinas
cernere; meq; aliqua ex parte in societatem tuarum
laudum uenire patiare. quanquam mi Dolabella (hæc
enim iocatus sum) libentius omnes meas, si modo sunt
aliquæ meæ laudes, ad te transfuderim, quàm aliquam
partem exhauserim ex tuis: nam cum te semper tan-
tum dilexerim, quantum tu intelligere potuisti: tum
his tuis factis sic incensus sum, ut nihil unquā in amo-
re fuerit ardentius: N I H I L est enim, mihi crede,
uirtute formosius, nihil pulchrius, nihil amabilius.
semp amari, ut scis, M. Brutū propter eius summā inge-
nium, suauissimos mores, singularem probitatem, atq;
constantiam: tamen Idib. Mart. tantum accessit ad a-
morem, ut mirarer locum fuisse augendi in eo, quod
mihi iampridem cumulatū esse uidebatur. quis erat,
qui putaret ad eum amorem, quem erga te habebam,
posse aliquid accedere? tantum accessit, ut mihi nunc
denique amare uidear, antea dilexisse. quare quid
est, quod ego te hortor, ut dignitati, & gloriæ ser-
uias? proponam tibi claros uiros, quod facere solent,
qui hortantur? neminem habeo clariorem, quàm te
ipsum. te imitare oportet. tecum ipse certes. nec licet
quidem tibi iam tantis rebus gestis non tui similem es-
se. quod cum ita sit, hortatio non est necessaria, gra-
tulatione magis utendum est: contigit enim tibi, quod
haud scio an nemini, ut summa seueritas animadu-
ersionis non modo non inuidiosa, sed etiam popularis es-
set, & cum bonis omnibus, tum infimo cuique gratissi-
ma. hoc si tibi fortuna quadam contigisset, gratularer
felicitati tuæ: sed contigit magnitudine tum animi, tū

etiam in
nihil illa
accessus d
maurita
ret. libera
tu: neq; se
sed etiam
re reposu
ornando
fectum
ut spero
ligentiss

C I O

D

mis liter
uolentia
mihi cred
cere potu
sum aliter
est illorum
amas, qu
est id quia
sed tibi co
dus es, ta
id est pro
res, qua

etiam ingenij, atq; consilij: legi enim concionem tuam: nihil illa sapientius: ita pedetentim, & gradatim tum accessus à te ad causam facti, tum recessus, ut res ipsa maturitatem tibi animaduertendi omniū concessu daret. liberaisti igitur & urbem periculo, & ciuitatem metu: neq; solum ad tempus maximam utilitatē attulisti, sed etiam ad exemplum. quo facto intelligere debes in te repositam esse Rēp. tibiq; non modo tuendos, sed et ornandos esse illos uiros, à quibus initium libertatis profectum est. sed his de rebus coram plura propediam, ut spero. Tu quando Remp. nosq; conseruas, fac ut diligentissime te ipsum mi Dolabella custodias. Vale.

CICERO PAPIRIO PAETO S. D.

Vabus tuis epistolis respondebo: uni, quam triduo ante acceperam à Zetho: alteri, quam attulerat Phileros tabellarius. ex prioribus tuis literis intellexi pergratam tibi esse curam meam ualitudinis tuæ: quā tibi perspectam esse gaudeo: sed, mihi crede, non perinde, ut est reapse, ex literis perspicere potuisti: nam cum à satis multis (non enim possum aliter dicere) & coli me uideam, & diligere; nemo est illorum omnium mihi te iucundior. nam quod me amas, quod id & iam pridem, & constanter facis; est id quidem magnum, atque haud scio, an maximū, sed tibi commune cum multis: quod tu ipse tam amandus es, tamq; dulcis, tamq; in omni genere iucundus, id est proprie tuum. accedunt non attici, sed falsiores, quā illi Atticorum, Romani ueteres, atque ur-

bani sales. ego autem (existimes licet quod lubet) mi-
 rifice capior facetijs , maxime nostratibus , præsertim
 cum eas uideam primum oblitas Latio tum , cum in ur-
 bem nostram est infusa peregrinitas , nunc uero etiam
 brachatis , & transalpinis nationibus , ut nullum ue-
 teris leporis uestigium appareat . itaque te cum uideo ,
 omnes mihi Granijs , omnes Lucilios , uere ut dicam ,
 Crassos quoque , & Lelios uidere uideor . moriar , si
 præter te quenquam reliquũ habeo , in quo possim ima-
 ginem antiquæ , & uernaculæ festiuitatis agnoscere .
 ad hos lepores cum amor erga me tantus accedat , mi-
 raris me tanta perturbatione ualerudinis tuæ tam gra-
 uiter exanimatum fuisse ? Quod autem altera epi-
 stola purgas te non dissuasorem mihi emprionis Neapo-
 litanæ fuisse , sed auctorem commorationis urbanæ :
 neque ego aliter accepi : intellexi tamen idem , quod his
 intelligo literis , non existimasse te mihi licere , id quod
 ego arbitrabar , res has non omnino quidem , sed ma-
 gnā partem relinquere . Catulum mihi narras , &
 illa tempora : quid simile ? ne mihi quidem ipsi tunc pla-
 cebat diutius abesse ab Reipu. custodia : sedebamus e-
 nim in puppi , clauumq; tenebamus : nunc autem uix
 est in sentina locus . an minus multa S. C. futura pu-
 tas , si ego sim Neapoli ? Romæ cum sum , & urgeo
 forum : S. C. scribuntur apud amatorem tuum , fami-
 liarem meum . & quidem , cum in mentem uenit , po-
 nor ad scribendum : & ante audio S. C. in Armeni-
 am , & Syriam esse perlatum , quod in meam senten-
 tiam factum esse dicatur , quā omnino mentionem
 nullam de ea re esse factam . atq; hoc nolim me iocari

puer: n
 literas, q
 tia Reges
 pellatos,
 tamen qu
 parebo au
 tuos confe
 los sumpt
 quod pla
 nihil gra
 speraban
 abieci. t
 si enim n
 mihi pro

M. C I

D

quid mihi
 antea scrip
 telligerem
 scripseram,
 liberarem t
 proximis q
 res: sic mi
 enim iam
 dam excog
 aut effici p

putes : nā mihi scito iam à Regibus ultimis allatas esse literas , quibus mihi gratias agant , quòd se mea sententia Reges appellauerim : quos ego non modo Reges appellatos , sed omnino natos nesciebam , quid ergo est ? tamen quandiu hic erit noster hic præfectus moribus , parebo auctoritati tuæ . cum uero aberit , ad fungos me tuos conferam . domum si habebō : in denos dies , singulos sumptuariæ legis conferam . sin minus inuenero , quod placeat : decreui habitare apud te : scio enim me nihil gratius tibi facere posse . Domū Sullanam desperabam iam , ut tibi proxime scripsi ; sed tamen non abieci . tu uelim , ut scribis , cum fabris eam perspicias : si enim nihil est in parietibus , aut in tecto uitij , cætera mihi probabuntur . Vale .

M. CICERO PAPIRIO PAETO S. D.

Electauerūt me literæ tuæ : in quibus primū
Damaui amorem tuum , qui te ad scribendum incitauit , uerentem , ne Silius suo nuncio aliquid mihi sollicitudinis attulisset . de quo & tu mihi antea scripseras , bis quidem eodem exemplo , facile ut intelligerem te esse commotum : & ego tibi accurate rescripseram , ut quoquo modo in tali re , atque tēpore aut liberarem te ista cura , aut certe leuarem . sed quando proximis quoque literis ostendis , quantæ curæ tibi sit ea res : sic mi Pæte habeto , quidquid arte fieri potuerit (nō enim iam satis est consilio pugnare : artificium quoddam excogitandum est) sed tamen quidquid elaborari , aut effici potuerit ad istorum beneuolentiam concilian-

E P I S T. L I B. I X.

dam, & colligendam, summo studio me consecutum
 esse; nec frustra, ut arbitror: sic enim color, sic obser-
 uor ab omnibus ijs, qui à Cæsare diliguntur, ut ab eis
 me amari putem: nam (etsi NON facile dijudica-
 tur amor uerus, & fictus, nisi aliquod incidat eiusmo-
 di tempus, ut, quasi aurum igne, sic beneuolentia fi-
 delis periculo aliquo perspicui possit) cætera sunt signa
 communia: sed ego uno utor argumento, quamob-
 rem me ex animo, uereq; arbitrer diligi, quod et nostra
 fortuna ea est, & illorum, ut simulandi causa non sit.
 de illo autem, quem penes est omnis potestas, nihil ui-
 deo, quod timeam, nisi quod omnia sunt incerta, cum
 à iure discessum est: nec præstari quidquã potest, qua-
 le futurum sit, quod positum est in alterius uoluntate,
 ne dicam libidine. sed tamen eius ipsius nulla re à me
 offensus est animus: est enim adhibita in re ipsa sum-
 ma à nobis moderatio: ut. n. olim arbitrabar esse meũ,
 libere loqui, cuius opera esset in ciuitate libertas; sic
 ea nunc amissa, nihil loqui, quod offendar aut il-
 lius, aut eorum, qui ab illo diliguntur, uoluntatem. ef-
 fugere autem si uelim nonnullorum acute, aut facete
 dictorum offensionem, fama ingenij mihi est obijcienda.
 quod si possem, non recusarem. sed tamen ipse Cæ-
 sar habet peracre iudicium: & ut Seruius frater
 tuus, quem literatissimum fuisse iudico, facile diceret,
 hic uersus Plauti non est, hic est, quod tritas haberet
 aureis notandis generibus poetarum, & consuetudi-
 ne legendi: sic audio Cæsarem, cū uolumina iam con-
 fecerit ἀποφθεγμάτων, si quid afferatur ad eũ pro meo,
 quod meũ non sit, reijcere solere. quod eo nunc magis

facit, quia
 res. incid
 tasse illis
 tur. hæc
 enim ipse
 audiat, no
 tuo nihil u
 qua est in
 uerum fa
 ijs, qui mi
 esse sapie
 duplicite
 ma fuerit
 esse ad ea
 ribus non
 sum repre
 quid teme
 que puto
 xisse dicar
 cum uisat
 stare non p
 conscientia
 soler; & i
 inuidiam,
 moleuem,
 tanquam f
 cum plena
 dum sapier
 Syracusis,
 quodamm

facit, quia uiuunt mecum ferè quotidie illius familia-
res. incidunt, autem in sermone uario multa. quæ for-
tasse illis, cū dixi, nec illiterata, nec insulsa esse uidean-
tur. hæc ad illum cum reliquis actis perferuntur: ita
enim ipse mandauit. sic fit, ut, si quid præterea de me
audi at, non audiendum putet. quamobrem Oenoma-
o tuo nihil utor: etsi posuisti ioco uersus Accianos. sed
quæ est inuidia? aut quid nunc mihi inuideri potest?
uerum fac esse omnia. sic uideo Philosophis placuisse,
ijs, qui mihi soli uidetur uim uirtutis tenere: N I H I L
esse sapientis præstare, nisi culpam: qua uideor mihi
dupliciter carere: & quòd ea senserim, quæ rectissi-
ma fuerunt: & quòd, cum uiderem præsidij non satis
esse ad ea obtinenda, uiribus certandum cum ualètio-
ribus non putarim. ergo in officio boni ciuis certe non
sum reprehendendus. reliquum est, ne quid stulte, ne
quid temere dicam, faciam' ue cōtra potentes. id quo-
que puto esse sapientis. cætera uero, quid quisque me di-
xisse dicat, aut quo modo ille accipiat, aut qua fide me-
cum uiuant ij, qui me assidue colunt, et obseruant, præ-
stare non possum. ita fit, ut & superiorum consiliorū
conscientia, & præsentis temporis moderatione me con-
soler; & illam Accij similitudinem non modo iam ad
inuidiam, sed ad fortunam transferam: quam existi-
mo leuem, & imbecillam ab animo firmo, & graui,
tanquam fluctum à saxo, frangi oportere. etenim
cum plena sint monimenta Græcorum, quemadmo-
dum sapientissimi uiri regna tulerint uel Athenis, uel
Syraculis, cum seruientibus suis ciuitatibus fuerint ipsi
quodammodo liberi: ego me non putem tueri meum

E P I S T. L I B. I X.

statum sic posse, ut neque offendam animū cuiusquā,
 nec frangam dignitatem meam? Nunc uenio ad ioc
 cationes tuas, quando tu secundum Oenomaum Accij,
 non, ut olim solebat, Attellanū, sed, ut nūc fit, Mimum
 introduxisti. quem tu mihi popilium, quem denariū
 narras? quā tyrotarichi patinam? facilitate mea ista
 ferebantur antea: nunc mutata res est. Hircium ego,
 & Dolabellam dicendi discipulos habeo, coenandi ma-
 gistros: puto enim te audisse (si forte ad uos omnia
 perferuntur) illos apud me declamitare, me apud il-
 los coenitare. tu autem quod mihi bonam copiā eiures,
 nihil est. tum enim cum rem augebas, quæstiunculis
 te faciebam attentiores: nunc cum tam æquo animo
 bona perdas, non eo sis consilio, ut, cum me hospitio re-
 cipias, æstimationem te aliquam putes accipere. etiam
 hæc leuior est plaga ab amico, quā a debitore. nec
 tamen eas coenas quæro, ut magnæ reliquæ fiant.
 quod erit, magnificum sit, & lautum. memini te mi-
 hi Phameæ coenam narrare: temperius fiat: cætera eo
 dem modo. quod si persueras me ad marris tuæ coe-
 nam uocare, feram id quoque: uolo enim uidere ani-
 mum, qui mihi audeat ista, quæ scribis, apponere, aut
 etiam polypum Miniani Iouis similem. crede mihi, non
 audebis. ante meum aduentum fama ad te de mea
 noua lauitia ueniet: eam extimesces. neque est, quod
 in promulsæ spei ponas aliquid: quam totam sustu-
 li: solebam enim antea delectari oleis, & lucanicis
 tuis. sed quid hæc loquimur? liceat modo istò uenire
 tu uero (uolo enim abstergere animi tui metum) ad
 tyrotarichum antiquum redi. ego tibi unum sumptū
 afferam,

A D

afferam,
 re nostro
 curasti di
 me prate
 parum.

M. C

N

aut ego
 aliquan
 me ama
 buisti er
 certe ex
 ro:prim
 mus, si d
 Resp. mi
 quid futu
 lebunt: u
 esse debet
 tuit, mori
 tem metui
 tamen tim
 id minus
 philosoph
 non dilige
 piat esse
 optare de

afferam, quòd balneum calfacias oportebit : cetera more nostro . superiora illa lusimus. De uilla Seliciana & curasti diligenter, & scripsisti facetissime . itaque puto me prætermisurum : salis enim satis est, Sannionum parum. Vale.

M. CICERO PAPIRIO PAETO S. D.

Non tu homo ridiculus es, qui, cum Balbus nonster apud te fuerit, ex me quæras, quid de istis municipijs, & agris futurum putè? quasi aut ego quidquam sciam, quod iste nesciat: aut, si quid aliquando scio, non ex isto soleam scire. immo uero, si me amas, tu fac, ut sciam, quid de nobis futurum sit: habuisti enim in tua potestate, ex quo uel ex sobrio, uel certe ex ebrio scire posses. sed ego ista mihi Pate non quæro: primum quia de lucro propè iam quadrienniũ uiuimus; si aut hoc lucrum est, aut hæc uita, superstitem Reip. uiuere: deinde quòd scire quoque mihi uideor, quid futurum sit. fiet enim, quodcunque uolent, qui ualebunt: ualebunt autem semper arma. nobis igitur satis esse debet, quidquid conceditur. hoc si quis pati nõ potuit, mori debuit. Veientem quidem agrũ, & Capennatem metiuntur. hic non longe abest à Tusculano. nihil tamen timeo: fruor, dum licet: opto ut semper liceat. si id minus contigerit: tamen, quando ego uir fortis, idẽq; philosophus uiuere pulcherrimum duxi, non possum eũ non diligere, cuius beneficio id consecutus sum qui si cupiat esse Remp. qualem fortasse & ille uult, & omnes optare debemus: quid faciat, tamen non habet; ita se

EPI. LIB. IX.

cum multis colligauit. sed longius progredior : scribo enim ad te. hoc tamen scito, non modo me, qui consilijs non intersum, sed ne ipsum quidem principem scire quid futurum sit: nos enim illi seruimus, ipse temporibus. ita nec ille, quid tempora postulatura sint; nec nos, quid ille cogitet, scire possumus. hæc tibi antea non rescripsi, non quo cessator esse solem, præsertim in literis: sed cum explorati nihil haberem, nec tibi sollicitudinem ex dubitatione mea, nec spem ex affirmatione asferre uolui. illud tamen ascribam, quod est uerissimum me his temporibus adhuc de isto periculo nihil audisse. tu tamen pro tua sapientia debebis optare optima, cogitare difficillima, ferre quæcunque erunt. Vale.

M. CICERO PAPIRIO PAËTO S. D.

Um essem otiosus in Tusculano, propterea
 C quod discipulos obuiam miseram, ut iudæ me
 quam maxime conciliarent familiari suo: accepi tuas literas plenissimas suauitatis ex quibus intellexi probari tibi meum consilium, quod ut Dionysius tyrannus, cum Syracusis expulsus esset, Corinthi dicitur ludum aperuisse; sic ego, sublati iudicijs, amisso regno forensi, ludum quasi habere coeperim. quid quæris me quoque delectat consilium: multa enim consequor. primum, id quod maxime nunc opus est, munio me ad hæc tempora. id cuiusmodi sit, nescio: tantum uideo, nullius adhuc consilio me huic antepone: nisi forte mori melius fuit: in lectulo, fateor: sed non accidit. in acie non fui. cæteri quidem, Pompeius, Lentulus tuus, Sci-

pio, Afranius foede perierunt, at Cato præclare. iā istuc quidem, cum uolemus, licebit: demus modo operam, ne tam necesse nobis sit, quā illi fuit: id quod agimus. ergo hoc primum. sequitur illud: ipse melior fio, primum ualetudine, quam intermissis exercitationibus amiseram: deinde ipsa illa, si qua fuit in me, facultas orationis, nisi me ad has exercitationes retulissem, exarruisset. Extremum illud est, quod tu nescio an primum putes: plures iam pauones confeci, quā tu pullos columbinos. tu istuc te Atteriano iure delectato, ego me hic Hirciano. ueni igitur, si uires, & disce iam *πελεγομένηα*, quæ quæris: etsi sus Minervam. sed quādo, ut uideo, æstimationes tuas uendere non potes, neque ollam denariorum implere: Romam tibi remigrandum est. satius est hic cruditate, quā istuc fame. uideo te bona perdidisse: spero idem istuc familiares tuos. actū igitur de te est, nisi provides. potes multo isto, quem tibi reliquum dicis esse, quando cantherium comedisti, Romam peruehi. sella tibi erit in ludo, tanquam hypodidascalo, proxima: eam puluinus sequetur. Vale.

M. C. PAPIRIO PAETO S. D.

Amen à malitia non discedis: tenuiculo apparatu significas Balbum fuisse contentum. hoc uideris dicere, cum Reges tam sint continētes, multo magis consularis esse oportere. nescis me ab illo omnia expiscatum: recta enim à porta domum meam uenisse. neque hoc admiror, quod nō ad tuā potius, sed illud, quod nec ad suam. ego autē tribus primis uerbis,

S ij

EPI. LIB. IX.

Quid noster Pætus? at ille adiurans, nusquam se unquam libentius. hoc si uerbis affecutus es, aures ad te afferam non minus eleganter: sin autem obsonio, peto à te, ne plurius esse Balbos, quàm disertos putes, me quoti die aliud ex alio impedit. sed si me expediero, ut in ista loca uenire possim: non committam, ut te sero à me certiore factum putes. Vale.

M. CICERO S. D. PAPIRIO PAETO.

Uplaciter delectatus sum tuis literis: & quòd ipse risi: & quòd te intellexi ià posse ridere. me autè à te, ut scurram uelitè, malis oneratum esse, non moleste tuli. illud doleo, in ista loca uenire me ut constitueram, non potuisse: habuisses enim non hospitem, sed contubernalem: at quem uirum? non eum quem tu es solitus promulside conficere. integram famem ad ouum affero: itaq; ad assum uitulinum opera perducitur. illa mea, quæ solebas antea laudare, ò hominem facilem, ò hospitem non grauem, abierunt: nam omnem nostram de Rep. curam. cogitationem de dicenda in senatu sententia, commetationem causarum abieciimus: in Epicuri nos aduersarij nostri castra cõiecimus. nec tamen ad hanc insolentiam, sed ad illam tuam lautitiam, ueterem dico, cum in sumptum habebas etsi nunquam plura prædia habuisti: proinde te para: cum homine edaci tibi res est, & qui iam aliquid intelligat. ò µαθητῆς autem homines scis quàm insolentes sint, dediscendæ tibi sunt sportellæ, & artolagani tui. nos iam ex arcis tantum habemus, ut Verrium tuum, &

Camillum, qua munditia homines? qua elegantia? uocare sepius audeamus. sed uide audaciam: etiam Hircio coenam dedi, sine pauone tamen. in ea coena co-
cus meus præter ius feruens nihil potuit imitari. hæc igitur est nunc uita nostra. mane salutamus domi & bonos uiros multos, sed tristes, et hos letos uictores, qui me quidem perofficose, & peramanter observant. ubi saluatio defluxit, literis me inuoluo, aut scribo, aut lego. ueniunt etiam, qui me audiant quasi doctum hominem, quia paulo sum, quàm ipsi, doctior. inde corpori omne tempus datur, patriam eluxi iam & grauius, & diutius, quàm ulla mater unicum filium. sed cura, si me amas, ut ualeas; ne ego te iacente bona tua comedam: statui enim tibi ne ægroto quidem parcere. Vale,

M. CICERO PAPIRIO PAETO S. D.

In tandem? insanire tibi uideris, quòd imitere uerborum meorum, ut scribis, fulmina? tum insanires, si consequi non posses: cum uero etiam uincas, me prius irrideas, quàm te oportet. quare nihil tibi opus est illud à Trabea, sed potius ἀπὸ τῆς ὕμης meum. ueruntamen quid tibi ego uideor in epistolis? non ne plebeio sermone agere tecum? nec enim semper eodem modo. quid enim simile habet epistola aut iudicio, aut concioni? quin ipsa iudicia non solemus omnia tractare uno modo: priuatas causas, & eas ternues, agimus subtilius: capitis, aut famæ, scilicet ornatius. epistolas uero quotidianis uerbis texere solemus. Sed tamen mihi Pate qui tibi uenit in men-

tem negare Papirium quenquam unquam nisi plebe-
ium fuisse? fuerunt enim patritij minorum gentium:
quorum princeps L. Papirius Mugillanus: qui Consul
cum L. Sempronio Atracino fuit, cum antea Censor cū
eodem fuisset, annis post R. C. CCCXII. sed tum Papi-
sij dicebamini. post hunc, XIII. fuerunt sella curuli an-
te L. Papirium Crassum, qui primus Papisius est uocare
desitus. is Dictator cum L. Papirio Cursore magistro ea-
quitum factus est, annis post R. C. CCCCXV. & qua-
driennio post Consul cum C. Duilio. hunc secutus est
Cursor, homo ualde honoratus: deinde L. Masso ædili-
tius: inde multi Massones: quorum quidem tu omniū
patritiorum imagines habere uolo. deinde Carbones, et
Turdi insequuntur. hi plebei fuerunt: quos cōtemnas,
censeo: nam præter hunc Cn. Carbonem, quem Da-
masippus occidit, ciuis è Rep. Carbonum nemo fuit. co-
gnouimus Cn. Carbonem, et eius fratrem scurrā: quid
his improbius? de hoc amico meo Rubriæ filio nihil di-
co. tres illi fratres fuere, P. C. M. Carbones. Publius Flac-
co accusante condemnatus: fugit Marcus ex Sicilia. Ca-
ius, accusante Lucio Crasso, cantharidas sumpsisse dici-
tur. is Tribunus pl. seditiosus, & P. Africano uim attu-
lisse existimatus est. hoc uero, qui Lilybei à Pompeio no-
stro interfectus est. improbius nemo, meo iudicio, fuit.
iam pater eius accusatus à M. Antonio, sutorio atramen-
to absolutus putatur. quare ad patritios censeo reuer-
tare: plebei quā fuerint importuni, uides. Vale.

M. CICERO PAPIRIO PAETO S. D.

Mo uerecundiam, uel potius libertatē loquē-
 A di atque hoc Zenoni placuit, homini mehera-
 cule acuto: etsi Academia nostræ cum eo ma-
 gna rixa est. sed, ut dico, placet stoicis suo quanque rem
 nomine appellare. sic enim disserūt, nihil esse obscœnū,
 nihil turpe dictū: nam si quid sit in obscœnitate flagi-
 tium, id aut in re esse, aut in uerbo; nihil esse tertium,
 in re non est. itaque non modo in comœdijs res ipsa nar-
 ratur, ut ille in Demiurgo modo, (forte nostri canticum:
 meministi Roscium) ita me destituit nudum: totus est
 sermo uerbis teētus, re impudentior: sed etiam in tra-
 gœdijs. quid est enim illud? Quæ mulier unā? quid
 inquam est? Vsurpata duplex cubile? quid illud? Phe-
 ræi hic cubile inire est ausus. quid est? Virginem me
 quondam inuitam per uim uiolat. Iupiter bone, uiolat?
 atqui idem significat, sed alterum nemo tulisset. uides
 igitur, cum eadem res sit, quia uerba non sint, nihil uī-
 deri turpe. ergo in re non est, multo minus in uerbis. si
 enim quod uerbo significatur, id turpe non est: uera-
 bum, quod significat, turpe esse non potest. animum ap-
 pellas alieno nomine: cur non suo potius? si turpe est,
 ne alieno quidem. si non est, suo potius. caudam anti-
 qui penem uocabant, ex quo est propter similitudinem
 peniculus: at hodie penis est in obscœnis. at uero Piso
 ille Frugi in annalibus suis queritur, adolēcentis pe-
 ni deditos esse. quod tu in epistola appellas suo nomine,
 ille teētius penem. sed quia multis, factum est tam ob-
 scœnum, quā id uerbum, quo tu usus es, quid? quod

S liij

uulgo dicitur, cum nos te uolumus conuenire, num
 obscœnum est? nemini in senatu disertum consularem
 ita eloqui, hanc culpam maiorem, an illam dicam? po-
 tuit obscœntus? non, inquis: non enim ita sensit. non er-
 go in uerbo est. docui autem in re non esse. nusquam igitur
 est. liberis dare operam, quàm honeste dicitur: etiã
 patres rogant filios: eius operæ nomen non audent di-
 cere. Socratem fidibus docuit nobilissimus fidicen. is Con-
 nus uocitatus est. num id obscœnum putas? cum loquũ-
 mur terni, nihil flagitiĩ dicimus, at cum bini, obscœnũ
 est: Græcis quidem, inquis. nihil est ergo in uerbo:
 quando & ego græce scio: & tamen tibi dico bini, idq;
 tu facis, quasi ego græce, non latine dixerim. ruta, &
 menta, recte utrunque. uolo mentam pusillam ita ap-
 pellare, ut rutulam: non licet. bella tectoriola dicis: dic
 ergo etiam pauimenta isto modo non potes. uides igitur
 nihil esse, nisi ineptias, turpitudinem nec in uerbo
 esse, nec in re, itaque nusquam esse. ergo in uerbis hone-
 stis obscœna ponimus. quid enim, non honestum uerbũ
 est diuisio? at inest obscœnum, cui respondet intercape-
 do. num hæc ergo obscœna sunt? nos autem ridicule, si
 dicimus, ille patrem strangulauit, honorem non præfa-
 mur: sin de Aurelia aliquid, aut Lollia, honos præfan-
 dus est. & quidem iam non etiam obscœna uerba pro
 obscœnis sunt. batuit, inquit, impudenter: depsit, multo
 impudentius. atqui neutrum est obscœnum. S T V L-
 T O R V M plena sunt omnia. testes uerbum honestis-
 simum in iudicio, alio loco non nimis. at honesti Colei
 Lanuuii, Cliternini non honesti. quid? ipsa res modo
 honesta, modo turpis. suppedir, flagitium est. iam erit

AD
 nudus in
 cam. o o o
 uerbo tuos
 ego seruo,
 cundiam. i
 tissimis ag
 liberos, ac
 Martijs.

H

Gallina
 dixit te
 scilicet
 re, ut &
 non eni
 expecta
 micum c

M

R

derem ei
 & illius
 re ei sal
 esse, nec

nudus in balneo: non reprehendes. Habes scholam Stoicam. ὁ σοφὸς ἐν παντί μὴ ἐσθ' ἔσθ'. quàm multa ex uno uerbo tuo? te aduersus me omnia audere, gratum est. ego seruo, & seruabo (sic enim assueui) Platonis ueracundiam. itaque tectis uerbis ea ad te scripsi, quæ apertissimis agunt Stoici. sed illi etiam crepitus aiunt æque liberos, ac ructus esse oportere. honorem igitur Calendis Martijs. Tu me diliges, & ualebis.

M. C. PAPIRIO PAETO S. D.

Eri ueni in Cumanum: cras ad te fortasse.
 H sed cum certum sciam, faciam te paulo ante certiore. etsi M. Ceparius, cum mihi in sylua Gallinaria obuiam uenisset, quæsissemq; quid ageres, dixit te in lecto esse, quòd ex pedibus laborares. tuli scilicet moleste, ut debui: sed tamen constitui ad te uenire, ut & uiderem te & uisarem, & cœnarem etiam: non enim arbitror cocum etiam te arthriticum habere, expecta igitur hospitem cum minime edacem, tum inimicum cœnis sumptuosus. Vale.

M. C. PAPIRIO PAETO S. D.

Vsum istum amicum tuum, de quo iterum iam
 R ad me scribis, adiuuarem quantum possem, etiam si ab eo læsus essem, cum te tantopere uiderem eius causa laborare. cum uero & ex tuis literis, & illius ad me missis intelligam, & iudicem, magnæ curæ ei salutem meam fuisse: non possum ei non amicus esse, neque solum tua commedatione, quæ apud me, ut

debet, ualet plurimum, sed etiam uoluntate. ac iudicio meo. uolo enim te scire mi Pate, initium mihi suspitionis, & cautionis, et diligentiae fuisse literas tuas. quibus literis congruentes fuerunt aliae postea multorum. nam & Aquini, et Fabrateriae consilia sunt inita de me, quae te uideo inaudisse. & quasi diuinarent, quam his molestus essem futurus, nihil aliud egerunt, nisi me ut opprimerent. quod ego non suspicans, incautior fuisset, nisi à te admonitus essem. quamobrem iste tuus amicus apud me commendatione non eget. utinam ea fortuna Reip. sit, ut ille me quamgratissimum possit cognoscere. sed haec haecenus. Te ad coenas itare desisse, moleste fero. magna enim te delectatione, & uoluptate priuasti: deinde etiam uereor (licet enim uerum dicere) ne nescio quid illud, quod solebas, dediscas, & obliuiscare coenulas facere. nam si tum, cum habebas quos imitare, non multum proficiebas: quid nunc te facturum putem? Spurina quidem, cum ei rem demonstrassem, & uitam tuam superiorem exposuissem: magnum periculum summæ Reip. demonstrabat, nisi ad superiorem consuetudinem tum, cum fauonius flaret, reuertisses: hoc tempore ferri posse, si forte tu frigus ferre non posses. sed mehercule mi Pate, extra iocum, moneo te, quod pertinere ad beate uiuendum arbitror, ut cum uiris bonis, iucundis, amantibus tui uiuas. nihil est aptius uitæ, nihil ad beate uiuendum accommodatius. nec id ad uoluptatem refero, sed ad communitatem uitæ, atque uictus, remissionemq; animorum, quæ maxime sermone efficitur familiari, qui est in conuiujs dulcissimus: ut sapiētius nostri, quam Græci illi σὺν πτό-

etia, aut o
tiones mos
uides, ut t
cura ut u
sed caue, si
abieciſſe co
& noctes
ues ſalui,
di, agendi
hac cura
praclare

que obt
uiculari
tem Part
ueniri po
tore tibi
ram legen
mur alia
randu, ue
tur. Cum
mibi eſt u
probitate
in ijs cont
Epictetis

εἰα, aut σῶδαιπνα, idest computationes, aut concœnationes: nos conuiuia, quod tum maxime simul uiuitur. uides, ut te philosophando reuocare coner ad cœnas? Cura ut ualeas. id foris cœnitando facillime cōsequere. sed caue, si me amas, existimes me, quod iocosius scribā, abieciſſe curam Reip. sic tibi mi Pæte persuade, me dies, et noctes nihil aliud agere, nihil curare, nisi ut mei ciues salui, liberiq; sint. nullum locum prætermitto monēdi, agendi, prouidendi. hoc denique animo sum, ut, si in hac cura, atque administratione uita mihi ponenda sit, præclare actum mecū putem. Etiam atque etiam uale.

M. T. C. IMP. PAPIRIO PÆTO S.

Vmmum me ducem literæ tuæ reddidere. planè nesciebam te tā peritum esse rei militaris. Pyrri te libros, et Cineæ uideo lectitaſſe, itaque obtemperare cogito præceptis tuis, hoc amplius, nauicularum habere aliquid in ora maritima. cōtra equitem Parthum negant ullam armaturam meliorem inueniri posse. sed quid ludimus? nescis, quo cum Imperatore tibi negotium sit. Κλες παυδαίαν, quam contriueſſam legendo, totam in hoc imperio explicauī. sed iocabimur aliàs corā m, et, ut ſpero breui. nunc ades ad imperandū, uel ad parendū potius: sic enim antiqui loquebātur. Cum M. Fabio, quod ſcire te arbitror, summus mihi eſt uſus ualdeq; cum diligo, cum propter summā probitatem eius, ac ſingularem modeſtiam, tum quod in ijs controuerſijs, quas habeo cum iuis combibonibus Epicureis, optima opera eius uti ſoleo. is cum ad me

Laodiceam uenisset; mecumq; eum ego esse uellem: repente percussus est atrocissimis literis; in quibus scriptum erat, fundum Herculanensem à Q. Fabio fratre proscriptum esse, qui fundus cum eo communis esset. id M. Fabius pergrauiter tulit; existimauitq; fratrem suum, hominem non sapientem, impulsu inimicorum suorum eò progressum esse. nunc, si me amas, mi Pæte negotium totum suscipe, molestia Fabium libera. auctoritate tua nobis opus est, & consilio, & etiam gratia. noli pati, litigare fratres, & iudicijs turpibus conflictari, Matonem, & Pollionem inimicos habet Fabius. quid multa? non mehercule tam perscribere possum, quàm mihi gratum feceris, si otiosum Fabium reddideris. id ille in te positum esse putat, mihiq; persuadet. Vale.

M. C. PAPIRIO PAETO S. D.

A Ccubueram hora nona, cum ad te harū exemplum in codicillis exarauī. dices, ubi? apud Volumnium Eutrapelum: & quidē supra me Atticus: infra Verrius, familiares tui. miraris tam exhilaratam esse seueritatem nostram? quid ergo faciam? te consulo, qui philosophum audis angari? excruciem ne me? quid assequar? deinde quem ad finem? uiuas, inquis, in literis. an quidquam me aliud agere censes? haud possem uiuere, nisi in literis uiuerem. sed est eorum etiam non satietas, sed quidam modus. à quibus cū discessi, etsi minimū mihi est in cœna, quod tu unū ζήτημα Dioni philosopho posuisti: tamen quid potius

AD
faciam, p
rio. audir
eo igitur,
bant, cui
mehercule
Aristippus
obiectum
habeor à
tabere. m
uit unqu
quor alio
in risus
philosoph
dixisset.
putabat
bilia. qui
sertim?
scribitur
una non
sed etiam
hil est, quo
cibi hospite

faciam, prius quàm me dormitum conferam non reperio. audi reliqua. infra Eutrapelum Cyteris accubuit. in eo igitur, inquis, conuiuium Cicero ille, Quem aspectabant, cuius ob os Graij ora obuertebant sua: non mehercule suspicatus sum illam affore: sed tamen ne Aristippus quidem ille Socraticus erubuit, cum esset obiectum habere eum Laida: habeo, inquit, Laida: non habeor à Laide. græce hoc melius. tu, si uoles, interpretabere. me uero nihil istorum ne iuuenem quidem mouit unquam, nedum senem. conuiuium delector; ibi loquor aliquid, quod in solum, ut dicitur: & gemitum in risus maximos transfero. an tu id melius, qui etiam philosophum irriferis? cum ille, si quis quid quæreret, dixisset, cœnam te quærere à mane dixeris. ille Baro te putabat quæsiturum, unum cœlum esset, an innumera bilia. quid ad te? at hercule cœna nunquid ad te? ibi præsertim? sic igitur uiuitur: quotidie aliquid legitur, aut scribitur: deinde, ne amicis nihil tribuamus, epulamur unà non modo non contra legem, si ulla nunc lex est, sed etiam intra legem, & quidem aliquanto. quare nihil est, quod aduentum nostrum extimescas. non multum tibi hospitem accipies, sed multi ioci. Vale.

M. T. CICERONIS EPISTOLARVM
AD PLANCVM, ET ALIOS,
LIBER X.

M. T. CICERO L. PLANCO
IMP. COS. DES. S. D.

E T abfui proficiscens in Græciam: & posteaquam de medio cursu Reip. sum uoce reuocatus, nunquam per M. Antonium quietus fui. cuius tanta est nō insolentia (nam id quidem uulgare uerum est) sed immanitas, non modo ut uocem, sed ne uultum quidem liberum possit ferre cuiusquam. itaque mihi maxima cura est, non de mea quidem uita, cui satisfeci uel ætate, uel factis, uel (si quid etiam hoc ad rem pertinet) gloria: sed me patria sollicitat, in primisq; mi Plance expectatio Consulatus tui: quæ ita longa est, ut optandum sit, ut possimus ad id tempus Reip. spiritum ducere. quæ potest enim spes esse in ea Rep. in qua hominis impotentissimi, atque intemperatissimi armis oppressa sunt omnia? & in qua nec senatus, nec populus uim habet ullam? nec leges ullæ sunt, nec iudicia, nec omnino simulacrum aliquod, aut uestigium ciuitatis? sed quando acta omnia mitti ad te arbitrabar, nihil erat, quod singulis de rebus scriberem. Illud autem erat amoris mei, quem à tua pueritia susceptum non seruavi solum, sed etiam auxili; monere te, atque hortari, ut in Remp. omni cogitatione, curaq; incuberes. quæ si ad tuum tempus perducitur, facilis gu-

A D
bernatio
tie est, tu
spero) ha
debemus,
strum con
ligentiam
cillime
stre, quan
go satis
quantum
roy &
eum in
me ipso

M

lo quisqu
ma impu
esse, ibi se
propius a
privatis r
desiderab
interesse
dem meo
minus, sa
tionem

bernatio est: ut perducatur autem, magnæ tum diligen-
tiæ est, tum etiam fortunæ. sed et te aliquanto ante (ut
spero) habebimus: & præterquam quod Reip. consulere
debemus, tamen tuæ dignitati ita fauemus, ut omne no-
strum consilium, studium, officium, operam, laborem, di-
ligentiam ad amplitudinem tuam conferamus. ita fa-
cillime & Reip. quæ mihi carissima est, & amicitie no-
stræ, quam sanctissime nobis colendam puto, me intelli-
go satisfacturum. Furnium nostrum tanti à te fieri,
quantum ipsius humanitas, & dignitas postulat, nec mi-
ror & gaudeo: teq; hoc existimare uolo, quidquid in
eum iudicij, officijq; contuleris, id ita me accipere, ut in
me ipsum te putem contulisse. Vale.

M. CICERO L. PLANCO IMP.
COS. DES. S. D.

Eum studiū honoris tuo pro necessitudine no-
stra non defuisset, si aut tuto in senatum, aut
honeste uenire potuissem. sed nec sine pericu-
lo quisquā libere de Rep. sentiens uersari potest in sum-
ma impunitate gladiatorū: nec nostræ dignitatis uidetur
esse, ibi sententiam de Rep. dicere, ubi me, & melius, et
propius audiant armati, quàm senatores. quapropter in
priuatis rebus nullū neque officiū, neque studium meū
desiderabis: ne in publicis quidē, si quid erit, in quo me
interesse necesse sit, unquam deero, ne cum periculo qui-
dem meo, dignitati tuæ. in ijs autem rebus, quæ nihilo-
minus, ut ego absim, confici possunt, peto à te, ut me ra-
tionem habere uelis et salutis, et dignitatis meæ. Vale.

EPI. LIB. X.
M. CICERO L. PLANCO IMP.
COS. DES. S. D.

Um ipsum Furnium per se uidi libētissime,
C tum hoc libentius, quod illum audiens, te ui-
debar audire: nam & in re militari uirtu-
tem, & in administranda prouincia iustitiam, & in o-
mni genere prudentiam mihi tuam exposuit; & prae-
rea mihi non ignotam in consuetudine, & familiari-
tate suauitatem tuam adiunxit, praeterea summam er-
ga se liberalitatem. quae omnia mihi iucunda, hoc ex-
tremum etiam gratum fuit. ego Plāce necessitudinem
constitutam habui cum domo uestra ante aliquanto,
quā tu natus es; amorem autē erga te ab ineunte pueri-
tia tua, confirmata iā aetate familiaritatem, cū studio
meo, tum iudicio tuo constitutam. his de causis mirabi-
liter faueo dignitatē tuā: quam mihi tecum statuo esse
cōmunem, omnia summa consecutus es uirtute duce, co-
mite fortuna: eaq; es adeptus adolescens, multis inui-
dentibus, quos ingenio, industriaq; fregisti. nunc me a-
mantissimum tui nemini concedentem, qui tibi uetu-
state necessitudinis potior possit esse, si audies: omnem
tibi reliquae uitae dignitatē ex optimo Reip. statu acqui-
res. scis profecto (nihil. n. te fugere potuit) fuisse quod-
dā tēpus, cum homines existimarent, te nimis seruire tē-
poribus. quod ego quoque existimarem, si te ea, quae pa-
tiebare, probasse etiam arbitrarer. sed cum intelligerē,
quid sentiret: prudenter te arbitrabar uidere, quid pos-
ses. nunc alia ratio est omniū rerū. tuū iudiciū est, idq;
liberū. Consul es designatus, optima aetate, summa elo-
quentia,

quentia
cumbe
tionem,
ferat.
annos Re
riam, ha
tani, qu
meis ege
fontibus
ciam.
amorem
dentia
arbitra

G

quod te
quā ex
ne min
praetere
ternae ne
uel tui er
med, tu
quo ego co
tem. om
tia plena
quā eg

quentia, maxima orbitate Reip. uirorum talium. incumbe per Deos immortales in eam curam, & cogitationem, quæ tibi summam dignitatem, & gloriam asferat. unus autem est, hoc præsertim tempore, per tot annos Rep. deuexata, Reip. bene gerendæ cursus ad gloriam. hæc amore magis impulsus scribenda ad te putauī, quàm quòd arbitrarer te monitis, & præceptis meis egere: sciebam enim, ex ijsdem te hæc haurire fontibus, ex quibus ipse hauseram. quare modum faciam. hoc tantum significandum putauī, ut potius amorem tibi ostenderem meum, quàm ostentarem prudentiam. interea, quæ ad dignitatem tuam pertinere arbitrabor, studiose, diligenterq; curabo. Vale.

PLANCVS CICERONI S. D.

Ratissimæ mihi tuæ literæ fuerūt, quas ex Furnij sermone te scripsisse animaduerti. ego autem præteriti temporis excusationem afferro, quòd te profectū audierā, nec multo ante rediisse sciui, quàm ex epistola tua cognoui: nullū enim in te officiū, ne minimum quidem, sine maxima culpa uideor posse præterire. in quo tuendo habeo causas plurimas, uel paternæ necessitudinis, uel meæ à pueritia obseruantia, uel tui erga me mutui amoris. quare mi Cicero, quod mea, tuq; patitur ætas, persuade tibi te unum esse, in quo ego colendo patriam mihi constituerim sanctitatem. omnia igitur tua consilia mihi nō magis prudentia plena, quæ summa est, uidentur, quàm fidelitatis, quam ego ex mea conscientia metior. quare si aut ali-

T

ter sentirem, certe admonitio tua me reprimere: aut, si dubitarem, hortatio impellere posset, ut id sequerer, quod tu optimum putares. nunc uero quid est, quod me in aliam partem trahere possit? quaecunque in me bona sunt, aut fortunæ beneficio tributa, aut meo labore parata, etsi à te propter amorem charius sunt aestimata, tamen uel inimicissimi iudicio tanta sunt, ut præter bonam famam nihil desiderare uideantur. quare hoc unum tibi persuade, quantum uiribus eniti, consilio providere, auctoritate mouere potuero, hoc omne Reip. semper futurum. non est ignotus mihi sensus tuus: neque, si facultas, optabilis mihi quidem, tui præsentis esset, unquam à tuis consilijs discreparem: nec nunc committam, ut ullum meum factum reprehendere iure possis.

Sum in expectatione omnium rerum, quid in Gallia citeriore, quid in Vrbe Ianuario mense geratur, ut sciam. interim maximam hic sollicitudinem, curamque sustineo, ne inter aliena uitia hæ gentes nostra mala suam putent occasionem. quod si perinde, ut ipse mereor, mihi successerit: certe et tibi, cui maxime cupio, et omnibus uiris bonis satisfaciam. Fac ualeas, meque mutuo diligas.

CICERO PLANCO IMP. COS.

DES. S. P. D.

Inas à te accepi literas eodem exemplo: quod ipsum argumento mihi fuit diligentiae tuæ: intellexi enim te laborare, ut ad me tuæ expectatissimæ literæ perferrentur. ex quibus cepi fructum duplicem, mihique in cōparatione difficilem ad iudican-

dum,
pluris
ritas m
risq; co
memor
eius, qu
rerum,
lem mi
tui, quæ
erat in
illa su
Planco
tu hui
mi imp
ion fr
omnib
quàm
summ
bere di
consecr
ses: tam
tune, te
limis, R
prium tu
bus excep
in tuo ex
tia, glori
sic faueo
cissimam

dum, amorem ne erga me tuum, an animum in Remp. pluris æstimandum putarem. est omnino patriæ charitas meo quidem iudicio maxima: sed amor, uoluntatisq; coniunctio plus certe habet suauitatis. itaque commemoratio tua paternæ necessitudinis, beneuolentiæq; eius, quam erga me à pueritia contulisses, cæterarumq; rerum, quæ ad eam sententiam pertinebant, incredibilem mihi lætitiā attulerat. rursus declaratio animi tui, quem haberes de Rep. quemq; habiturus esses, mihi erat iucundissima: eoq; maior erat hæc lætitia, quòd ad illa superiora accedebat. itaque te non hortor solū mi Plance, sed planè etiam oro, quod feci ijs literis, quibus tu humanissime respondisti; ut tota mēte, omniq; animi impetu in Remp. incumbas. nihil est, quod tibi maiori fructui, gloriæq; esse possit: NEC quidquam ex omnibus rebus humanis est præclarius, aut præstantius, quàm de Rep. bene mereri. adhuc enim patitur tua summa humanitas, & sapientia, me, quod sentiam, libere dicere. fortuna suffragante uideris res maximas consecutus. quod quanquam sine uirtute non potuisses: tamen ex maxima parte ea, quæ es adeptus, fortunæ, temporibusq; tribuuntur. his temporibus difficilimè, Reip. quidquid subuenieris, id erit totū, & proprium tuum. incredibile est omnium ciuium, latronibus exceptis, odium in Antonium. magna spes in te, et in tuo exercitu, magna expectatio. cuius per Deos gratiæ, gloriæq; caue tempus amittas. sic moneo, ut filiū: sic faueo, ut mihi: sic hortor, ut & pro patria, & amicissimum. Vale.

EPIST. LIB. X.

CICERO PLANCO IMP. COS.

DES. S. D.

Væ locutus est Furnius noster de animo tuo
 Q in Remp. ea gratissima fuerunt senatui, popu-
 loq; R. probatissima. quæ autem recitatae sunt
 literæ in senatu, nequaquam cōsentire cum Furnij ora-
 tione uisæ sunt. pacis enim auctor eras, cum collega
 tuus uir clarissimus à foedissimis latronibus obsideretur.
 qui aut positis armis pacem petere debent: aut, si
 pugnantes eam postulant, uictoria pax, nō pactione, pa-
 rienda est. sed de pace literæ uel Lepidi, uel tuæ quam
 in partem acceptæ sint, ex uiro optimo fratre tuo, &
 C. Furnio poteris cognoscere. me autem impulit tui cha-
 ritas, ut quanquā nec tibi ipsi consilium deesset, et fra-
 tris, Furnijq; beneuolentia, fidelisq; prudentia tibi præ-
 sto esset futura, uellem tamē meæ quoque auctoritatis
 pro plurimis nostris necessitudinibus præceptum ad te
 aliquod peruenire. crede igitur mihi Plāce, omneis, quos
 adhuc gradus dignitatis consecutus sis, (es autē adeptus
 amplissimos) eos honorum uocabula habituros, non
 dignitatis insignia, nisi te cum libertate populi R. &
 cum senatus auctoritate coniunxeris. seiunge te quæ-
 so aliquando ab ijs, cum quibus te non tuum iudiciū,
 sed temporum uincula coniunxerunt. cōplures in per-
 turbatione Reip. Consules dicti: quorum nemo consu-
 laris habitus, nisi qui animo exiit in Remp. cōsulari.
 talem igitur te esse oportet, qui primum te ab impiorū
 ciuium tui dissimillimorum societate seiungas: deinde
 te senatui, bonisq; omnibus auctorem, principē, ducem

præbe-
 positis
 si et a
 consula
 aliter:
 modo d
 hac imp
 tu in e
 se cogn

P

se, qua
 ne tibi
 gi semp
 hi para
 esse uol
 publicis
 M. Var
 um, ad
 scere po
 ciebar,
 ventur:
 eo rem,
 stra exp
 non fef

præbeas: postremo, ut pacem esse iudices non in armis
positis, sed in abiecto armorum, & seruitutis metu. hæc
si & ages, & senties: tum eris non modo Consul, &
consularis, sed magnus etiam Consul, & consularis. sin
aliter: tum in istis amplissimis nominibus honorum nõ
modo dignitas nulla erit, sed erit summa deformitas.
hæc impulsus benevolentia scripsi paulo seuerius. quæ
tu in experiendo ea ratione, quæ te digna est, uera es
se cognosces. XIII. Cal. Apr.

PLANCVS IMP. COS. DES.

CICERONI S. D.

Lura tibi de meis consilijs scriberem, ratio=
nemq; omnium rerum redderem uerbosius,
quo magis iudicares omnia me Reip. præstitis=
se, quæ & tua exhortatione excepi, & mea affirmatio
ne tibi recepi: (non minus enim a te probari, quàm dili
gi semper uolui: nec te magis in culpa defensorem mi=
hi parauì, quàm prædicatorem meritorum meorum
esse uolui) sed breuiorem me duæ res faciunt: una, q
publicis literis omnia sum persecutus: altera, quòd
M. Variusfidium, equitem Romanum, familiarem me=
um, ad te ipsum transire iussi, ex quo omnia cogno=
scere posses. non mediusfidius mediocri dolore affi=
ciebar, cum alij occupare possessionem laudis uide=
rentur: sed usque mihi temperauì, dum perducerem
eò rem, ut dignum aliquid & Consulatu meo, & ue=
stra expectatione efficerem. quod spero, si me fortuna
non fefellerit, me consecuturum: ut maximo præsidio

T iij

EPIST. LIB. IX.

Reip. nos fuisse & nunc sentiant homines, & in posterum memoria teneant. A te peto, ut dignitati meae suffrageris; & quarum rerum spe ad laudem me uocasti, harum fructu in reliquum facias alacriorem. non minus posse te, quam uelle, exploratum mihi est. Fac ualeas, meque mutuo diligas.

L. PLANCUS IMP. COS. DES. S. D.
COSS. PRAET. TRIBB. PL.
S. P. PL. Q. R.

I cui forte uideor diutius & hominum expectationem, & spem Reip. de mea uoluntate tenuisse suspensam, huic prius excusandum me esse arbitror, quam de insequenti officio quidquam ulli pollicendum: non enim praeteritam culpam uideri uolo redemisse, sed optima mentis cogitata iam pridem, maturo tempore enunciare. Non me praeteribat, in tanta sollicitudine hominum, & tam perturbato statu ciuitatis fructuosissimam esse professionem bonae uoluntatis: magnosque honores ex ea re complureis consecutos uidebam. sed cum in eum casum me fortuna demisisset, ut aut celeriter pollicendo magna in spe ad proficiendum impedimenta opponerem; aut, si in eo mihi temperauissem, maiores occasiones ad opitulandum haberem: expeditius iter communis salutis, quam meae laudis, esse uolui. nam quis in ea fortuna, quae mea est, & ab ea uita, quam in me cognitam hominibus arbitror, & cum ea spe, quam in manibus habeo, aut sordidum quidquam pati, aut perniciosum concupiscere potest? sed aliquantum nobis temporis, & magni laboris, & multae impense opus fuit, ut, quae Reip. bonisque

omnib
xilium
cultati
nobis, m
moderat
complur
concessio
la uana
petenda
quorum
fuerunt
de lib
stam o
uero no
triplicat
etiam
non es
multa
rem, &
q prae
periculo
C. Furni
uerbo, q
ad uos p
rebus &
ri conue
ram Re
excubat
simus p
mines.

omnibus polliceremur, exitu præstaremus; neque ad auxilium patriæ nudi cum bona uoluntate, sed cum facultatibus accederemus. confirmandus erat exercitus nobis, magnis sæpe præmijs sollicitatus; ut ab Rep. potius moderata, quàm ab uno infinita speraret. confirmandæ complures ciuitates, quæ superiore anno largitionibus, concessionibusq; præmiorum erant obligatæ; ut & illa uana putarent, & eadem à melioribus auctoribus petenda existimarent. alliciendæ etiam uoluntates reliquorum, qui finitimis prouincijs, exercitibusq; præfuerunt; ut potius cum pluribus societatem defendendæ libertatis iniremus, quàm cum paucioribus funestam orbi terrarum uictoriam pararemus. muniendi uero nosmet ipsi fuimus, aucto exercitu, auxilijsq; multiplicatis; ut, cum præferremus sensus aperte, tum, etiam inuitis quibusdam, sciri quid defensuri essemus, non esset periculosum. itaque nunquam diffitebor: multa me, ut ad effectum horum consiliorum peruenirem, & simulasse inuitum, & dissimulasse cū dolore: quod præmatura denunciatio boni ciuis imparati quàm periculosa esset, ex casu collegæ uidebā. quo nomine et C. Furnio legato, uiro forti, atque strenuo, plura etiā uerbo, quàm scriptura mandata dedimus; ut et tectius ad uos perferrentur, & nos essemus tutiores: quibusq; rebus & communem salutem muniri, & nos armari conueniret, præcepimus. ex quo intelligi potest, curam Reipublicæ summæ defendendæ iampridem apud nos excubare. nunc, cum Deum benignitate ab omni resimus paratiores, non solum bene sperare de nobis homines, sed explorare iudicare uolumus. legiones haz-

EPIST. LIB. IX.

beo quinque sub signis, & sua fide, uirtuteq; Reipu.
coniunctissimas, & nostra liberalitate nobis obsequen-
teis, prouinciam omnium ciuitatum consensu paratissimam. & summa contentione ad officia certantem:
equitatus, auxiliorumq; tantas copias, quantas hæ gen-
tes ad defendendam suam salutem, libertatemq; confi-
cere possunt. ipse ita sum animo paratus uel prouin-
ciam tueri, uel ire quò Resp. uocet, uel tradere exerci-
tum, auxilia, prouinciamq; ut uel omnem impetum
belli in me conuertere non recusem, si modo meo casu
aut confirmare patriæ salutem, aut periculum morari
possim. hæc si iam expeditis omnibus rebus, tranquil-
loq; statu ciuitatis: polliceor in dāno meæ laudis: Reip.
commodo letabor. sin ad societatem integerrimorum,
& maximorum periculorum accedam: consilia mea
æquis iudicibus ab obtreptione inuidorum defenden-
da commendo. mihi quidem ipsi fructus meritorum
meorum in Reip. incolumitate satis magnus est para-
tus. eos uero, qui meam auctoritatem, & multo ma-
gis uestram fidem secuti, nec ulla spe decipi, nec ullo me
tu terreri potuerunt, ut commendatos uobis habeatis,
petendum uidetur. Vale.

PLANCVS IMP. COS. DES.

CICERONI S. P. D.

Nil me tibi temere scripsisse, aut te cæteris de
N me frustra recepisse lætor. certe hoc maius ha-
bes testimoniū amoris mei, quo maturius tibi,
quā cæteris, cōsilia mea uolui esse nota. in dies uero me

ritorum meorum fieri accessiones, peruidere te spero, cogniturum magis recipio. quod ad me attinet, mi Cicerone (ita ab imminentibus malis Resp. me adiuuante liberetur) sic honores, præmiaq; uestra suspicio, confecta certe cum immortalitate, ut sine his nihil de meo studio, perseverantiaq; sim remissurus. nisi in multitudine optimorum civium impetus animi mei fuerit singularis, & opera præcipua: nihil ad meam dignitatē accedere uolo suffragatione uestra. concupisco autem nil mihi, contraq; ipse pugno. sed & temporis, & rei te moderatorem facile patior esse. NIHIL aut sero, aut exigue à patria civi tributum potest uideri. Exercitum ad VI. Cal. Maias Rhodanum traieci. magnis itineribus Viennam equites mille uia breuiore præmisi. ipse si à Lepido non impediatur, celeritate satisfaciam, sin autem in itinere meo se opposuerit, ad tempus consilium capiam. copias adduco & genere, & numero, & fidelitate firmissimas. Te, ut diligas me, si mutuo te facturum id scis, rogo. Vale.

CICERO PLANCO IMP.

COS. DES. S. D.

Si satis ex Furnio nostro cognoueram, quæ tua uoluntas, quod consiliū de Rep. esset: tamen lectis tuis literis, liquidius de toto sensu tuo iudicauit. quamobrem quanquā in uno prælio omnis fortuna Reipu. disceptat. quod quidem, cū hæc legeres, iam decretum arbitrabar fore: tamen ipsa fama, quæ de tua uoluntate percrebuit, magnam es laudem con-

EPIST. LIB. X.

secutus. itaq; si Consulem Romæ habuissemus, declaratum esset à senatu cum tuis magnis honoribus, quàm gratus esset conatus, & apparatus tuus. cuius rei non modo non præterijt tempus. sed ne maturum quidem etiamnum meo quidem iudicio fuit: IS ENIM deniq; honos mihi uideri solet, qui non propter spem futuri beneficij, sed propter magna merita claris uiris. defertur, & datur. quare, sit modo aliqua Resp. in qua honos elucere possit: omnibus, mihi crede, amplissimis honoribus abundabis. IS AUTEM, qui uere appellari potest honos, non inuitamentum ad tempus, sed perpetuæ uirtutis est præmium. quamobrem mi-Plancke incumbe toto pectore ad laudem: subueni patriæ: opitulare collegæ: omnium gentium consensum, & incredibilem conspirationem adiuua. me tuorum consiliorum adiutorem, dignitatis fautorem, omnibus in rebus tibi amicissimum, fidelissimumq; cognosces: ad eas enim causas, quibus inter nos amore sumus, officijs, uetustate coniuncti, patriæ charitas accessit. eaq; effecit ut tuam uitam anteferrem meæ. IIII. Cal. Apr.

PLANCUS CICERONI S. P. D.

Immortaleis ago tibi gratias, agamq; dum uiuam: nam relaturū me, affirmare nō possum, tantis enim tuis officijs nō uideor mihi respondere posse: nisi forte, ut tu grauissime, disertissimeq; scripsisti, ita sensurus es, ut me referre gratiam putes, cū memoria tenebo. si de filij tui dignitate esset actū,

amabilius certe nihil facere potuisses. Primæ tuæ sen-
 tentiæ infinitis cum muneribus, posteriores ad tempus
 arbitriumq; amicorum meorum compositæ, oratio as-
 sidua & perpetua de me, iurgia cum obrectatoribus
 propter me, notissima mihi sunt. quare non mediocris
 adhibenda mihi est cura, ut Reipub. me ciuem dignum,
 tuis laudibus præstem, in amicitia tua memorem, at-
 que gratum. quod reliquum est, tuum munus tuere:
 & me, si, quem esse uoluisti, eum exitu, rebusq; cogno-
 scis, defende, ac suscipe. Cum Rhodanum copias tra-
 iecissem, fratremq; cum tribus millibus equitum præ-
 misissem, ipse iter ad Mutinam dirigerē: in itinere de-
 prælio factō, Brutoq; & Mutina obsidione libera-
 tis audiui. animaduerti nullum alium receptum An-
 tonium, reliquiasq;, quæ cum eo essent, habere nisi in
 his partibus: duasq; ei spes esse propositas, unam Le-
 pidi, ipsius alteram exercitus, quod quædam pars ex-
 exercitus non minus furiosa est, quàm qui cum Anto-
 nio fuerunt. equitatum reuocaui: ipse in Allobrogibus
 constitui, ut perinde ad omnia paratus essem, ac res me-
 moneret. si nudus huc se Antonius conferet, facile mi-
 hi uideor per me sustinere posse, remq; publicam ex
 uestra sententia administrare, quamuis ab exerci-
 tu Lepidi recipiatur. si uero copiarum aliquid se-
 cum adducet, & si decima legio ueterana, quæ nos-
 tra opera reuocata cum reliquis est, ad eundem fu-
 rorem redierit: tamen, ne quid detrimenti fiat, da-
 bitur opera à me: idq; me præstaturum spero, dum
 istinc copiae reiiciantur, coniunctæq; nobiscum faci-
 lius perditos opprimant. hoc tibi spondeo mi Cicero,

neque animum, neque diligentiam mihi defuturam. cupio mehercule nullam residuam sollicitudinem esse: sed si fuerit, nec animo, nec beneuolentiæ, nec patientiæ cuiusquam pro uobis cedam. do quidem ego operam, ut etiam Lepidum ad huius rei societatem incitem: omniaque et obsequia polliceor, si modo Rempu. respicere uolet. utor in hac re adiutoribus, interpretibusque fratre meo et Laterense, et Furnio nostro. non me impediunt priuatae offensiones, quo minus pro Reip. salute etiam cum inimicissimo consentiam. quod si nihil profecero, nihilo minus maximo sum animo, et maiore fortasse cum mea gloria uobis satisfaciam. Fac ualeas, meque mutuo diligas.

CICERO PLANCO IMP. COS. DES. S.

¶ Si Reip. causa maxime gaudere debeo, tantum ei te praesidij, tantum opis attulisse extremis penè temporibus: tamen, ita te uictorem complectar Rep. recuperata, ut magnam partem mihi laetitiae tua dignitas affert: quam et esse iam, et futuram amplissimam intelligo, caue enim putes ullas literas unquam gratiores, quam tuas, in senatu esse recitatas. idque contigit tum meritorum tuorum in Rempu. eximia quoddam magnitudine, tum uerborum, sententiarumque grauitate. quod mihi quidem minime nouum, qui et te nossem, et tuarum literarum ad me missarum promissa meminissem, et haberem à Furnio nostro tua penitus consilia cognita: sed senatui maiora uisa sunt, quam erant expectata: non quod unquam

de tua uoluntate dubitasset: sed nec quantum facere
 posses, nec quò progredi uelles, exploratum satis ha-
 bebat. itaque cum ad VII. Id. Apr. mane mihi tuas
 literas M. Varisidius reddidisset, easq; legissem, incre-
 dibili gaudio sum elatus. cumq; magna multitudo
 optimorum uirorum, & ciuium me de domo dedu-
 ceret, feci continuo omnes participes meae uoluptatis.
 interim ad me uenit Munatius noster, ut consueuerat:
 & ego ei literas tuas ostendi: nihil dum enim sciebat:
 nam ad me primum Varisidius: idq; sibi à te manda-
 tum esse dicebat. paulo post idem mihi Munatius eas
 literas legendas dedit, quas ipsi miseras, & eas, quas
 publice. placuit nobis, ut statim ad Cornutum Præto-
 rem urb. literas deferremus, qui, quòd Consules ab-
 erant, consulare munus sustinebat more maiorum.
 senatus est continuo conuocatus, frequensq; conuenit
 propter famam, atque expectationem tuarum litera-
 rum. recitatis literis, oblata religio Cornuto est, pul-
 latorum admonitu, non satis diligenter eum auspi-
 cius operam dedisse. idq; à nostro collegio comproba-
 tum est. itaque res dilata est in posterum. eo autē die
 magna mihi fuit pro tua dignitate contentio cum Ser-
 uilio. qui cum gratia effecisset, ut sua sententia prima
 pronunciaretur: frequens eum senatus reliquit, & in
 alia omnia discessit: meaq; sententiæ, quæ secunda
 pronunciata erat, cum frequens assentiretur senatus,
 rogatu Seruiliij P. Titius intercessit. res in posterum
 dilata. uenit paratus Seruilius, Ioui ipsi iniquus, cui-
 ius in templo res agebatur. hunc quemadmodum
 fregerim, quantaq; contentione Titium intercessorem

EPIST. LIB. X.

ablecerim, ex aliorum te literis malo cognoscere: unū hoc ex meis: senatus grauior, constantior, amicior tuis laudibus esse non potuit, quā tum fuit. nec uero tibi senatus amicior, quā cuncta ciuitas: mirabiliter enim populus R. uniuersus, et omniū generū, ordinumq; consensus ad liberandum Remp. conspirauit. perge igitur, ut agis, nomenq; tuum cōmēda immortalitati: atq; hæc omnia, quæ habent speciem gloriæ, collecta inaniſſimis splendoris insignibus, contemne; breuia, fugacia, caduca existiſſima. uerum DECVS in uirtute positū est, quæ maxime illustratur magnis in Remp. meritis. eam facultatem habes maximam. quam quando complexus es, & tenes: perfice, ut ne minus Remp. tibi, quā tu Reip. debeas. me tuæ dignitatis non modo fautorem, sed etiam amplificatorem cognosces. id tum Reip. quæ mihi est mea uita charior, tum nostræ necessitudini debere me iudico. atque in his curis, quas contuli ad dignitatem tuā, cepi magnam uoluptatem, quod bene cognitam mihi T. Munatii prudentiam, & fidem, magis etiam perspexi in eius incredibili erga te beneuolentia, & diligentia. III. Id. Apr. Vale.

CICERO PLANCO IMP.
COS. DES. S. P. D.

V T primum potestas data est augendæ dignitatis tuæ, nihil prætermisii in te ornādo, quod positū esset aut in præmio uirtutis, aut in honore uerborum. id ex ipso S. C. poteris cognoscere: ita enim est perscriptum, ut à me de scripto dicta sententia est:

quam
gnoq;
hi mi
inſign
bis ex
tibi a
qui en
rit. id
Vlyſſe

O

enim
duces
quā
literas
tempor
rum. i
qua ſci
factum
nam glo

PL

H

quam senatus frequens secutus est summo studio, magnoq; consensu. ego quanquam ex tuis literis, quas mihi misisti, perspexeram te magis iudicio bonorum, quam insignibus gloriae delectari: tamen considerandum nobis existimaui, etiam si tu nihil postulares, quantum tibi a Rep. deberetur. tu contexes extrema cum primis: qui enim M. Antonium oppresserit, is bellum confecerit. itaque Homerus non Aiace, nec Achillem, sed Ulysses appellauit $\pi\tau\omicron\lambda\iota\pi\omicron\rho\epsilon\delta\omicron\nu$. Vale.

CICERO PLANCO IMP.

COS. DES. S. D.

O Gratam famam biduo ante uictoriae, de subsidio tuo, de studio, de celeritate, de copiis. atqui, etiam hostibus fuis, spes omnis in te est: fugisse enim ex praelio Mutinensi dicuntur notissimi latronum duces. EST autem non minus gratum extrema delere, quam prima depellere. equidem expectabam iam tuas literas, idq; cum multis: sperabamq; etiam Lepidum temporibus admonitum, tecum, et Reip. satis esse facturum. in illam igitur curam incumbe mi Plance, ut ne qua scintilla teterrimi belli relinquatur. quod si erit factum: et Remp. diuino beneficio affeceris, et ipse aeternam gloriam consequere. III. Id. Maij. Vale.

PLANCVS IMP. CICERONI S. D.

H Is literis scriptis, quae postea accidissent, scire te, ad Remp. putari pertinere. Sedulitas mea (ut

E P I S T . L I B . X .

spero) & mihi, & Reip. tulit fructum: nanq; assiduus internuncijs cum Lepido egi, ut omissa omni cōtēione, reconciliataq; uolūtate nostra, communi consilio Reip. succurreret: se liberos, Urbem pluris, quā unum perditum abiectumq; latronem putaret: obsequioq; meo, si ita faceret, ad omnes res abuteretur. profeci itaque per Laterensem internunciū: fidem mihi dedit, se Antonium, si prohibere sua provincia non potuisset, bello persecuturum: me, ut uenirem, copiasq; coniungerem, rogauit, eoq; magis, quod & Antonius ab equitatu firmus esse dicebatur, & Lepidus ne mediocre quidem equitatum habebat: nam etiam ex paucitate eius, non multis ante diebus, decem, qui optimi fuerant, ad me transierunt. quibus rebus ego cognitis, cunctatus non sum, in cursu bonorum consiliorum Lepidum adiuvandum putavi. aduentus meus quid profecturus esset, uidi: uel quod equitatu meo persequi, atque opprimere equitatum eius possem: uel quod exercitus Lepidi eam partem, quæ corrupta est, & ab Rep. alienata, & corrigere, & coercere præsētia mei exercitus possem. itaque in Isara flumine maximo, quod in finibus est Allobrogum, ponte uno die factō, exercitum ad I I I. Id. Maij traduxi. cum uero mihi nunciatum esset, L. Antonium premissum cum equitibus, & cohortibus ad Forum Iulij uenisse: fratrem cum equitum quatuor millibus, ut occurreret ei, misi ad prid. Id. Maij: ipse maximis itineribus cum quatuor legionibus expeditis, & reliquo equitatu subsequar. si nos mediocre modo fortuna Reip. adiuuerit: & audaciæ perditorum, & nostræ sollicitudinis hic finem reperiemus.

quod

quod si latro, præcognito nostro aduentu, rursus in Italiam, se recipere coeperit: Bruti erit officium occurrere ei: cui scio nec consilium, nec animum defuturum. ego tamen, si id acciderit, fratrem cum equitatu mittam, qui sequatur, Italiamq; à uastatione defendat. Fac ualeas, meq; mutuo diligas.

CICERO PLANCO S. D.

Nihil post hominum memoriâ gloriosius, nihil gratius, ne tempore quidem ipso opportunius accidere uidi, quàm tuas Plance literas: redite sunt enim frequenti senatu Cornuto, cum is frigidus sanè, & inconstans recitasset literas Lepidi. sub eas statim recitatae sunt tuæ, non sine magnis quidem clamoribus: cum rebus enim ipsis essent, & studiis, beneficijsq; in Remp. gratissimæ; tum erant grauissimis uerbis, & sententijs. flagitare senatus institit Cornutum, ut referret statim de tuis literis. ille se considerare ait uelle. cum ei magnum conuiuium fieret cuncto à senatu, quinque Tribuni pl. retulerunt. Servilius rogatus rem distulit. ego eam sententiam dixi, cui sunt assensi ad unum, ea quæ, fuerit, ex S. C. cognoscas. tu quanquam consilio non eges, uel abundas potius, tamen hoc animo esse debes, ut nihil huc reijcias, ne uel in rebus tam subitis, tamq; angustis à senatu consilium petendum putes. ipse tibi sis senatus. quocunque te ratio Reip. ducet, sequare. cures, ut ante factum aliquod à te egregium audiamus, quàm futurum putarimus. illud tibi promitto, quidquid erit à

te factum, id senatum non modo ut fideliter, sed etiam
ut sapienter factum comprobaturum. Vale.

PLANCUS IMP. CICERONI S. D.

Ntonius Id Maij ad Forum Iulij cum primis
A copijs uenit. Ventidius bidui spatio abest ab
eo. Lepidus ad forum Voconij castra habet.
qui locus à Foro Iulij quatuor & uiginti millia passuum
abest: ibiq; me expectare constituit, quemadmodum ip
se mihi scripsit. quod si omnia mihi integra & ipse, &
fortuna serauerit: recipio uobis, celeriter me negotium
ex sententia confecturum. Fratrem meum assiduus la
boribus, concursationibusq; confectum grauiter se ha
buisse, antea tibi scripsi. sed tamen cum primum posse
ingredi coepit; non magis sibi, quam Reip. conualuisse
se existimans, ad omnia pericula princeps esse non recu
sabat, sed ego eum non solum hortatus sum, uerum etiā
coegi isto proficisci: quod illa ualetudine magis confice
re se, quam me tueri posset in castris: & quod acerbissi
mo interitu Consulum Remp. nudatam tali ciue, Præto
re in urbanis officijs indigere existimabam. quod si quis
uestrum non probabit, mihi prudentiam in consilio de
fuisse sciat, non illi ergo patriam fidelitatem. Lepidus
tandem, quod ego desiderabam, fecit, ut Appellam ad
me mitteret, quo obside fide illius, & societatis in Rep.
administranda uterer. studium in ea re suum mihi L.
Gellius; de tribus fratribus, Segauiano probauit: quo
ego interprete nouissime ad Lepidum sum usus. amicū
eum Reip. cognoscere uideor: libenterq; ei sum testi=

monio, & omnibus ero, qui bene merentur. Fac ualeas, meq; mutuo diligas, dignitatemq; meam, si mereor tuearis, sicut adhuc singulari cum beneuolentia fecisti.

PLANCVS CICERONI S.

Vid in animo habuerim, cū Laeui, Neraeq; discesserunt à me, & ex literis, quas eis dedi, & ex ipsis cognoscere potuisti, qui omnibus rebus, consilijsq; meis interfuerunt. accidit mihi, quod homini prudenti, & cupido satisfaciendi Reip. bonisq; omnibus accidere solet; ut consilium sequeretur periculosum magis, dum me probarem, quàm tutum, quod habere posset obrectationem. itaque post discessum legatorū cū binis continuis literis & Lepidus me, ut uenire, rogaret; & Laterensis multo etiam magis propè implorans obtestaretur, nullam rem aliam extimescēs, quàm eandem, quæ mihi quoque facit timorem, uarietatem, atque infidelitatem exercitus eius: non dubitandum putavi, quin succurrerem, meq; communi periculo offerrem: sciebā enim, & cautius illud erat consilium, expectare me ad Isaram, dum Brutus traiceret exercitum; & cum collega consentiente, sicut milites faciunt, hostibus obuiam ire. tamen, si quid Lepidus bene sentiens detrimenti cepisset, hoc omne assignatum iri aut pertinaciæ meæ, aut timori uidebam. si aut hominem offensum mihi, coniunctum cum Rep. non subleuassem; aut ipse à certamine belli tam necessarij me remouissem. itaque potius periclitari uolui, si possem mea præsentia & Lepidum tueri, & exercitum facere meliorem,

quàm nimis cautus uideri. sollicitiorem certe hominem non suis contractis neminem puto fuisse: nam quæ res nullam habebat dubitationem: si exercitus Lepidi absit, ea nunc magnam affert sollicitudinem, magnumq; habet casum: mihi enim si contigisset, ut prior occurrerem Antonio; non mehercule horam constitisset: tantum ego et mihi cōfido, et sic perculsas illius copias, Vētidijq; Mulionis castra despicio. sed non possum non exhorrescere, si quid intra cutem subest uulneris: quod prius nocere potest, quàm sciri, curariq; possit. sed certe, nisi uno loco metaremur, magnum periculum ipse Lepidus, magnum ea pars exercitus adiret, quæ bene de Rep. sentit. magnam etiam perdit hostes accessionem sibi fecissent, si quas copias à Lepido abstraxissent. quæ si aduentus meus reprefferit, agam gratias fortunæ, constātiæq; meæ, quæ me ad hanc experientiam excitauit. itaque ad XII. Cal. Iun. ab Isara castra moui: pontem tamen, quem in Isara feceram, castellis duobus ad capita positis reliqui, præsidiaq; ibi firma posui, ut uenienti Bruto, exercituiq; eius sinemora transitus esset paratus. ipse, ut spero, diebus octo, quibus has literas dabam, cum Lepidi copijs me coniungam. Vale.

CICERO PLANCO IMP. S. D.

Vanquam gratiarū actionem à te nō desiderabam, cū te re ipsa atque animo scirem esse gratissimum: tamen (fatendum est enim) fuit ea mihi periucunda: sic enim uidi, quasi ea quæ oculis cernuntur, me à te amari. dices, Quid antea? Semper

quidem, sed nunquam illustrius. Literæ tuæ mirabiliter gratæ sunt senatui cum rebus ipsis, quæ erant grauissimæ, & maximæ, fortissimi animi, summiq; consilij; tum etiam gravitate sententiarum, atque uerborum. sed mi Plance incumbe, ut belli extrema perficias. in hoc erit summa & gratia, et gloria. cupio omnia Reip. causa: sed mehercule in ea conseruanda iam defatigatus, non multo plus faueo patriæ, quàm tuæ gloriæ: cuius maximam facultatem tibi Dij immortales, ut spero, dedere: quàm complectere obsecro: qui enim Antonium oppresserit, is hoc teterrimum bellum, periculosissimumq; confecerit. Vale.

CICERO PLANCO S. D.

Ta erant omnia, quæ istinc afferebatur, incerta, ut, quid ad te scriberem, nō occurreret. modo enim, quæ uellemus, de Lepido; modo contra nunciabantur. de te tamen constans fama, nec decipi posse, nec uinci. quorum alterius fortuna partem habet quandam: alterum proprium est prudentiæ tuæ. sed accepi literas à collega tuo, datas Idibus Maij: in quibus erat, te ad se scripsisse, à Lepido non recipi Antonium. quod erit certius, si tu ad nos idem scripseris: sed minus audes fortasse propter inanem lætitiā literarum superiorum. uerum ut errare mi Plance potuisti: (quis enim id effugerit?) sic, decipi te non potuisse, quis non uidet? nunc uero etiam erroris causa sublata est: culpa enim illa, BIS ad eundem, uulgari reprehensa prouerbio est. sin, ut scripsisti ad collegam, ita se res habet: omni cura liberati sumus, nec tamen

V iij

erimus prius, quàm ita esse, tu nos feceris certiores. mea quidem, ut ad te sæpius scripsi, hæc sententia est; qui reliquias huius belli oppresserit, eum totius belli confecto rem fore: quem te & opto esse, & confido futurum. Studia mea erga te, quibus certe nulla esse maiora potuerunt, tibi tã grata esse, quàm ego putavi fore, minime miror, uehementerq; lætor. quæ quidẽ tu, si recte istic erit, maiora, & grauiora, cognosces. IIII. Cal. Iun.

PLANCVS CICERONI S.

Vderet me inconstantia mearum literarum,
 P si non hæc ex aliena leuitate penderent. omnia feci, quare Lepido coniuncto ad Remp. defendendam, minore sollicitudine uestra perditis resistere. omnia petenti recepi, et ultro pollicitus sum: scripsiq; tibi biduo ante, confidere me bono Lepido esse usurum, communiq; consilio bellum administraturum. credidi chirographis eius, affirmationi præsentis Laterensis, qui tum apud me erat, reconciliaremq; me Lepido, fidemq; haberem, orabat. non licuit diutius bene de eo sperare. illud certe caui, & cauebo, ne mea credulitate Reip. summa fallatur. cum Isaram flumen, uno die pòte confecto, exercitum traduxissem, pro magnitudine rei celeritatem adhibens, quod petierat per literas ipse, ut maturarem uenire: præsto mihi fuit stator eius cum literis, quibus, ne uenirem, denunciabat: se posse conficere per se negotium: interea ad Isaram expectarem. indicabo temerarium meum consilium tibi: nihilo minus ire decreueram, existimans eum so-

cium gloriæ vitare. putabam posse me nec de laude iei-
 iuni hominis delibare quidquam, et subesse tamen pro-
 pinquis locis, ut si durius aliquid esset, succurrere celerè
 ter possem. ego non malus homo hoc suspicabar. at Lan-
 terensis uir sanctissimus suo chirographo mittit mihi li-
 teras, meisq; desperans de se, de exercitu, de Lepidi fide,
 querensq; se destitutum: in quibus aperte denunciat,
 uideam ne fallar: suam fidem solutam esse: Reip. ne
 desim. exemplar eius chirographi Titulo dedi. ipsa chi-
 rographa omnia, & quibus credidi, & ea, quibus fidem
 non habendam putauì, Læuo Cispio dabo perferenda,
 qui omnibus his interfuit rebus. accessit eò, ut mili-
 tes eius, cum Lepidus concionaretur, improbi per se,
 corrupti etiam per eos, qui præsunt, Canidios, Rufre-
 nosq; & cæteros, quos, cum opus erit, scietis, conclama-
 rint uiri boni, pacē se uelle, neque esse cum ullis pugna-
 tuos, duobus iam Consulibus singularibus occisis, tot cū-
 uibus pro patria amissis, hostibus denique omnibus iua-
 dicatis, bonisq; publicatis: neque hoc aut uindicaret Le-
 pidus, aut sanarat. huc me uenire, & duobus exer-
 citibus coniunctis obijcere exercitum fidelissimum, ma-
 xima auxilia, principes Galliae, prouinciam cunctam,
 summæ dementiæ, & temeritatis esse uidi; mihiq; si
 ita oppressus essem, remq; pub. mecum perdidissem,
 mortuo non modo honorem, sed misericordiam quo-
 que defuturam. itaque rediturus sum: nec tanta
 munera perditis hominibus dari posse sinam. exerci-
 tum locis ut habeam opportunis, prouinciam tuear,
 etiam si ille exercitus descinerit, omnia ut integra ser-
 uem, dabo operam, quoad exercitus huc summittatis,

pariꝫ felicitate Remp. hic uindictis. nec depugnate, si
 occasio tulerit; nec obsideri, si necesse fuerit; nec mori, si
 casus inciderit, pro uobis paratior fuerit quisquam. qua
 re hortor te mi Cicero, exercitum huc traiciendum quā
 primum cures, & matures prius, quā hostes magis cor
 roboventur, & nostri perturbentur. in quo si celeritas
 erit adhibita, Resp. in possessione uictoriae deletis sce
 leratis permanebit. Fac ualeas, meꝫ diligas. Fratrem
 meum tibi, fortissimum ciuem, & ad omnia paratissi
 mum, excusam literis? qui ex labore in febriculam inci
 dit assiduam, & satis molestam. cum primum poterit
 istuc recurrere, non dubitabit, ne quo loco Reip. desit.
 Meam dignitatem commendatam habeas, rogo. concu
 piscere me nihil oportet. habeo te & amantissimum
 mei, & quod optaui, summæ auctoritatis. tu uideris,
 quantum, et quando tuum munus apud me uelis esse.
 tantum te rogo, in Hircij locum me subdas et ad tuum
 amorem, & ad meam obseruantiam.

CICERO PLANCO S.

I N te, & in collega omnis spes est, Dijs appro
 bantibus, concordia uestra, quæ senatui decla
 rata literis uestris est, mirifice & senatus, &
 cuncta ciuitas delectata est. Quod ad me scripseras
 de re agraria: si consultus senatus esset, ut quisque de
 te honorificentissimam sententiā dixisset, eam secutus
 essem: qui certe ego fuisset: sed propter tarditatem sen
 tentiarum, moramꝫ rerum cum ea, quæ consulebātur,
 ad exitum non peruenirent, commodissimū mihi, Plā=

coq; fratri uisum est, uti eo, quod ne nostro arbitratu componeretur, quis fuerit impedimento, arbitror te ex Planci literis cognouisse. sed siue in S. C. siue in ceteris rebus desideras aliquid, sic tibi persuade, tantam esse apud omnes bonos tui charitatem, ut nullum genus amplissimæ dignitatis excogitari possit, quod tibi non paratū sit. Literas tuas uehementer expecto; & quidem taleis, qualeis maxime opto. Vale.

PLANCVS CICERONI S.

N Unquam mehercule mi Cicero me pœnitebit maxima pericula pro patria subire, dum, si quid acciderit mihi, à reprehensione temeritatis absim. cōfiterer imprudentia me lapsū, si unquā Lepido ex animo credidissim: CREDVLITAS enim error est magis, quā culpa; & quidē in optimi cuiusque mentē facillime irrepit. sed ego non hoc uitio penē sum deceptus: Lepidum enim pulchre noram. quid ergo est? pudor me, qui in bello maxime est periculosus, hunc casum coegit subire: nam nisi uno loco essemus, uerebar ne cui obtreſſatorum uiderer & nimium pertinaciter Lepido offensus, & mea patientia etiam alere bellum. itaque copias propē in aspectum Lepidi, Antonijq; adduxi, quadragintaq; millium passuum spatio relicto consedi, eo consilio, ut uel celeriter accedere, uel salutariter recipere me possem. adiunxi hæc in loco eligendo, flumen oppositum, ut haberem in quo mora transitus esset: Vocontij sub manu ut essent, per quorum loca mihi fideliter pateret iter: Lepidus desperato aduen-

E P I. L I B. X.

tu meo, quem non mediocriter captabat, se cum Antonio coniunxit ad IIII. Cal. Iun. eodemq; die ad me castra mouerunt. uiginti millia passuum cum abessent, res mihi nunciata est. dedi operam Deum benignitate, ut & celeriter me reciperem, & hic discessus nihil fuge simile haberet, non miles ullus, non eques, non quidquam impedimentorum amitteretur, aut ab illis furcibus latronibus interciperetur. itaque pridie Non. Iun. omneis copias Isaram traieci, pontesq; quos fecerā, interrupi, ut & spatium ad se colligendum homines haberent, & ego me interea cum collega coniungerem; quem triduo, cum has dabam literas, expectabam. Lacerensis nostri & fidem, & animum singularem in Remp. semper fatebor. sed certe nimia eius indulgentia in Lepidum, ad hæc pericula perspicienda fecit eum minus sagacem. qui quidem cum in fraudem se deductum uideret, manus, quas iustius in Lepidi perniciem armasset, sibi afferre conatus est. in quo casu tamen interpellatus, adhuc uiuit, & dicitur uicturus. sed tamen de hoc mihi parum certum est. ego magno cum dolore parricidarum elapsus sum ijs: ueniebant enim eodem furore in me, quo in patriam, incitati. iracundias autem harum rerum recentes habebant, quod Lepidum castigare non destiteram, ut extingueret bellum: quod colloquia facta improbabam: quod legatos fide Lepidi missos ad me in conspectum uenire uetueram. quod C. Catinium Vestinum Trib. mil. missum ab Antonio ad eum cum literis, exceperam. in quo hanc capio uoluptatem, quod certe quo magis me petiuerunt, tanto maiorem ijs frustratio dolorem attu-

lit. Tu mi Cicero, quod adhuc fecisti, idem præsta, ut
 uigilanter neruo seq; nos, qui stamus in acie, subornes.
 ueniat Cæsar cum copijs, quas habet firmissimas: aut,
 si ipsum aliqua res impedit, exercitus eius mittatur:
 cuius ipsius magnum periculum agitur. quidquid ali-
 quando futurum fuit in castris perditorum contra pa-
 triam, hoc omne iam conuenit. pro urbis uero salute cur
 nō omnibus facultatibus, quas habemus, utamur? quod
 si uos istic non defueritis, profecto, quod ad me attinet,
 omnibus rebus abunde Reip. satisfaciam. Te quidem
 mi Cicero in dies mehercule habeo chariorem, solitudi-
 nesq; meas quotidie magis tua merita exacuunt. ne quid
 aut ex amore, aut ex iudicio tuo perdam, opto, ut mihi
 liceat iam præsentī pietate meorum officiorum tua be-
 neficia tibi facere iucundiora. Vale. VIII. Idus Iun.
 Cinarone, ex finibus Allobrogum.

PLANCVS IMP. CO S. DES.

CICERONI S. D.

Acere non possum, quin in singulas res meris
 F taq; tua tibi gratias agam: sed mehercule fa-
 cio cum pudore: neque enim tanta necessitu-
 do, quantam tu mihi tecum esse uoluisti, desiderare uia-
 detur gratiarum actionem: neque ego lubenter pro ma-
 ximis tuis beneficijs tam uili munere defungor oratio-
 nis; & malo præsens obseruantia, indulgentia, assiduita-
 te memorem me tibi probare. quod si mihi uita cōtige-
 rit omnes gratas amicitias, atque etiam, pias propinqui-
 tates in tua obseruantia, indulgentia, assiduitate uin-
 eam: amor enim tuus, ac iudicium de me utrum mihi

plus dignitatis in perpetuum, an voluptatis quotidie sit allaturus non facile dixerim. De militum commodis, fuit tibi curæ: quos ego non potentiae meae causa (nihil enim me non salutariter cogitare scio) ornari uolui à senatu; sed primum, quòd ita meritos iudicabam; deinde; quòd ad omnes casus coniunctiores Reip. esse uolebam: nouissime, ut ab omni omnium sollicitatione auersos eos tales uobis præstare possem, quales adhuc fuerunt. Nos adhuc hic omnia integra sustinuimus. quod consilium nostrum; etsi, quanta sit auditas hominum, non sine causa talis uictoriae, scio; tamen uobis probari spero. non enim, si quid in his exercitibus sit offensum, magna subsidia Resp. habet expedita, quibus subito impetui, ac latrocinio parricidarum resistat. copias uero nostras notas tibi esse arbitror. in castris meis legiones sunt ueteranae tres, tironum uel luculentissima ex omnibus una. in castris Bruti una ueterana legio, altera bima, octo tironum. ita uniuersus exercitus numero amplissimus est, firmitate exiguus. quantum autem in acie tironi sit committendum, nimium saepe expertum habemus. adhuc robur nostrorum exercituum siue Africanus exercitus, qui est ueteranus, siue Caesaris accessisset, æquo animo summum Rempub. in discrimen deduceremus, aliquanto autem propius esse, quod ad Caesarem attinet, uidebamus. nihil destiti cum literis hortari: neque ille intermisit affirmare, se sine mora uenire: cum interim auersum illum ab hac cogitatione, ad alia consilia uideo se contulisse. ego tamen ad eum Furnium nostrum cum mandatis, literisq; misi, si quid forte pro-

ficere posset. scis tu mi Cicero, quod ad Cæsaris amorem
attinet, societatem mihi esse tecum: uel quod in fami-
liaritate Cæsaris, uiuo illo, iam tueri eum, & diligere
mihi fuit necesse. uel quod ipse, quoad ego nosse potui,
moderatissimi, atque humanissimi fuit sensus: uel
quod ex tam insigni amicitia mea, atque Cæsaris, hunc
filij loco & illius, & uestro iudicio substitutum, non
perinde habere mihi turpe uidetur. sed quidquid tibi
scribo, dolenter mehercule magis, quam inimice facio.
quod uiuit Antonius hodie, quod Lepidus una est, quod
exercitus habent non contemnēdos, quod sperant, quod
audent; id omne Cæsari acceptum referre possunt. ne-
que ego superiora repetam. sed ex eo tempore, quo ipse
mihi professus est se uenire, si uenire uoluisset: aut op-
pressum iam bellum esset, aut in aduersissimam illis Hi-
spaniam cū detrimento eorum maximo detrusum. quæ
mens eum, aut quorum consilia à tanta gloria, sibi ue-
ro etiam necessaria, ac saluari auocarint, & ad cogita-
tionem Consulatus bimestris summo cum terrore homi-
num, & insulsa cum efflagitatione transtulerint, expu-
tare non possum. multum in hac re mihi uidentur ne-
cessarij eius & Reip. & ipsius causa proficere posse: plu-
rimum, ut puto, tu quoque: cuius ille tanta merita ha-
bet, quanta nemo præter me: nunquam enim obliui-
scar, maxima, ac plurima me tibi debere. de his rebus,
ut exigeret cum eo, Furnio mandauī. quod si quantam
debeo, habuero apud eum auctoritatem, plurimum
ipsum iuuerō. nos interea duriori conditione bellum
sustinemus; quod neque expeditissimam dimicationem
putamus, neque tamen refugiendo cōmissuri sumus, ut

maius detrimentum Reip. accipere possit. quod si aut
Cæsar se respexerit; aut Africanæ legiones celeriter ue-
nerint; securos uos ab hac parte reddemus. Tu, ut insti-
tuisi, me diligas rogo, proprieq; tuum esse, tibi persua-
deas. V. Cal. Sext. ex castris.

M. T. CICERO C. FVRNIO S. P. D.

I interest, id quod homines arbitrantur, Reip.
S te, ut instituisi, atque fecisti, nauare operā, re-
busq; maximis, quæ ad extinguendas reli-
quias belli pertinent, interesse: nihil uideris melius, ne-
que laudabilius, neque honestius facere posse: istamq;
operam tuam, nauitatem, animum in Remp. celeritati
Præturæ anteponendam censeo. nolo enim te ignorare,
quantam laudem consecutus sis: mihi crede, proximam
Planco, idq; ipsius Planci testimonio, præterea fama,
scientiaq; omnium. quamobrem si quid operis tibi etiā
nunc restat, id maximopere censeo persequendum: quid
enim honestius? aut quid honesto anteponendum? si au-
tem satisfactum Reip. putas: celeriter ad comitia, quan-
do mature futura sunt, ueniendū censeo, dummodo ne
quid hæc ambitiosa. festinatio imminuat eius gloriæ,
quam consecuti sumus. multi clarissimi uiri cum Reip.
darent operam, annū petitionis suæ non obierunt. quod
eo facilius nobis est, quod non est annus hic tibi destina-
tus: ut, si Aedilis fuisses, post biennium tuus annus
esset. nunc nihil prætermittere uidebere usitati, & qua-
si legitimi temporis ad petendum. uideo autem Planco
Consule, etsi etiam sine eo rationes expeditas haberes,

tamen splendidiorem petitionem tuam fore, si modo ista ex sententia confecta esset. omnino plura me scribere, cum tuum tantum consilium, iudiciūq; sit, non ita necesse arbitrabar: sed tamen sententiam meam tibi ignotam esse nolebam. cuius est hæc summa, ut omnia te metiri dignitate malim, quàm ambitione, maioremq; fructum ponere in perpetuitate laudis, quàm in celeritate Præturæ. hæc eadem locutus sum domi meæ, adhibito Quinto fratre meo, & Cæcina, et Caluissio, studiofissimis tui, cum Dardanus libertus tuus interesset. omnibus probari uidebatur oratio mea: sed tu optime iudicabis. Vale.

M. T. CICERO C. FVRNIO S. P. D.

ECTIS tuis literis, quibus declarabas aut omit-
 L tendos Narbonenses, aut cum periculo dimi-
 candum; illud magis timui, quod uitatum nō
 moleste fero. Quod de Planci, & Bruti concordia scri-
 bis, in eo uel maximam spem pono uictoriæ. De Gallo-
 rum studio, nos aliquando cognoscemus, ut scribis, cuius id opera maxime excitatum sit: sed iā, mihi crede, cognouimus. itaque iucundissimis tuis literis stomachatus sum in extremo. scribis enim, si in Sextilem comitia, cito te: si iam confecta, citius, ne diutius cum periculo fatuus sis o mi Furni, quàm tu causam tuā nō nosti, qui alienas tam facile discas. tu nunc cādidatum te putas, & id cogitas, ut aut ad comitia curras, aut, si iā confecta, domi tuæ sis, scilicet ne cum maximo periculo, ut scribis, stultissimus sis. non arbitror te ita sentire:

EPI. LIB. X:

omnes enim tuos ad laudem impetus noui. quod si, ut scribis, ita sentis: non magis te, quam de te iudicium reprehendo meum. te adipiscendi magistratus leuissimi, & diuulgatissimi, si ita adipiscare, ut plerique, præpropera festinatio abducat à tantis laudibus, quibus te omnes in cœlum iure, & uere ferunt? scilicet id agitur, utrum hac petitione, an proxima Prætor fias, non ut ita de Rep. mereare, omni honore ut dignissimus iudice re. utrum nescis, quàm alte ascenderis; an pro nihilo id putas? si nescis: tibi ignosco: nos in culpa sumus. si intelligis: ulla tibi est Prætura uel officio, quod pauci, uel gloria, quam omnes sequuntur, dulcior? hac de re & ego, & Caluissius, homo magni iudicii, tuiq; amanti simus, te accusamus quotidie: comitia tamen, quando ex his pendes, quantum facere possumus, quod multis de causis Reip. arbitramur conducere, in Ianuarium mensem protrudimus. Vince igitur, & uale.

M. T. CICRO M. LEPIDO S. P. D.

Quod mihi pro mea summa erga te beneuolentia magnæ curæ est, ut quam amplissima dignitate sis; moleste tui, te senatui gratias non egisse, cum esses ab eo ordine ornatus summis honoribus. Pacis inter ciueis conciliandæ te cupidum esse, lætor. pacem eam si à seruitute seiungis, consules et Reip. & dignitati tuæ. si ista pax perditum hominem in possessionem impotentissimi dominatus restitutura est: hoc animo scito esse omnes sanos, ut mortem seruituti anteponant. itaque sapientius, meo quidem iudicio, facies.

facies, si te in istam pacificationem non interpones, quæ neque senatui, neque populo, neque cuiquam bono probatur. sed hæc audies ex alijs, aut certior fies literis. tu pro tua prudentia, quid optimum factu sit, uidebis.

M. T. CICERO C. TREBONIO S. D.

Q Vam uellem ad illas pulcherrimas epulas me Idibus Mar. inuitalles: reliquiarum nihil haberemus. at nunc cum his tantum negotij est, ut uisum illud diuinum in Remp. beneficium nonnullam habeat querelam. quod uero a te uiro optimo seductus est, tuoque beneficio adhuc uiuit hæc pestis: interdum, quod mihi uix fas est, tibi subirascor: mihi enim negotij plus reliquisti uni, quam præter me omnibus. ut enim primum post Antonij foedissimum discessum senatus haberi libere potuit; ad illum animum meum reuerti pristinum, quem tu cum ciue acerrimo patre tuo in ore, et amore semper habuisti. nam cum senatum ad XIII. Cal. Ian. Tribuni pl. uocauissent, deque alia re referret; totiam Remp. sum complexus; egi; acerrime; senatumque iam languentem, et defessum, ad pristinam uirtutem, consuetudinemque reuocaui, magis animi, quam ingenij uiribus. hic dies, mea; cõtatio, atque actio spem primum Populo R. attulit libertatis recuperandæ. nec uero ipse postea tempus ullum intermisi de Rep. non cogitandi solum, sed etiam agendi. quod nisi res urbanas, actaque omnia ad te perferri arbitrarer, ipse perscriberem. quamquam eram maximis occupationibus impeditus. sed illa cognosces ex alijs, a me pauca, et ea summatim. Hæc

X

EPIST. LIB. X.

bemus fortem senatum, consulares partim timidos, partim male sentientes. magnum damnum factum est in Seruio. L. Cæsar optime sentit: sed quod auunculus est, non acerrimas dicit sententias. Consules egregij: præclarus D. Brutus: egregius puer Cæsar: de quo spero equidem reliqua: hoc uero certum habeto, nisi ille ueteranos celeriter conscripssisset, legionesq; duæ de exercitu Antoni ad eius se auctoritatem contulissent, atq; is oppositus esset terror Antonio, nihil Antonium sceleris, nihil crudelitatis præteriturum fuisse. hæc tibi etsi audita esse arbitrabar, uolui tamen notiora esse. plura scribam, si plus otij habuero. Vale.

M. CICERO AMPIO S. D.

E meo studio erga salutem, & incolumitatem
D tuā credo te cognoscere ex literis tuorū: quibus me cumulatissime satisfecisse certo scio. nec
iis concedo, quanquam sunt singulari in te beneuolentia, ut te saluū malint, quàm ego. illi mihi necesse est concedant, ut tibi plus, quàm ipsi, hoc tempore prodesse possim. quod quidem nec destiti facere, nec desistam, et iam in maxima re feci, et fundamenta ieci salutis tuæ. tu fac bono animo, magnoq; sis, meq; tibi nulla re defuturum esse confidas. Pridie Non. Quint. Vale.

SER. GALBA M. CICERONI S.

Ecimo septimo Cal. Maij, quo die Pansa in castris Hircij erat futurus, cum quo ego eram (nam ei

obulam processeram millia passuum centum, quo maturius ueniret) Antonius legiones eduxit duas, secundam, & quintam trigesimam, & cohortes praetorias duas, unam suam, alteram Silani, & euocatorum partem. ita obulam uenit nobis, quod nos quatuor legiones tironum habere solū arbitrabatur. sed noctu, quo tutius uenire in castra possemus, legionem Martiam, cui ego praesse solebam, & duas cohortes praetorias miserat Hircius nobis. cum equites Antonij apparuissent, contineri neque legio Martia, neque cohortes praetoriae potuerunt: quas sequi coepimus coacti, quando eas retinere non poteramus. Antonius ad Forum Gallorum suas copias continebat: neque sciri uolebat, se legiones habere: tantum equitatum, & leuem armaturam ostendebat. posteaquam uidit se inuito legionem ire Pansa, sequi se duas legiones iussit tironum. posteaquam angustias paludis, et siluarum transuimus, acies est instructa à nobis duodecim cohortium. nondum uenerant legiones duae, cum repente Antonius in aciem suas copias de uico produxit, & sine mora concurrat. primo ita pugnatum est, ut acrius non posset ex utraque parte pugnari. sed dexterius cornu, in quo ego eram cum Martiae legionis cohortibus octo, impetu primo fugauerat legionem trigesimam quintam Antonij, ut amplius passus quingentos ultra aciem, quo loco steterat, processerit. itaque, cum equites nostrum cornu circuire uellent, recipere me coepi, & leuem armaturam opponere Maurorum equitibus, ne auersos nostros aggredierentur. interim uideo me esse inter Antonianos, Antoniumque post me esse aliquanto. repente equum im-

E P I S T. L I B. X.

misi ad eam legionem tironum, quæ ueniebat ex ca-
 stris, scuto reiecto. Antoniani me insequi: nostri pila
 conijcere uelle. ita nescio quo fato sum seruatus, quod
 cito sum à nostris cognitus. in ipsa Aemilia, ubi cohors
 Cæsaris prætoria erat, diu pugnatum est. cornu siniste-
 rius, quod erat infirmius, ubi Martiæ legionis duæ co-
 hortes erant, et cohors prætoria, pedem referre cœperunt,
 quod ab equitatu circuibantur, quo uel plurimū ualet
 Antonius. cum omnes se recepissent nostri ordines, reci-
 pere me nouissimus cœpi ad castra. Antonius tanquā
 uictor castra putauit se posse capere. quò cum uenit,
 cōplureis ibi amisit, nec egit quidquā. audita re Hircius
 cum cohortibus uiginti ueteranis redeunti Antonio in
 sua castra occurrit, copiaq; omneis eius deleuit, fuga-
 uitq; eodem loco, ubi erat pugnatum ad Forum Gallo-
 rum. Antonius cum equitibus hora noctis quarta se in
 castra sua ad Mutinam recepit. Hircius in ea castra re-
 diit, unde Pansa exierat, ubi duas legiones reliquerat,
 quæ ab Antonio erant oppugnatae. sic partem maiore
 suarum copiarum Antonius amisit ueteranarum: nec
 id tamen sine aliqua iactura cohortium prætoriarum
 nostrarū, et legionis Martiæ fieri potuit. Aquilæ duæ,
 signa sexaginta sunt relata Antoni. res bene gesta est.
 ad XII. Cal. Maij, ex castris. Vale.

C. ASINIVS POLIO M. T.

CIC. S. P. D.

M Inime mirū debet tibi uideri, nihil me scripsisse
 de Rep. posteaquam itum est ad arma: nā salu

tus Castulonensis, qui semper tenuit nostros tabellarios, etsi nunc frequentioribus latrocinij infestior factus est, tamen nequaquam tanta in mora est, quanta qui locis omnibus dispositi ab utraque parte scrutantur tabellarios, & retinent. itaque nisi naue perlatae literae essent, omnino nescirem, quid istic fieret. nunc uero nactus occasionē, posteaquam nauigari coeptum est, cupidissime, & quā creberrime potero, scribam ad te. Ne mouear eius sermonibus, quē tametsi nemo est qui uidere uelit, tamē nequaquā perinde, ac dignus est, oderunt homines, periculū non est: adeo est enim inuisus mihi, ut nihil non acerbum putem, quod commune cum illo sit: natura autem mea, & studia trahunt me ad pacis, & libertatis cupiditatem. itaque illud initium ciuilis belli saepe defleui. cum uero non liceret mihi nullius partis esse, quia utrobique magnos inimicos habebam: ea castra fugi, in quibus planē tutum me ab insidijs inimici sciebam non futurum, compulsus eō, quō minime uolebam; ne in extremis essem, planē pericula non dubitanter adi. Caesarem uero, quod me in tanta fortuna modo cognitū uetustissimorum familiarium loco habuit, dilexi summa cum pietate, & fide. quae mea sententia gerere mihi licuit, ita feci, ut optimus quisque maxime probarit: quod iussus sum eo tempore, id ita feci, ut appareret, inuito imperatū esse. cuius facti iniustissima inuidia erudire me potuit, quā incunda libertas, & quā misera sub dominatione uita esset. ita, si id agitur, ut rursus in potestate omnia unius sint: quicūq; is est, ei me profiteor inimicū: nec periculū est ullum, quod pro libertate aut rea

EPIST. LIB. X.

fugiam, aut deprecet. sed Consules neque S. C. neque literis suis praeceperant mihi, quid facerem: unam enim post Id. Mart. demum à Panfaliteras accepi, in quibus hortatur me, ut senatui scribam, me, & exercitum in potestate eius futurum. quod, cum Lepidus concionaretur, atque omnibus scriberet, se consentire cum Antonio maxime contrarium fuit: nam quibus comēatibus invito illo per illius provinciam legiones ducere? aut si cetera transissem, num etiam alpes poteram transuolare, quae praesidio illius tenerentur? adde huc, quod perferri literae nulla conditione potuerunt: sexcentis enim locis excutiuntur, deinde etiam retinentur à Lepido tabellarij. illud me Cordubae pro concione dixisse nemo uocabit in dubium, provinciam me nulli, nisi qui à senatu missus uenisset, traditurum. nam de legione trigesima tradenda quantas habuerim contentiones, quid ego scribam? qua tradita, quanto pro Reip. infirmior futurus fuerim, quis ignorat? hac enim legione noli acrius, aut pugnacius quidquam putare esse. quare me eum existima esse, qui primum pacis cupidissimus sim, (omnes enim ciues plane studeo esse saluos) deinde qui & me, & Rempubl. uindicare in libertatem paratus sim. Quod familiarem meum in tuorum numero habes, opinione tua mihi gratius est. inuideo illi tamen, quod ambulat, & iocatur tecum. queres quanti aestimem. si unquam licuerit uiuere in otio, experieris: nullum enim uestigium abs te discessurus sum. Illud uehementer admiror, non scripsisse te mihi, manendo in provincia ne, an ducendo exercitum in Italiam, Reip. magis satisfacere possim. ego quidem,

et si mihi tutius, ac minus laboriosum est manere; tamē
quia uideo tali tēpore multo magis legiōibus opus esse,
quā prouincijs, quæ præsertim recuperari nullo nego-
tio possunt, constitui, ut nunc est, cū exercitu proficisci.
deinde ex literis, quas Pansa misi, cognosces omnia: nā
suarum tibi exemplar misi. XVII. Cal. Apr. Cordubæ.

C. ASINIVS POLIO
M. CICERONI S.

Albus Quæ. magna numerata pecunia, ma-
B gno pondere auri, maiore argenti coactō de
publicis exactionibus, ne stipendio quidē mi-
lilibus reddito, duxit se à Gadibus, & triduum tempe-
state retentus ad Calpen, Cal. Iunij traiecit se in re-
gnum Bogudis, planē bene peculiatus. his rumoribus
utrum Gades referatur, an Romam, (ad singulos enim
nuncios turpissime consilia mutat) nondum scio. sed
præter furti, & rapinas, & uirgis cæsos socios, hæc
quoque fecit, ut ipse gloriari solet eadem, quæ C. Cæ-
sar: ludis, quos Gadibus fecit, Herennium Gallum hi-
strionem summo ludorum die annulo aureo dona-
tum, in quatuordecim sessum deduxit: tot enim fece-
rat ordines equestris loci: Quatuoruiratum sibi pro-
rogauit, comitia biennij biduo habuit, hoc est renun-
ciauit quos ei uisum est: exules reduxit, non horum
temporum, sed illorum, quibus à seditiosis senatus
trucidatus. aut expulsus est Sex. Varo Procos. illa ue-
ro iam ne Cæsaris quidem exemplo, quod ludis præ-
textam de suo itinere ad L. Lentulum Procos. solicia-

tandum posuit : & quidem , cum ageretur , fleuit memoria rerum gestarum commotus . gladiatoribus autem Fadium quendam militem Pompeianum , quia , cū depressus in ludum bis gratis depugnasset , auctore sese nolebat , & ad populum confugerat ; primū Gallos equites immisit in populum , (coniecti enim sunt lapides in eum , cum arriperetur Fadius) deinde abstractum defodit in ludo , & uiuum combussit ; cū quidem pransus , nudis pedibus , tunica soluta , manibus ad tergum reiectis inambularet , & illi misero quiritanti , Cuius Romanus sum , responderet , Abi nunc , populi fidem implora . bestiis uero ciues Romanos , etiam in his circulatorem quendam auctionum , notissimum hominem Hispali , quia deformis erat , obiecit . cum huiusmodi portento res mihi fuit . sed de illo plura coram . Nunc , quod præstat , quid me uelitis facere , cōstituite . treis legiones firmas habeo : quarum unam uigesimali octauā cū ad se initio belli accersisset Antonius hac pollicitatione , quo die in castra uenisset , denarios quingenos singulis militibus daturum , in uictoria uero eadem præmia , quæ suis legionibus : (quorū quis ullum finē , aut modum futurū putauit ?) incitatissimam retinui , ægre mehercule , nec retinuissem , si uno loco habuissem , utpote cum singulæ quædā cohortes seditionem fecerint . reliquas quoque legiones nō destitit literis , atq; infinitis pollicitationibus incitare . nec uero minus Lepidus urfit me & suis , & Antonij literis , ut legionem trigesimam mitterem sibi . itaque quem exercitum neque uedere ullis præmijs uolui , nec eorum periculorum metu , quæ uictoribus illis porten-

debat
confer
imper
& pr
retem
litem
dem
teus
etiam
Resp
iores
curre
tibi
Corn
Cord

lamin
est, se
atque
dum
re. pr
quile
ueter
necess
nam

debantur, diminuere, debetis existimare retentum, & conseruatum Reip. esse; atque ita credere, quodcunq; imperassetis, facturum fuisse, si, quod iussistis, feci: nā & prouinciam in otio, & exercitum in mea potestate tenui: finibus meae prouinciae nusquam excessi: militem non modo legionarium, sed ne auxiliarium quidem ullum quoquam misi, et si quos equites decedentibus naetus sum, supplicio affeci. quarum rerum fructum satis magnum Rep. salua tulisse me putabo. sed Resp. si me satis nouisset, & maior pars senatus; maiores ex me fructus tulisset. Epistolam, quam Balbo, cum etiamnum in prouincia esset, scripsi, legendam tibi misi. etiam praetextam, si uoles legere, Gallum Cornelium familiarem meum poscito. VI. Id. Iun. Cordubae. Vale.

C. ASINIVS POLIO M.

TVL. CIC. S. P. D.

Vo tardius certior fierem de praelijs apud Mutinam factis. Lepidus effecit, qui meos tabellarios nouem dies retinuit: tamen si, tantam calamitatem Reip. quam tardissime audire, optandum est, sed illis, qui prodesse nihil possunt, neque mederi. atque utinam eodem S. C. quo Plancum, & Lepidum in Italiam accersistis, me quoque iussissetis uenire. profecto non accepisset Resp. hoc uulnus. quo si qui latantur in praesentia, quia uidentur & duces, & ueterani Caesaris partium interuisse: tamen postmodum necesse est doleant, cum uastitatem Italiae respexerint, nam & robur, & soboles militum interijt, si quidem,

E P I S T. L I B. X.

quæ nunciantur, ulla ex parte uera sunt. neq; ego non
 uidebam, quanto usui Reip. essem futurus, si ad Lepi-
 dum uenissem: omnem enim cunctationem eius discuf-
 sissim, præsertim adiutore Planco. sed scribenti ad me
 eiusmodi literas, quas leges, & concionibus uidelicet,
 quas Narbone habuisse dicitur, similes, palparer neces-
 se erat, si uellem cōmeatum per prouinciam eius iter
 faciens habere. præterea uerebar, ne, si ante, quàm
 ego incepta perficerem, prælium confectum esset, primum
 meum consilium raperent in contrariam partem obire
 Etatores mei, propter amicitiam, quæ mihi cū Anto-
 nio, non maior tamē, quàm Planco, fuit. itaq; à Gadib-
 bus mense Aprili binos tabellarios in duas naueis im-
 posui, & tibi, & Consulibus, & Octauiano scripsi, ut
 me faceretis certiores, quoniam modo plurimum pos-
 sem prodesse Reip. sed ut rationem in eo, quo die præ-
 lium Pansa commisit, eodem à Gadibus naues profez-
 etæ sunt: nulla enim post hiemem fuit ante eam diem
 nauigatio. & hercule longe remotus ab omni suspicio
 ne futuri ciuilis tumultus, penitus in Lusitania legio-
 nes in hibernis collocaram. ita porro festinauit uterq;
 configere, tanquam nihil peius timerent, quàm ne si-
 ne maximo Reipu. detrimento bellum componeretur.
 sed si properandum fuit, nihil non summi ducis con-
 silio gessisse Hircium uideo. nam hæc mihi scribuntur
 ex Gallia Lepidi, & nunciantur. Pansæ exercitum cō-
 cisum esse: Pansam ex uulneribus mortuum: eodem
 prælio Martiam legionem interiisse, & L. Fabatū, &
 C. Peduceum, & D. Carsulenum: Hirciano autem præ-
 lio & quartam legionem, & omnes peræque Anto-

nij ca
 Anton
 Hirci
 etiam
 beant
 piter
 rum,
 gient
 se cur
 nihil
 non
 Pans
 quæ
 que e
 cogit
 peria
 lunt
 non
 Ant
 omne
 eum
 fertin
 man
 tem m
 in agr
 saltum
 peresse
 go,
 mo po
 uenit

nij caſas : item Hircij quartam , cum caſtra quoque Antonnij cepiſſet , à quinta legione conciſam eſſe : ibi Hircium quoque periſſe , & Pontium Aquilam : dici etiam , Octavianum cecidiſſe : (quæ ſi , quod Dij prohibeant , uera ſunt , non mediocriter doleo) Antonium turpiter Mutinæ obſeſſionem reliquiſſe , ſed habere equitarum , ac legiones ſub ſignis armatas treſ , & P. Vagienī unam , inermes bene multos : Ventidium quoque ſe cum legione , ſeptima , octaua , nona coniunxiſſe : ſi nihil in Lepido ſpei ſit , deſcenſurum ad extrema , & non modo nationes , ſed etiam ſeruitia concitaturum : Parmam direptam : L. Antonium alpes occupari . quæ ſi uera ſunt ; nemini noſtrum ceſſandum eſt ; neque expectandum , quid decernat ſenatus : res enim cogit huic tanto incēdio ſuccurrere omnes , qui aut imperium , aut nomen denique populi R. ſaluū eſſe uolunt : Brutum enim decem & ſeptem cohortes , & duas non frequentes tironum legiones , quas conſcripſerat Antonius , habere audio . neque tamen dubito , quin omnes , qui ſuperſint de Hircij exercitu , confluant ad eum . nam in delectu non multum ſpei puto eſſe ; præfertim cum nihil ſit periculoſius , quā ſpatium confirmandi ſeſe Antonio dari . anni autem tempus libertatem maiorem mihi dat , propterea quia frumenta aut in agris , aut in uillis ſunt : itaque proximis literis conſilium meum expedietur : nam neque deeſſe , neque ſuſperſe Reip. uolo . maxime tamen doleo , adeo & longo , & infeſto itinere ad me ueniri , ut die quadrageſimo poſt , aut ultra etiam , quā facta ſunt , omnia nuncientur .

Vale.

EPIST. LIB. X.
M. LEPIDVS IMP. ITERVM, PONT.
MAX. S. P. PL. Q. R.

I uos, liberiq; uestri ualeatis, bene est: ego quoq;
S ualeo. Deos, hominesq; testor P. C. qua men-
te, & quo animo semper in Remp. fuerim, &
quàm nihil antiquius cõmuni salute, ac libertate iudi-
carim. quod uobis breui probassem, nisi mihi fortuna
propriũ consiliũ extorsisset: nam exercitus cunãtus
consuetudinẽ suam in ciuibus cõseruandis, communiq;
pace, seditione facta, retinuit; meq; tantæ multitudinis
ciuiũ Romanorum salutis, atque incolumitatis causam
suscipere, ut uere dicam, coegit. in qua re ego uos P.
C. oro, atque obsecro, ut priuatis offensionibus omissis,
summæ Reip. consulatis; ne ue misericordiam nostrã,
exercitusq; nostri in ciuili diffensione sceleris loco pona-
ris, quòd si salutis omnium, ac dignitatis rationem ha-
bueritis; melius & uobis, & Reip. consulatis. Data
IIII. Cal. Iun. à Ponte argenteo. Valete.

M. LEPIDVS IMP. ITERVM, PONT.
MAX. M. T. CICERONI S. P. D.

I uales, bene est: ego quoque ualeo. Cum audis-
S sem Antonium cum suis copijs, præmisso L.
Antonio cum parte equitatus, in prouinciam
meam uenire: cum exercitu meo à confluyente Rodano
castra moui, ac contra eos uenire institui. itaque con-
tinuis itineribus ad Forum Vocantium ueni, & ultra
castra ad flumen Argenteum contra Antonios feci.

P. Ventidius suas legiones treis coniunxit cum eo, & ultra me castra posuit. habebat antea legionem secundam, & ex reliquis legionibus magnam multitudinē, sed inermium. equitatum habet magnum: nam omnis ex praelio integer discessit, ita ut sint amplius equitum XXX. itaque ad me complures milites, & equites ab eo transierunt: & in dies singulos eius copiae minuuntur. Silanus, & Culeo ab eo discesserunt. nos etsi grauitur ab his laesi eramus, quod contra nostram uoluntatem ad Antonium ierant: tamen nostrae humanitatis, & necessitudinis causa, eorum salutis rationem habuimus. nec tamen eorum opera utimur; neque in castris habemus; neque ulli negotio praefecimus. quod ad bellum hoc attinet, nec senatui, nec Reip. deerimus. quae postea egerimus, faciam te certiore. Etsi omni tempore summa studia, officiaque mutuo inter nos certatim constiterunt pro nostra inter nos familiaritate, & proinde diligenter ab utroque conseruata sunt: tamen non dubito, in tanto, & tam repentino motu Reip. quin nonnulla de me falsis rumoribus à meis obtreſtatoribus me indigna ad te delata sint, quae tuum animū magnopere mouerent pro tuo amore in Remp. ea te moderate accepisse, neque temere credendum iudicasse, à meis procuratoribus certior sum factus: quae mihi, ut debent, gratissima sunt. memini autem & illa superiora, quae abs tua uoluntate profecta sunt ad meam dignitatem augendam, & ornandam: quae perpetuo animo meo fixa manebunt. abs te mi Cicero magnopere peto, si meam uitam, studium diligentissime superioribus temporibus in Rep. administranda, quae

EPIST. LIB. XI.

Lepido digna sunt, perspecta habes, ut paria, aut eo ampliora reliquo tempore expectes, & proinde tua auctoritate me tuendum existimes, quo tibi plura tuo merito debeo. Vale. XII. Cal. Iun. ex castris, ex Ponte Argenteo.

M. T. CICERONIS EPISTOLARVM,
AD BRVTVM, ET ALIOS,
LIBER XI.

D. BRVTVS M. BRVTO, ET
C. CASSIO S. D.

QVo in statu simus, cognoscite. Heri uesperu apud me Hircius fuit. qua mente esset Antonius, demonstrauit, pessima scilicet, & infidelissima: nam se neque mihi provinciam dare posse aiebat, neque arbitrari tuto in Vrbe esse quēquam nostrū: adeo esse militum concitatos animos, & plebis. quod utrumque esse falsum, puto uos animaduvertere; atq; illud esse uerum, quod Hircius demonstrabat, timere eū, ne, si mediocre auxiliū dignitatis nostrae habuissemus, nullae partes ijs in Rep. relinquerentur. cum in his angustijs uersarer, placitum est mihi, ut postularem legationē liberā mihi, reliquisq; nostris, ut aliqua causa proficiscendi honesta quaereretur. hoc se impetraturū pollicitus est: nec tamen impetraturum confido: tanta est hominum insolentia, & nostri insectatio. ac si dederint, quod petimus; tamē paulo post futurum puto, ut hostes iudice-

mur, aut aqua, & igni nobis interdicatur. Quid ergo est, inquis, tui consilij? Dandus est locus fortunæ: cedendum ex Italia, migrandum Rhodum, aut aliquod terrarum arbitror. si melior casus fuerit, reuertemur Romam; si mediocris, in exilio uiuemus; si pessimus, ad nouissima auxilia descendemus. succurret fortasse hoc loco alicui uestrum, cur nouissimū tempus expectemus potius, quam nunc aliquid moliamur: quia, ubi consistamus, non habemus, præter Sex Pompeium, et Bassum Cæciliū: qui mihi uidentur hoc nuncio de Cæsare alato firmiores futuri. satis in tempore ad eos accedemus, ubi, quid ualeant, scierimus. pro Cassio, & te si quid uelitis me recipere, recipiam: postulat enim hoc Hircius ut faciam. rogo uos, quamprimum mihi rescribatis: nam non dubito, quin de his rebus ante horam quartam Hircius me certiore sit facturus. quem in locum conuenire possimus, quod me uelitis uenire, rescribite. post nouissimum Hircij sermonem, placitum est mihi postulare, ut liceret nobis esse Romæ publico præsidio: quod illos nobis concessuros non puto: magnam enim inuidiam ijs faceremus. nihil tamen non postulandum putavi, quod æquum esse statuerem. Vale.

M. BRVTVS, ET C. CASSIUS
PRAET. M. ANTONIO
COS. S. P. D.

D E tua fide, & beneuolentia in nos nisi persuasum esset nobis, non conscripsissemus hæc tibi: quæ profecto, quando istum animum habes, in opti-

E P I S T. L I B. X I.

mam partem accipies. Scribitur nobis, magnam uetera-
 norum multitudinem Romam conuenisse iam, & ad
 Cal. Iun. futuram multo maiorem. de te si dubitemus,
 aut uereamur; simus nostri dissimiles. sed certe cum
 ipsi in tua potestate fuerimus; tuoq; adducti consilio
 dimiserimus ex municipijs nostros necessarios; neq; so-
 lum edicto, sed etiam literis id fecerimus: digni sumus,
 quos habeas tui consilij participes, in ea praesertim re,
 quae ad nos pertinet. quare petimus à te, facias nos cer-
 tiore tuae uoluntatis in nos: putes ne nos tutos fore in
 tanta frequentia ueteranorum, quos etiam de reponen-
 da ara cogitare audimus: quod uelle te, probare uix
 quisquam posse uidetur, qui nos saluos, & honestos ue-
 lit. nos ab initio spectasse otium, nec quidquam aliud
 à libertate communi quaesisse, exitus declarat. fallere
 nemo nos potest, nisi tu: quod certe abest à uirtute tua,
 & fide. sed alius nemo facultatem habet decipiendi
 nos: tibi enim uni credidimus, & credituri sumus. ma-
 ximo de nobis timore afficiuntur amici nostri. quibus
 etsi tua fides explorata est; tamen illud in mentem ue-
 nit, multitudinē ueteranorum facilius impelli ab alio
 quolibet, quàm à te retineri posse. rescribas nobis ad
 omnia, rogamus. nam illud ualde leue est, ac nugato-
 rium, ea re denunciatum esse ueteranis, quòd de com-
 modis eorum mense Iunio laturus esses: quē enim im-
 pedimento futurum putas, cum de nobis certum sit
 nos quieturos? non debemus cuiquam uideri nimium
 uitae cupidi, cum accidere nobis nihil possit sine pernī-
 cie, & confusione omnium rerum. Vale.

B R V T V S,

BRVTVS, ET CASSIVS PRAETT.

ANTONIO COS. S. D.

Iteras tuas legimus simillimas edicti tui, cōtu-
 meliosas, minaces, minime dignas, quæ à te no-
 bis mitterentur. nos Antoni te nulla laceſſim-
 mus iniuria. neque miraturum credidimus, si Prætores,
 & ea dignitate homines, aliquid edicto postulasset
 à Consule. quòd si indignaris ausos esse id facere; conce-
 de nobis, ut doleamus, ne hoc quidem abs te Bruto, &
 Cassio tribui. nam de delectibus habitis, & pecunijs im-
 peratis, exercitibus sollicitatis, et nunc ijs trans mare mis-
 sis quòd te questum esse negas: nos tibi quidem credi-
 mus, optimo animo te fecisse: sed tamen neque agno-
 scimus quidquam eorum, & te miramur, cum hæc
 reticueris, non potuisse continere iracundiam tuam,
 quin nobis de morte Cæsaris obijceres. illud uero quem-
 admodum ferendum sit, tute cogita; non licere Præto-
 ribus concordie, ac libertatis causa, per edictum de suo
 iure decedere, quin Consul arma minetur. quorum fi-
 ducia, nihil est, quod nos terreas: neque enim decet, aut
 conuenit nobis, periculo ulli submittere animum no-
 strum: neque est Antonio postulandum, ut ijs imperet,
 quorum opera liber est. nos si alia hortarentur. ut bel-
 lum civile suscitare uellemus; literæ tuæ nihil profice-
 rent: N V L L A enim minantis auctoritas apud libe-
 ros est. sed pulchre intelligis, non posse nos quoquam
 impelli: & fortassis ea re minaciter agis, ut iudicium
 nostrum metus uideatur. nos in hac sententia sumus,
 ut te cupiamus etiam in libera Rep. magnum, atque

Y

EPI. LIB. XI.

honestum esse: uocemus te ad nullas inimicitias. sed ta-
men pluris nostram libertatem, quàm tuam amicitiam
æstimemus. tu etiam atque etiam uide, quid suscipias,
quid sustinere possis: neque, quandiu uixerit Cæsar, sed
quàm non diu regnarit, fac cogites. Deos quæsumus,
consilia tua Reip. salutaria sint, ac tibi: si minus, ut sal-
ua, atque honesta Rep. tibi quamminimum noceant, op-
tamus. Pridie Non. Sex.

D. BRVTVS IMP. M. CICERONI S.

I de tua in me uolūtate dubitarẽ, multis à
S te uerbis peterem, ut dignitatem meã tuere-
re, sed profecto est ita, ut mihi persuasi, me ti-
bi esse curæ. Progressus sum ad in alpinos cum exer-
citu, non tam nomen captans imperatorium, quàm cu-
piens militibus satisfacere, firmosq; eos ad tuendas no-
stras res efficere: quod mihi uideor consecutus: nam &
liberalitatem nostram, & animum sunt experti. cum
omnium bellicosissimis bellum gessi, multa castella cepi,
multa uastauĩ. non sine causa ad senatum literas misi.
adiuuā nos tua sententia. quod cum facies, ex magna
parte communi commodo in seruiēris. Vale.

M. CICERO D. BRVTO IMP. S.

Upus familiaris noster cū à te uenisset, cumq;
L Romæ quosdam dies commoraretur; ego eram
in ijs locis, in quibus maxime me tuto esse ar-
bitrabar. eo factū est, ut ad te Lupus sine meis literis re-

diret, cum tamen curasset tuas ad me perferendas. Ro-
mam autem ueni ad V. Id. Dec. nec habui quidquam
antiquius, quàm ut Pansam statim conuenirem: ex quo
ea de te cognoui, quæ maxime optabam. quare hortatio
ne tu quidem non eges, si ne illa quidem in re, quæ à te
gesta est post hominum memoriam maxima, hortato-
rem desiderasti: illud tamen breuiter significandum ui-
detur, populum R. omnia à te expectare, atque in te ali-
quando recuperandæ libertatis omnem spem ponere. tu
si dies, noctesq; memineris (quod te facere certo scio)
quantam rem gesseris; non obliuiscere profecto, quan-
tæ tibi etiam nunc gerendæ sint, si enim iste provinciâ
nactus erit, cui quidem ego semper amicus fui ante,
quàm illum intellexi non modo aperte, sed etiam liben-
ter cum Rep. bellum gerere; spem reliquam nullam ui-
deo salutis. quamobrem te obsecro ijsdem precibus, qui-
bus senatus populusq; R. ut in perpetuum Remp. domi-
nata regio libera: ut principijs consentiant exitus. tuum
est hoc munus, tuæ partes. à te hoc ciuitas, uel omnes po-
tius gentes non expectant solum, sed etiam postulant.
quanquam, cum hortatione non egeas, ut supra scripsi,
non utar ea pluribus uerbis: faciam illud, quod meum
est, ut tibi omnia mea officia, studia, curas, cogitationes
pollicear, quæ ad tuam laudem, & gloriam pertine-
bunt. quamobrem uelim tibi ita persuadeas, me tum
Reipub. causa, quæ mihi uita mea charior est; tum
quòd tibi ipsi faueam, tuamq; dignitatem amplificari
uelim, tuis optimis consilijs, amplitudini, gloriæ nullo
loco defuturum. Vale.

M. CICERO D. BRUTO IMP. S.

L Vpus noster cum Romam sexto die Mutina
 uenisset, postridie me mane conuenit, tuaq;
 mihi mandata diligentissime exposuit, & li-
 teras reddidit. Quod mihi tuam dignitatem com-
 mendas: eodem tempore existimo te mihi meam digni-
 tatem commendare: quam mehercule non habeo tua
 chariorem. quare mihi gratissimum facies, si explora-
 tum habebis, tuis laudibus nullo loco nec consilium, nec
 studium meum defuturum. Cum Tribuni pl. edixis-
 sent, senatus adesset ad XI II. Cal. Ian. haberentq; in
 animo de praesidio Consulium des. referre: quanquam
 statueram in senatum ante Cal. Ian. non uenire; tamen
 cum eo die ipse edictum tuum propositum esset, nefas
 esse duxi, aut ita haberi senatum, ut de tuis diuinis in
 Remp. meritis sileretur, (quod factum esset, nisi ego
 uenissem) aut, etiam si quid honorifice de te diceretur,
 me non adesse. itaque in senatum ueni mane. quod
 cum esset animaduersum, frequentissimi senatores
 conuenerunt. quæ de te in senatu egerim, quæ in con-
 cione maxima dixerim, aliorum te literis malo cogno-
 scere. illud tibi persuadeas uelim, me omnia, quæ ad
 tuam dignitatem augendam pertinebunt, quæ est per
 se amplissima, summo semper studio suscepturum, &
 defensurum. quod quanquam intelligo me cum mul-
 tis esse facturum, tamen appetam huius rei princi-
 patum. Vale.

M. CICERO D. BRVTO IMP. S.

Vm adhibuisset domi meae Lupus me, & Li-
 bonem, & Seruium consobrinum tuum; quae
 mea fuerit sententia, cognosse te ex Cn. Selo
 arbitror, qui nostro sermoni interfuit. reliqua, quanquā
 statim Seium Graecius est subsequutus, tamen ex Graece
 io poteris cognoscere. caput autem est hoc, quod te dili-
 gentissime percipere, & meminisse uelim, ut ne in liber-
 tate, & salute populi R. conseruanda auctoritatem se-
 natus expectes nondum liberi; ne et tuum factum cō-
 demnes, (nullo enim publico consilio Remp. liberaisti: quo
 est etiam res illa maior, & clarior) & adolescentem,
 uel puerum potius Casarem iudices temere fecisse, qui
 tantam causam publicam priuato consilio suscepit;
 denique homines rusticos, sed fortissimos uiros, ciuesq;
 optimos, dementis fuisse iudices, primum milites uete-
 ranos commilitones tuos, deinde legionem Martiā, legio-
 nem quartam, quae suum Consulem hostē iudicauerunt,
 seq; ad salutem Reip. defendendam contulerunt. uolun-
 tas senatus pro auctoritate haberi debet, cū auctoritas
 impeditur metu. postremo suscepta tibi causa iam bis
 est, ut non sit integrum; primum Idibus Mar. deinde pro-
 xime, exercitu nouo, & copijs comparatis. quamobrem
 ad omnia ita paratus, atque animatus esse debes, non
 ut nihil facias, nisi iussus, sed ut ea geras, quae ab omni-
 bus summa cum admiratione laudentur. Vale.

M. CICERO D. BRUTO IMP. S.

O tēpore Polla tua misit, ut ad te, si quid uel-
 lem, darem literarum, cum, quid scriberem,
 non habebā: omnia enim erant suspensa pro-
 pter expectationem legatorum, qui quid egissent, nihil
 dum nunciabatur. hęc tamen scribenda existimaui: pri-
 mum, senatum populumq; R. de te laborare non solum
 salutis suę causa, sed etiam dignitatis tuę: admirabilis
 est enim quādā tui nominis charitas, amorq; in te sin-
 gularis omnium ciuium: ita enim sperant, atque confi-
 dunt, ut antea Rege, sic hoc tempore regno te Remp. li-
 beraturum. Romę delectus habetur, totaq; Italia: si hic
 delectus appellādus est, cū ultro se offerunt omnes: tan-
 tus ardor animos hominum occupauit desiderio liber-
 tatis, odioq; diutinę seruitutis. De reliquis rebus a te iā
 expectare literas debemus, quid ipse agas, quid noster
 Hircius, quid Cęsar meus: quos spero breuī tempore so-
 cietate uictorię tecum copulatos fore. Reliquum est, ut
 de me id scribam, quod te ex tuorum literis & spero, et
 malo cognoscere; me neque deesse ulla in re, neque un-
 quam defuturum dignitati tuę. Fac ualeas.

D. BRUTVS M. CICERONI S. D.

Ansa amisso, quantū detrimenti Resp. accepe-
 rit, non te præterit. nunc auctoritate, & pru-
 dētia tua prospicias oportet, ne inimici nostri,
 Cōsulibus sublatis, sperent se cōualescere posse. ego, ne cō-
 sistere possit in Italia Antonius, dabo operā. sequar eum

confestim. utrunque me præstaturū spero, ne aut Ventī
dius elabatur, aut Antonius in Italia moretur. in pri-
mis rogo te, ad hominem uentosissimum Lepidum mit-
tas, ne bellum nobis redintegrare possit, Antonio sibi cō-
iuncto. nam de Polione Asinio, puto te perspicere, quid
sit factururus. multæ, & bonæ, & firmæ sunt legiones Le-
pidi, & Asinij. neque hæc iccirco tibi scribo, quòd te nō
eadem animaduertere sciam, sed quòd mihi persuasissi-
mum est, Lepidum recte facturum nunquam, si forte
uobis id de hoc dubium est. Plancum quoque confirme-
tis, oro: quem spero pulso Antonio Reip. non defuturū.
si se alpeis Antonius traiecerit, constitui præsidium in
alpibus collocare, & te de omni re facere certiore.
IIII. Cal. Maij, ex castris, Rhegiij.

D. BRVTVS M. CICERONI S. D.

Non mihi Remp. plus debere arbitror, quàm
N me tibi. gratiore me esse in te posse, quàm
isti peruersi sint in me, exploratum habes: si
tamen hæc temporis uideatur dici causa, malle me tuū
iudicium, quàm ex altera parte omnium istorum: tu eni-
nim à certo sensu, & uero iudicas de nobis: quod isti ne
faciant, summa maleuolentia, & liuore impediuntur.
interpellent me, quo minus honoratus sim; dum ne in-
terpellent, quo minus Resp. à me commode administra-
ri possit. quæ quanto sit in periculo, quàm potero
breuissime exponam. Primum omnium, quantam per-
turbationem rerum urbanarum afferat obitus Con-
sulum, quantamq; cupiditatem hominibus ini-
ciat uacuitas, non te fugit. satis me multa scrip-

x iij

sisse, quæ literis commendari possint, arbitror: scio enim
 cui scribam. reuertor nunc ad Antonium. qui ex fuga
 cum paruulam manum peditum haberet inermium; er-
 gastula soluendo, omneq; genus hominum arripiendo,
 satis magnum numerum uidetur effecisse. huc accessit
 manus Ventidij: quæ trans Appenninum itinere facto
 difficillimo, ad Vada peruenit, atque se ibi cum Anto-
 nio coniunxit, est numerus ueteranorum, et armato-
 rum satis frequens cum Ventidio. consilia Antonij hæc
 sunt necesse est, aut ad Lepidum ut se conferat, si recipi-
 tur: aut Appennino, alpibusq; se teneat; et decursioni-
 bus per equites, quos habet multos, uastet ea loca, in
 quæ incurrerit: aut rursus se in Etruriam referat, quod
 ea pars Italiae sine exercitu est. quod si me Cæsar au-
 disset, atque Appenninum transisset: in tantas angus-
 tias Antonium compulissem, ut inopia potius, quam
 ferro conficeretur. sed neque Cæsari imperari potest: nec
 Cæsar exercitui suo. quod utrumque pessimum est. cum
 hæc talia sint: quo minus, quod ad me pertinebit, ho-
 mines interpellent, ut supra scripsi, non impedio: hæc
 quemadmodum explicari possint, aut, à te cum expli-
 cabuntur, ne impediuntur, timeo. alere iam milites non
 possum. cum ad Remp. liberandam accessi: HS mihi
 fuit pecuniæ CCCC amplius. tantum abest, ut meæ
 rei familiaris liberum sit quidquam, ut meos iam om-
 nis amicos ære alieno obstrinxerim. septenum nume-
 rum legionum alo; qua difficultate, tu arbitrare. non, si
 Varronis thesauros haberem, sustinere sumptum pos-
 sem. cum primum de Antonio exploratum habuero,
 faciam te certiore. Tu me amabis, ita, si hoc idem

AD BRVTVM, ET ALIOS. 173

me in te facere senseris. III. Non. Maij, ex castris,
Dertone. Vale.

D. BRVVVS IMP. CO S. DES.

M. CICERONI S. D.

Odem exēplo literæ à te mihi redditæ sunt,
E quo pueri mei attulerunt. Tantū me tibi de-
bere exlstimō, quantū persolvere difficile est.
Scripsi tibi, quæ hic gererentur. in itinere est Antonius:
ad Lepidum proficiscitur: ne de Planco quidem spem
adhuc abiecit, ut ex libellis eius animaduerti, qui in me
inciderunt. in quibus, quos ad Asinium, quos ad Lepidū
quos ad Plancum mitteret, scribebat. ego tamen non ha-
bui ambiguum, & statim ad Plancum misi, & biduo
ab Allobrogibus, & totius Galliæ legatos expecto, quos
confirmatos domum remittam. Tu, quæ istic opus erunt
administrari, prospicies, ut ex tua uoluntate, rei q; pub.
commodo fiant, maleuolentiæ hominum in me, si pote-
ris, occures: si non poteris, hoc te consolabere, quod me
de statu meo nullis contumelijs detertere possunt. Pri-
die Non. Maij, ex castris, finibus Statiellensium.

M. CICERO D. BRVTO IMP.

COS. DES. S. D.

Reus uno die à te accepi epistolas: unā breuē,
T quam Flacco Volumnio dederas, duas plenio-
res, quarum alteram tabellarius T. Vibij attu-
lit, alteram ad me misit Lupus ex tuis literis, et ex Græ-
ceij oratione non modo non restinctum bellum, sed etiā
inflammatum uidetur. non dubito autem pro tua sin-

gulari prudentia, quin perspicias, si aliquid firmitatis
 naetus sit Antonius, omnia illa tua praelara in Remp.
 merita ad nihilum esse uentura: ita enim Romam erat
 nuntiatum, ita persuasum omnibus, cum paucis iner-
 mibus perterritis metu, fracto animo fugisse Antoniū.
 qui si ita se habet, ut, quemadmodum audiebā de Græ-
 ceio, configi cum eo sine periculo non possit: nō ille mi-
 hi fugisse à Mutina uidetur, sed locū belli gerendi mu-
 tasse. itaque homines alij fracti sunt, nonnulli etiā que-
 runtur, quod persecuti nō sitis. opprimi potuisse, si cele-
 ritas adhibita esset, existimant. omnino EST hoc popu-
 li, maximeq; nostri, in eo potissimū abuti libertate, per
 quem eam consecutus sit. sed tamen providendum est,
 ne qua iusta querela esse possit. res sic se habet. is bellū
 cōfecerit, qui Antoniū oppresserit. hoc quā habeat uim,
 te existimare malo, quā me apertius scribere. Vale.

D. BRVTVS IMP. COS. DES. M. C. S.

Am non ago tibi gratias: cui enim re uix re
 I ferre possum, huic uerbis non patitur res sa-
 tis fieri. Attendere te uolo, quæ in manibus
 sunt: qua enim prudentia es, nihil te fugiet, si meas li-
 teras diligenter legeris. sequi confestim Antonium his
 de causis Cicero non potui. eram sine equitibus, sine iu-
 mentis. Hircium perisse nesciebam. Cæsari non crede-
 bā prius, quā cōuenissem, & collocutus essem. hic dies
 hoc modo abiit. postridie mane à Pansa sum accersitus
 Bononiam. cum in itinere essem, nuntiatum mihi est
 eum mortuum esse, recurri ad meas copulas: sic enim

uere eas appellare possum. sunt extenuatissima, & inopia omnium rerum pessime accepta. biduo me Antonius antecessit, itinere multo maiore fugiens, quam ego sequens: ille enim ijt passim, ego ordinatim. quacunque iuit, ergastula soluit, homines arripuit. constitit nusquam prius, quam ad Vada uenit: quem locum uolo tibi esse notum. iacet inter Appenninum, et alpeis impeditissimus ad iter faciendum. cum abessem ab eo millia passuum triginta, & se iam Ventidio coniunxissem; concio eius ad me est allata; in qua perere coepit à militibus, ut se trans alpeis sequerentur, sibi cum M. Lepido conuenire. succlamatum est, & frequenter à militibus Ventidianis, (nam suos ualde quam paucos habet) sibi aut in Italia pereundum esse, aut uincendum. etiam orare coeperunt, ut Pollentiam iter facerent. cum sustinere eos non posset, in posterum diem iter sum contulit. hac re mihi nunciata, statim quinque cohortes Pollentiam praemisi, meumque iter eò contuli. hora ante praesidium meum Pollentiam uenit, quam Trebellius cum equitibus. sanequam sum gauisus: in hoc enim uictoriam puto consistere. in spem uenerat, quod neque Planci quatuor legiones omnibus suis copijs pares arbitrabantur: neque ex Italia tam celeriter exercitum trahi posse credebant. quos ipsi adhuc satis arroganter Allobroges, equitatusque omnis, qui eò praemissus erat à nobis, sustinebant; nostroque aduentu sustineri facilius posse confidimus. tamen si quo etiam casu Isaram se transiecerint; ne quid detrimenti Reip. iniungant, summa à nobis dabitur opera. uos magnum animum, optimamque spem de summa Repub. habere uolumus, cum &

nos, et exercitus nostros singulari concordia coniunctos ad omnia pro uobis uideatis paratos. sed tamen nihil de diligentia remittere debetis, dareq; operam, ut quā paratissimi ab exercitu, reliquisq; rebus pro uestra salute contra sceleratissimam conspirationem hostiū confligamus. qui quidem eas copias, quas diu simulatione Reip. compararant, subito ad patriæ periculum conuerterunt.

M. CICERO D. BRUTO IMP. S. D.

Irabiliter mi Brute lator, mea cōsilia, measq;
 M sentētias à te probari de Decemuiris, de ador-
 nando adolescente. sed quid refert? mihi crede homini non glorioso, planè iam Brute frigeo: ὅς γε vox enim erat meum senatus: id est iam dissolutum. tā-
 tā spem attulerat exploratæ uictoriæ tua præclara Mu-
 tina eruptio, fuga Antoni conciso exercitu, ut omnium
 animi relaxati sint, meaq; illæ uehementes contentio-
 nes tanquam οὐκ ἀμαχίαι esse uideantur. sed ut ad rē
 redeam: legionem Martiam, et quartam negant, qui il-
 las norunt, ulla conditione ad te posse perducī. Pecuniæ,
 quā desideras, ratio potest haberi, eaq; habebitur. De Bru-
 to accersendo, Cæsareq; ad Italiæ præsidium tenendo, ualde tibi assentior: sed, ut scribis, habes obtrectatores: quos
 equidē facillime sustineo, sed impediunt tamen. ex Afri-
 ca legiones expectantur: sed bellum istuc renatum homi-
 nes mirantur. nihil tā præter spem unquā: nam die tuo
 natali uictoria nunciata, in multa secula uidebamus
 Remp. liberatam. noui timores retexunt superiora. scri-
 psisti autē ad me ijs, quas Idib. Maij dedisti, modo te ac-

cepisse à Planco literas, non recipi à Lepido Antonium, id si ita est, omnia faciliora: sin aliter, magnū negotiū. cuius exitum ne extimescam, tuæ partes sunt. ego plus, quàm feci, facere non possum. te tamen, id quod spero, omnium maximum, et clarissimum uidere cupio. Vale.

M. CICERO D. BRVTO IMP. S. D.

E T si mihi tuæ literæ iucundissimæ sunt, tamē iucundius fuit, quod in summa occupatione tua Planco collegæ mandasti, ut te mihi per literas excusaret. quod fecit ille diligenter. mihi autem nihil amabilius officio tuo, & diligentia. Coniunctio tua cum collega, concordiaq; uestra, quæ literis communibus declarata est, senatui, populoq; R. gratissima accidit. quod superest, perge mi Brute, & iam non cum alijs, sed tecum ipse certa. plura scribere non debeo, præsertim ad te, quo magistro breuitatis uti cogito. Literas tuas uehementer expecto, & quidem tales, quales maxime opto.

M. CICERO D. BRVTO IMP. S. D.

P ERMAGNū interest, quo tibi hæc tēpore epistola reddita sit, utrū cum sollicitudinis aliquid haberes; an cum ab omni molestia uacuuus esses. itaque ei præcepi, quem ad te misi, ut tempus obseruaret epistolæ tibi reddendæ. nam quemadmodum coram qui ad nos intempestiue adeunt, molesti sæpe sunt: sic epistolæ offendunt, non loco redditæ. si autem, ut spero, nihil te perturbat, nihil impedit; & ille, cui mandauī, satis scite, & commode tempus ad te cepit adeundi:

EPI. LIB. XI.

confido me, quod uelim, à te facile impetraturum. L. Lamia Præturam petit. hoc ego utor uno omnium plurimum. magna uetustas, magna consuetudo intercedit: quodq; plurimum ualet, nihil mihi eius est familiaritate iucundius. magno præterea beneficio eius, magnoq; merito sum obligatus. nam Clodianis temporibus, cum equestris ordinis princeps esset, proq; mea salute acerrime propugnaret, à Gabinio Cos. relegatus est: quod ante id tempus cui Romano Romæ contigit nemini. hoc cū populus R. meminerit, me ipsum non meminisse turpissimum est. quapropter persuade tibi mi Brute, me petere Præturam. quanquam enim Lamia summo splendore, summa gratia est, usus magnificentissimo munere ædilitio: tamen quasi ea ita non essent, ego suscepi totum negotium. nunc si me tanti facis, quanti certe facis; quando equitum centurias tenes, in quibus regnas, mitte ad Lupum nostrum, ut is nobis eas centurias conficiat. non tenebo te pluribus, ponam in extremo, quod sentio. nihil est Brute, cum omnia à te expectem, quod mihi gratius facere possis. Vale.

M. CICERO D. BRUTO IMP. S. D.

Lamia uno omnium familiarissime utor. magna eius in me non dico officia, sed merita, eaq; sunt populo R. notissima. is magnificentissimo munere Aedilitatis perfunctus, petit Præturam: omnesq; intelligunt, nec dignitatem ei deesse, nec gratiam. sed is ambitus extare uidetur, ut ego omnia pertimescam, totamq; petitionem Lamia mihi sustinendam putem. in ea re quātum me possis adiuuare, facile per-

spicio: nec uero, quātum mea causa uelis, dubito. uelim
igitur mi Brute tibi persuadeas, nihil me maiore studio
à te petere, nihil te mihi gratius facere posse, quàm si
omnibus tuis opibus, omni studio Lamiam in petitione
inueris. quod ut facias, uehementer te rogo. Vale.

M. CICERO D. BRVTO IMP. S. D.

Tsi ex mandatis, quæ Galbæ, Volumnioq; ad
 E senatum dedisti, quid timendum, suspicanda
 dumq; putares, suspicabamur: tamen timidio
 ra mandata uidebantur, quàm erat dignum tua, popu
 liq; R. uictoria. senatus autem mi Brute fortis est, & hæ
 bet fortis duces. itaque moleste ferebat, se à te, quem o
 mnium, quicumque fuisset, fortissimum iudicaret, ti
 midum, atque ignauum iudicari: etenim cum te inclu
 so spem maximam omnes habuissent in tua uirtute flo
 rente Antonio; quis erat, qui quidquam timeret, pro
 fligato illo, te liberato? nec uero Lepidum timebamus:
 quis enim esset, qui illum tam furiosum arbitraretur:
 ut, qui in maximo bello pacem uelle se dixisset, is in
 optatissima pace bellum Reip. indiceret? nec dubito,
 quin tu plus provideas. sed tamen tam recenti gratula
 tione, quàm tuo nomine ad omnia Deorum templa
 fecimus, renouatio timoris magnam molestiam affere
 bat. quare uelim equidem, id quod spero, ut planè
 abiectus, & fractus sit Antonius. sin aliquid uirium
 forte collegerit: sentiet, nec senatui consilium, nec po
 pulo R. uirtutem deesse, nec Reip. te uiuo Imperatorem.
 XIII. Cal. Iun. Vale.

D. BRVTVS M. CICERONI S. D.

A D senatum quas literas misi, uelim prius per legas: & si qua tibi uidebuntur, commutes. necessario me scripsisse, ipse animaduertes: nam cum putarem quartam & Martiam legiones me cum futuras, ut Druso, Pauloq; placuerat, uobis assentientibus; minus de reliquis rebus laborandum existimaui: nunc uero cum sim cum tironibus egentissimis; ualde & meam, & uestram uicem timeam, necesse est.

Veietini me, & M. Brutum praecipue obseruant. his ne quam patiari iniuriam fieri in senatu uernarum causa, a te peto. causam habent optimam, officium in Reipublicum summum, genus hominum aduersariorum seditiosum, & inertissimum. XII. Cal. Iun. Vercellis.

D. BRVTVS IMP. M. CIC. S. D.

QUod pro me non facio, id pro te facere meus in te amor, tuaq; officia cogunt, ut timeam: saepe enim mihi cum esset dictum, neque a me contemptum, nouissime Labeo Segulius, homo sui simillimus, narrauit mihi, apud Caesarem se fuisse, multumq; sermonem de te habitum esse: ipsum Caesarem nihil sane de te questum, nisi dictum, quod diceret te dixisse laudandum adolescentem, ornandum, tollendum; se non esse commissurum, ut tolli possit. hoc ego Labeonem credo illi retulisse, aut finxisse dictum, non ab adolescente prolatum. ueteranos uero pessime loqui, uolebat Labeo me credere, & tibi ab ijs instare periculum, maximeq; indignari,

A D
indigna
habiti e
collata
mittenda
quid isti
mihi iact
spere e
magna e
ex hoc p
tamen
nihil en
charitu
quibus
quod de
mij, scio
tonio uet
nostrum
senatu
ijs, quib
ex agri
te agros
scribere
cupidita
ualde me
armo, pa
et omne
quem Pa
ad has li
mitte, si
putaris.

indignari, quòd in Decemuiris neque Cæsar, neque ego
 habiti essemus, atque omnia ad uestrũ arbitriũ essent
 collata. hæc cũ audissem, & iam in itinere essem, com=
 mittendũ non putavi, prius ut alpeis trãsgrederer, quã,
 quid istic ageretur, scirem. nam de tuo periculo, crede
 mihi, iactatione uerborum, & denunciatione periculĩ
 sperare eos te, perterrefacto, adolescente impulso, posse
 magna consequi præmia; & totam istam cantilenam
 ex hoc pendere, ut quamplurimum lucri faciant. neque
 tamen non te cautum esse uolo, & insidias uitantem:
 nihil enim tua mihi uita potest esse incundius, neque
 charius. illud uide, ne timendo, magis timere cogare: &
 quibus rebus potest occurrì ueteranis, occurras: primum
 quod desiderant de Decemuiris, facias: deinde de præ=
 mijs, si tibi uidetur, agros militum eorum qui cum An=
 tonio ueterani fuerunt, his dandos censeas ab utrisq;
 nostrum: de nummis, lente, ac ratione habita pecuniæ:
 senatum de ea re constituturum. quatuor legionibus
 ijs, quibus agros dandos censuisti, uideo facultatem fore
 ex agris Syllanis, & Agro Campano. æqualiter, aut sor=
 te agros legionibus assignari puto oportere. hæc me tibi
 scribere non prudentia mea hortatur, sed amor in te, et
 cupiditas otij, quod sine te cõsistere non potest. Ego, nisi
 ualde necesse fuerit, ex Italia non excedam. legiones
 armo, paro: spero non pessimum exercitum habiturum
 ad omne casus, & impetus hominum. de exercitu,
 quem Pansa habuit, legionem mihi Cæsar non remittit.
 ad has literas statim mihi rescribe, tuorumq; aliquem
 mitte, si quid reconditũ magis erit, meq; scire opus esse
 putaris. Vale. VII. Cal. Iun. Eporædia.

M. CICERO D. BRUTO IMP. S.

Si isti Segulio male faciant, homini nequissimo omnium qui sunt, qui fuerunt, qui futuri sunt. quid? tu illum tecum solū, aut cum Cæsare, qui neminem prætermiserit, quicum loqui potuerit, cui non eadem ista dixerit? te tamen mi Brute sic amo, ut debeo, quod istud, quidquid esset, nugarum me scire uoluisti: signum enim magnum amoris dedisti. nam quod idem Segulius ait ueteranos queri, quod tu et Cæsar in Decemuiris non essetis: utinam ne ego quidem essem: quid enim molestius? sed tamen, cum ego sensissem, de ijs, qui exercitus haberent, sententiam ferri oportere: iidem illi, qui solent, reclamationes. itaque excepti etiam estis me uehementer repugnante. quocirca Segulium negligamus, qui res nouas querit: non quo ueterem comederit: nullam enim habuit: sed hanc ipsam recentem nouam deuorauit. Quod autem scribis, te, quod pro te ipso non facias, id pro me facere, ut de me timeas aliquid omni te uir optime, mihiq; charissime Brute de me metu libero. ego enim, quæ prouideri poterant, non fallar in ijs: quæ cautionem non habebant, de ijs non ita ualde laboro: sim etenim impudens, si plus postulem, quam homini à rerum natura tribui potest. Quod mihi præcipis, ut caueam, ne timendo magis timere cogar: et sapienter, et amicissime præcipis. sed uelim tibi persuadeas, cum te constet excellere hoc genere uirtutis, ut nunquam extimescas, nunquam perturbare; me huic tuæ uirtuti proxime accedere. quāobrem neq; metuā quidā quā, et cauebo omnia. sed uide, ne tua iam mi Brute

culpa futura sit, si ego quidquam timeam: tuis enim opibus, & Consulatu tuo, etiam si timidi essemus, tamē omnem timorem abijceremus; præsertim cū persuasum omnibus esset, mihiq; maxime, nos à te unice diligī. Cōsilijs tuis, quæ scribis de quatuor legionibus, deq; agris assignandis ab utrisq; uestrum, uehementer assentior. itaque cum quidam de collegis nostris agrariam curatorem ligurirēt, disturbaui rem, totamq; uobis integram reseruauī. si quid erit occultius, & ut scribis, reconditum, meorum aliquem mittam, quo fidelius ad te literæ perferantur. Vale. Pridie Non. Iun.

M. CICERO D. BRVTO IMP. S. D.

Um Appio Claudio C.F. summa mihi necessitudo est, multis eius officijs, & meis mutuis cōstituta. peto à te maiore in modū, uel humanitatis tuæ, uel mea causa, ut eū auctoritate tua, quæ plurimum ualet, conseruatum uelis. uolo te, cum fortissimus uir cognitus sit, etiam clementissimum existimari. magno tibi erit ornamento, nobilissimum adolescentem beneficio tuo esse saluum. cuius quidem causa hoc melior debet esse, q̃ pietate adductus, propter patris restitutionem se cum Antonio coniunxit. quare etsi minus ueram causam habebis, tamē uel probabilem aliquā poteris inducere. nutus tuus potest hominem summo loco natū, summo ingenio, summa uirtute, officiosissimum præterea, & gratissimum, incolumem in ciuitate retinere. quod ut facias, ita à te peto, ut maiore studio, magis ue ex animo petere non possim. Vale.

Z ij

871 EPIST. LIB. XI.

D. BRVTVS M. CICERONI S. D.

Os hic ualemus recte: & quo melius ualeamus, operam dabimus. Lepidus commode de nobis sentire uidetur. omni timore deposito, debemus libere Reip. consulere. quod si omnia essent aliena, tamē tribus tantis exercitibus proprijs Reip. ualentibus, magnum animum habere debebas, quem et semper habuisti, & nunc fortuna adiuuante augere potes. Quæ tibi superioribus literis mea manu scripsi, terrendi tui causa homines loquuntur, si frenum momorderis; peream, si te omnes, quotquot sunt, conantem loqui ferre poterunt. Ego, tibi ut antea scripsi, dum mihi à te literæ ueniūt, in Italia morabor. Vale. VIII. Cal. Iun. Eporedia.

M. CICERO D. BRVTO S. D.

Arro tibi: antea subirascebar breuitati tuarū
N literarum: nunc mihi loquax esse uideor. te igitur imitabor. quā multa quā paucis, Te recte ualere, operamq; dare, ut quotidie melius: Lepidū cōmode sentire: tribus exercitibus quiduis nos oportere confidere. si timidus essem, tamen ista epistola mihi omnem metum abstersisses, sed, ut mones frenum momordi: etenim, qui te incluso omnem spem habuerim in te; quid nunc putas? cupio iam uigiliam meā Brutē tibi tradere, sed ita, ut ne desim constantiæ meæ. Quod scribis in Italia te moraturum, dum tibi literæ meæ ueniant: si per hostem licet, non erraris: multa enim Romæ. sin aduentu tuo bellum cōfici potest: ni =

hil sit antiquius. Pecunia expeditissima quæ erat, tibi decreta est. habes amantiſſimum Seruiliū. nos non deſumus. Vale. VIII. Id. Iun.

M. CICERO D. BRVTO S. D.

Xpectāri mihi tuas quotidie literas Lupus noſter ſubito denunciavit, ut ad te ſcriberem, ſi quid uellem. ego autem eſſi, quid ſcriberem, non habebam (acta enim ad te mitti ſciebam: inanem autem ſermonem literarum tibi iniucūdum eſſe audiebam) breuitatem ſecutus ſum te magiſtro. ſcito igitur in te, & in collega ſpem omnem eſſe. De Bruto autem nihil adhuc certi: quem ego, quemadmodum præcipis, priuatis literis ad bellum commune uocare nō deſino: qui utinam iam adeſſet, inteſtinū Urbis malum, quod eſt non mediocre, minus timeremus. ſed quid ago? non imitor λαγωνιστὸν tuum. altera iam pagella procedit. uince, & uale. XI. III. Cal. Quint.

D. BRVTVS IMP. M. CIC. S. D.

N maximo meo dolore hoc ſolatio utor, quòd intelligunt homines, nō ſine cā me timuiſſe iſta, quæ acciderunt. deliberent, utrum traiſciant legiones ex Africa, nec ne, & ex Sardinia: Brutum accerſant, nec ne: mihi ſtipendium dent, an non, decernāt. ad ſenatum literas miſi. crede mihi, niſi iſta omnia ita ſunt, quemadmodum ſcribo, magnū nos omnes adituros periculū. rogo te, uide, quibus hominibus negotium detis, qui ad me legiones adducant. et fide opus eſt, & celeritate. Vale. I. I. Non. Iun. ex caſtris.

Z. iiij

EPIST. LIB. XI.
M. CICERO C. MATIO S. D.

On dū satis constitui, molestiæ ne plus, an uo-
N luptatis attulerit mihi Trebatius noster, homo
tum plenus officij, tum utriusq; nostrum amā-
eissimus. nam cum in Tusculanum uesperū uenissem;
postridie ille ad me, non dum satis firmo corpore cum
esset, mane uenit. quem cum obiurgarem, quod parum
ualetudini parceret: tum ille, nihil sibi fuisse longius,
quā ut me uideret, nunquidnam, inquam, noui?
detulit ad me querelam tuam: de qua prius quā respō-
deo, pauca præponam. Quantum memoria repetere
præterita possum, nemo est mihi te amicus antiquior.
sed VETUSTAS habet aliquid commune cū mul-
tis, amor non habet. dilexi te, quo die cognoui, meq; a
te diligī iudicaui. tuus deinde discessus, isq; diuturnus,
ambitio nostra, & uitæ dissimilitudo non est passa uo-
luntates nostras consuetudine conglutinari. tuum ta-
men eyga me animum agnoui multis annis ante bellū
ciuile, cum Cæsar esset in Gallia: quod enim uehemen-
ter mihi utile esse putabas, nec inuile ipsi Cæsari per-
fecisti, ut ille me diligeret, coleret, haberet in suis. mul-
ta prætereo, quæ temporibus illis inter nos familiaris-
sime dicta, scripta, communicata sunt: grauiora enim
sunt consecuta. & initio belli ciuilis cum Brundisiū
uersus iras ad Cæsarem, uenisti ad me in Formianum.
primum hoc ipsum quantū, præsertim temporibus il-
lis? deinde oblitum me putas consilij, sermonis, huma-
nitatis tuæ? quibus rebus interesse memini Trebatium.
nec uero oblitus sum literarum tuarum, quas ad me

missi-
eror, T
Pompe
cium, su
uel in a
quem po
iudicue
tas, qua
aduolat
animi m
dem ali
stre fa
me ger
in reliqu
ter me,
suauissim
memini
pulisti, p
quam
ceras. q
ram: qu
quidqua
amicitia,
tastata su
uix uerbi
maxime
uitas, con
redeo nar
in illa lege
m, uon

misisti, cum Caesari obuiam uenissem in agro, ut arbi-
 tror, Trebulano. secutum illud tempus est, cum me ad
 Pompeium proficisci siue pudor meus coegit, siue officium,
 siue fortuna, quod officium tuum, quod studium
 uel in absentem me, uel in praesentes meos defuit?
 quem porro omnes mei & mihi, & sibi te amicio-
 rem iudicauerunt? ueni Brundisium: oblitum ne me pu-
 eas, qua celeritate, ut primum audieris, ad me Tarento
 aduolaris? quae tua fuerit assessio, oratio, confirmatio
 animi mei fracti communium miseriarum metu? tan-
 dem aliquando Romae esse coepimus: quid defuit no-
 strae familiaritati? in maximis rebus, quonam modo
 me gererem aduersus Caesarem, usus tuo consilio sum.
 in reliquis officiis cui tu tribuisti, excepto Caesare, prae-
 ter me, ut domum uentitares, horasque multas saepe
 suauissimo sermone consumeres? tum, cum etiam, si
 meministi, ut haec φιλοσοφούμενα scriberem, tu me im-
 pulisti. post Caesaris reditum quid tibi maiori curae fuit,
 quam ut essem ego illi quā familiarissimus? quod effe-
 ceras. quorsum igitur haec oratio longior, quam puta-
 ram? quia sum admiratus, te, qui haec nosse deberes,
 quidquam à me commissum, quod esset alienum nostrae
 amicitiae, credidisse. nā praeter haec, quae comemoraui, quae
 testata sunt, & illustria, habeo multa occultiora, quae
 uix uerbis exequi possum. omnia me tua delectant, sed
 maxime maxima cum fides in amicitia consilium, gra-
 uitas, constantia, tui lepos, humanitas, literae. quapropter
 redeo nunc ad querelam. Ego te suffragium tulisse
 in illa lege, primum non credidi: deinde, si credidis-
 sem, nunquam id sine aliqua iusta causa existimarem.

te fecisse. dignitas tua facit, ut animaduertatur, quid=
quid facias: maleuolentia autem hominum, ut non=
nulla durius, quàm à te facta sint, proferantur. ea si
tu non audis; quid dicam, nescio; equidem si quando
audio, tam defendo, quàm me scio à te contra iniquos
meos solere defendi. defensio autē est duplex. alia sunt,
quæ liquido negare soleam, ut de isto ipso suffragio:
alia, quæ defendam à te pie fieri, & humane, ut de
curatione ludorum. sed te hominem doctissimum non
fugit, si Cæsar Rex fuerit, quod mihi quidem uide=
tur, in utranque partem de tuo officio disputari posse:
uel in eam, qua ego uti soleo, laudandam esse fidem,
& humanitatem tuam, qui amicum etiam mortuum
diligas: uel in eam, qua nonnulli utuntur, libertatem
patriæ uitæ amici anteponendam. ex his sermonibus
utinam essent delatæ ad te disputationes meæ. illa ue=
ro duo, quæ maxima sunt laudum tuarum, quis aut
libentius, quàm ego, commemorat, aut sæpius; te &
non suscipiendi belli ciuilibis grauissimū auctorem fuisse,
& moderandæ uictoriæ? in quo qui mihi non as=
sentiretur, inueni neminem. quare habeo gratiam Tre=
batio familiari nostro, qui mihi dedit causam harum
literarum. quibus nisi credideris; me omnis officij, &
humanitatis expertem iudicaris. quo nec mihi graui=
us quidquam potest esse, nec à te alienius. Vale.

C. MATIVS M. C. S. P. D.

M Agnam voluptatem ex tuis literis cepi, quod,
 quam sperarā, atq; optaram, habere te de me
 opinionem cognoui. de qua etsi nō dubitabā,
 tamen, quia maximi aestimabam, ut incorrupta manea-
 ret, laborabam. conscius autem mihi eram, nihil à me
 commissum esse, quod boni cuiusquā offenderet animū,
 eo minus credebā, plurimis, atq; optimis artibus orna-
 to tibi temere quidquam persuaderi potuisse, præsēr-
 tim in quem mea propēsa, et perpetua fuisset, atq; esset
 beneuolentia. quod quando, ut uolui, scio esse: respon-
 debo criminibus, quibus tu pro me, ut par erat, tua sin-
 gulari bonitate, et amicitia nostra sēpe restitisti. nota
 enim mihi sunt, quæ in me post Cæsaris mortem contu-
 lerint. Vitio mihi dant, quod mortē hominis necessarij
 grauitur fero, atq; eum, quem dilexi, perijsse indignor:
 aiunt enim patriam amicitia præponendam esse: perin-
 de ac si iam uicerint, obitum eius Reip. fuisse utilem.
 sed non agam astute. fateor me ad istū gradū sapien-
 tiæ non peruenisse: neq; enim Cæsarem in dissensione
 civili sum secutus; sed amicum, quāquā re offendebar,
 tamen non deserui: neque bellum unquā civile, aut et
 causam dissensionis probaui; quam etiam nascētem ex-
 tingui, summe studui. itaque in uictoria hominis neces-
 sarij, neque honoris, neque pecuniæ dulcedine sum ca-
 ptus. quibus præmijs reliqui, minus apud eū, quā ego,
 cum pssent, immoderate sunt abusi. atq; etiā res fami-
 liaris mea, lege Cæsaris diminuta est: cuius beneficio
 plerique, qui Cæsaris morte lætantur, remanserunt in

ciuitate. ciuibus uictis ut parceretur, æque, ac pro mea salute, laboravi. possum igitur, qui omnes uoluerim incolumes, eum, à quo id impetratum est, periisse non indignari? cum præsertim iidem homines illi & inuidiæ, et exitio fuerint. plerique ergo, inquirunt, quando factum nostrum improbare audes. ò superbiam inauditam, alios in facinore gloriari, alijs ne dolere quidem impune licere. at hæc etiam seruis semper libera fuerunt, timerent, gauderent, doleret suo potius, quam alterius, arbitrio. quæ nunc isti, ut quidem dicunt, libertatis auctores metu nobis extorquere conantur. sed nihil agunt. nullius unquã periculi territoribus ab officio, aut ab humanitate desciscã: **N V N Q V A M** enim honestam mortem fugiendam, sæpe etiam appetendam putauim. sed quid mihi succensent, si id opto, ut poeniteat eos sui facti? cupio enim Cæsaris mortem omnibus esse acerbam. at debeo pro civili parte Rēp. uelle saluam. id quidem me cupere, nisi & ante acta uita, & reliqua mea spes tacente me probat: dicendo uincere non postulo. quare maiorem in modum te rogo, ut rem potiore oratione ducas: mihiq; si sentis expedire recte fieri, credas nullam communionem cum improbis esse posse. an quod adolescens præstiti, cum etiam errare cum excusatione possem; id nunc ætate præcipitata cōmutem, ac me ipse retexam? non faciam, neque, quod displiceat, committam, præterquam quod hominis mihi coniunctissimi, ac uiri amplissimi doleo grauem casum. quod si aliter essem animatus, nunquam, quod facerem, negarem, ne & in peccando improbus, & dissimulando timidus, ac uanus existi-

marer
scens f
statum
ni am
mortu
Cæsari p
Antoni
me par
quidem
tasse ve
nunquã
quos i
amicu
quos ne
modestia
rumore
medm
sui simi
tingent
sin casu
ri sempe
ago, quod
cum ap
ter, quo
fuit.

marer. At ludos, quos Cæsaris victoriæ Cæsar adole-
scens fecit, curauit. At id ad priuatum officium, non ad
statum Reip. pertinebat, quod tamen munus & homi-
nis amicissimi memoriæ, ac honoribus præstare etiam
mortui debui: & optimæ spei adoleſcētī, ac dignissimo
Cæsari petenti negare non potui. ueni etiam Consulī
Antonij sæpe domum salutandi causa: ad quem, qui
me parum patriæ amantem esse existimant, rogandū
quidem aliquid, aut auferendi causa frequentes uenti-
tasse reperies. sed quæ hæc est arrogantia, quod Cæsar
nunquam interpellauit, quin quibus uellem, atque etiā
quos ipse non diligebat, tamen ijs uterer; eos, qui mihi
amicum eripuerunt, carpendo me, efficere conari, ne,
quos uelim, diligam? sed non uereor, ne aut meæ uitæ
modestia parum ualitura sit in posterum contra falsos
rumores: aut etiam ijs, qui me non amant propter
meam in Cæsarem constantiam, non malint mei, quàm
sui similes amicos habere. mihi quidem si optata con-
tingent: quod reliquum est uitæ, in otio Rhodi degam.
sin casus aliquis interpellarit: ita ero Romæ, ut recte fie-
ri semper cupiam. Trebatio nostro magnas gratias
ago, quod tuum erga me animum simplicem, atq; amī-
cum aperuit; et quod eum, quem semper dilexi liben-
ter, quo magis iure colere, atque obseruare deberem,
fecit. Bene uale, & me dilige.

M. CICERO M. OPPIO S.

D Vbitanti mihi, quod scit Atticus noster, de hoc
toto cōsilio profectionis, quod in utranq; par-

EPIST. LIB. XI.

tem in mentem multa ueniebant, magnum pondus accessit ad tollendam dubitationem, iudicium, & consilium tuum. nam & scripsisti aperte, quid tibi uideretur: & Atticus ad me sermonem tuum pertulit. semper iudicauit, in te & in capiendo consilio prudentiam summam esse, & in dando fidem; maximeq; sum expertus, cum initio ciuilem belli per literas te consuluissem, quid mihi faciendum esse censeret, eundem ne ad Pompeium, an manendum in Italia: suasisi, ut consulerem dignitati meae. ex quo, quid sentiret, intellexi. & sum admiratus fidem tuam, & in consilio dando religionem; quod, cum aliud malle amicissimum tuum putares, antiquius tibi officium meum, quam illius uoluntas fuit. equidem & ante hoc tempus te dilexi: & semper me à te diligi sensi: & cum abessem, atque in magnis periculis essem, et me absentem, & meos praesentes à te cultos & defensos esse memini: & post meum reditum quam familiariter mecum uixeris, quaeq; ego de te & senserim, & praedicarim, omnes, qui solent haec animaduvertere, testes habemus. grauissimum uero iudicium de mea fide, & de constantia fecisti, cum post mortem Caesaris totum te ad amicitiam meam contulisti. quod tuum iudicium nisi mea summa beneuolentia erga te, omnibusq; meritis comprobaro, ipse me hominem non putabo. Tu mi Oppi conseruabis amorem tuum, (et si more magis hoc quidem scribo, quam quo te admonendum putem) mea q; omnia tuebere: quae tibi ne ignota essent, Attico mandauit. A me autem, cum paulum otij nacti erimus, uberiores literas expectato. Da operam, ut ualeas. hoc mihi gratius facere nihil potes.

M. T. CICERONIS EPISTOLARVM,
AD CASSIVM, ET ALIOS,
LIBER XII.

M. T. CICERO C. CASSIO S. P. D.

F Inem nullum facio, mihi crede, Cassi
de te, & de Bruto nostro, idest de to-
ta Rep. cogitandi, cuius omnis spes in
uobis est, & in D. Bruto: quam qui-
dem iam habeo ipse meliorem, Rep. à

Dolabella meo præclarissime gesta: manabat enim il-
lud malum urbanum, & ita corroborabatur quoti-
die, ut ego quidem & urbi, & otio diffiderem urba-
no: sed ita compressum est, ut mihi uideamur omne
iam ad tempus ab illo duntaxat sordidissimo periculo
tuti futuri. reliqua magna sunt, & multa, sed po-
sita omnia sunt in uobis: quanquam primum quidque
explicemus: nam, ut adhuc quidem actum est, non re-
gno, sed Rege liberati uidemur: interfecto enim Re-
ge, regios omnes nutus tuemur: neq; uero id solum, sed
etiam, quæ ipse ille, si uiueret, non faceret, ea nos quasi
cogitata ab illo probamus: nec eius quidem rei finem
uideo. tabulae figuntur: immunitates dantur: pecu-
niæ maximæ describuntur: exules reducuntur: S. C.
falsa referuntur: ut tantummodo odium illud homi-
nis impuri, & seruitutis dolor depulsus esse uideatur:
Resp. iacet in ijs perturbationibus, in quas eam ille con-
iecit. hæc omnia uobis sunt expedienda: nec hoc cogi-
tandum, satis iam habere Remp. à uobis. habet illa

EPIST. LIB. XII.

quidem tantum, quantum nunquam mihi in mentem
uenit optare: sed contenta non est; & pro magnitu-
dine & animi, & beneficij uestri à uobis magna desi-
derat. adhuc ulta suas iniurias est per uos interitu ty-
ranni. nihil amplius. ornamenta uero sua quæ recupera-
uit? an quòd ei mortuo parer, quem uiuum ferre nò
poterat? cuius æra refigere debebamus, eius etiam chi-
rographa defendimus? at enim ita decreuimus. feci-
mus id quidem temporibus cedentes, quæ ualent in
Rep. plurimum: sed immoderate quidam, & ingrate
nostra facilitate abutuntur. uerum hæc propediem, &
multa alia coràm. Interim uelim sic tibi persuadeas.
mihi cum Reip. quam semper habui charissimam, tum
amoris nostri causa maximæ curæ esse tuam dignitas-
tem. Da operam, ut ualeas.

M. CICERO C. CASSIO S. P. D.

Ehementer lætor tibi probari sententiam, &
orationem meam. qua si sæpius uti liceret,
nihil esset negotij, libertatem, & Remp. recu-
perare. sed homo amēs, & perditus, multoq; nequior,
quàm ille ipse, quem tu nequissimū occisum esse dixi-
sti, cædis initium quærit: nullamq; aliam ob causam
me auctorem fuisse Cæsaris interficiendi criminatur,
nisi ut in me ueterani incitentur. quod ego periculum
non extimesco, modo facti uestri gloriam cum mea
laude communicem. ita nec Pisoni, qui in eum primus
inuectus est nullo assentiente; nec mihi, qui idem trice-
simo post die feci; nec P. Seruilio, qui me est consecutus,

tuto in senatum uenire licet : cædem enim gladiator
 querit ; eiusq; initium ad XIII. Cal. Oct. à me se
 facturum putauit . at quàm paratus uenerat , cum
 in uilla Metelli complureis dies commetatus esset . quæ
 autem in lustris , & in uino commentatio potuit esse
 itaque omnibus est uisus , ut ad te antea scripsi , suo mo
 re uomere , non dicere . quare quòd scribis te confidere ,
 auctoritate , & eloquentia nostra aliquid profici posse :
 non nihil , ut in tantis malis , est profectum : intelligit
 enim populus R. tres esse consulares , qui , quia , quæ de
 Rep. bene senserint , libere locuti sunt , tuto in senatū ue
 nire non possint . nec est præterea , quòd quidquā expe
 cter : tuus enim necessarius affinitate noua delectatur :
 itaque iam non est studiosus ludorum ; infinitoq; fratris
 tui plausu dirumpitur . alter item affinis nouis coma
 mentarijs Cæsaris delinitus est . sed hæc tolerabilia : il
 lud non ferendum , quòd est , qui uestro anno Cōsulem
 filium suum futurum putet , ob eamq; causam se huic
 latroni deseruire præ se ferat . nam L. Cottæ familia
 ris meus fatali quadam desperatione , ut ait , minus in
 senatum uenit . L. Cæsar , optimus , & fortissimus ciuis ,
 ualetudine impeditur . Ser. Sulpitius & summa aucto
 ritate , & optime sentiens , non adest . reliquos , exceptis
 designatis , ignosce mihi si non numero consulareis . hæ
 bes auctores consilij publici . qui numerus etiam bonis
 rebus exiguus esset : quid censes , perditis ? quare spes
 est omnis in uobis . qui si iccirco abestis , ut sitis in tuto :
 ne in uobis quidem . sin aliquid dignum uestra gloria
 cogitatis : uelim , saluis nobis : sin id minus , res tamen
 publica per uos breuī tempore ius suum recuperabit .

EPIST. LIB. XII.

Ego tuis neque desum, neque decro: qui siue ad me referent, siue non; mea tibi tamen beneuolentia, fidesq; prestabitur. Vale.

M. T. CICERO C. CASSIO S. P. D.

Vget tuus amicus furorē in dies. primum
A in statua, quā posuit in rostris, inscripsit, PARENTIO OPTIME MERITO: ut
 nō modo sicarij, sed iā etiam paricidæ iudicemini: quid dico, iudicemini? iudicemur potius: uestri enim pulcherrimi facti ille furiosus me principem dicit fuisse. utinā quidem fuisset: molestius nobis non esset. sed hoc uestrū fuit: quod quando præterijt; utinam haberem, quid darem uobis consilij. sed ne mihi quidem ipsi, reperio, quid faciundum sit: QUID enim est, quod contra uim sine uī fieri possit? consilium autem omne hoc est illorum, ut mortem Cæsaris persequantur. itaque ante diem VI. Non. Oct. productus in concionē à Canutio, turpissime ille quidē discessit, sed tamen ea dixit de cōseruatoribus patriæ, quæ dici deberent de proditoribus: de me quidem non dubitanter, quin omnia de meo cōsilio & uos fecissetis, et Canutius faceret. cetera cuiusmodi sint, ex hoc iudica; quod legato tuo uaticū eripuerunt. quid eos interpretari putas, cum hoc faciunt? ad hostē scilicet portari. o rem miseram. dominū ferre non potuimus: conseruo seruimus. et tamen me quidē fauente magis, quā sperante, etiam nunc residet spes in uirute tua. sed ubi sunt copię? de reliquo malo te ipsum loqui tecum, quā dicta nostra cognoscere. Vale.

M. T. CICERO

M. CICERO C. CASSIO S. P. D.

Ellem Id. Mart. me ad coenam inuitasses: reli-
 V quiarū nihil fuisset. nunc me reliquiae uestrae
 exercent, et quidem praeter ceteros me. quan-
 quam egregios Consules habemus, sed turpissimos con-
 sulares; senatum fortem, sed infimo quenque honore
 fortissimum; populo uero nihil fortius, nihil melius, Ita-
 liaq; uniuersa. nihil autem foedius Philippo, & Pisone
 legatis, nihil flagitiosius: qui cum essent missi, ut Anto-
 nio ex senatus sententia certas res renunciarent; cum
 ille earum rerū nulli paruisset, ultro ab illo ad nos in-
 tolerabilia postulata retulerunt. itaque ad nos concur-
 ritur: factiq; iam in re saluari populares sumus. sed tu
 quid ageres, quid acturus, ubi denique esses, nesciebam.
 fama nunciabat te esse in Syria: auctor erat nemo. De
 Bruto, quo propius est, eo firmiora uidentur esse, quae
 nunciantur. Dolabella ualde uituperabatur ab homini-
 bus non insulsis, quod tibi tam cito succederet, cum tu
 uix dum triginta dies in Syria fuisses. itaque constabat,
 cum recipi in Syriam non oportere. Summa laus &
 tua, & Bruti est, quod exercitum praeter spem existima-
 mini comparasse. scriberem plura, si rem, causamq; nos-
 sem. nunc quae scribo, scribo ex opinione hominum, at-
 que fama. Tuas literas auide expecto. Vale.

M. CICERO C. CASSIO S. P. D.

H Iemē credo adhuc prohibuisse, quo minus de
 te certum haberemus, quid ageres, maximeq;

AA

ubi esses. loquebantur omnes tamen, credo quòd uolebant, in Syria te esse, habere copias. id autem eo facilius credebatur, quia simile uero uidebatur. Brutus quidem noster egregiam laudem est consecutus: res enim tantas gessit, tamq; inopinatas, ut eæ cum per se grate essent, tum gratiores propter celeritatem. quòd si tu ea tenes, quæ putamus: magnis subsidijs fulta Resp. est. à prima enim ora Græciæ usque ad Aegyptum optimorum ciuium imperijs muniti erimus, & copijs. quanquam, nisi me fallebat, res sic se habebat, ut totius belli omne discrimen in D. Bruto positum uideretur: qui si, ut sperabamus, erupisset Mutina; nihil belli reliquum fore uidebatur: paruis omnino iam copijs obsidebatur, quod magno præsidio Bononiam tenebat Antonius. erat autem Claternæ noster Hircius, ad Forum Cornelium Cæsar, uterque cum firmo exercitu: magnasq; Romæ Pansa copias ex delectu Italiæ compararat. hiems adhuc regeri prohibuerat. Hircius nihil nisi considerate, ut mihi crebris literis significat, acturus uidebatur. præter Bononiam, Regium Lepidi, Parmam, totam Galliam tenebamus studiosissimam Reip. tuos etiam clientes transpadanos mirifice cōiunctos cum causa habebamus. erat firmissimus senatus, exceptis consularibus: ex quibus unus L. Cæsar firmus est, & rectus. Ser. Sulpitij morte magnum præsidium amisimus. reliqui partim inertes, partim improbi. nonnulli inuident eorum laudi, quos in Rep. probari uident. populi uero R. totiusq; Italiæ mira consensio est. hæc erant fere, quæ tibi nota esse uellem. nunc autem opto, ut ab istis orientis partibus uirtutis tuæ lumen eluceat. Vale.

M. CICERO C. CASSIO S. P. D.

Q^{uo} Vi status rerum fuerit tum, cum has literas dedi, scire poteris ex C. Tidio Strabone, uiro bono, & optime de Rep. sentiente: nam quid dicam, cupidissimo tui, qui domo, et fortunis relictis, ad te potissimum profectus sit: itaque eum tibi ne comendo quidem, aduentus ipsius ad te satiseum commendabit. Tu uelim sic existimes, tibiq; persuadeas, omne perfugium bonorum in te, & Bruto esse positum, si, quod nolim, aduersi quid euenerit. res, cum hac scribebam; erat in extremum deducta discrimen: Brutus enim Mutinae uix iam sustinebat. qui si cōseruatus erit; uicimus: sin (quod Dij omen aueriant); omnis omnium cursus est ad uos. proinde fac tantum animum habeas, tantumq; apparatus, quanto opus est ad uniuersam Remp. recuperandam. Vale.

M. CICERO C. CASSIO S. P. D.

Q^{uo} Vanto studio dignitatem tuam et in senatu, & ad populum defenderim, ex tuis te malo, quam ex me cognoscere. quæ mea sententia in senatu facile ualuisset, nisi Pansa uehementer obstisset. ea sententia dicta, productus sum in concionē à Trib. pl. M. Seruilio. dixi de te quæ potui, tanta contentione, quantum forum est; tanto clamore, consensuq; populi, ut nihil unquam simile uiderim. id uelim mihi ignoscas, quòd inuita socru tua fecerim. mulier timida uerebatur, ne Pansa animus offenderetur. in concione qui

AA ij

EPI. LIB. XII.

dem Pansa dixit, matrem quoque tuam, & fratrem il-
lam à me sententiam noluisse dici. sed me hæc non mo-
uebant: alia malebam: fauebam & Reip. cui semper fa-
ui, & dignitati, ac gloriæ tuæ. quod autem & in sena-
tu pluribus uerbis differui, & dixi in concione, in eo ue-
lim fidem meam liberes: promisi enim, & propè confir-
maui, te non expectasse, nec expectaturum decreta no-
stra, sed te ipsum tuo more Remp. defensurum. et quã-
quam nihil dum audieramus, nec ubi esses, nec quas co-
pias haberes: tamen sic statuebam, omnes, quæ in istis
partibus essent, opes, copiasq; tuas esse: per teq; Asiam
prouinciam confidebam iam Reip. recuperatam. tu fac
in augenda gloria te ipsum uincas. Vale.

M. CICERO C. CASSIO S. P. D.

Celus affinis tui Lepidi, summamq; leuitatē,
S & inconstantia, ex actis, quæ ad te mitti cer-
to scio, cognosse te arbitror. itaque nos cōfecto
bello, ut arbitrabamur, renouatum bellum gerimus:
spemq; omnem in D. Bruto, & Planco habemus: si uerū
quæris, in te, & in meo Bruto non solum ad præsens
perfugium, si quod nolim, aduersi quid acciderit, sed es-
tiam, ad confirmationem perpetuæ libertatis. Nos hic
de Dolabella audiebamus, quæ uellemus: sed certos au-
ctores non habebamus, te quidem magnum hominem
& præsentis iudicio, & reliqui tēporis expectatione sci-
to esse. hoc tibi proposito, fac ut ad summa contendas.
nihil est tantum, quod non populus R. à te perfici, at-
que obtineri posse iudicet. Vale.

M. CICERO C. CASSIO S. P. D.

Reuitas tuarum literarū me quoque breuiorem in scribendo facit: & uere ut dicam, nō satis occurrit, quod scribam: nostras enim res in actis perferri ad te certo scio: tuas autem ignoramus tanquam enim clausa sit Asia, sic nihil perfertur ad nos, præter rumores de oppresso Dolabella, satis illos quīdem constantes, sed adhuc sine auctore. Nos confectum bellum cum putaremus, repente à Lepido tuo in summam solitudinem adducti sumus. itaque persuade tibi maximam Reip. spem in te, & in tuis copijs esse. firmos omnino exercitus habemus: sed tamen, ut omnia, ut spero, prospere procedant, multum interest te uenire: exigua est enim spes Reip. nam nullam non libet dicere: sed quæcunque est, ea despondetur anno Consulatus tui. Vale.

M. CICERO C. CASSIO S. P. D.

Lepidus, tuus affinis, meus familiaris, prid. Cal. Quint. sententijs omnibus hostis à senatu iudicatus est, ceteriq; qui unā cum illo à Rep. defecerunt. quibus tamen ad sanitatem redeundi ante Cal. Sept. potestas facta est. fortis sanè senatus, sed maxime spe subsidij tui. bellum quidem, cum hæc scribebam, sanè magnum erat scelere, & leuitate Lepidi. Nos de Dolabella quotidie, quæ uolumus, audimus, sed adhuc sine capite, sine auctore, rumore nuncio. quod cum ita esset, tamen literis tuis, quas

AA iij

Non. Maij ex castris datas acceperamus, ita persuasum erat ciuitati, ut illum iam oppressum omnes arbitrarētur, te autem in Italiam uenire cum exercitu: ut si hæc ex sententia confecta essent, consilio, atque auctoritate tua; sin quid forte titubatum esset, ut sit in bello, exercitu tuo niteremur, quem quidem ego exercitum quibuscunque potero rebus ornabo. cuius rei tum tempus erit, cum, quid opis Reip. laturus exercitus sit, aut quid iam tulerit, notum esse cœperit: nam adhuc tantum conatus audiuntur, optimi illi quidem, & præclarissimi, sed gesta res expectatur: quam quidem aut iam esse aliquam, aut appropinquare confido. tua uirtute, & magnitudine animi nihil est nobilius. itaque optamus, ut quamprimum te in Italia uideamus. Remp. nos habere arbitrabimur, si uos habebimus. præclare uiceramus, nisi spoliatum, inermem, fugientem Lepidus recepisset Antonium. itaque nunquam tanto odio ciuitati Antonius fuit, quāto est Lepidus: ille. n. ex turbulenta rep. hic ex pace, & uictoria bellum excitauit. huic oppositos Consules des. habemus: in quibus est magna illa quidam spes, sed anceps cura propter incertos exitus præliorum. persuade tibi igitur, in te, & in Bruto tuo esse omnia, uos expectari, Brutum quidem iam iamq;. quod si, ut spero, uictis hostibus nostris ueneritis: tamen auctoritate uestra Resp. exurget, & in aliquo statu tolerabili consistet: sunt enim permulta, quibus erit medendum, etiam si Resp. satis esse uidebitur sceleribus hostium liberata. Vale.

C. CASSIVS PROCOS. M. CIC. S. D.

I uales, bene est : ego quidem ualeo. In Syria
 S me profectum esse scito ad L. Murcum, et Q.
 Crispum Impp. uiri fortes, optimiq; ciues, po-
 steaquam audierunt, quæ Romæ gererentur ; exercitus
 mihi tradiderunt ; ipsiq; mecum unâ fortissimo animo
 Remp. administrant. item legionem, quam Q. Cæci-
 lius Bassus habuit, ad me uenisse scito, quatuorq; legio-
 nes, quas A. Allienus ex Aegypto eduxit, traditas ab eo
 mihi esse scito. Nunc te cohortatione nō puto indigere,
 ut nos absenteis, remq; publicam, quantum opus est, de-
 fendas. scire te uolo, firma præsidia uobis senatuiq; non
 deesse, ut optima spe, & maximo animo Remp. defen-
 das. reliqua tecum aget L. Carteius familiaris meus.
 Vale. Data Non. Mart. ex castris, Taricheis.

C. CASSIVS PROCOS. M. CIC. S. D.

I uales, bene est: ego quidem ualeo. Legi tuas
 S literas, in quibus mirificū tuum erga me amo-
 rem recognoui: uidebaris enim non solum fa-
 uere nobis, id quod & nostra, & Reip. causa semper fe-
 cisti; sed etiam grauem curam suscepisse, uehementerq;
 esse de nobis sollicitus: itaque quod te primum existima-
 re putabam, nos oppressa Rep. quiescere non posse; de-
 inde, cum suspicari nos moliri quod te, sollicitum es-
 se & de salute nostra, & de rerum euentu putabam:
 simul ac legiones accepi, quas A. Allienus eduxerat
 ex Aegypto; scripsi ad te, tabellariosq; complu-

AA iiij

EPI. LIB. XII.

res Romam misi. scripsi etiam ad senatum literas, quas reddi uetui prius, quam tibi recitatae essent; si forte me obtemperare mihi uoluerunt. quod si literae perlatae non sunt; non dubito, quin Dolabella, qui nefarie Trebonio occiso Asiam occupauit, tabellarios meos deprehenderit, literasque interceperit. exercitus omnis, qui in Syria fuisse, teneo: habui paululum morae, dum promissa militibus persoluo. nunc iam sum expeditus. A te peto, ut dignitatem meam tibi commendatam habeas, si me intelligis nullum neque periculum, neque laborem patriae denegasse: si contra importunissimos latrones arma cepi te hortante, et auctore: si non solum exercitum ad Remp. libertatemque defendendam comparauimus, sed etiam crudelissimis tyrannis eripui. quem si occupasset Dolabella; non solum aduentu, sed etiam opinione, et expectatione exercitus sui Antonium confirmasset. quas ob res milites tuere, si eos mirifice de Rep. meritos esse animaduertis: et effice, ne quem poeniteat, Remp. quam spem praedae, et rapinarum sequi maluisse. item Murci, et Crispi Impp. dignitatem, quantum est in te, tuere. nam Bassus misere noluit mihi legionem tradere. quod nisi milites inuito eo legatos ad me misissent; clausam Apameam tenuisset, quoad uis esset expugnata. haec a te peto non solum Reip. quae tibi semper fuit charissima, sed etiam amicitiae nostrae nomine; quam confido apud te plurimum posse. crede mihi, hunc exercitum, quem habeo, senatus, atque optimi cuiusque esse, maximeque tuum: de cuius uoluntate assidue audiendo, mirifice te diligit. charumque habet, qui si intellexerit commoda sua curae

tibi esse; debere etiam se tibi omnia putabit. Literis scriptis, audiui Dolabellam in Ciliciam uenisse cum suis copijs. proficiscar in Ciliciam. quid egerim, celeriter ut scias, dabo operam. ac uelim, ut meremur de Rep. sic felices simus. Fac ualeas, meq; ames. Nonis Maij, ex castris.

C. CASSIVS S. D. M. CIC.

I uales, bene est: ego quidem ualeo. Cum Reip. uel salute, uel uictoria gaudemus: tū instauratio tuarum laudum. quod maximus consularis maximū Consulem te ipse uicisti, et latamur, et mirari, satis non possumus. fatale nescio quid tuæ uirtuti datum: id quod iam sepe experti sumus: est enim tua toga omnium armis felicior: quæ nunc quoque nobis penè uictam Remp. ex manibus hostium eripuit, ac reddidit. nunc ergo uiuemus liberi: nunc te omniū maxime ciuis, et mihi charissime, id quod maxime Reip. tenebris comperisti, nunc te habebimus testem nostri et in te, et in coniunctissimam tibi Remp. amoris: et quæ sepe pollicitus es te et taciturnum, dum seruiremus, et dicturum de me tum, cum profutura essent; nunc illa nō ego quidem dici tantopere desiderabo, quàm sentiri à te ipso: neque enim omniū iudicio malim me à te commendari, quàm ipse tuo iudicio digne, ac mereor, commēdatus esse: ut hæc nouissima nostra facta non subita, nec incōuenientia, sed similia illis cogitationibus, quarū tu testis es, fuisse iudices; meq; ad optimam spem patriæ non minimum tibi ipsi producendum putes. sunt

EPI. LIB. XII.

tibi M. Tulli liberi, propinqui; digni quidem te, et merito tibi charissimi. esse etiam debent in Rep. proxime hos chari, qui studiorum tuorum sunt amuli: quorum esse cupio tibi copiam: sed tamen non maxima me turba puto excludi, quo minus tibi uacet me excipere, et ad omnia, quæ uelis, et probes, producere. animum tibi nostrum fortasse probauimus. ingenium certe diutina seruitus, quaecunque est, minus tamen, quam erat, passa est uideri. Nos ex ora maritima Asiæ prouinciæ, et ex insulis quas potuimus nauis deduximus. deletum remigum, magna contumacia ciuitatum, tamen satis celeriter habuimus. secuti sumus classem Dolabellæ, cui Lucilius præerat, qui spem sæpe transitionis præbendo, neque unquam non decedendo, nouissime Corycū se contulit, et clauso portu se tenere coepit. nos illa relicta, quod et in castra peruenire satius esse putabamus; et sequebatur classis altera, quam anno priore in Bithynia Tullius Cimber compararat, cui Turulius Quæ. præerat: Cyprum petiuimus. ibi, quæ cognouimus, scribere ad uos quam celerrime uoluimus. Dolabellam ut Tarsenses pessimi socij, ita Laodicea multo amentiores ultro accersierunt. ex quibus utrisque ciuitatibus, Græcorum militum numero speciem exercitus effecit. castra habet ante oppidum Laodiceam posita; et partem muri demolitus est; et castra oppido coniunxit. Cassius noster cum decem legionibus, et cohortibus uiginti auxiliarijs, et quatuor millibus equitum à militibus passuum uiginti, castra habet posita $\alpha\lambda\tau\omicron\iota\varsigma$; et existimat se sine prælio posse uincere: nam iam ternis tetradrachmis triticum penes

Dolabellam est: nisi quid nauibus Laodicenorum sup-
portarit, cito fame pereat, necesse est: ne supportare pos-
sit, & Cassij classis bene magna, cui præest Sestilius Ru-
fus, & tres, quas nos adduximus, ego, Turulius, & Pa-
tiscus, facile præstabunt. nolo igitur uos bene sperare; &
Remp. ut uos istic expediistis, ita pro nostra parte celeri-
ter nobis expediri posse, confidere.

Vale. Data Idibus Iun. Cypro, Acromani Iacride.

LENTIVS CICERONI SVO S. D.

Um Brutum nostrum cōuenissem, eumq; tar-
C dius in Asiam uēturum animaduerteterem: in
Asiam redij, ut reliquias mei laboris collige-
rem, & pecuniam quamprimum Romam mitterem. in-
terim cognoui in Lycia esse classem Dolabellæ, am-
pliusq; centum naueis onerarias, in quas exercitus eius
imponi posset; idq; Dolabellā ea mente comparasse, ut, si
Syriæ spes eum frustrata esset, conscenderet in naueis,
& Italiam peteret, seq; cum Antonijs, & reliquis latro-
nibus coniungeret. cuius rei tanto in timore fui, ut om-
nibus rebus relictis, cum paucioribus & minoribus na-
uibus ad illas ire conatus sim. quæ res, si à Rhodijs non
essem interpellatus, fortasse tota sublata esset; tamen
magna ex parte profligata est: quandoquidem classis
dissipata est: aduentus nostri timore milites, ducesq;
effugerunt: onerariæ omnes ad unam à nobis sunt ex-
ceptæ. certe, quod maxime timui, uideor esse consecutus,
ut non possit classe Dolabella in Italiam peruenire,
nec, socijs suis firmatis, durius uobis efficere negotium.

EPI. LIB. XII.

Rhodij nos, & Remp. quàm ualde desperauerint, ex literis, quas publice misi cognosces. & quidem multo parcius scripsi, quàm re uera furere eos inueni. quòd uero aliquid de his scripsi, mirari noli: mira est eorum amentia. nec me meæ ulla priuatim iniuriæ mouerunt unquam: malus animus eorum in nostram salutem, cupiditas partium aliarum, perseuerantia in contemptione optimi cuiusque ferenda mihi non fuit. nec tamen omnibus perditos esse puto. sed iidem illi, qui tum fugientem patrem meum, qui L. Lentulum, qui Pompeium, qui ceteros uiros clarissimos non receperunt; iidem tanquam aliquo fato & nunc aut magistratum gerunt, aut eos, qui sunt in magistratu, in sua habent potestate. itaque eadem superbia in prauitate utuntur. quorum improbitatem aliquando retundi, & non pati impunitate augeri, non solum utile est Reip. nostræ, sed etiam necessarium. De nostra dignitate uelim tibi ut semper curæ sit; & quocunque tempore occasionem habueris, & in senatu, & in cæteris rebus laudi nostræ suffragere. quando Consulibus decreta est Asia; & permissum est ijs, ut, dùm ipsi uenirent, darent negotium, qui Asiam obtineant, rogo te, petas ab ijs, ut hanc dignitatem potissimum nobis tribuant, & mihi dent negotium, ut Asiā obtineam, dum ipsorum alteruter uenit. nam, quòd huc properet in magistratu uenire, aut exercitum mittere, causam non habent: Dolabella enim in Syria est; & ut tu diuina tua mente prospexisti, & prædicasti, dum isti ueniant, Cassius eum opprimet: exclusus enim ab Antiochia Dolabella, et in oppugnando male acceptus, nulla alia confisus urbe, Laodiceam, quæ est in Syria ad

mare, se contulit. ibi spero celeriter eum pœnas daturum. nam neque, quò refugiat, habet: neque diutius ibi poterit tantum exercitum Cassij sustinere. spero etiam confectum esse iam, & oppressum. quare non puto Pansa, & Hircium in Consulatu properaturos in provincias exire, sed Romæ acturos Consulatum. itaque si ab his petieris, ut interea nobis procurationem Asiæ dent, spero te posse impetrare. præterea mihi promiserunt Pansa & Hircius coram, & absenti mihi scripserunt, Verriusq; nostro Pansa affirmavit, se daturum operam, ne in suo Consulatu mihi succedatur. ego porro non mediusfidius cupiditate provinciæ produci longius spatium mihi uolo: nam mihi fuit ista provincia plena laboris, periculi, detrimenti. quæ ego ne frustra subierim, ne ue prius, quàm reliquias meæ diligentiae consequar, decedere cogar, ualde laboro. nam si potuissem, quam exegeram, pecuniam uniuersam mittere; postularem, ut mihi succederetur. nunc quod Cassio dedi, quod Trebonij morte amisimus, quod etiam crudelitate Dolabellæ, aut perfidia eorum, qui mihi fidem, Rei q; pub. non præstiterunt, id consequi, & reficere uolo. quod aliter non potest fieri, nisi spatium habuero. id ut per te consequar, uelim, ut solet, tibi curæ sit. ego me de Rep. ita puto esse meritum, ut non provinciæ istius beneficium expectare debeam, sed tantum, quantum Cassius, & Bruti, non solum illius facti, periculiq; societate, sed etiam huius temporis studio, & uirtute. primus enim ego leges Antonianas fregi: primus equitatum Dolabellæ ad Rempub. traduxi, Cassioq;

EPI. LIB. XII.

tradidi primus delectus habui pro salute omnium contra cōiurationem sceleratissimam: solus Cassio, et Reip. Syriam, exercitusq; qui ibi erant, coniunxi: nā nisi ego tātam pecuniā, tantāq; præsidia, et tam celeriter Cassio dedissem; ne ausus quidem esset ire in Syriam, & nūc non minora pericula Reip. à Dolabella instarent, quā ab Antonio. atque hæc omnia is feci, qui & sodalis, & familiarissimus Dolabellæ eram, coniunctissimus sanguine Antonijs: provinciam quoque illorū beneficio habebam: sed παῖδά ἐμὴν μάλλον φιλοῦν, omnibus meis bellum primus indixi. hæc etsi adhuc non magnopere mihi tulisse fructū animaduerto: tamen non despero, nec defatigabor permanere nō solum in studio libertatis, sed etiā in labore, & periculis. attamen si etiam aliqua gloria iusta, & merita prouocabimur, senatus, & optimi cuiusque officijs; maiore cū auctoritate apud ceteros erimus, & eo plus prodesse Reip. poterimus. Filiū tuū, ad Brutū cū ueni, uidere non potui, ideo quod iam in hiberna cū equitibus erat profectus. sed mediusfidius ea esse eū opinione, & tua, et ipsius, et in primis mea causa gaudeo: fratri enim loco mihi est, qui ex te natus, teq; dignus est. Vale. Data IIII. Cal. Iun. Pergæ.

P. LENTVLVS P. F. PRO QVÆS.
 PROPRA ET. S. D. COSS. PRAETI.
 TRIBB. PL. SENATVI, PO-
 PVLO, PLEBIQVE R.

3 I ualeatis, liberiq; uestri ualēt, bene est: ego quoque ualeo. Scelere Dolabellæ oppressa Asia

A
 in proxi
 quæ Ma
 id egi, ut
 galliā; in
 peritimi
 uetigalit
 lissime de
 quā ed
 aut expe
 primum
 manu, ut
 posui, pe
 esset, aut
 primum
 cum per
 esset, cla
 complere
 ijs nauib
 rauerat
 re, cum e
 dum reu
 fulto, quo
 quod cur
 erat, quo
 ros, quos
 fefellit: e
 stram fir
 portu, st
 qua deni
 singulis c

in proximā provinciam Macedoniam, præsidiaq; Reip.
 quæ M. Brutus vir clarissimus tenebat, me contuli; &
 id egi, ut, per quos celerrime posset, Asia provincia, uecti-
 galiaq; in uestram potestatem redigerentur. quod cum
 pertinuisset Dolabella; & uastata provincia, correptis
 uectigalibus, præcipue ciuibus Romanis omnibus crude-
 lissime denudatis, ac diuenditis, celerius Asia excessisset,
 quàm eò præsidium adduci potuisset, diutius morari,
 aut expectare præsidium non necesse habui. & quam-
 primum ad meū officium reuertendum mihi esse existi-
 maui, ut & reliqua uectigalia exigere, & quam de-
 posui, pecuniam colligerem: quidquid ex ea correptum
 esset, aut quorum id culpa accidisset, cognoscerem quā-
 primum, & uos de omni re facerem certiores. interim
 cum per insulas in Asiam nauiganti mihi nunciatum
 esset, classem Dolabellæ in Lycia esse, Rodiosq; nauis
 complureis instructas, & paratas in aqua habere: cum
 ijs nauibus, quas aut mecum adduxeram, aut compa-
 rauerat Patiscus Proquæ. homo mihi cum familiarita-
 te, tum etiam sensibus in Remp. coniunctissimus, Rho-
 dum reuerti, confusus auctoritate uestra, senatusq; con-
 sulto, quo hostem Dolabellā iudicaratis, fœdere quoq;
 quod cum ijs M. Marcello, Ser. Sulpitio Coss. renouatum
 erat, quo iurauerant Rhodij, eosdem hostes se habitu-
 ros, quos senatus, populusq; R. quæ res nos uehementer
 fefellit: tantum enim absfuit, ut illorum præsidio nos-
 tram firmaremus classem, ut etiam à Rhodijs urbe,
 portu, statione, quæ extra urbem est, com metu, a-
 qua denique prohiberentur nostri milites, nos uix ipsi
 singulis cum nauigiolis reciperemur. quam indigni-

EPI. LIB. XII.

tatem, diminutionemq; maiestatis non solum iuris nostri, sed etiam imperij, populiq; R. iccirco tulimus, quod interceptis literis cognoramus, Dolabellam, si desperasset de Syria, Aegyptoq; quod necesse erat fieri, in naues cum omnibus suis latronibus, atque omni pecunia conscendere esse paratum, Italiamq; petere; iccirco etiam naues onerarias, quarum minor nulla erat duum millium amphorarum, contractas in Lycia à classe eius obsideri. huius rei timore P. C. percitus, iniurias perpe-
ti, & cum contumelia etiam nostra omnia prius experiri malui. itaque ad illorum uoluntatem introductus in urbem, & in senatum eorum, quam diligentissime potui causam Reip. egi: periculumq; omne, quod instaret, si ille latro cum omnibus suis naues conscendisset, exposui. Rhodios autem tanta in prauitate animaduerti; ut omnes firmiores putarent, quàm bonos; ut hanc concordiam, & conspirationem omnium ordinum ad defendendam libertatem propense non crederent esse factam; ut patientiam senatus, & optimi cuiusque manere etiam nunc confiderent, nec potuisse audere quenquam Dolabellam hostem iudicare; ut denique omnia, quæ improbi finge-
bant, magis uera existimarent, quàm quæ uere facta erant, & à nobis docebantur. qua mente etiam ante nostrum aduentum, post Trebonij indignissimam cædem, cæteraq; tot, tamq; nefaria facinora, binæ profectæ erant ad Dolabellam legationes eorum, & quidem nouo exemplo, contra leges ipsorum, prohibentibus ijs, qui tum magistratus gerebant. hæc siue timore, ut dictitant, de agris, quos in continenti habent, siue furore, siue
potentia

A D

potentia
ros clari
tus genera
que nostr
nostra per
nibus, ex
ri, cum fac
gustatus
demorati
aduentu
quot auz
rius, &
nauis; lo
colligendi
runt. itaq
nauib; in
pinus, don
uerbam
italiam
secuti su
provincia
diffugisse
disiectis,
cis classem
officium
& diligen
niamq; q
cozam, on
percurrere
Reip. fider

potentia paucorum, qui & antea pari contumelia ui-
ros clarissimos affecerant, & nunc maximos magistra-
tus gerentes: nullo exemplo, neque uestra ex parte, ne-
que nostro presentium, neque imminenti Italiae, urbiq;
nostrae periculo, si ille parricida cum suis latronibus, na-
uib; ex Asia, Syriaq; expulsus, Italiam petisset, mede-
ri, cum facile possent, uoluerunt. nonnullis etiam ipsi ma-
gistratus ueniebant in suspicionem, detinuisse nos, &
demorati esse, dum classis Dolabellae certior fieret de
aduentu nostro. quam suspicionem consecutae res ali-
quot auxerunt, maxime quod subito ex Lycia Sex. Ma-
rius, & C. Titius Legati Dolabellae a classe discesserunt,
nauiq; longa profugerunt, onerarijs relictis, in quibus
colligendis non minimum temporis, laborisq; consumpse-
runt. itaque cum a Rhodo cum ijs, quas habueramus,
nauib; in Lyciam uenissemus, nauis onerarias rece-
pimus, dominisq; restituimus. iisdemq;, quod maxime
uerebamus, ne posset Dolabella cum suis latronibus in
Italiam uenire, timere desimus. classem fugientem per-
secuti sumus usq; ad Sydam, quae extrema regio est
provinciae meae. ibi cognoui partem nauium Dolabellae
diffugisse, reliquas Syriam, Cyprumq; petisse. quibus
disiectis, cum scirem C. Cassij singularis ciuis, & du-
cis classem maximam fore praesto in Syria: ad meum
officium reuerti: daboq; operam, ut meum studium,
& diligentiam uobis P. C. & Reipu. praestem, pecu-
niamq;, quam maximam potero, & quam celerrime,
cogam, omnibusq; cum rationibus ad uos mittam. si
percurrero provinciam, & cognouero, qui nobis, &
Reip. fidem praestiterunt in conseruanda pecunia a me

deposita, quique scelere ultro deferentes pecuniam publicam hoc munere societatem facinorum cum Dolabella inierunt, faciam uos certiores. de quibus, si uobis uidebitur, si, ut meriti sunt, grauiter constitueritis, nosque uestra auctoritate firmaueritis: facilius et reliqua exigere uectigalia, et exacta seruare poterimus. interea quo commodius uectigalia tueri, prouinciamque ab iniuria defendere possim, praesidium necessarium, uoluntariumque comparauimus. His literis scriptis, milites circiter XXX, quos Dolabella ex Asia conscripserat, ex Syria fugientes in Pamphylia uenerunt. hi nunciauerunt, Dolbellam Antiochiam, quae in Syria est, uenisse, non receptum: conatum esse aliquoties uero introire, repulsum semper esse cum magno suo detrimento: itaque centum circiter amissis, agrisque compluribus relictis, noctu Antiochia profugisse Laodiceam uersus: ea nocte omnes fere Asiaticos milites ab eo discessisse: ex his ad octingentos Antiochiam redisse, et se iis tradidisse, qui a Cassio relictis, urbi illi praeerant: caeteros per Amanum in Ciliciam descendisse: quo ex numero se quoque esse dicebant: Cassium autem cum suis omnibus copiis nunciatum esse quatruidui iter a Laodicea abfuisse tum, cum Dolabella eodem tenderet. quamobrem opinione celerius confido sceleratissimum latronem poenas daturum. IIII. Non. Iun. Pergae.

C. TREBONIUS M. CICERONI S.

I uales, bene est: ego quidem ualeo. Athenas
 ueni ad XI. Cal. Iun. atq; ibi, quod maxime
 optabam, uidi filium tuum, deditum optimis
 studiis, summaq; modestie fama. qua ex re quantam
 uoluptatem ceperim, scire potes etiam me tacente: non
 enim nescis, quanti te faciam, & quam pro nostro ue
 terrimo, uerissimoq; amore omnibus tuis etiã minimis
 commodis, non modo tanto bono gaudeam. noli putare
 mi Cicero me hoc auribus tuis dare. nihil adolescente
 tuo, atq; adeo nostro (nihil enim mihi à te potest esse
 seiunctum) aut amabilius omnibus ijs, qui Athenis sunt,
 est; aut studiosius earũ artiũ, quas tu maxime amas,
 hoc est optimarũ. itaque tibi, quod uere facere possum,
 libenter quoq; gratulor, nec minus et nobis, quod eum,
 quem necesse erat diligere, qualiscũque esset, talem ha
 bemus, ut libenter quoq; diligamus. qui cum mihi in
 sermone inieciisset se uelle Asiam uisere; non modo in
 uitatus, sed etiam rogatus est à me, ut id potissimum
 nobis obtinentibus prouinciã faceret. cui nos & cha
 ritate, & amore tuum officium præstaturos non debes
 dubitare. illud quoq; erit nobis curæ, ut Cratippus unã
 cum eo sit; ne putes in Asia feriatum illum ab ijs stu
 dijs, in quæ tua cohortatione incitatur, futurum: nam
 illum paratum, ut uideo, & ingressum pleno gradu,
 cohortari non intermittemus, quo in dies longius discen
 do, exercendoq; se, procedat. Vos: quid ageretis in
 Rep. cum has literas dabam, non sciebam. audiebam
 quedam turbulenta: quæ scilicet cupio esse falsa; ut

BB ij

EPIST. LIB. XII.

aliquando otiosa libertate fruamur: quod uel minime adhuc mihi contigit. ego tamen nactus in nauigatione nostra pusillum laxamenti, cōcinavi tibi munusculum ex instituto meo: & dictum, cum magno nostro honore à te dictum, conclusi, & tibi infra subscripsi. in quibus uersiculis si tibi quibusdam uerbis ^{ὁ δὲ πρῶτος} uidebor: turpitudine personæ eius, in quā liberius inuehimur, nos uindicabit. ignoscet etiam iracundiæ nostræ, quæ iusta est in eiusmodi & homines, & ciueis. deinde qui magis hoc Lucilio licuerit assumere libertatis, quā nobis? cum, etiam si odio pari fuerit in eos, quos læsit, tamē certe non magis dignos habuerit, in quos tanta libertate uerborum incurreret. tu, sicut mihi pollicitus es, adiunges me quamprimum ad tuos sermones. nanque illud non dubito, quin, si quid de interitu Cæsaris scribas, non patiaris me minimam partem & rei, & amoris tui ferre. Vale, & matrem, meosq; tibi commendatos habe. D. VIII. Cal. Iun. Athenis.

M. CICERO Q. CORNIFICIO
COLLEGAE S.

Rata mihi uehementer est memoria nostri
G tua, quā significasti literis: quā ut conserues,
non quo de tua constantia dubitem, sed quia
mos est ita rogandi, rogo. Ex Syria nobis tumultuosiora
quædam nunciata sunt: quæ, quia tibi sunt propiora,
quā nobis, tua me causa magis mouent, quā mea.
Romæ summum otium est, sed ita, ut malis salubre ali-
quod, & honestū negotiū: quod spero fore, quia uideo

ad curæ e
causationem
daciū, &
deres: sed
quo sape
ut doctum
re. hūc t
gratia cā
bant, ad t
probabilis
Etum sit
tionem t
omnium
quem inte
buere, tum
& de spe
tibi anteq

Q P
m
re normis
quam, est
nō dedi:
te nihil con
ses, quo ill
centi consi
fretus, et

id curæ esse Cæsari. Me scito, dum tu absis, quasi occasionem quandam, & licentiam nactum, scribere audacius, & cetera quidem fortasse, quæ etiam tu concederes: sed proxime scripsi de optimo genere dicendi: in quo sæpe suspicatus sum te à iudicio nostro, sic scilicet, ut doctum hominem à non indocto, paululum dissidere. huic tu libro maxime uelim ex animo; si minus, gratiæ cā suffragere. dicam tuis, ut eum si uelint, describant, ad teq; mittant: puto enim, etiam si rem minus probabis, tamen in ista solitudine, quidquid à me profectum sit, iucundum tibi fore. Quod mihi existimationem tuā, dignitatemq; commendas: facis tu quidem omnium more: sed uelim sic existimes, me cum amori, quem inter nos mutuum esse intelligam, plurimum tribuere, tum de summo ingenio, et de optimis tuis studiis, & de spe amplissimæ dignitatis ita iudicare, ut neminē tibi antepōnam, comparem paucos. Vale.

CICERO CORNIFICIO
COLLEGAE S. D.

Qvod extremum fuit in ea epistola, quam à te proxime accepi, ad id primum respōdebo: anis maduertī enim hoc uos magnos oratores facere nonnunquam. Epistolas requiris meas. ego autem nūquam, cum mihi denūciatum esset à tuis ire aliquem, nō dedi. Quod mihi uideo ex tuis literis intelligere, te nihil commissurum esse temere, nec ante, quàm scis ses, quò ille nescio quī Cæcilius Bassus erūperet, quidquā certū constituturum: id ego & speraram prudentia tua fretus; et, ut considerem, fecerunt tuæ grauissimæ li-

EPISTOLARUM LIB. XII.

tere. idq; ut facias quam sepiissime, ut, & quid tu agas,
& quid agatur, scire possim, & etiam quid acturus
sis, valde te rogo. etsi periniquo patiebar animo te à me
digredi: tamen eo tempore me consolabar, quòd & in
summum otium te ire arbitrabar, et ab impendentibus
magnis negotijs discedere. utrunque contra accidit: istuc
enim bellum est exortum, hic pax consecuta, sed eius-
modi pax, in qua, si adesses, multo te non delectarent,
ea tamen, quæ ne ipsum Cæsarem quidem delectent:
BELLORVM enim civilium ij semper exitus sunt,
ut non ea solum fiant, quæ velit victor, sed etiam ut ijs
mos gerendus sit, quibus adiutoribus parta sit victoria.
equidem sic iam obdurui, ut ludis Cæsaris nostri exquisi-
mo animo uiderem T. Plancum, audirem Laberij, &
Publij poemata. nihil mihi tam deesse scito, quàm qui-
cum hæc familiariter, docteq; rideam. is tu eris, si quã-
primum ueneris. quod ut facias, non mea solum, sed et
tua interesse arbitror. Vale.

M. CICERO CORNIFICIO S.

Ibentissime legi tuas literas: in quibus iucun-
dissimū mihi fuit, quòd cognoui meastibi red-
ditas esse. non enim dubitabam, quin eas liben-
ter lecturus esses: uerebar, ut redderentur. Bellum,
quod est in Syria, Syriamq; prouinciam tibi tributam
esse à Cæsare, ex tuis literis cognoui. eandem rem tibi
uolo bene, & feliciter euenire. quod ita fore confido,
fretus, & industria, & prudentia tua. sed de Parthi-
ci belli suspitione quod scribis, sanè me commouit.

quantum copiarum haberes, cum ipse coniectura conse-
 qui poteram, tum ex tuis literis cognoui. itaque opto,
 ne se illa gens moueat hoc tempore, dum ad te legiones
 ea perducatur, quas audio duci. quod si pares copias ad
 configendum non habebis, non te fugiet uti consilio M.
 Bibuli, qui se oppido munitissimo, & copiosissimo tan-
 diu tenuit, quadiu in provincia Parthi fuerunt. sed haec
 melius ex re, & ex tempore constitues. mihi quidem
 usque curae erit, quid agas, dum, quid egeris, sciero.
 Literas ad te nunquam habui cui darem, quin dederim.
 à te, ut idem facias, peto, in primisq; , ut ita ad tuos
 scribas, ut me tuum sentiant esse. Vale.

M. CICCERO CORNIFICIO

COLLEGAE S.

Ratae mihi tuae literae, nisi quod Sinuessanum
 diuersorolum contempsisti. quam quidem
 contumeliam uilla pusilla iniquo animo fe-
 ret, nisi in Cumano, & Pompeiano reddideris πάντα
 πέρι πάντων. sic igitur facies, meq; amabis, & scripta
 aliquo laceesses: ego enim respondere facilius possum,
 quam prouocare. quod si, ut est, cessabis: lacessam, ne
 tua ignauia etiam inertiam afferat, plura otiosus. haec,
 cum essem in senatu, exaravi.

M. CICERO CORNIFICIO S.

Aius Anitius, familiaris meus, uir omnibus rea-
 bus ornatus, negotiorum suorum causa legatus

BB iiii

est in Africam legatione libera. eum uelim rebus omnibus adiuvēs, operamq; des, ut quā commodissime sua negotia conficiat. in primisq; , quod ei charissimum est, dignitatem eius tibi commendo. idq; à te peto, quod ipse in provincia facere sum solitus non rogatus, ut omnibus senatoribus liētores dārem: quod idem acceperam, & cognoueram à summis uiris factitatum. hoc igitur mi Cornifici facies: ceterisq; rebus omnibus eius dignitati, rei q; , si me amas, consules. id erit mihi gratissimū. Da operam, ut ualeas.

M. CIC. S. P. D. CORNIFICIO.

Os hic cum homine gladiatore omnium nequissimo collega nostro Antonio bellum gerimus, sed non pari conditione, contra arma uerbis. at etiam de te concionatur: nec impune: nam sentiet, quos lacefferit. ego autem aēta ad te omnia arbitror perscribi ab alijs. à me futura debes cognoscere, quorum quidem non est difficilis coniectura. oppressa omnia sunt: nec habent ducem boni: nostriq; τυραννοὶ κτόροι longe gentium absunt. Pansa & sentit bene, et loquitur fortiter. Hircius noster tardius conualescit. quid futurum sit, planē nescio. spes tamen una est, aliquando populum R. maiorem similem fore. ego certe Reip. non deero: & quidquid acciderit, à quo mea culpa absit, animo forti feram. illud profecto, quoad poterō, tuā famam, & dignitatem tuebor. ad XIII. Cal. Ian. senatus frequēs mihi est assensus cum de ceteris rebus magnis, & necessarijs, tum de provincijs ab ijs, qui

obtinerent, retinendis, neq; cuiquam tradendis, nisi qui ex S. C. successisset. hoc ego cum Reip. causa censui, tum mehercule in primis retinendæ dignitatis tuæ. quam ob rem te amoris nostri causa rogo, Reip. causa hortor, ut ne cui quidquā iuris in tua provincia esse patiari, atq; ut omnia referas ad dignitatē, quæ nihil potest esse præstātius. uere tecum agā, ut necessitudo nostra postulat: in Sēpronio, si meis literis obtemperasses, maximā ab omnibus laudem adeptus esses. sed illud et præterijt, et leuius est. hæc magna res est. fac ut provinciam retineas in potestate Reip. plura scripsissem, nisi tui festinarent. itaque Cherippo nostro me uelim excuses. Vale.

M. T. CICERO CORNIFICIO S. D.

Mnem conditionem imperij tui, statumq; provincie mihi demonstravit Stratorius. o multa intolerabilia locis omnibus. sed quo tua maior dignitas, eo quæ tibi acciderunt, minus ferenda: neque enim, quæ tu propter magnitudinem & animi, & ingenij moderate fers, à te non ulciscenda sunt, etiā si non sint dolenda. sed hæc posterius. Rerum urbanarum acta tibi mitti certo scio. quod ni ita putarem, ipse perscriberem, in primisq; Cæsaris Octauiani contrarium. de quo multitudini fictum ab Antonio crimen uidetur, ut in pecuniam adolescentis impetum faceret. prudentes autem, & boni uiri & credunt factum, & probant. quid quæris? magna spes est in eo. nihil est, quod non existimetur laudis, & gloriæ causa facturum. Antonius autē, noster familiaris, tātō se odio esse intelligit, ut, cū interfectores suos domi cōprehēderit, rē pro-

ferre non audeat. ad VII. Id. Oct. Brundisium uenerat, profectus obuiam legionibus Macedonicis quatuor: quas sibi conciliare pecunia cogitabat, easque ad Urbem adducere, & in ceruicibus nostris collocare. habes formam Reip. si in castris potest esse Resp. in qua tuam uicem saepe doleo, quod nullam partem per aetatem sanam & saluam Reip. gustare potuisti. atque antehac quidem sperare saltem licebat, nunc etiam illud ereptum est. quae enim spes est, cum in concione dicere ausus sit Antonius, Canutium apud eos locum sibi querere, quibus se saluo locus in ciuitate esse non posset? equidem & haec, & omnia, quae homini accidere possunt, sic fero, ut magnam habeam philosophiae gratiam, quae me non modo à solitudine abducit, sed etiam contra omnes fortunae impetus armat. tibi quoque idem censeo faciendum, nec, à quo culpa absit, quidquam in malis numerandum. sed haec tu melius. Stratorium nostrum cum semper probassem, tum maxime in tuis rebus summam eius fidem, diligentiam, prudentiamque cognoui. Da operam, ut ualeas. hoc mihi gratius facere nihil potes.

M. CICERO CORNIFICIO.

Go nullum locum praetermitto (nec enim debeo) non modo laudandi tui, sed ne ornandi quidem. sed mea studia ergate, & officia malo tibi ex tuorum literis, quam ex meis esse nota. te tamen hortor, ut omni cura in Rempublicam incumbas. hoc est animi, hoc est ingenii tui, hoc eius spei, quam habere debes amplificandae dignitatis tuae. sed hac de re alias ad te pluribus: cum

enim ha
dum leg
candam
gatorum
sio data e
cipem sem
quum sus
uerdae se
ex alijs m
tanto tibi
cum pro
communi
tiaque: Dio
omnium p
sed comme
sunt homi
nysium si

quatribus
ta Minerva
nerua nos
tueretur.
approbatio
sone Min
s. C. hor

enim hæc scribebam, in expectatione erant omnia. non dum legati redierant, quo senatus non ad pacem deprecandam, sed ad bellum denunciandum miserat, nisi legatorum nuncio paruisset. ego tamen, ut primum occasio data est, meo pristino more Remp. defendi: me principem senatui, populoq; R. professus sum: nec postea, quam suscepì causam libertatis, minimum tēpus amittuendæ salutis, libertatisq; cōmunis. sed hæc quoque te ex alijs malo. T. Pinarium familiarissimum meum, tanto tibi studio commendo, ut maiore non possim: cui cum propter omnes uirtutes, tum etiam propter studia communia sum amicissimus. is procurat rationes, negotiaq; Dionysij nostri, quem & tu multum amas, et ego omnium plurimum. ea tibi ego nō debeo commendare, sed commendo tamen. facias igitur, ut ex Pinarij gratissimi hominis literis tuum & erga illum, & erga Dionysium studium perspiciamus. Vale.

M. CICERO CORNIFICIO.

Iberalibus literas accepi tuas, quas mihi Cornificius altero uicesimo die, ut dicebat, reddidit, eo die non fuit senatus, neque postero. quin quatribus frequenti senatu causam tuam egi non inuita Minerva: etenim eo ipso die senatus decreuit, ut Minerva nostra, custos Urbis, quam turbo deiecerat, restitueretur. Pansa tuas literas recitauit. magna senatus approbatio consecuta est cum summo gaudio, & offensione Minotauri, idest Calvisij, & Tauri. factum de te S. C. honorificum. & postulabatur, ut etiam illi nota

EPIST. LIB. XII.

rentur, sed Pansa clementior. ego mi Cornifici quo die primum in spem libertatis ingressus sum, & cunctantibus ceteris ad XIII. Cal. Ian. fundamenta Reip. ieci; eo ipso die prouidi multū, atq; habui rationē dignitatis tuæ: mihi enim est assensus senatus de obtinendis prouincijs, nec uero postea destiti labefactare eum, qui summa cum tua iniuria, contumeliaq; Reip. prouinciam absens obtinebat. itaque crebras, uel potius quotidianas compellationes meas non tulit, seq; in Urbem recepit inuitus: neque solum spe, sed certa re iam, & possessione deturbatus est. meo iustissimo, honestissimoq; conuitio te tuam dignitatem summa tua uirtute tenuisse, prouinciæq; honoribus amplissimis affectum, uehementer gaudeo. Quod te mihi de Sempronio purgas: accipio excusationem: fuit enim illud quoddam Græcum tempus seruitutis. Ego tuorū consiliorum auctor, dignitatisq; fautor, iratus temporibus, in Græciam desperata libertate rapiebar, cum me Etesia, quasi boniciues, relinquentem Remp. prosequi noluerūt: austerq; aduersus maximo flatu me ad tribuleis tuos Rhegium retulit: atque inde uentis, remisq; in patriam omni festinatione properaui: postridieq; in summa reliquorum seruitute liber unus fui: sic sum in Antonium inuectus, ut ille non ferret, omnemq; suū uinolentum furorem in me unum effunderet, meq; cum elicere uellet ad cædis causam, tum tentaret insidijs: quem ego ruētantem, & nauseantem conieci in Cæsaris Octauiani plagas: puer enim egregius præsidium sibi primum, & nobis, deinde summæ Reip. comparauit: qui nisi fuisset, Antonij reditus à Brundusio

AD
pestis pain
bitor. se
pio excu
enti quid
hic dies ali
Terentius.
& quidem
mimum: q
teneamus
erunt, ars
aliud uirt
celso, cogit
iunctam e
das quem,
Hircium a
nes in Con
amifomus,
sed non do
re nostro
defatigari
& fidem a
quam à me
ea, quæ ma
quibusdam
duriore era
facias me u

M. T.

Q.

n

pestis patriæ fuisset. quæ deinceps acta sint, scire te arbitror. sed redeamus ad illud, unde diuertimus. Accipio excusationem tuam de Sempronio: neque enim statuti quid in tanta perturbatione habere potuisti. nunc hic dies aliam uitam affert, alios mores postulat, ut ait Terentius. quamobrem mi Quinte conscende nobiscum, & quidem ad puppim. una nauis est iam bonorum omnium: quam quidem nos damus operam, ut rectam, teneamus, utinam prospero cursu: sed quicumque uentierunt, ars nostra certe non aberit: quid enim præstare aliud uirtus potest? tu fac ut animo magno sis, & excelso, cogitesque omnem dignitatem tuam cum Rep. coniunctam esse debere. P. Luceium mihi meum comendas, quem, quibuscumque rebus potero, diligenter tuebor.

Hircium quidem, & Pansam, collegas nostros, homines in Consulatu Reip. salutare, alieno sanè tempore amisimus, Rep. Antoniano quidem latrocinio liberata, sed non dum omnino explicata: quam nos, si licebit, more nostro tuebimur: quanquam admodum sumus iam defatigati: sed NULLA lassitudo impedire officium, & fidem debet. uerum hæc hætenus ab alijs te de me, quam à me ipso, malo cognoscere. De te audiebamus ea, quæ maxime uellemus. De Cn. Minutio, quem tu quibusdam literis ad coelum laudibus extulisti, rumores duriores erant. id quale sit, omninoque quid istuc agatur, facias me uelim certiore.

M. T. CICERO CORNIFICIO S.

Q. Turius, qui in Africa negotiatus est, uir bonus, & honestus, hæredes fecit similes sui

Ex. Saturninum, Sex. Aufidium, Cn. Anneium, Q. Confidiam Gallum, L. Seruilium Posthumum, Cn. Rubellium. ex eorum oratione intellexi, gratiarum actione eos magis egere, quam commendatione: tanta enim liberalitate se tua usos predicabant, ut ijs plus à te tributum intelligerem, quam ego auderem te rogare. audebo tamen: scio enim, quantum ponderis meae commendatio sit habitura. quare à te peto, ut ad eam liberalitatem, qua sine meis literis usus es, quam maximus his literis cumulus accedat. caput autem est meae commendationis, ne patiare Erotem Turiū Q. Turiū libertū, ut adhuc fecit, hereditatem Turianam auertere: ceterisq; omnibus rebus habeas eos à me commēdatissimos. magnam ex eorum splendore, & obseruantia capies uoluptatem. quod ut uelis, te uehementer etiam atque etiam rogo. Vale.

M. CICERO CORNIFICIO

Ex. Aufidius & obseruantia, qua me colit, accedit ad proximos: & splendore, equitū R. nemini cedit. est autem ita temperatis, moderatisq; moribus, ut summa seueritas summa cum humanitate iungatur. cuius tibi negotia, quae sunt in Africa, ita commendo, ut maiore studio, magis ue ex animo commendare non possim. pergratum mihi feceris, si dederis operam, ut is intelligat meas apud te literas maximum pondus habuisse. hoc te uehementer mi Cornifici rogo. Vale.

M. CICERO CORNIFICIO.

Asfentior tibi eos, quos scribis Lilybæo minari,
 istic pœnas dare debuisse: sed metuisti, ut ais,
 ne nimis liber in ulciscendo uiderere. metuisti
 igitur, ne gravis ciuis, ne nimis fortis, ne nimis te di-
 gnus uiderere. Quòd societatem Reip. conseruandæ
 tibi mecum à patre acceptam renouas, gratum est: quæ
 societas inter nos semper mi Cornifici manebit. Gratum
 etiam illud, quòd mihi tuo nomine gratias agendas
 non putas: nec enim id inter nos facere debemus.

Senatus sæpius pro dignitate tua appellaretur, si ab-
 sentibus Consulibus unquam, nisi ad rem nouam, coge-
 retur. itaque nec de HS XX, nec de HS DCC quid-
 quam agi nunc per senatum potest. tibi autem ex S.C.
 imperandum, mutuumq; sumendum censeo. In Rep.
 quid agatur, credo te ex eorum literis cognoscere, qui
 ad te acta debent perscribere. ego sum spe bona: con-
 silio, cura, labore non desum: omnibus inimicis Reip.
 esse me acerrimum hostem præmefero. res neque nunc
 difficili loco mihi uidetur esse; & fuisset facillimo, si
 culpa à quibusdam abfuisset. Vale.

M. CICERO CORNIFICIO.

Non modo te, cui omnia nostra notissima sũt,
 sed neminem in populo R. arbitror esse, cui sit
 ignota ea familiaritas, quæ mihi cum L. La-
 mia est: etenim magno theatro spectata est tum, cum
 est ab A. Gabinio Cos. relegatus, quòd libere, & fortiter
 salutem meã defendisset. nec ex eo amor inter nos na-

rus est: sed quod erat uetus, & magnus, propterea nul-
lum periculum pro me adire dubitauit. ad hæc officia,
uel merita potius, iucundissima consuetudo accedit, ut
nullo prorsus plus homine delecter. nō puto te iam ex-
pectare, quibus eum tibi uerbis commendem. causam
enim tanti amoris intelligis quæ uerba desideret, ijs me
omnibus usum putato. tantum uelim existimes, si nego-
tia Lamie, procuratores, libertos, familiam, quibuscun-
que rebus opus erit, defenderis, gratius mihi futurum,
quàm si ea tua liberalitas pertinuisset ad rem familia-
rē meam. nec dubito, quin sine mea cōmēdatione, quod
tuū est iudicium de hominibus, ipsius Lamie causa stu-
diose omnia facturus sis. quanquam erat nobis dictū,
te existimare alicui S. C. quod contra dignitatem tuam
fieret, scribendo Lamiam affuisse: qui omnino Consu-
libus illis unquam affuit scribendo. deinde omnia tum
falsa S. C. deferrebantur. nisi forte etiam illi Sempro-
niano S. C. me censes affuisse, qui ne Romæ quidem tū
fui, ut de eo ad te scripsi re recenti. sed hæc hætenus.
te mi Cornifici etiam atque etiam rogo, ut omnia La-
mie negotia, mea putes esse; curesq; ut intelligat hæc
cōmēdationem maximo sibi usui fuisse. hoc mihi gra-
tius facere nihil potes. Cura ut ualeas.

M. T. CIC. S. P. D. CORNIFICIO.

Ta ne præter litigatores nemo ad te meas lite-
ras? multæ istæ quidem: tu. n. perfecisti, ut ne-
mo sine literis meis tibi se cōmēdatū putaret.
sed quis unquā tuorum mihi dixit esse, cui darē, quin
dederim?

dederim? aut quid mihi iucundius, quàm, cum coràm
tecum loqui non possim, aut scribere ad te, aut tuas le-
gere literas? illud magis mihi solet esse molestum, tan-
tis me impediri occupationibus, ut ad te scribendi meo
arbitratu facultas nulla detur: non enim te epistolis, sed
uoluminibus lacefferem, quibus quidem me à te prouo-
cari oporteret: quamuis enim occupatus sis, otij tamen
plus habes: aut, si ne tu quidem uacas, noli impudens
esse, nec mihi molestiam exhibere, & à me literas cre-
briores, cum tu mihi raras mittas, flagitare. nam cum
antea distinebar maximis occupationibus, propterea
quòd omnibus curis Remp. mihi tuendam putabam: tū
hoc tempore multo distineor uehementius. ut enim gra-
uius ægrotant ij, qui, cum leuati morbo uiderentur, in-
eum de integro inciderunt: sic uehementius nos labora-
mus, qui profigato bello, ac penè sublato, renouatum
bellū gerere conamur. sed hæc hætenus. Tu tibi mi Cor-
nifici fac ut persuadeas, non esse me tam imbecillo ani-
mo, ne dicam inhumano, ut à te uinci possim aut offi-
cijs, aut amore. nō dubitabā equidem: ueruntamen mul-
to mihi notio rem amorem tuum effecit Cherippus. ò ho-
minem semper illum quidem mihi aptum, nūc uero e-
tiam suauem, uultus mehercule tuos mihi expressit o-
mnis: non solum animum, ac uerba protulit. itaque
noli uereri, ne tibi succensuerim, quòd eodem exemplo
ad me, quo ad cæteros. requisui equidem proprias ad
me unum à te literas, sed neque uehementer, & aman-
ter. De sumptu, quem te in rem militarem facere, &
fecisse dicis, nihil sanè possum tibi opitulari, propterea
quòd & orbus senatus Consulibus amissis, & incredi-

biles angustia pecuniæ publicæ: quæ conquiratur unda-
que, ut optime meritis militibus promissa solvantur.
quod quidem fieri sine tributo posse non arbitror. De
Accio Dionysio nihil puto esse, quoniam mihi nihil di-
xit Stratorius. De P. Luceio, nihil tibi concedo, quo stu-
diosior eius sis, quàm ego sum: est enim nobis necessa-
rius. sed à magistris cum contenderem de proferendo
die, probauerunt mihi, sese, quo minus id facerent, &
compromisso, & iureiurando impediri. quare uenien-
dum arbitror Luceio. quanquam, si meis literis obtem-
perauit, cum tu hæc leges, illum Romæ esse oportebit.

Cæteris de rebus, maximeq; de pecuniâ, cum Pansa
mortem ignorares, scripsisti quæ per nos ab eo consequi
te posse arbitrare. quæ te non fefellissent, si uiueret:
nam te diligebat. post mortem autem eius quid fieri pos-
set, non uidebamus. De Venuleio, Latino, Horatio ual-
de laudo. illud non nimium probo, quod scribis, quo
illi animo æquiore ferrent, te tuis etiam legatis lictores
ademisse: honore enim digni cum ignominia dignis nō
erant comparandi: eosq; ex S. C. si non decedunt, co-
gendos, ut decedant, existimo. hæc ferè ad eas literas,
quas eodem exemplo binas accepi. De reliquo, uelim
tibi persuadeas, non esse mihi meam dignitatem tua
chariorem. Vale.

M. T.

A

M.

E

letitia:

non sane

posuit uo-

non dubit

commode

tecum, &

lua prim

sed id, qu

tem inte

ante per

sunt, nisi

tio, sed &

observabi

quæ uolu

est, me h

re princ

ri essem

ut philo

nis, & o

M. T. CICERONIS EPISTOLARVM,
AD MEMMIUM, ET ALIOS,
LIBER XIII.

M. CICERO S. D. C. MEMMIO.

E T S I non satis mihi constiterat, cū ali
 quāne animi mei molestia, an potius
 libēter te Athenis uisurus essem, quod
 iniuria, quā accepisti, dolore me affice
 ret, sapientia tua, qua fers iniuriam,
 letitia: tamen uidisse te mallet. nam quod est molestiæ,
 non sanè in ulto leuius est, cum te non uideo: quod esse
 potuit uoluptatis, certe, si uidissem te, plus fuisset. itaque
 non dubitabo dare operam, ut te uideam, cum id satis
 commode facere potero, interea quod per literas & agi
 tecum, & ut arbitror, confici potest, agam. nunc à te il
 lud primum rogabo, ne quid inuitus mea causa facias;
 sed id, quod mea intelliges multum, tua nullam in par
 tem interesse, ita mihi des, si tibi, ut id libenter facias,
 ante persuaferis. Cum Patrone Epicureo mihi omnia
 sunt, nisi quod in philosophia uehementer ab eo dissen
 tio. sed & initio Romæ, cum te quoque, & tuos omnes
 obseruabat, me coluit in primis: & nuper, cum ea,
 quæ uoluit, de suis commodis, & præmijs consecutus
 est, me habuit suorum defensorum, & amicorum se
 rē principem: & iam à Phædro, qui nobis, cum pue
 ri essemus, antequam Philonem cognouimus, ualde,
 ut philosophus, postea tamen, ut uir bonus, & sua
 uis, & officiosus, probabatur; traditus mihi, commen

CC ij

EPI. LIB. XIII.

datusq; est. is igitur Patro, cum ad me Romam literas
 misisset, uti te sibi placarem, peteremq; , ut nescio quid
 illud Epicuri parietinarum sibi concederes: nihil scripsi
 ad te ob eam rem, quod ædificationis tuæ cōsiliū mea
 commendatione nolebam impediri. idem, ut ueni Athe-
 nas, cum, idem ut ad te scriberem, rogasset: ob eam cau-
 sam impetrauit, quod te abiēcisse illam ædificationē cō-
 stabat inter omnes amicos tuos. quod si ita est, et si iam
 planē tua nihil interest: uelim, si qua offēsiūcula facta
 est animi tui peruersitate aliquorum, (nouī enim gen-
 tem illam) des te ad lenitatem, uel propter tuam sum-
 mam humanitatem, uel etiam honoris mei causa. equi-
 dem, si, quid ipse sentiam, quæris: nec cur ille tantopere
 contendat, uideo, nec cur tu repugnes: nisi tamen mul-
 to minus tibi cōcedi potest, quā illi, laborare sine cau-
 sa. quanquam Patronis & orationem, & causam tibi
 cognitam esse certo scio. honorem, officium, testamen-
 torum ius, Epicuri auctoritatem, Phædri obtestationem,
 sedem, domicilium, uestigia summorum hominum sibi
 tuenda esse dicit. totam hominis uitam, rationemq; ,
 quam sequitur in philosophia, derideamus licet, si hanc
 eius contentionem uolumus reprehendere. sed mehercu-
 le quando illi, cæterisq; , quos illa delectant, non ualde
 inimici sumus: nescio an ignoscendum sit huic, si tan-
 topere laborat: in quo etiam si peccat, magis ineptijs,
 quā improbitate peccat. sed ne plura (dicendum e-
 nim aliquando est) Pomponium Atticum sic amo, ut
 alterum fratrem. nihil est illo mihi nec charius, nec iu-
 cundius. is non quo sit ex istis, (est enim omni liberali
 doctrina politissimus) sed ualde diligit Patronem, ual-

AD
 de Bhad
 nime am
 hil unqu
 consequi
 ro si audi
 me d te in
 negligem
 ad tuos,
 tarum, q
 deo ad
 causa li
 si fecerit

C
 maioren
 de habita
 ta multa
 impeditio
 que tam
 inter sit,
 res. mihi

A

de Bhadrū amavit, sic à me hoc contendit, homo minime ambitiosus, minime in rogitando molestus, ut nihil unquam magis. nec dubitat, quin ego à te nutu hoc consequi possim, ita etiam, si ædificaturus esses. nunc vero si audierit te ædificationem deposuisse, neque tamen me à te impetrasse; nō te in me illiberalem, sed me in se negligentem putabit. quamobrem pero à te, ut scribas ad tuos, posse tua uoluntate decretum illud Areopagitarum, quem ἄπομνηστὸν illi uocant, tolli. sed re deo ad prima. prius uelim tibi persuadeas, ut hoc mea causa libèter facias, quam ut facias. sic tamen habeto: si feceris, quod rogo, fore mihi gratissimum. Vale.

M. CICERO C. MEMMIO.

Aio Auliano Euandro, qui habitat in tuo sacrario, & ipso multum utor, & patrono eius M. Aemilio familiarissime. peto igitur à te maiorem in modum, quod sine tua molestia fiat, ut ei de habitatione accommodes: nam propter opera instituta multa multorum, subito est ei remigrare Cal. Quint. impediōr uerecundia, ne te pluribus uerbis rogem. neque tamen dubito, quin, si tua nihil, aut non multum intersit, eo sis animo, quo ego essem, si quid tu me rogares. mihi certe gratissimum feceris. Vale.

M. CICERO C. MEMMIO,

A Vlū Fusium, unū ex meis intimis, obseruantissimū, studiosissimūq; nostri, eruditū hominē et sūma humanitate, tuāq; amicitia dignissi

CC iiij

mum, uelim ita tractes, ut mihi coram recepisti. tam mihi gratum id erit, quam quod gratissimum. ipsum præterea summo officio, & summa obseruantia tibi in perpetuum deuinxeris. Vale.

M. CIC. Q. VALERIO Q. F. ORCAE
LEGATO PROPRAET. S. D.

Um municipibus Volaterranis mihi summa
C necessitudo est: magno enim meo beneficio af-
fecti cumulatissime mihi gratiā retulerunt:
nam nec in honoribus meis, nec in laboribus unquā de-
fuerunt. cum quibus si mihi nulla causa intercederet,
tamen, quod te uehementissime diligo, quodq; me à te
plurimi fieri sentio, & monerem te, & hortarer, ut eo-
rum fortunis consuleres, præsertim cum propè præcipuā
causam haberent ad ius obtinendum: primum, quod
Syllani temporis acerbiter Deorum immortalium
benignitate subterfugerūt: deinde, quod summo studio
populi R. à me in Cōsulatu meo defensi sunt: cum enim
Tribuni pl. legem iniquissimam de eorum agris promul-
gassent, facile senatui, populoq; R. persuasi, ut eos ciues
quibus fortuna peperciisset, saluos esse, uellent. hanc a-
ctiōnem meam C. Cæsar primo suo Consulatu in lege
agraria comprobauit. agrumq; Volaterranum, & oppi-
dum omni periculo in perpetuum liberauit: ut mihi du-
bium nō sit, quin is, qui nouas necessitudines adiungat,
uetera sua beneficia conseruari uelit. quamobrem est
tuæ prudentiæ, aut sequi eius auctoritatem, cuius
sectam, atque imperium summa cum tua dignitas
te secutus es; aut certe illi integram omnem causam

reseruare. illud uero dubitare non debes, quin tam graue, tam firmum, tam honestum municipiū tibi tuo summo beneficio in perpetuum obligari uelis. sed hæc, quæ scripta sunt supra, eò spectant, ut te horter, & suadeā. reliqua sunt, quæ pertinent ad rogandum: ut non solū tua causa tibi consilium me dare putes, sed etiam, quod mihi opus sit, me à te petere, et rogare. gratissimum igitur mihi feceris, si Volaterranos omnibus rebus integros, incolumesq; esse uolueris. eorum ego domicilia, sedes, rem, fortunas, quæ & à Dijs immortalibus, & à præstantissimis in nostra Rep. ciuibus summo senatus, populiq; R. studio conseruatae sunt, tuæ fidei, iustitiæ, bonitatiq; commendo. si pro meis pristinis opibus facultatem mihi res hoc tempore daret, ut ita defendere possem Volaterranos, quemadmodum cōsueui tueri meos: nullum officium, nullum denique certamen, in quo illis prodesse possem, prætermitterem. sed quando apud te nihil minus hoc tempore ualere me confido, quàm ualuerim semper apud omnes: pro nostra summa necessitudine, pariq; inter nos, et mutua beneuolentia abs te peto, ut ita de Volaterranis mereare, ut existiment eū quasi diuino consilio isti negotio propositum esse, apud quem unum nos eorum perpetui defensores plurimum ualere possemus. Vale.

M. C. Q. VALERIO Q. F. ORCAE
LEGATO PROPRAE T. S. P. D.

N On moleste fero, eam necessitudinē, quæ mihi tecū est, notā esse quamplurimis. neque tamē

CC iiij

ob eam causam, quod tu optime existimare potes, te impedio, quo minus susceptum negotium pro tua fide, & diligentia ex uoluntate Cæsaris, qui tibi rem magnam, difficilemque commisit, gerere possis. nam cum multi à me petant multa, quòd de tua erga me uoluntate non dubitent; non committo, ut ambitione mea conturbetur officium tuum. C. Curtio ab ineunte ætate familiarissime sum usus. eius & Syllani temporis iniustissima calamitate dolui: & cum ijs, qui similem iniuriam acceperant, amissis omnibus fortunis reditus tamen in patriam uoluntate omnium concedi uideretur, adiutor incolumitatis fui. is habet in Volaterrano possessionem, cum in eam tanquam è naufragio reliquias contulisset. hoc autem tempore eum Cæsar in senatum legit: quem ordinem ille ista possessione amissa tueri uix potest. grauissimum autem est, cum superior factus sit ordine, inferiorem esse fortuna: minimeque conuenit, ex eo agro, qui Cæsaris iussu diuidatur, eum moueri, qui Cæsaris beneficio senator sit. sed mihi minus libet multa de æquitate rei scribere, ne causa potius apud te ualuisse uidear, quàm gratia. quamobrem te maiorem in modum rogo, ut C. Curtij rem, meam putes esse: quidquid mea causa faceres, ut id, C. Curtij causa cum feceris, meum existimes. quod ille per me habuerit, id me habere abs te putato. hoc te uehementer etiam atque etiam rogo. Vale.

M. C. Q. VALERIO Q. F. ORCAE S.

I uales, bene est : ego quidem ualeo . Credo te
 S memoria tenere, me & coram P. Cuspio tecum
 locutum esse, cum te prosequerer paludatum ;
 & idem postea plurimis uerbis tecum egisse, ut , quos-
 cunque tibi eius necessarios commendarem, haberes eos
 in numero meorum necessariorum. id tu pro tua sum-
 ma erga me beneuolentia, perpetuaq; obseruatia mihi
 liberalissime, atque humanissime recepisti. Cuspius, ho-
 mo in omnes suos officiosissimus, mirifice quosdam ho-
 mines ex ista prouincia tuetur, & diligit, propterea qd
 fuit in Africa bis, cum maximis societatis negotij præs-
 set. itaque hoc eius officium , quod adhibet erga illos ,
 ego mea facultate & gratia soleo, quantum possum, ad-
 iuuare. quare Cuspianorum omnium commendationis
 causam hac tibi epistola exponendam putauit . reliquis
 epistolis tantum faciam ut notam apponam eam, quæ
 mihi tecum conuenit , & simul significem de numero
 esse Cuspij amicorum. sed hanc commendationem, quā
 his literis consignare uolui, scito esse omnium grauissi-
 mam. nam P. Cuspius singulari studio contendit à me ,
 ut tibi quam diligentissime L. Iulium commendarem .
 eius ego studio uix uideo r mihi satisfacere posse, si utar
 uerbis ijs, quibus , cum diligentissime quid agimus, uti
 solemus . noua quædam postulat : & putat me eius
 generis artificium quoddam tenere : ei ego pollicitus
 sum me ex intima nostra arte deprompturum mirificū
 genus commendationis. id quando assequi non possum,
 tu re uelim efficias , ut ille genere mearum literarum

incredibili quodam perfectum arbitretur. id facies, si omne genus liberalitatis, quod & ab humanitate, & potestate tua proficisci poterit, non modo re, sed etiam uerbis, uultu denique expresseris. quæ quātū in prouincia ualeant, uellem expertus esses. sed tamen suspicor ipsum hominem, quem tibi cōmendo, perdignū esse tua amicitia: non solum, quia mihi Cuspius dicit, credo, tametsi id satis esse debebat; sed quia noui eius iudicium in hominibus, & amicis deligendis. harum literarum uis quāta fuerit, propediē iudicabo, tibiq; ut cōfido, gratias agā. ego quæ te uelle, quæq; ad te pertinere arbitror, omnia studiose, diligenterq; curabo. Cura ut ualeas.

P. Cornelius, qui tibi has literas reddidit, est mihi à P. Cuspicio commendatus. cuius causa quantopere cuperem, deberemq; profecto ex me facile cognouisti, uehementer te rogo, ut cures, ut ex hac cōmendatione mihi Cuspius quāmaximas, quāprimū, quamsepiissime gratias agat.

M. CICERO C. CLVVIO S. P. D.

Cum in Galliam proficiscens, pro nostra necessitudine, tuaq; summa in me obseruātia ad me domū uenisses, locutus sum tecū de agro uectigali municipij Atellani, qui esset in Gallia: quantoq; opere eius municipij causa laborarem, tibi ostendi. post tuam autē profectionem, cū et maxima res municipij honestissimi, mihiq; coniunctissimi, et summū meū officiū ageretur: pro tuo animo in me singulari existimaui me oportere ad te accuratius scribere: etsi non sum nescius, &

quæ temporum ratio, & quæ tua potestas sit: tibiq; ne
 gotium datum esse à C. Cæsare, non iudicium, præcla-
 re intelligo. quare à te tantum peto, quantum & te fa-
 cere posse, & libenter mea causa facturum esse arbi-
 tror. et primum uelim existimes, quod res est, municipij
 fortunas omnes in isto uetigali consistere; his autē tē-
 poribus hoc municipium maximis oneribus pressum,
 summis affectum esse difficultatibus. hoc & si cōmune
 uidetur esse cum multis: tamen mihi crede singulareis
 huic municipio calamitates accidisse. quas iccirco non
 commemoro, ne de miserijs meorum necessariorum cō-
 querens, homines, quos nolo, uidear offendere. itaque nē
 si magnam spem haberem, C. Cæsari nos causam muni-
 cipij probaturos: non erat causa, cur à te hoc tempore
 aliquid contenderem. sed quia confido, mihiq; persuasi,
 illum & dignitatis municipij, & æquitatis, & uolun-
 tatis etiam erga se habiturum esse rationem: ideo à te
 non dubitavi contendere, ut hanc causam illi integram
 conseruares. quod etsi nihilo minus à te peterem, si ni-
 hil audiuissem te tale fecisse: tamen maiorem spē im-
 petrandi nactus sum, posteaquam mihi dictum est, hoc
 idem à te Rhegienses impetrauisse. qui etsi te aliqua
 necessitudine attingunt: tamen tuus amor in me spe-
 rare me cogit, te, quod tuis necessarijs tribueris, idē esse
 tributurum meis: præsertim cum ego, pro his unis pe-
 tam, habeam autem, qui simili causa laborent, com-
 plures necessarios. hoc me non sine causa facere, ne-
 que aliqua leui ambitione commotum à te cōtendere,
 etsi te existimare arbitror: tamen mihi affirmanti
 credas uelim, me huic municipio debere plurimum;

EPI. LIB. XIII.

nullum unquam fuisse tempus neque honorum, neque laborum meorum, in quo non huius municipij studiū in me extiterit singulare. quapropter à te etiam atque etiam pro nostra summa coniunctione, proq; tua in me perpetua, & maxima beneuolentia maiorem in modū peto, atque contendo, ut cum fortunas agi eius municipij intelligas, quod sit mihi necessitudine, officijs, beneuolentia coniunctissimum, id mihi des. quod erit huius modi, ut, si à Cæsare, quod speramus, impetrauerimus, tuo beneficio nos id consecutos esse iudicemus; sin minus, pro eo tamen id habeamus; quādo à te data sit opera, ut impetraremus. hoc cum mihi gratissimum feceris tum uiros optimos, homines honestissimos, eosdemq; gratissimos, & tua necessitudine dignissimos, summo beneficio in perpetuum tibi, tuisq; deuinxeris. Vale.

M. CIC. M. RUTILIO S. P. D.

Um & mihi conscius essem quanti te facere
 C & tuam erga me beneuolentiā expertus essem: nō dubitauit à te petere, quod mihi petendum esset. P. Sestium quanti faciam, ipse optime scio: quanti autē facere debeam, & tu, & omnes homines sciunt. is cū ex alijs te mei studiosissimū esse cognosceret, petiuit à me, ut ad te quam accurratissime scriberē de re C. Albini senatoris: cuius ex filia natus est L. Sestius optimus adolescens, filius P. Sestij. hoc iccirco scripsi, ut intelligeres non solum me pro P. Sestio laborare debere, sed Sestium etiam pro Albino. res autem hæc est. à M. Laberio C. Albinus prædia in æstimatio-

uem accepit: quæ prædia Laberius emerat à Cæsare de bonis Plotianis. ea si dicam non esse è Rep. diuidi, docere te uidear, non rogare. sed tamen cum Cæsar Syllanas uenditiones, & assignationes ratas esse uelit, quo firmiores existimentur suæ: si ea prædia diuidentur, quæ ipse Cæsar uendidit, quæ tandem in eius uenditionibus esse poterit auctoritas? sed hoc quale sit, tu pro tua prudentia considerabis. ego te planè rogo, atque ita, ut maiore studio, iustiore de causa, magis ex animo rogare nihil possim, ut Albino parcas, prædia Laberiana ne attingas. magna me affeceris non modo lætitia, sed etiā quodam modo gloria, si P. Sestius homini maxime necessario per me satisfecerit, cum ego illi plurimum debeam. quod ut facias, te uehementer etiam atque etiam rogo. maius mihi dare beneficium nullum potes: id mihi intelliges esse gratissimum. Vale.

M. CIC. CRASSIPEDI S. P. D.

Vanquam tibi præsens cōmendauī, ut potui diligentissime, socios Bithyniæ; teq; cum mea commendatione; tum etiam tua spōte intellexi cupere ei societati; quibuscunque rebus posses, cōmō dare: tamen cum ij, quorum res agitur, magni sua interesse arbitrarentur, me etiam per literas declarare tibi, qua essem erga ipsos uoluntate, nō dubitauī hæc ad te scribere: uolo enim te existimare, me, cum uniuerso ordini publicanorum multū semper libentissime tribuerim, idq; pro magnis eius ordinis erga me meritis facere debuerim, tum in primis amicū esse huic Bithynicæ

societati: quæ societas, ordine ipso, hominū genere, pars est maxima ciuitatis: constat enim ex cæteris societatibus: & casu permulti sunt in ea societate ualde mihi familiares, in primisq; is, cuius præcipuum officium agitur hoc tempore, P. Rupilius P. F. Men. qui est magister in ea societate. quæ cum ita sint, maiorem in modum à te peto, Cn. Pupium, qui est in operis eius societatis, omnibus tuis officijs, atque omni liberalitate tueare: curesq; ut eius operæ, quod tibi facile factu est, quam gratissimæ sint socijs: remq; & utilitatem sociorum (cuius rei quantam potestatem Quæstor habeat, nō sum ignarus) per te quammaxime defensam, & auctam uelis. Id cum mihi gratissimum feceris: tum illud tibi expertus promitto, & spondeo, te socios Bithyniæ, si ijs commodaris memores esse, & gratos cogniturum. Vale.

M. CICERO BRUTO S. P. D.

Ubi ad tetuus Quæstor M. Varro proficiscere
 C tur commendatione egere eum non putabā;
 satis enim commendatum tibi eum arbitrabar ab ipso more maiorum. qui, ut te non fugit, hanc Quæsturæ coniunctionem liberorū necessitudini proximam uoluit esse. sed cum sibi ita persuasisset ipse, meas de se accurate scriptas literas maximū apud te pondus habituras; à meq; contenderet, ut quam diligentissime scriberem: malui facere, quod meus familiaris tati sua interesse arbitraretur. ut igitur debere me facere hoc intelligas: cum primum M. Terentius in forum uenit, ad amicitiam se meam contulit, deinde ut se cor-

roboravit, duæ causæ accesserunt, quæ meam in illum
 benevolentiam augerent: unâ, quod uersabatur in hoc
 studio nostro, quo etiâ nûc maxime delectamur, & cû
 ingenio, ut nosti, nec sine industria: deinde, quod ma-
 ture se contulit in societates publicanorum: quod qui-
 dem nollem: maximis enim damnis affectus est. sed ta-
 men causa communis ordinis mihi commendatissimâ
 fecit amicitiam nostram firmiorem, deinde uersatus in
 utrisque subsellijs optima & fide, & fama, iam ante
 hanc commutationem Reip. petitioni sese dedit, hono-
 remq; honestissimum existimavit fructum laboris sui.
 his autem temporibus à me Brundusio cum literis, &
 mandatis profectus est ad Cæsarem. qua in re & amor
 rem eius in suscipiendo negotio perspexi, & fidem in
 conficiendo, ac renunciando. uideor mihi, cum separa-
 tim de probitate eius, & moribus dicturus fuisssem, si
 prius causam, cur eum tantopere diligerem, tibi expo-
 suisssem, in ipsa causa exponenda satis etiam de probi-
 tate dixisse. sed tamen separatim promitto, in meq; reci-
 pio, fore eum tibi & uoluptati, & usui: nam & mo-
 destum hominem cognosces, & prudentem, & à cupi-
 ditate omni remotissimum, præterea magni laboris,
 summæq; industriæ. neque ego hæc polliceri debeo, quæ
 tibi ipsi, cum bene cognoueris, iudicanda sunt: sed tamē
 IN omnibus nouis coniunctionibus interest, qualis pri-
 mus aditus sit, & qua commendatione quasi amicitia
 fores aperiantur. quod ego his literis efficere uolui: etsi
 id ipsa per se necessitudo Quæsturæ effecisse debet: sed
 tamen nihilo infirmius illud hoc addito. cura igitur, si
 me tanti facis, quanti & Varro existimat, & ipse sen-

tio, ut quamprimum intelligam, hanc meam commendationem tantum illi utilitatis attulisse, quantum & ipse sperarit, nec ego dubitarim. Vale.

M. CICERO BRUTO S. P. D.

Via semper animaduerti, studiose te operam dare, ut ne quid meorum tibi esset ignotum: propterea non dubito quin scias, non solum cuius municipij sim sed etiam quam diligenter soleam meos municipes Arpinates tueri. quorum quidem omnia commodam, omnesque facultates, quibus & sacra conficere, & sarta tecta ædium sacrarum, locorumque communium tueri possint, consistunt in ijs uectigalibus, quæ habent in prouincia Gallia, ad ea uisenda, pecuniasque, quæ à colonis debentur, exigendas, totamque rem & cognoscendam, & administrandam legatos equites Romanos misimus Q. Fuffidium Q. F. M. Faucium M. F. Q. Mamercum Q. F. peto à te maiorem in modum pro nostra necessitudine, ut ea res tibi curæ sit; operamque des, ut per te quamcomodissime negotium municipij administretur, quamprimumque conficiatur; ipsosque, quorum nomina scripsi, ut quamhonorificentissime pro tua natura, & quamliberalissime tractes, bonos uiros ad tuam necessitudinem adiunxeris, municipiumque gratissimum beneficio tuo deuinxeris: mihi uero etiam eo gratius feceris, quod cum semper tueri municipes meos consueui, tum hic annus præcipue ad meam curam, officiumque pertinet: nam constituendi municipij causa hoc anno Aedile filium meum fieri uolui, & fratris filium, & M. Cæsium,

sum, hominem mihi maxime necessarium : (is enim magistratus in nostro municipio, nec alius ullus creari solet) quos cohonestaris, in primisq; me, si Resp. municipij, tuo studio, & diligentia bene administrata erit. quod ut facias, te uehementer etiam atque etiam rogo. Vale.

M. CICERO BRUTO S. D.

Lia epistola cōmuniter commendauit tibi legatos Arpinatum, ut potui diligētissime. hac separatim Q. Suffidium, quocum mihi omnes necessitudines sunt, diligentius cōmendo, non ut aliquid de illa commendatione deminuam, sed ut hanc addam. nam & priuignus est M. Cæsij, mei maxime & familiaris, & necessarij : & fuit in Cilicia mecum Tribunus mil. quo in munere ita se tractauit, ut accepisse ab eo beneficiū uiderer, non dedisse. est præterea, quod apud te ualet plurimū, à nostris studijs nō abhorrens. quare uelim eū quālibet liberalissime complectare; operamq; des, ut in ea legatione, quam suscepit cōtra suū commodum, secutus auctoritatem meam, quāmaxime eius excellat industria: uult enim, id quod optimo cuique natura tributū est, quāmaximam laudem cum à nobis, qui eum impulimus, tum à municipio consequi. quod ei continget, si hac mea commendatione tuum erga se studium erit consecutus. Vale.

M. CICERO BRUTO S. D.

L. Vcius Castronius Pætus lōge princeps municipij Lucensis, est honestus, grauis, plenus offi-

D D

cij, bonus planè uir, & cum uirtutibus, tum etiam fortuna, si quid hoc ad rem pertinet, ornatus: meus autè est familiarissimus, sic prorsus, ut nostri ordinis obseruet neminem diligentius. quare & ut meum amicum, & ut tua dignum amicitia tibi commendo. cui quibuscunque rebus commendaueris, tibi profecto iucundum, mihi certe erit gratum. Vale.

M. CICERO BRUTO S. D.

Ucìo Titione Strabone, equite Romano in primis honesto; & ornato, familiarissime utor. omnia mihi cum eo intercedunt iura summæ necessitudinis. huic in tua prouincia pecuniam debet P. Cornelius. ea res à Volcatio, qui Romæ ius dicit, reiecta in Galliam est. peto à te hoc diligentius, quàm si mea res esset, quo est honestius de amicorum pecunia laborare, quàm de sua, ut negotium conficiendum cures, ipse suscipias, transigas: operamq; des, quod tibi æquum, & rectum uidebitur, ut quam commodissima conditione libertus Strabonis, qui eius rei cā missus est, negotium conficiat, ad nummosq; perueniat. id & mihi gratissimum erit: & tu ipse L. Titionem cognosces amicitia tua dignissimum. quod ut tibi curæ sit, ut omnia solent esse, quæ me uelle scis, te uehementer etiam atque etiam rogo. Vale.

M. CICERO C. CAESARI IMP. S.

Raciliū tibi cōmendo unice, tuū necessarij, mei familiarissimi, uiri optimi filium. quem cū adulescentem ipsum propter eius modestiam, humanitatē,

animum, & amorem erga me singularem mirifice di-
 ligo : tum patrem eius , re doctus , intellexi , & didici
 mihi fuisse semper amicissimum . en hic ille est , de illis
 maxime , qui irridere , atque obiurgare me soliti sunt ,
 quod me non tecum , præsertim cum abs te honorificen-
 tissime inuitarer , coniungerem . ἀλλ' ἐμὸν οὐ ποτε θυμὸν
 ἐνὶ στήθεσσιν ἔπειθεν : audiebā enim nostros proceres cla-
 mitanteis , ἀλκιμῶ ἔσσ' ἢ καὶ τίς σε καὶ ὀφιδόνων δὺ εἴπη-
 ῶς νεφέλῃ ἐκάλυψε μέλαινα . sed tamen idem me conso-
 latur . & iam hominem perustum , etiamnum gloria
 uolunt incendere , atque ita loquuntur . μὴ μὲν ἀποου-
 δαί γε καὶ ἀκλειῶς ἀπολοίμην , Ἀλλὰ μέγα ῥέξας τί καὶ
 ἔσσομένοισι πύδεσθαι . sed me minus iam mouent , ut uī-
 des : itaque ab Homeri magniloquentia confero me ad
 uera præcepta Εὐριπίδου . Μισῶ σοφιστὴν , ὅστις οὐχ αὖ-
 τῷ σοφὸς . quem uersum senex Præcilius laudat egre-
 gie : & ait posse eundem & ἄμα πρόσω καὶ ὀπίσω uī-
 dere , & tamen nihilo minus αἰὲν ἀριστὸν εἶναι , καὶ ὑπέρο-
 χον ἔμμεναι ἄλλων . sed ut redeam ad id , unde cœpi : ue-
 hementer mihi gratum feceris , si hunc adolescētem hu-
 manitate tua , quæ est singularis , comprehenderis , & ad
 id , quod ipsorum Præciliorum causa te uelle arbitror ,
 addideris cumulum commendationis meæ . genere no-
 uo sum literarum ad te usus , ut intelligeres non uulga-
 rem esse commendationem . Vale .

M. CICERO C. CAESARI IMP. S.

P Vblum Crassum ex omni nobilitate adolescē-
 tē dilexi plurimum : & ex eo cum ab ineun-

DD ij

EPIST. LIB. XIII.

te eius ætate bene sperauissem, tum optime existimare
 coepi ex ijs iudicijs, quæ de eo feceram, cognitis. eius li-
 bertum Apollonium iam tum equidem, cum ille uiue-
 ret, & magni faciebam, & probabam: erat enim &
 studiosus Crassi, & ad eius optima studia uehementer
 aptus: itaque ab eo admodum diligebatur. post mortem
 autem Crassi, eo mihi etiam dignior uisus est, quem in
 fidem, atque amicitiam meam recipere, quod eos à se
 obseruandos, & colendos putabat, quos ille dilexisset,
 & quibus charus fuisset: itaq; & ad me in Ciliciam
 uenit; multisq; in rebus mihi magno usui fuit & fides
 eius, & prudentia: & ut opinor, tibi in Alexandrino
 bello, quantum studio, & fidelitate consequi potuit, nõ
 defuit. quod cum speraret te quoq; ita existimare, in
 Hispaniam ad te maxime ille quidem suo consilio, sed
 etiam me auctore est profectus. cui ego commendatio-
 nem non solum pollicitus: nõ quin eam ualiturã apud
 te arbitrarer: sed neq; mihi egere cõmendatione uide-
 batur, qui & in bello tecum fuisset, & propter memo-
 riam Crassi de tuis unus esset: & si uti commendatio-
 nibus uellet, etiam per alios eum uidebam id consequi
 posse. testimonium meum de eo iudicij, quod & ipse
 magni æstimabat, & ego apud te ualere eram exper-
 tus, ei libenter dedi. doctum igitur hominem cognoui,
 & studijs optimis deditum, idq; à puero: nam domi
 meæ cum Diodoto Stoico, homine, meo iudicio, eruditissi-
 mo, multum à puero fuit. nunc autem incensus studio
 rerum tuarum, eas literis græcis mandare cupiebat.
 posse arbitror: ualet ingenio: habet usum: iam pridem
 in eo genere studiij, literarumq; uersatur: satisfacere

immo
 opinio
 pro tu
 negati
 ueris, e

M.

M.

rum
 tum p
 patuit
 maxim
 ris cuiu
 liarijs
 ligie, q
 facio;
 uantia
 tem. q
 ad ean
 teras c
 cum ul
 minas
 gnitum
 nis ind
 studio
 re poss
 glose,

immortalitatis laudum tuarum mirabiliter cupit. habes opinionis meae testimonium : sed tu hoc facilius multo pro tua singulari prudentia iudicabis. Et tamen, quod negaueram, commendo tibi eum. quidquid ei comoda ueris, erit mihi maiorem in modum gratum. Vale.

M. CICERO SER. SVLPITIO S. D.

Curius, qui Patris negotiatur, multis, et magnis de causis à me diligitur. nam et amicitia peruetus mihi cum eo est, ut primum in forum uenit, instituta : et Patris cum aliquoties antea, tum proxime hoc miserrimo bello domus eius tota mihi patuit : qua, si opus fuisset, tam essem usus, quam mea. maximū autem mihi uinculum cum eo est, quasi sanctioris cuiusdam necessitudinis, quod est Attici nostri familiarissimus, eumque unum praeter ceteros obseruat, ac diligit. quem si tu iam forte cognouisti, puto me hoc, quod facio, facere serius : ea enim est humanitate, et obseruantia, ut eum tibi iam ipsum per se commendatum putem. quod tamen si ita est, magnopere à te quaeso, ut ad eam uoluntatem, si quam in illum ante has meas literas contulisti, quammaximus postea commendatione cumulus accedat. sin autem propter uerecundiam suū minus se tibi obrulit, aut eum non dum satis habes cognitum, aut quae causa est, cur maioris commendationis indigeat : sic tibi eum commendo, ut neque maiore studio quenquam, neque iustioribus de causis, commendare possim. faciamque id, quod debent facere ii, qui religiose, et sine ambitione commendant : spondebo enim

DD. iiij

E P I S T. L I B. X I I I.

tibi, uel potius spondeo, in meq; recipio, eos esse M. Curijs mores, eamq; tum probitatem, tum etiam humanitatem, ut eum & amicitia tua, & tam accurata commendatione, si tibi sit cognitus, dignum sis existimaturus. mihi certe gratissimum feceris, si intellexero has literas tantum, quantum scribens confidebam, apud te pondus habuisse. Vale.

M. CIC. SER. SVLPITIO S.

Non concedam, ut Attico nostro, quem elatum
N latitia uidi, iucundiores tuæ suauissime ad eū,
& humanissime scriptæ literæ fuerint, quàm
mihi. nā etsi utrinque nostrū propè æque grata erāt:
tamen ego admirabar magis, te, quasi rogatus, aut certe
admonitus liberaliter Attico respondisses, (quod tamē
dubium nobis, quin ita futurum fuerit, non erat) ultro
ad eum scripsisse, eiq; nec opinanti uoluntatem tuam
tantam per literas detulisse. de quo non modo rogare
te, ut eo studiosius mea quoq; causa facias, non debeo,
(nihil enim cumulatius fieri potest, quàm polliceris) sed
ne gratias quidem agere, quod tu & ipsius causa, &
tua sponte feceris. illud tamen dicā, mihi id, quod fecisti,
esse gratissimum. tale enim tuum iudicium de homine
eo, quem ego unice diligo, non potest mihi non summe
esse iucundum. quod cū ita sit, esse gratū necesse est.
sed tamen quando mihi pro coniunctione nostra uel
peccare apud te in scribendo licet: utrunque eorum,
quæ negaui mihi facienda esse, faciam. nam & ad id,
quod Attici causa te ostendisti esse facturum, tantum
uelim addas, quantum ex nostro amore accessionis

fieri potest: & quod modo uerebar, tibi gratias agere, nunc planè ago: teq; ita existimare uolo, quibuscunq; officijs in Epiroticis, reliquisq; rebus Atticum obstrinxeris, iisdem me tibi obligatum fore. Vale.

M. CICERO SER. SVLPITIO S. P. D.

Um Lysonè Patrensi est mihi quidem hospitium uetus, quam ego necessitudinem sanctè colendam puto: sed ea causa etiam cum alijs compluribus; familiaritas tanta nullo cum hospite, et ea cū officijs eius multis, tum etiā cōsuetudine quotidiana sic est aucta, ut nihil sit familiaritate nostra coniūctius. is cum Romæ annū propè ita fuisset, ut mecum uiueret, & si eramus in magna spe, te meis literis, commendationeq; diligentissime facturum id, quod fecisti, ut eius rem, et fortunas absentis tuerere: tamen q̄ in unius potestate erant omnia, & quòd Lyso fuerat in nostra causa, nostrisq; præsidijs, quotidie aliquid timebamus. effectū tamen est & ipsius splendore, & nostro, reliquorumq; hospitium studio, ut, omnia, quæ uellemus, à Cæsare impetrarentur. quod intelliges ex ijs literis, quas Cæsar ad te dedit. nunc nōmodo non remittimus tibi aliquid ex nostra commendatione, quasi adepti iam omnia: sed eo uehementius à te contendimus, ut Lysonem in fidem, necessitudinemq; tuam recipias. cuius dubia fortuna timidius tecum agebamus, uerentes, ne quid accideret eiusmodi, ut ne tu quidem mederi posses. explorata uero eius incolumitate, omnia à te studia summa cura peto. quæ ne singula enumerem, totam tibi domum

DD iij

EPIST. LIB. XIII.

commendo, in his adolescentem filium eius: quem C. Memmius Gemellus cliens meus, cum in calamitate exilij sui Patrensis ciuis factus esset, Patrensiū legibus adoptauit: ut eius ipsius hæreditatis ius, causamq; tueare. caput illud est, ut Lysonem, quem ego uirum optimum, gratissimumq; cognoui, recipias in necessitudinem tuā. quod si feceris, non dubito, quin in eo diligendo, ceterisq; postea cōmendando, idem, quod ego, sis iudicij, et uoluntatis habiturus. quod cum fieri uehemēter studeo: tum etiam illud uereor, ne, si minus cumulate uideberis fecisse aliquid eius causa, me ille negligenter scripsisse de se putet, non te oblitum mei: quāti enim me faceres, cum ex sermonibus quotidianis meis, tum ex epistolis etiam tuis potuit cognoscere. Vale.

M. CIC. SER. SVLPITIO S. P. D.

Sclapone Patrensi medico utor ualde familiariter: eiusq; tū consuetudo mihi iucūda fuit, tum ēt ars, quam sum expertus in ualitudine meorū: in qua mihi tum ipsa scientia, tū etiā fidelitate, beneuolētiāq; satisfecit. hunc igitur tibi commendo, et à te peto, ut des operam, ut intelligat, diligenter me scripsisse de se, meamq; commendationem usui magno sibi fuisse. erit id mihi uehementer gratum. Vale.

M. CIC. SER. SVLPITIO S. P. D.

Arcus Aemilius Auianus ab ineunte adolescentia me obseruauit, semperq; dilexit, uir cū bonus, tū perhumanus, et in omni genere officij

diligendus . quem si arbitrarer esse Sycione, & nisi au-
direm, ibi eum etiam nunc, ubi ego reliqui, & Cibyrae
commorari : nihil esset necesse plura me ad te de eo scri-
bere : perficeret enim ipse profecto suis moribus, suaq;
humanitate, ut sine cuiusquā cōmendatione diligeretur
abs te nō minus, quā te à me, et à ceteris suis familiari-
bus . sed cum illum abesse putem, commendo tibi maio-
rē in modū domū eius, quae est Sycione, remq; familia-
rem, maxime C. Avianum Ammonium libertum eius :
quem quidem tibi etiam suo nomine commendo : nam
cum propterea mihi est probatus, quod est in patronum
suum officio, & fide singulari ; tum etiam quod in me
ipsum magna officia contulit, mihiq; molestissimis tem-
poribus ita fideliter, benevoleq; praesto fuit, ut si à me
marumissus esset . itaque peto à te, ut eum Ammoniu-
& patroni eius negotia sic tueare, ut eius procurato-
rem, quem tibi cōmendo : et ipsum suo nomine diligas,
habeasq; in numero tuorum . hominem pudentem, &
officiosum cognosces, & dignū qui à te diligatur. Vale.

M. CIC. SER. SVLPITIO S. P. D.

Itum Manlium, qui negotiatur Thespijs, uehe-
menter diligo . nam & semper me coluit, dili-
gentissimeq; observavit : & à studijs nostris
nō abhorret . accedit eò, quod Varro Murena magnope-
re eius causa uult omnia . qui ita existimauit, et si suis
literis, quibus tibi Manlium commendabat, ualde con-
fideret, tamen mea commendatione aliquid accessionis
fore . me quidem cum Manlij familiaritas, tum Var-

EPIST. LIB. XIII.

ronis studium commouit, ut ad te quam accuratissime scriberem. gratissimum igitur mihi feceris, si huic commendationi meae tantum tribueris, quantum cui tribui sti plurimum, id est si T. Manlium quam maxime, quibuscunque rebus honeste, ac pro tua dignitate poteris, iuueris, atque ornaueris. ex ipsius praeterea gratissimis, & humanissimis moribus confirmo tibi eum, te, quem soles fructum à bonorum uirorum officijs expectare, esse capturum. Vale.

M. CIC. SER. SVLPITIO S. P. D.

Vcio Cossinio, amico, & tribuli meo, ualde familiariter utor. nam & inter nosmet ipsos uetus usus intercedit: & Atticus noster maiorem etiam mihi cum Cossinio consuetudinem fecit: itaque tota Cossinij domus me diligit, in primisq; libertos eius L. Cossinius Anchilaus, homo & patrono, & patroni necessarijs, quo in numero ego sum, probatissimus. hunc tibi ita commendo, ut, si meus libertus esset, eodemq; apud me loco esset, quo & est apud patronum suum, maiore studio commendare non possem. quare pergratum mihi feceris, si eum in amicitiam tuam receperis. atque eum, quod sine molestia tua fiat, si qua in re opus ei fuerit, iuueris. id & mihi uehementer gratum erit, & tibi postea iucundum: hominem enim summa probitate, humanitate, obseruantiaq; cognosces. Vale.

M. CIC. SER. SVLPITIO S. D.

Vm antea capiebam ex officio meo voluptas
 C tē; quod meminera, quam tibi diligenter Ly
 sonem hospitem, & familiarem meum com
 mēdassē: tum uero posteaquā ex literis eius cognoui:
 tibi eum falso suspectum fuisse: uehementissime letas
 tus sum, me tam diligentem in eum cōmendādo fuisse.
 ita enim scripsit ad me, sibi meam commendationem
 maximo adiumento fuisse; quod ad te delatum dice
 ret, sese contra dignitatem tuam Romæ de te loqui so
 litum esse. de quo etsi pro tua facilitate, & humanita
 te purgatum se tibi scribit esse: tamen primū, ut de
 beo tibi, maximas gratias ago, cum tantum literæ meæ
 potuerunt, ut ijs lectis omnem offensionē suspicio
 nis, quā habueras de Lysone: deponeres: deinde cre
 das mihi affirmanti uelim, me hoc non pro Lysone ma
 gis, quā pro omnibus scribere; hominem esse neminē,
 qui unquam, mentionem tuī sine tua summa laude fe
 cerit. Lysō uero cum mecū propē quotidie esset, unaq;
 uiueret; non solum quia me libenter audire arbitra
 batur, sed quia libentius ipse loquebatur, omnia mihi
 tua & facta, & dicta laudabat. quapropter etsi a
 te ita tractatur, ut iam non desideret commendatio
 nem meam; unisq; se literis meis omnia consecutū pu
 tet: tamen a te peto maiorem in modum, ut eum etiā
 atque etiam tuis officijs, liberalitate complectare. scribe
 rem ad te, qualis uir esset: ut superioribus literis fe
 ceram; nisi eum iam per se ipsum tibi satis esse notum
 arbitrarer. Vale.

EPIST. LIB. XIII.

M. CIC. SER. SVLPITIO S. P. D.

Agēsaretus Larissæus magnis meis beneficijs
H ornatus in Consulatu meo, memor, & gratus
fuit, meq; postea diligentissime coluit. eum
tibi magnopere commendo, ut & hospitem, & fami-
liarem meum, & gratum hominem, & uirum bonum,
et principem ciuitatis suæ, & tua necessitudine dignissi-
mum. pergratum mihi feceris, si dederis operam, ut is
intelligat hanc meam commendationem. magnum apud
te pondus habuisse. Vale.

M. CIC. SER. SVLPITIO S. D. P.

Vcius Mescinius ea mecum necessitudine con-
L iunctus est, quod mihi Quæstor fuit. sed hanc
causam, quam ego ut, à maioribus accepi,
semper grauē duxi, fecit uirute, & humanitate sua in-
iustiores. itaq; eo sic utor, ut nec familiaris ullo, nec
libentius. is quanquam. confidere uidebatur, & sua
causa, quæ honeste posses, te libenter esse facturū: ma-
gnum tamen esse sperauit apud te meas quoque literas
pondus habituras. id cum ipse ita iudicabat: tum pro
familiaris cōsuetudine sæpe ex me audierat, quā sua-
uis esset inter nos, et quanta coniunctio. peto igitur à te,
tanto scilicet studio, quanto intelligis debere me petere
pro homine tam mihi necessario, & tam familiari; ut
eius negotia, quæ sunt in Achaia: ex eo quod hæres est
M. Mindio fratri suo, qui Elide negotiatus est, explices, et
expedias tum iure, & potestate, quam habes, tum etiam
auctoritate, & consilio tuo. sic enim perscripsimus ijs,

quibus ea negotia mandauimus, ut omnibus in rebus,
 quæ in aliquam controuersiam uocarentur, te arbitro,
 & quod commodo tuo fieri posset, te disceptatore ute-
 rentur. id ut honoris mei causa suscipias, uehementer
 te etiam atque etiam rogo. illud præterea, si non alie-
 num à tua dignitate putabis esse, feceris mihi pergraz-
 tum; si qui difficiliore erunt, ut rem sine controuersia
 confici nolint, si eos, quando cum senatore res est, Ro-
 mam reieceris. quod quo minore dubitatione facere
 possis, literas ad te à M. Lepido Cos. non quæ te aliquid
 iuberent (neque enim id tuæ dignitatis esse arbitraba-
 mur) sed quodam modo quasi commendatitias sumpsi-
 mus. scriberem, quàm id beneficium bene apud Mesci-
 nium positurus esses; nisi & te scire considerem, & mi-
 hi peterem: sic enim uelim existimes, non minus me
 de illius re laborare, quàm ipsum de sua. sed cum illum
 studeo quamfacillime ad suum peruenire: tum illud la-
 boro, ut non minimum hac mea cõmendatione se con-
 secutum arbitretur. Vale.

M. CICERO SER. SVLPITIO S. D. P.

Idet eodem exẽplo sæpius tibi huius generis
 L literas mittam, cum gratias agam, quod meas
 cõmendationes tam diligenter obserues; quod
 feci in alijs, & faciam, ut uideo, sæpius: sed tamen non
 parcam operæ; & ut uos in uestris formulis, sic ego
 in epistolis de eadem re alio modo. C. Auianus igitur
 Ammonius incredibileis mihi gratias p literas egit
 & suo, & Aemiliij Auiani patroni sui nomine, nec li-
 beralius, nec honorificetius potuisse tractari nec se præ

sentem, nec rem familiarem absentis patroni sui. id mihi cum iucundum est eorum causa, quos ego tibi summa necessitudine, & summa coniunctione adductus commendaueram; quod M. Aemilius unus est ex meis familiarissimis, atque intimis maxime necessarius, homo & magnis meis beneficijs deuinctus, et propè omnium, qui mihi aliquid debere uidentur, gratissimus: tū multo iucundius, te esse in me tali uoluntate, ut plus pro sis amicis meis, quàm ego præsens fortasse prodessem: credo, quod magis ego dubitarem, quid illorum causa facerem, quàm tu, quid mea. sed hoc non dubito quin existimes mihi esse gratum. illud te rogo, ut illos quoque gratos homines esse putes. quod ita esse tibi promitto, at confirmo. quare uelim, quidquid habent negotij, des operam, quod commodum tuo fiat, ut te obtinente Achaiam conficiant. Ego cum tuo Seruio iucundissime, coniunctissimeq; uiuo; magnamq; cum ex ingenio eius, singulariq; studio, tum ex uirtute, & probitate uoluptatem capio. Vale.

M. CIC. SER. SVLPITIO S. P. D.

¶ Si libenter petere à te soleo, si quid opus est meorū cuipiam: tamen multo libentius gratias tibi ago, cum fecisti aliquid cōmendatione mea: quod semper facis: incredibile est enim, quas mihi gratias omnes agant, etiam mediocriter à me tibi cōmendauī, quæ mihi omnia grata, sed de L. Mescinio gratissimum: sic enim est mecum locutus, te, ut meas litteras legeris, statim procuratoribus suis pollicitum esse omnibus, multo uero plura, & maiora fecisse. id igitur

(puto enim etiam atque etiam mihi dicendum esse) uelim existimes, mihi te fecisse gratissimum. quod quidē hoc uehementius lator, quod ex ipso Mescinio te uideo magnam capturum uoluptatem: est enim in eo cū uirtus, & probitas, & summum officium, summaq; obseruantia; tum studia illa nostra, quibus antea delectabamur, nunc etiam uiuimus. quod reliquum est, uelim augeas tua in eum beneficia omnibus rebus, quæ te erunt dignæ: sed duo, quæ te nominatim rogo: primum, ut, si quid satisfidendum erit, amplius eo nomine nō peti, cures, ut satisfidetur fide mea: deinde, cum ferē consistat hereditas in ijs rebus, quas auertit Oppia, quæ uxor Mindij fuit; adiues, in easq; rationem, quemadmodum ea mulier Romam perducatur. quod si putarit illa fore; ut opinio nostra est, negotiū conficiemus hoc ut assequamur, te uehementer etiam atq; etiam rogo. illud, quod supra scripsi, id tibi confirmo, in meq; recipio; te ea, quæ fecisti Mescinij causa, quæq; feceris, ita bene collocaturum, ut ipse iudices hominī te gratissimo, iucundissimo benigne fecisse: uolo enim ad id, quod mea causa fecisti, hoc etiam accedere. Nec Lacedæmonios dubitare arbitror, quin ipsi sua, maiorumq; suorum auctoritate satis cōmendati sint fidei, & iustitiæ tuæ: & ego, qui te optime nouissem, non dubitauī, quin tibi notissima & iura & merita populorum essent. itaq; cum à me peteret Philippus Lacedæmonius, ut tibi ciuitatem commendarem: etsi memineram me ei ciuitati omnia debere, tamen respondi, commendatione Lacedæmonios apud te non egere. itaq; sic uelim existimes, me omnes Achæiæ ciuitates arbitrari pro horum temporum per-

EPIST. LIB. XIII.

turbatione felicis, quod tu ijs præsides: eundemq; me ita iudicare, te, qd unus optime noesses non nostra solum, sed etiam Græciæ monumenta omnia, tua sponte amicū Lacedæmonijs esse, & fore. quare tantum à te peto, ut, cum ea facies Lacedæmoniorum causa, quæ tua fides, amplitudo, iustitia postulat; his, si tibi uidebitur, significes, te non moleste ferre, qd intelligas ea, quæ facias, mihi quoq; grata esse. pertinet enim ad officium meum, eos existimare, curæ mihi suas res esse. hoc te uehementer etiam atq; etiam rogo. Vale.

M. CICERO L. PLANCO S. P. D.

On dubito, quin scias, in ijs necessarijs, qui tibi à patre relictī sunt, me tibi esse uel cōiunctissimū, nō ijs mō causis, quæ speciē habent magnæ coniunctionis; sed ijs ēt, quæ familiaritate, & consuetudine tenentur, quam scis mihi iucundissimam cum patre tuo, & summam fuisse. ab his initijs noster in te amor profectus, auxit paternam necessitudinem, et eo magis, quod intellexi, ut primum per ætatem iudicium facere potueris, quanti quisq; tibi faciendus esset, me à te in primis coeptum esse obseruari, colī, diligi. accedebat nō mediocre uinculū cum studiorum, quod ipsum est per se graue; tum eorum studiorum, earūq; artium, quæ per se ipsæ eos, qui uoluntate eadem sunt, etiam familiaritate deuinciunt. Expectare te arbitror, hæc tam longe repetita principia quò spectent. id primum ergo habeto, non sine magna, iustaq; causa hanc à me cōmemorationem esse factam. C. Atteio Capitone
utor

uter familiariſſime . notæ tibi ſunt uarietates meorum
temporum . in omni genere & honorum , & laborum
meorum & animus , & opera , & auctoritas , et gratia ,
etiam res familiaris C. Capitonis præſto fuit , & paruit
& temporibus , & fortunæ meæ . huius propinquus fuit
T. Antiſtius . qui cum ſorte Quæſtor Macedoniam obti-
neret ; neque ei ſucceſſum eſſet : Pompeius in eam pro-
uinciam cum exercitu uenit . facere Antiſtius nihil po-
tuit : nam ſi potuiſſet ; nihil ei fuiſſet antiquius , quàm
ad Capitonem , quem ut parentem diligebat , reuerti ;
præſertim cum ſciret , quanti is Cæſarem faceret , ſema-
perq̃ ; feciſſet : ſed oppreſſus , tantum attigit negotij ,
quantum recuſare non potuit . cum ſignaretur argen-
tum Apolloniæ , non poſſum dicere eum præſuiſſe , ne-
que poſſum negare eum affuiſſe , ſed non plus duobus ,
aut tribus menſibus . deinde abſuit à caſtris : fugit om-
ne negotium . hoc mihi , ut teſti , uelim credas : meã enim
ille mœſtitiã in illo bello uidebat : mecum omnia cõ-
municabat . itaque abdidit ſe in intimam Macedoniam
quò potuit longiſſime à caſtris ; non modo ut non præſ-
ſet ulli negotio ; ſed etiam ut ne intereſſet quidem . is
poſt prælium ſe ad hominem neceſſarium A. Plancium
in Bithyniam contulit : ibi eum Cæſar cum uidiſſet ; ni-
hil aſpere , nihil acerbe dixit ; Romam iuſſit uenire . ille
in morbum continuo incidit : ex quo non conualuit ,
æger Corcyram uenit : ibi eſt mortuus teſtamento , quod
Romæ Paulo , & Marcello Coſs. fecerat , hæres ex parte
dimidia , & tertia eſt Capito . in ſextante ſunt ij , quorũ
pars ſine ulla cuiuſquam querelã publica poteſt eſſe . ea
eſt ad HS XX X . ſed de hoc Cæſar uiderit . Te mi Plãce

pro paterna necessitudine, pro nostro amore, pro studijs,
 & omni cursu nostro totius uitæ simillimo rogo, & à
 te ita peto, ut maiore cura, maiore studio nō possim; ut
 hanc rem suscipias, meam putes; enitare, contendas, effi-
 cias, ut mea commendatione, tuo studio, Cæsaris benefi-
 cio hereditatem propinqui sui C. Capito obtineat. om-
 nia, quæ potui in hac summa gratia tua, ac potentia à
 te impetrare, si petiuissem, ultro te ad me detulisse pu-
 tabo, si hanc rem impetrauero. illud fore tibi adiumenta
 to spero; cuius ipse Cæsar esse optimus iudex potest: sem-
 per Cæsarem Capito & dilexit, & coluit. sed ipse huius
 rei testis est: noui hominis memoriam. itaque te nihil
 doceo: tantum tibi sumito pro Capitone apud Cæsare,
 quantum ipsum meminisse senties. ego, quod in me ip-
 so experiri potui, ad te deferam: in eo quantum sit pō-
 deris, tu uidebis. quam partem in Rep. causamq; defen-
 derim, per quos homines, ordinesq; steterim; quibusq;
 * munitus fuerim; non ignoras. hoc mihi uelim credas: si
 quid fecerim hoc ipso in bello minus ex Cæsaris uolun-
 tate; quod intellexerim scire ipsum Cæsarem; me inuitis-
 simum fecisse; id feci aliorum consilio, hortatu, aucto-
 ritate: quod fuerim moderatior, temperatiorq; quàm
 in ea parte quisquam; id me fecisse maxime auctori-
 tate Capitonis. cuius similes si reliquos necessarios ha-
 buissem, Reip. fortasse non nihil, mihi certe plurimum
 profuissem. hanc rem mi Plance si effeceris; meam de
 tua erga me beneuolentia spem confirmaueris; ip-
 sumq; Capitonem, gratissimum, officiosissimum, opti-
 mum uirum, ad tuam necessitudinem tuo summo be-
 neficio adiunxeris. Vale.

CICERO ACILIO PROCOS. S.

Vcius Manlius est Sosis. is fuit Catinensis: sed
 L est una cū reliquis Neapolitanis ciuis Roma-
 nus factus, Decurioq; Neapoli: erat enim ad-
 scriptus in id municipium ante ciuitatem socijs, & La-
 tinis datam. eius frater Catina nuper mortuus est. nul-
 lam omnino arbitramur de ea hereditate controuersia
 eum habiturum: & est hodie in bonis: sed quando ha-
 bet præterea negotia uetera in Sicilia sua; & hanc hæ-
 reditatem fraternam, & omnia eius tibi cōmēdo, in pri-
 misq; ipsum, uirū optimū, mihiq; familiarissimum, ijs
 studijs literarum, doctrinæq; præditum, quibus ego ma-
 xime delector. peto igitur abs te, ut eum, siue aderit, si-
 ue non uenerit in Siciliam, in meis intimis, maximeq;
 necessarijs scias esse; itaq; tractes, ut intelligat meam
 commendationem sibi magno adiuumento fuisse. Vale.

CICERO ACILIO PROCOS. S.

Aio Flauio, honesto, et ornato equite Romano,
 G utor ualde familiariter: fuit enim generi mei
 C. Pisonis pernecessarius; meq; diligentissime
 obseruat & ipse, & L. Flavius frater eius. quapropter
 uelim honoris mei causa, quibus rebus honeste, & pro
 tua dignitate poteris, quam honorificentissime, & quā-
 liberalissime C. Flauium tractes. id mihi sic erit gratum
 ut gratus esse nihil possit. sed præterea tibi affirmo, ne
 que id ambitione adductus facio, sed tum familiarita-
 te, & necessitudine, tum etiam ueritate; te ex C. Flauij

officio, & obseruātia, et praterea splendore, atque inter suos gratia magnam uoluptatem esse capturum. Vale.

CICERO ACILIO PROCOS. S.

IN Alesina ciuitate tam laeta, quā nobili
coniunctissimos habeo & hospitio, & fami-
liaritate M. & C. Clodios, Archagathum, &
Philonem. sed uereor, ne, quia complureis tibi praeipue
commendo, exaequare uidear ambitione quadam com-
mendationes meas. quanquam à te quidem cumulate
satisfit & mihi, & meis omnibus. sed uelim sic existis-
mes, hanc familiam, & hos mihi maxime esse coniun-
ctos uetustate, officijs, beneuolentia. quamobrem peto à
te maiorem in modum, ut his omnibus in rebus, quan-
tum tua dignitas, fidesq; patietur, commodetur. id si fece-
ris, erit mihi uehementissime gratum. Vale.

CICERO ACILIO PROCOS. S.

NEO Otacilio Nasone utor familiarissime, ita
prorsus, ut illius ordinis nullo familiarius: nā
& humanitate eius, & probitate in consue-
tutine quotidiana magnopere delector. nihil iam opus
est expectare te, quibus cum uerbis tibi commendem,
quo sic utor, ut scripsi. habet is in prouincia tua nego-
tia: quæ procurant liberti Hilartus, Antigonus, Demo-
stratus: quos tibi, negotiaq; omnia Nasonis non secus
commendo, ac si mea essent. gratissimum mihi feceris, si
intellexero hanc commendationem magnum apud te
pondus habuisse. Vale.

CICERO ACILIO PROCOS. S.

Vitum mihi hospitium est cum Lyso ne Lyso
A nis filio Lilybætano; ualdeq; ab eo obseruor;
 cognouiq; dignum & patre, et auo: est enim
 nobilissima familia. quapropter commendo tibi maio-
 rem in modum rem, domumq; eius; magnoq; opere abs
 te peto, cures, ut is intelligat meam commendationem
 maximo sibi apud te & adiumento, & ornamento
 fuisse. Vale.

CICERO ACILIO PROCOS. S.

Aius Auianus Philoxenus antiquus est hos-
C pes meus, & præter hospitium, ualde etiam
 familiaris: quem Cæsar meo beneficio in No-
 uocomensens retulit. nomen autē Auiani consecutus est,
 quod homine nullo plus est usus, quàm Flacco Auiano,
 meo, quemadmodum te scire arbitror, familiarissimo.
 quæ ego omnia collegi, ut intelligeres, non uulgarē esse
 commendationem hanc meam. peto igitur abs te, ut o-
 mnibus rebus, quod sine molestia tua, facere possis, et
 commodis; habeasq; in numero tuorum; perficiasq; ut
 intelligat has literas meas magno sibi usui fuisse. erit id
 mihi maiorem in modum gratum. Vale.

CICERO ACILIO PROCOS. S.

Vm Demetrio Mega mihi uetustum hospitium
C est, familiaritas autem tanta, quanta cum Si-
 culo nullo. ei Dolabella rogatu meo ciuita-
 tem à Cæsare impetrauit. qua in re ego interfui. itaque

nunc P. Cornelius uocatur. cumq; propter quosdam sordidos homines, qui Cæsaris beneficia uendebant, tabulā, in qua nomina ciuitate donatorum incisa essent, reueli iussisset, eidem Dolabellæ, me audiēte, Cæsar dixit, nihil esse, quod de Mega uereretur; beneficium suum in eo manere. hoc te scire uolui, ut eum in ciuium Romanorum numero haberes. cæterisq; in rebus tibi eum ita cōmendo, ut maiore studio neminem commendarim. gratissimū mihi feceris, si eū ita tractaris, ut intelligat meā commendationem magno sibi ornamento fuisse. Vale.

CICERO ACILIO PROCOS. S.

Ippiam Philoxeni filium, Calatinum, hospitē,
H & necessarium meum, tibi commendo maiorem in modum. eius bona, quemadmodū ad me delata res est, publice possidentur alieno nomine cōtra leges Calatinorum. id si ita est, etiam sine mea commendatione ab æquitate tua res ipsa impetrare debet, ut ei subuenias. quoquo modo autem se res habet, peto à te, ut honoris mei causa eum expedias; tantumq; ei cōmodes, & in hac re, & in cæteris quantum tua fides, dignitasq; patietur. id mihi uehementer gratū erit. Vale.

CICERO ACILIO PROCOS. S.

Vcius Brutius eques Romanus, adolescens omnibus rebus ornatus. in meis familiarissimis
L est, meq; obseruat diligentissime. cuius cū patre magna mihi fuit amicitia iā inde à Quæstura mea

AD MEMMIVM, ET ALIOS. 220

Siciliensi. omnino nunc ipse Brutius Romæ mecum est; sed tamen domum eius, & rem familiarem, & procuratores tibi sic commendo, ut maiore studio commendare non possim. gratissimum mihi feceris si curaris, ut intelligat Brutius, id quod ei recepi, hanc meam commendationem sibi magno adiumento fuisse.

CICERO ACILIO PROCOS. S.

Um familia Titurnia necessitudo mihi intercedit uetus: ex qua reliquus est M. Titurnius Rufus; qui mihi omni diligentia, atque officio est tuendus. est igitur in tua potestate, ut ille in me satis sibi praesidii putet esse. quapropter eum tibi commendo maiorem in modum: & abs te peto efficias, ut is commendationem hanc intelligat sibi magno adiumento fuisse. erit id mihi uehementer gratum.

M. CICERO Q. ANCHARIO Q. F.
PROCOS. S. D.

Et C. Aurelios L. F. quibus & ipsis, & patre eorum uiro optimo familiarissime utor, commendo tibi maiorem in modum, adolescentis omnibus optimis artibus ornatos, meos per necessarios, tua amicitia dignissimos. si ulla mea apud te commendatio ualuit, quod scio multas plurimum ualuisse; hæc ut ualeat, rogo. quod si eos honorifice, liberaliterque tractaris, ut tibi gratissimos, optimosque adolescentis adiunxeris; & mihi gratissimum feceris. Vale.

EE iij

M. CICERO L. CVLLEOLO S. D.

Q uæ fecisti L. Luceij causa scire te planè uolo,
te homini gratissimo commodasse. Et cum ip-
si, quæ fecisti, pergrata sunt: tum Pompeius,
quotiescunque me uidet, uidet autem sæpissime, gratias
tibi agit singulareis. addo etiam illud, quod tibi iucun-
dissimum esse certo scio, me ipsum ex tua erga Luce-
ium benignitate, maxima uoluptate affici, quod super-
est, quanquam mihi non est dubium, quin cum antea
nostra causa, nunc iam etiam tuæ constantiæ gratias
mansurus sis in eadem ista liberalitate: tamen abs te
uehementer etiam atque etiam peto, ut ea, quæ initio
ostendisti, deinceps fecisti, etiam ad exitum augeri, et cu-
mulari per te uelis. id et Luceio, et Pompeio ualde gra-
tum fore, teq; apud eos præclare positurum cõfirmo, et
spondeo. De Rep. deq; his negotijs, cogitationibusq; no-
stris perscripseram ad te diligenter paucis ante diebus;
easq; literas dederam pueris tuis. Vale.

M. CICERO L. CVLLEOLO
PROCOS. S.

Vcius Luceius, meus familiarissimus, homo o-
mnium gratissimus, mirificas tibi apud me
gratias egit, cū diceret, omnia te cumulati-
me, et liberalissime procuratoribus suis pollicitū esse. cū
oratio tua tam ei grata fuerit, quàm gratam rem ip-
sam existimas fore, cum, ut spero, quæ pollicitus es, fece-
ris: omnino ostenderunt Bylliones, sese Luceio Pompeij
arbitratu satisfacturos: sed uehementer opus est nobis,

et uoluntatem, et auctoritatem, et imperium tuum accedere. quod ut facias, te etiam atque etiam rogo. illudque mihi gratissimum est. quod ita sciunt Luceij procuratores, et ita Luceius ipse ex literis tuis, quas ad eum misisti, intellexit, hominis nullius apud te auctoritatem aut gratiam ualere plus, quam meam. id ut re experias tur, iterum, et saepius te rogo. Vale.

M. CICERO Q. GALLIO S. D.

E. T si plurimis rebus spero fore, ut perspiciam, quod tamen iam pridem perspicio, me a te amari: tamen nunc ea causa tibi datur, in qua facile declarare possis tuam erga me beneuolentiam. L. Oppius M. F. Philomeli negotiatur, homo mihi familiaris. eum tibi unice commendo, eoque magis, quod cum ipsum diligo, tum quod negotia procurat L. Egnatij Rufi: quo ego uno equite Romano familiarissime utor, et qui cum consuetudine quotidiana, tum officiis plurimis, maximisque mihi coniunctus est. Oppium igitur praesentem ut diligas; Egnatij absentis rem ut tueare; aequae a te peto, ac si mea negotia essent. uelim memoriae tuae causa de literarum aliquid, quae tibi in prouincia reddantur; sed ita conscribas, ut tum, cum eas leges, facile recordari possis huius meae commendationis diligentiam. hoc te uehementer etiam atque etiam rogo. Vale.

M. CICERO Q. GALLIO S. D.

E. T si ex tuis, et L. Oppij familiarissimi mei literis cognoui, te memorem commendationis meae fuisse; idque pro tua summa erga me beneuo-

lentia, proq; nostra necessitudine minime sum admiratus: tamen etiam atque etiam tibi L. Oppium praesentem, & L. Egnatij mei familiarissimi absentis negotia commendo. tanta mihi cum eo necessitudo est, familiaritasq; ; ut, si mea res esset, non magis laborarem. quapropter mihi gratissimum feceris, si curaris, ut is intelligat me à te tantum amari, quantum ipse existimo. hoc mihi gratius facere nihil potes. idq; ut facias, vehementer te rogo. Vale.

M. CICERO APVLEIO PRO

QVAES. S. P. D.

L Vcio Egnatio uno equite Romano uel familiarissime utor. eius Anchialum servum, negotiaq; quæ habet in Asia, tibi cōmendo nō minore studio, quā si rem meā commendarem: sic enim existimes uelim, mihi cū eo non modo quotidianā consuetudinem summam intercedere, sed etiā officia magna, & mutua nostra inter nos esse. quamobrem etiā atque etiam à te peto, ut cures, ut is intelligat me ad te satis diligenter scripsisse: nā de tua erga me uoluntate nō dubitabat. id ut facias, te etiam atque etiam rogo. Vale.

M. CICERO APVLEIO PRO

QVAES. S. P. D.

1 Vcius Nostius Zoilus est cohæres meus, hæres autem patroni sui. ea re utrunque scripsi, ut & mihi cū illo causam amicitie scires esse; & hominē

probū existimares, qui patroni iudicio ornatus esset, eū tibi igitur sic cōmendo, ut unum ex nostra domo. ualde mihi grātum erit, si curaris, ut intelligat hanc commendationem sibi apud te magno adiumento fuisse. Vale.

CICERO SILIO S. D. P.

Vid ego tibi commendem eum, quem tu ipse diligis: sed tamen, ut scires eum non à me diligī solum, uerum etiam amari, ob eam rem tibi hęc scribo. omnium tuorum officiorum, quæ & multa, & magna sunt, mihi gratissimum fuerit, si ita tras-
 Etaris Egnatium, ut sentiat & se à me, & me à te amari. hoc te uehementer etiam atque etiam rogo. Illa nostra scilicet ceciderunt. utamur igitur uulgarī consolatione, quid, si hoc melius? sed hęc corda. Tu fac, quod facis, ut me ames, teq; amari à me scias. Vale.

M. CICERO C. SESTILLO RV
FO QVAES. S. D.

Mneis tibi commendo Cyprios, sed magis Paphios: quibus tu quæcunque cōmodaris, erunt mihi gratissima. eoq; facio libētius, ut eos tibi commendem, quod & tuæ laudi, cuius ego fautor sum, conducere arbitror, cum primus in eam insulam Quæstor ueneris, ea te instituere, quæ sequantur alij. quæ, ut spero, facilius consequere, si & P. Lentuli necessarij tui legem, & ea, quæ à me constituta sunt, sequi uolueris. quam rem tibi confido magnæ laudi fore. Vale.

CICERO CVRIO PROCOS. S. D.

Pompeius Sex. F. multis, & ueteribus causis
 Q. necessitudinis mihi coniunctus est. is cum ante
 mea meis commendationibus & rem, & gra-
 tiam, & auctoritatem suam tueri consueuerit, nunc
 profecto te prouinciam obtinente meis literis assequi
 debet, ut nemini se intelligat commendatiorem unquam
 fuisse. quamobrem à te maiorem in modum peto, ut,
 cum omnes meos æque ac tuos obseruare pro nostra
 necessitudine debeas, hunc in primis ita in tuam fidem
 recipias, ut ipse intelligat, nullam rem sibi maiori usui,
 aut ornamento, quam meam commendationem, esse
 potuisse. Vale.

M. CIC. ARISTO PROCOS. S. D.

Vmpsi hoc mihi pro tua in me obseruantia,
 S. quam penitus perspexi, quandiu Brundusij fui-
 mus, ut ad te familiariter, & quasi pro meo
 iure scriberem, si qua res esset, de qua ualde laborarem.
 M. Curius, qui Patris negotiatur, ita mihi familiaris
 est, ut nihil possit esse coniunctius. multa illius in me of-
 ficia, multa in illum mea; quodque maximū est, summus
 inter nos amor, & mutuus. quæ cum ita sint: si ullam
 in amicitia mea spem habes; si ea, quæ in me officia, &
 studia Brundusij contulisti, uis mihi etiam gratiora effi-
 cere, quanquam sunt gratissima; si me à tuis omnibus
 amari uides, hoc mihi da, atque largire, ut M. Curiū sar-
 eum & rectum, ut aiunt, ab omniq; incōmodo, detri-

mento, molestia sincerum, integrumq; conserues. et ipse spondeo, et omnes hoc tibi tui pro me recipient, ex mea amicitia, et ex tuo in me officio maximum te fructum summaq; uoluptatem esse capturum. Vale.

M. CICERO P. CAESIO S. D.

Meffienum, equitem Romanum omnibus rebus ornatum, meumq; per familiarem, tibi commendo ea commendatione, quae potest esse diligentissima. peto à te & pro nostra, & pro paterna amicitia, ut eum in tuam fidem recipias, eiusq; rem, famamq; tueare. uirum bonum, tuaq; amicitia dignum tibi adiunxeris, mihiq; gratissimum feceris. Vale.

CICERO REGI S.

Licinius Aristoteles Melitensis, antiquissimus A. est hospes meus, & praeterea coniunctus magno usu familiaritatis. haec cum ita sint, non dubito, quin tibi satis commendatus sit: etenim ex multis cognosco, meam commendationem plurimum apud te ualere. hunc ego à Caesare liberaui: frequens enim fuerat nobiscum: atque etiam diutius in causa est, quam nos, commoratus. quo melius te de eo existimaturum arbitror. fac igitur mi Rex, ut intelligat has sibi literas plurimum profuisse. Vale.

M. C. Q. THERMO PROPRAET. S.

L. Genucilio Curuo iam pridem familiarissime utor, optimo uiro, & homine gratissimo. eum

tibi penitus commendo, atque trado: primum ut omnibus in rebus ei te cōmodes, quoad fides tua, dignitasq; patietur: patietur autem in omnibus: nihil enim abs te unquam, quod sit alienum tuis, aut etiā suis moribus, postulabit. præcipue autem tibi cōmendo negotia eius, quæ sunt in Hellesponto: primum, ut obtineat id iuris in agris, quod ei Pariana ciuitas decreuit, & dedit, & quod semper obtinuit sine ulla controuersia; deinde, si quid habebit cū aliquo Hellespōtio cōtrouersia, ut in illam διοίκησιν reijcias. sed non mihi uideor, cum tibi totum hominem diligentissime commendarim, singulas ad te eius causas perscribere debere. summa illa sit, quidquid officij, beneficij, honoris in Genucilium contuleris, id te existimabo in me ipsum, atque in rem meam contulisse. Vale.

CICERO THERMO PROPRAET. S.

Um mihi multa grata sunt, quæ tu adduc-
 C Etus mea cōmendatione fecisti, tū in primis, q
 M. Marciliū amici, atque interpretis mei filiū liberalissime tractauisti: uenit enim Laodiceam, & tibi apud me, mihiq; propter te gratias maximas egit. quare quod reliquum est, à te peto, quando apud gratos homines beneficium ponis, ut eo libentius his cōmodes; operamq; des, quoad fides tua patietur, ut socrus adolescentis rea ne fiat. ego cum antea studiose commendabā Marcilium, tum multo nunc studiosius, quod in longa apparitione singularē, & propè incredibile patris Marcilij fidem, abstinentiam, modestiamq; cognoui. Vale.

E T si mihi uideor intellexisse, cum tecum Ephe-
si de re M. Anneij legati mei locutus sum, te
ipsius causa uehementer omnia uelle: tamen
et M. Anneium tanti facio, ut mihi nihil putem præ-
termittendum, quod illius intersit: et me à te tanti fie-
ri puto, ut non dubitem, quin ad tuam uoluntatem ma-
gnus cumulus accedat commendationis meæ. nam cum
iandiu diligerem M. Anneium, deq; eo sic existimarem,
ut res declarat, quod ultro ei detulerim legationem, cū
multis petentibus denegassem: tum uero, posteaquam
mecum in bello, atque in re militari fuit, tantam in eo
uirtutem, prudentiam, fidem, tantamq; erga me bene-
uolentiam cognoui, ut hominem neminem pluris faciā.
eum cum Sardonis habere controuersiam scis: causam
tibi exposuimus Ephesi: quam tu tamen coram facilius,
meliusq; cognosces. de reliquo mihi mehercule diu du-
bium fuit, quid ad te potissimum scriberem. ius enim
quemadmodum dicas, clarum, et magnum cum tua
laude notum est: nobis autem in hac causa nihil aliud
opus est, nisi te ius instituto tuo dicere. sed tamen cum
me non fugiat, quanta sit in Pretore auctoritas, præ-
sertim ista integritate, grauitate, clementia, qua te es-
se inter omnes constat: peto abs te pro nostra coniun-
ctissima necessitudine, plurimisq; officijs paribus, ac
mutuis, ut uoluntate, auctoritate, studio tuo perficias,
ut M. Anneius intelligat, te et sibi amicum esse, quod
non dubitat; sepe enim mecum locutus est; et mul-
to amiciores his meis literis esse factum. in tuo toto

imperio, atque provincia nihil est, quod mihi gratius facere possis. iam, apud ipsum gratissimum hominem, atque optimum uirum, quā bene positurus sis studium tuum, atque officium, dubitare te non existimo. Vale.

CICERO THERMO PROPRÆT. S.

Luuius Puteolanus ualde me obseruat, ualdeq; est mihi familiaris. is ita sibi persuadet, quod in tua provincia negotij habet, nisi te provinciam obtinente meis commendationibus confecerit, id se in perditis, & desperatis habiturum. nunc quādo mihi ab amico officiosissimo tantum oneris imponitur, ego quoque tibi imponam pro tuis in me summis officijs, ita tamen, ut tibi nolim molestus esse. Mylasij, et Alabandenses pecuniam Cluuiō debent. dixerat mihi Euthydemus, cum Ephesi essem, se curaturum, ut ecclī Mylasij Romam mitterentur. id factum non est. legatos audio missos esse: sed malo ecclīcos, ut aliquid confici possit, quare peto à te, ut eos, & Alabandenses iubeas ecclīcos Romam mittere. præterea Philotes Alabandensis & Cluuiō dedit: hæ commissæ sunt. uelim cures, ut aut de hypothecis decedat, easq; procuratoribus Cluuij tradat: aut pecuniam soluat. præterea Heracleota, & Bargyleta, qui item debent, aut pecuniam soluant, aut fructibus suis satisfaciant. Caunij præterea debent: sed aiunt se depositam pecuniam habuisse: id uelim cognoscas: & si intellexeris eos neque ex edicto, neque ex decreto depositam habuisse, des operam, ut usuræ Cluuiō instituto tuo cōseruentur. his de rebus eo
magis

magis laboro, q̄ agitur res Cn. Pōpeij etiam nostri neces-
sarij, & q̄ is magis etiam mihi laborare uidetur, quàm
ipse Cluuius: cui satisfactū esse à nobis ualde uolo. his
de rebus te uehementer etiam atq; etiam rogo. Vale.

CICERO THERMO PROPRAET. S.

Q̄ Vo magis quotidie exliteris, nuncijsq; bellū
magnum esse in Syria cognosco, eo uehemen-
tius à te pro nostra necessitudine contēdo, ut
mihi M. Anneium legatum primo quoque tempore re-
mittas: nam eius opera, consilio, scientia rei militaris uel
maxime intelligo me, & Remp. adiuuari posse. quòd
nisi tanta res eius ageretur: nec ipse adduci potuisset, ut
à me discederet; neque ego, ut eum à me dimitterem.
ego in Ciliciam proficisci cogito circiter Cal. Maias. ante
eam diem Anneius ad me redeat, oportet. illud, quod
tecum & coràm, & per literas diligentissime egi, id et
nunc etiam atq; etiam rogo, curæ tibi sit, ut suum nego-
tium, quod habet cum populo Sardiniano, pro causæ ueri-
tate, & pro sua dignitate conficiat. intellexi ex tua ora-
tione, cum tecū Ephesi locutus sum, te ipsius Anneij cau-
sa omnia uelle: sed tamen sic uelim existimes, te mihi
nihil gratius facere posse, quàm si intellexero, per te il-
lū ipsum negotium ex sententia confecisse. idq; quāprē-
mū ut efficias, te etiam atque etiam rogo. Vale.

M. CICERO C. TITIO L. F. RV=

FO PRAET. VRB. S.

L. Custidius est tribulis, & municeps, et familias
ris meus. is causam habet, quam causam ad te

FF

deferet. commendo tibi hominem, sicuti tua fides, & meus pudor postulat; tantum, ut facilis ad te aditus habeat; quæ aqua postulabit, ut lubente te impetret, sentiatq; meam sibi amicitiam, etiam cum longissime absim, prodesse in primis apud te. Vale.

M. CIC. C. CVRTIO PEDVCEANO
P R A E T. S. D.

Fabium unice diligo: summaq; mihi cum eo
M. consuetudo, & familiaritas est peruetus. in
eius controuersijs quid decernas, à te non pe-
to, (seruabis, ut tua fides, et dignitas postulat, edictum,
& institutum tuum) sed ut quamfacillimos ad te adi-
tus habeat; quæ erunt aqua, lubente te impetret: ut
meam amicitiam sibi, etiam cum procul absim, prodes-
se sentiat. præsertim apud te. hoc uehementer etiam
atque etiam te rogo. Vale.

M. CICERO C. MVNATIO C. F. S.

Liuius Trypho est omnino L. Reguli fami-
L. liarissimi mei libertus; cuius calamitas etiam
officiosiorem me facit in illum; nā beneuolen-
tior, quàm semper fui, esse non possum. sed ego libertū
eius per se ipsum diligo: summa enim eius erga me of-
ficia extiterunt ijs nostris temporibus, quibus facillime
bonam beneuolentiam hominū, & fidem perspicere po-
tui. eū tibi ita cōmendo, ut homines grati, et memores
bene meritos de se commendare debent. pergratū mihi
feceris, si ille intellexerit, se, quod pro salute mea mult-

ta pericula adierit, saepe hieme summa nauigarit, pro
tua erga me beneuolentia gratū ēt tibi fecisse. Vale.

M. CIC. P. SILIO PROPRAET. S. D.

Pinnio familiarissime me usum esse, scire te
T. arbitror. quod quidem ille testamento decla-
rauit, qui me tum tutorem, tum etiam secū-
dum hæredem instituerit. eius filio mire studioso, &
erudito, & modesto pecuniam Nicæenses grandem de-
bent, ad HS octogies: &, ut audio, in primis uolunt
ei soluere. pergratum igitur mihi feceris, quando non
modo reliqui tutores, qui sciunt quanti me facias, sed
etiam puer ipse sibi persuasit, te omnia mea causa fa-
cturum esse; si dederis operam, quoad tua fides, digni-
tasq; patietur, ut quamprimum pecunia Pinnio solua-
tur Nicæensium nomine. Vale.

M. CIC. P. SILIO PROPRAET. S. D.

T in Attilij negotio te amari: cū enim sero
E uenissem, tamē honestum equitem Romanū
beneficio tuo conseruauī: & mehercule sem-
per sic in animo habui, te in meo ære esse propter La-
mia nostri coniunctionem, & singularem necessitudi-
nem. itaque primum tibi ago gratias, quod me omni
molestia liberas: deinde impudentia prosequor: sed idem
sarciam. te enim semper sic colam, & tuebor, ut quem
diligentissime. Quintum fratrem meum, si me diligis,
eo numero cura ut habeas, quo me. ita magnum bene-
ficiū tuum magno cumulo auxeris. Vale.

FF ij

M. CIC. P. SILIO PROPRAET. S. D.

Non putavi fieri posse; ut mihi uerba deessent:
 N sed tamen in C. Lenio commendando desunt.
 itaq; rem tibi exponam paucis uerbis, sed ta-
 men ut planè perspicere possis uoluntatē meam. incre-
 dibile est, quanti faciamus & ego, & frater meus, qui
 mihi charissimus est, C. Lenium. id fit cum plurimis
 eius officijs, tum summa probitate, & singulari mode-
 stia. eum ego à me inuitissimus dimisi, tum propter fa-
 miliaritatem, & consuetudinis suauitatem; tum quod
 consilio eius fideli, ac bono libenter utebar. sed uereor,
 ne iam mihi superesse uerba putes, quæ dixerā de futu-
 ra. commendo tibi hominem, sicut intelligis me, de quo
 ea supra scripserim, debere commendare: à teq; uehe-
 menter etiam atque etiam peto, ut, quod habet in tua
 prouincia negotij, expedias; quod tibi uidebitur rectum
 esse, ipsi dicas: hominem facillimum, liberalissimumq;
 cognoscēs. itaque te rogo, ut eum solutum, liberum cō-
 fectis eius negotijs per te quamprimum ad me remittas.
 id mihi, fratriq; meo gratissimum feceris. Vale.

M. CIC. P. SILIO PROPRAET. S. D.

Ero meus mirificas apud me tibi gratias egit,
 N prorsus incredibilis, ut nullum honorem sibi
 haberi potuisse diceret, qui à te prætermis-
 set. magnum fructum ex ipso capies: nihil est enim
 illo adolescente gratius. sed mehercule mihi quoq; gra-
 tissimum fecisti: pluris enim ex omni nobilitate nemis

nem facio . itaque si feceris, quæ ille per me tecum agi
uoluit, gratissimum mihi feceris. primum de Pausania
Alabandensi, sustentens rem, dum Nero ueniat : uehemē-
ter enim eius causa cupere eum intellexi : itaque hoc
ualde te rogo . deinde Nisæos, quos Nero in primis ha-
bet necessarios diligentissimeq; tuetur, ac defendit, ha-
beas tibi cōmendatissimos : ut intelligat illa ciuitas, sibi
in Neronis patrocinio summū esse præsidium . Strabo-
nem Seruiliū tibi sæpe commendauī : nunc eo facio
id impensius, quòd eius causam Nero suscepit . tantū à
te petimus, ut agas eā rem, nec relinquas hominē innocē-
tem ad alicuius tui dissimilis quæstum . id tum gratum
mihi erit : tum etiam existimabo te humanitate qua es-
se usum . summa huius epistola hæc est, ut ornes omni-
bus rebus Neronem, sicut instituisti, atque fecisti. ma-
gnū theatrum habet ista prouincia, nō ut hæc nostra,
adolēcentis nobilis, ingeniosi, abstinentis commendatio-
nem, atque gloriam . quare si te fautore usus erit, sicut
et utetur profecto, et usus est; amplissimas clientelas
acceptas à maioribus confirmare poterit, et beneficijs
suis obligare. hoc in genere si eum adiueris eo studio,
quo ostendisti; quod ipsum præclarissime posueris, sed
mihi etiam gratissimum feceris. Vale.

M. CIC. P. SILIO PROPRAET. S. D.

Ump. Terentio Hyspōne, qui operas in scri-
ptura pro magistro dat, mihi summa familia-
ritas, consuetudoq; est : multaq; , et magna
inter nos officia paria, et mutua intercedūt. eius summa

FF iiij

EPIST. LIB. XIII.

existimatio igitur in eo, ut pactiones cum ciuitatibus reliquis conficiat. non me praeterit, noseam rem Ephesi expertos esse, neque ab Ephesijs ullo modo impetrare potuisse. sed quando, quemadmodum omnes existimant, et ego intelligo, tua cum summa integritate, tum singulari humanitate, et mansuetudine consecutus es, ut libentissimis Graecis nutu, quod uelis, consequare: peto a te maiorem in modum, ut honoris mei causa hac laude Hispanem affici uelis. praeterea cum socijs scripturae mihi summa necessitudo est, non solum ob eam causam, quod ea societas uniuersa in mea fide est, sed etiam quod plerisque socijs utor familiarissime. ita et Hispanem meum per me ornaris, et societatem mihi coniunctiorem feceris: tuque ipse et ex eius obseruantia gratissimi hominis, et ex sociorum gratia hominum amplissimorum maximum fructum capies, et me summo beneficio affeceris: sic enim uelim existimes, ex tota tua prouincia, omnique isto imperio nihil esse, quod mihi gratius facere possis.

M. CICERO P. SERVILIO S. D.

Cecinam maxime proprium clientem familiae
A. uestrae non commendarem tibi, cum scire qua fide in tuos, qua clementia in calamitosos soles esse; nisi me et patris eius, quo sum familiarissime usus memoria, et huius fortuna ita moueret, ut hominis omnibus mecum studijs, officiisque coniunctissimi mouere debeat. a te hoc omni contentione peto sic, ut maiore cura, maiore animi labore petere non possim; ut ad ea, quae tua sponte sine cuiusquam commedatione faceres

in hominem tantū, & talem, calamitosum, aliquē affe-
rant cumulū meæ literæ, quo studio, ius eū, quibuscunq;
rebus possis, iuues. quod si Romæ fuisses, etiā salutē A.
Cecinae essemus, ut opinio mea fert, per te consecuti. de
qua tamen magnam spē habemus, freti clementia col-
legæ tui. nunc quando iustitiam tuam secutus, tutissi-
mum sibi portum prouinciam istam esse duxit: etiam
atque etiā te rogo, atq; oro, ut eum & in reliquijs uete-
ris negotiationis colligendis iuues, & ceteris rebus tegas
atque tueare. hoc mihi gratius facere nihil potes. Vale.

M. CICERO P. SERVILIO S. D.

X prouincia mea Ciliciensi, cui scis regis Antio-
E κόςας Asiaticas attributas fuisse, nullo sum fa-
miliarius usus, quā Andronē Arthemonis fi-
lio Laodicensi: eumq; habui in ea ciuitate tum hospitē,
tum uehementer ad meæ uitæ rationem, et consuetudi-
nem accommodatum. quem quidem multo etiam plu-
ris, posteaquam decessit, facere cœpi, quod multis rebus
expertus sum gratū hominem, meiq; memorem: itaque
eum Romæ libentissime uidi: nō te enim fugit, qui plu-
rimis in ista prouincia benigne fecisti, quā multi gra-
ti reperiantur. hæc propterea scripsi, ut me non sine cā-
laborare intelligeres, et ut tu ipse eum dignum hospitio
tuo indicares. feceris igitur mihi gratissimum, si ei de-
clararis quanti me facias, idest si receperis eum in fidē
tuam, & quibuscunque rebus honeste, ac sine molestia
tua poteris, adiuueris. hoc mihi uehementer erit gratū.
idq; ut facias, te etiam atque etiam rogo. Vale.

FF iiij

EPIST. LIB. XIII.

M. CIC. P. SERVILIO IS AVRICO
PROCOS. COLLEGAE S. D.

Ratae mihi uehementer tuae literae fuerunt, ex
G quibus cognoui cursus nauigationum tuarum :
significabas enim memoriam tuam nostrae ne-
cessitudinis : qua mihi nihil poterat esse iucundius, quod
reliquum est, multo etiam erit gratius, si ad me de Rep.
idest de statu provinciae, de institutis tuis familiariter
scribes. quae quanquam ex multis pro tua claritate au-
dia, tamen libentissime ex tuis literis cognoscam. Ego
ad te, de Reip. summa quid sentiam, non saepe scribam
propter periculum eiusmodi literarum. quid agatur au-
tem, scribam saepius. sperare tamen uideor, Caesari colle-
gae nostro fore curae, et esse, ut habeamus aliquam Rep.
cuius consilijs magni referebat te interesse. sed si tibi uti-
lius est, idest gloriosus, Asiae praeesse, et istam partem
Reip. male affectam tueri : mihi quoque idem, quod ti-
bi, et laudi tuae profuturum est, optatius debet esse.
ego, quae ad tuam dignitatem pertinere arbitrabor, summo
studio, diligentiaque curabo : in primisque tuebor omni ob-
servantia clarissimum uirum patrem tuum : quod et
pro uetustate necessitudinis, et pro beneficijs uestris, et
pro dignitate ipsius facere debeo. Vale.

M. CIC. P. SERVILIO COLLEGAE S.

Curtius Mithres est ille quidem, ut scis, libertus
C. Posthumij familiarissimi mei : sed me colit, et
observat aequae, atque illum ipsum patronum suum,

apud eum ego sic Ephesi fui, quotiescunque fuit, tanquā
domi meae: multaq; acciderunt in quibus & beneuolē
tiam eius erga me experirer, et fidem: itaq; si quid aut
mihi, aut meorum cuipiam in Asia opus est, ad hunc
scribere consueui, huius cum opera, & fide, tum domo,
& re uti, tanquam mea. haec ad te eo pluribus scripsi,
ut intelligeres, me non uulgariter, nec ambitiose, sed ut
pro homine intimo, ac mihi pernecessario scribere. pe-
to igitur à te, ut in ea controuersia, quam habet de fun-
do cum quodam Colophonio, & in ceteris rebus, quan-
tum fides tua patietur, quantumq; tuo commodo pote-
ris, tantum ei honoris mei causa commodes, et si ut eius
modestiam cognoui, grauis tibi nulla in re erit. si &
mea commendatione, & mea probitate affecutus erit,
uti de se bene existimes: omnia se adeptum arbitrabi-
tur. ut igitur eum recipias in fidem, habeasq; in nume-
ro tuorum, te uehementer etiam atq; etiam rogo. ego,
quæ te uelle, quæq; ad te pertinere arbitrabor, omnia
studiose, diligenterq; curabo. Vale.

M. CICERO P. SERVILIO
COLLEGAE S. D.

Via non est obscura tua in me beneuolētia, sic
fit, ut multi per me tibi uelint cōmendari. ego
autem tribuo nonnunquā in uulgus, sed ple-
runque necessarijs, ut hoc tempore. nam cum T. Ama-
pio Balbo mihi summa familiaritas, necessitudoq; est.
eius libertum T. Ampium Menandrum, hominem
frugi, & modestum, & patrono, & nobis uehemen-

EPIST. LIB. XIII.

ter probatum tibi commendo maiorem in modum. uehementer mihi gratū feceris, si, quibuscunque rebus sine tua molestia poteris, ei commendaris. quod ut facias, te uehementer etiam atque etiam rogo. Vale.

M. CIC. P. SERVILIO COLLEGAE S.

Ultos tibi commendem necesse est, quando
M omnibus nota nostra necessitudo est, tuāq; in me beneuolentia, sed etiam si omnium causa, quos commendo, uelle debeo: tamen cum omnibus non eadem mihi causa est. T. Agusius et comes meus fuit illo miserrimo tempore, et omnium itinerū, nauigationum, laborum, periculorum meorum socius: neq; hoc tempore discessit à me, nisi ego ei permissem. quare sic tibi eum commendo, ut unum de meis domesticis, et maxime necessarijs. pergratum mihi feceris, si eum ita tractaris, ut intelligat hanc commendationem sibi magno usui, atque adiumento fuisse. Vale.

M. C. P. SERVILIO COLLEGAE S.

Cerelliae necessariae meae rem, nomina, possessiones Asiaticas commēdaui tibi praesens in hortis tuis quā potui diligētissime: tuq; mihi pro tua consuetudine, proq; tuis in me perpetuis, maximisq; officijs omnia te facturum liberalissime recepisti. meminisse te id spero: scio enim solere. sed tamen Cerelliae procuratores scripserunt, te propter magnitudinē prouinciā, multitudinemq; negotiorum etiam atque etiam esse commonefaciendum. peto igitur, ut memineris, te omnia, quae tua fides pateretur, mihi cumulate rece-

pisse. equidem existimo habere te magnam facultatem
(sed hoc tui est consilij, & iudicij) ex eo S. C. quod in
heredes C. Vennonij factum est, Cerelliae commodan-
di. id S. C. tu interpretabere pro tua sapientia: scio
enim eius ordinis auctoritatem semper apud te magnam
fuisse. quod reliquum est, sic uelim existimes, quibus-
cunque rebus Cerelliae benigne feceris, mihi te gratissim-
um esse facturum. Vale.

M. C. Q. PHILIPPO PROCOS. S.

Ratulor tibi, quod ex prouincia saluum te ad
G tuos recepisti incolumi fama, et Rep. quod si
Romae te uidissem, coram gratias egissem,
quod tibi L. Egnatius familiarissimus meus absens, L.
Oppius praesens curae fuisset. Cum Antipatro Derbe-
te mihi non solum hospitium, uerum etiam summa fa-
miliaritas intercedit. ei te uehementer succensuisse au-
diui, et moleste tuli. de re nihil possum iudicare, nisi il-
lud mihi certe persuadeo, te talem uirum nihil temere fe-
cisse. à te autem pro uetere nostra necessitudine etiam at-
que etiam peto, ut eius filios, qui in tua potestate sunt,
mihi potissimum condones: nisi quid existimas in ea re
uitolari existimationem tuam: quod ego si arbitrarer, nū-
quam te rogarem, mihiq; tua fama multo antiquior
esset, quam illa necessitudo est. sed mihi ita persuadeo
(potest fieri, ut fallar) eam rem laudi tibi potius, quam
uituperationi fore. quid fieri possit, & quid mea cau-
sa facere possis, (nam, quid uelis, non dubito) uelim, si tibi
bi graue non erit, certiore me facias. Vale.

EPIST. LIB. XIII.

M. C. Q. PHILIPPO PROCOS. S.

Tsi non dubito pro tua in me obseruantia,
E proq; nostra necessitudine, quin commendatio-
nem meam memoria teneas: tamen etiam at-
que etiam eundem tibi L. Oppium familiarem meum
praesentem, & L. Egnatij familiarissimi mei absentis
negotia commendo. tanta mihi cum eo necessitudo est,
familiaritasq; ut, si mea res esset, non magis laborarem.
quapropter gratissimum mihi feceris, si curaris, ut is
intelligat me a te tantum amari, quantum ipse existi-
mo. hoc mihi gratius facere nihil potes. idq; ut facias,
te uehementer rogo. Vale.

M. C. T. TITIO T. F. LEGATO S.

Tsi non duairo, quin apud te mea comendatio
E prima satis ualeat: tamen obsequor homini fa-
miliariissimo C. Auiano Flacco: cuius causa
omnia rum cupio, tum mehercule etiam debeo. de quo
& praesens tecum egi diligenter, cu tu mihi humanissi-
me respondisti: et scripsi ad te accurate antea. sed pu-
tat interesse sua, me ad te quasaeplissime scribere. quare
uelim mihi ignoscas, si illius uoluntati obtemperans, mi-
nus uidebor meminisse constantiae tuae. a te idem illud
peto, ut de loco, quo deportet frumentum, & de tempo-
re Auiano commodet. quorum utrumque per eundem
me obtinuit trienniu, dum Pompeius isti negotio praes-
fuit summa est, in quo mihi gratissimum facere possis,
si curaris, ut Auianus, quando se a me amari putat, me
a te amari sciat, erit id mihi pergratum. Vale.

AD MEMMIUM, ET ALIOS, 231

M. CIC. QUATVORVIRIS, ET
DECVRIONIBVS S. D.

Ante mihi cū Q. Hippiō cause necessitudi-
nis sunt, ut nihil possit esse cōiunctius, quā
nos inter nos sumus. quod nisi ita esset, uterer
mea consuetudine, ut uobis nulla in re molestus essem.
etenim uos mihi optimi testes estis, cū mihi persuasum
esset, nihil esse, quod à uobis impetrare non possem, nun-
quam me tamen grauem uobis esse uoluisse. uehemen-
ter igitur uos etiam atq; etiā rogo, ut honoris mei cau-
sa liberalissime C. Valgium Hippianum tractetis, remq;
cum eo conficiatis, ut, quam possessionem habet in agro
Fregellano, à uobis emptam, eam liberam, & immu-
nem habere possit. id si à uobis impetraro, summo me
beneficio uestro affectum arbitrabor. Valete.

M. CICERO P. SVLPITIO IMP. S.

Vm his temporibus non sanè in senatū uen-
titarem, tamē, ut tuas literas legi, nō existima-
ui me saluo iure nostræ ueteris amicitie, mul-
torumq; inter nos officiorū facere posse, ut honori tuo
deessem. itaq; affui, supplicationemq; tibi lubenter de-
creui: nec reliquo tempore ullo aut rei, aut existimatio-
ni, aut dignitati tuæ deero. atque ut hoc tui necessarij
sciant; hoc me animo erga te esse uelim facias eos per li-
teras certiores; ut, si quid tibi opus sit, ne dubitent mihi
iure suo denunciare. M. Bollandū, uirū bonum, & for-
tem, & omnibus rebus ornatū, meumq; ueterē amicū,

EPIST. LIB. XIII.

tibi magnopere commendo . pergratum mihi feceris, si curaris, ut is intelligat hanc cōmendationem sibi magno adiumento fuisse. ipsumq; uirum optimum, gratissimūq; cognosces. promitto tibi, te ex eius amicitia magnam uoluptatem esse capturum. Præterea à te peto maiorem in modum pro nostra amicitia, & pro tuo perpetuo in me studio, ut in hac re etiam elaborēs. Dionysius seruus meus, qui meam bibliothecam multorum nummorum tractauit, cum multos libros surripuisset, nec se impune laturum putaret, aufugit. is est in provincia tua. eum & M. Bollanus familiaris meus, & multi alij Narone uiderunt. sed cum se à me missum esse diceret, crediderunt. hunc tu si mihi restituendum curaris, non possum dicere quàm mihi gratum futurum sit. res ipsa parua, sed animi mei dolor magnus est. ubi sit, & quid fieri possit, Bollanus te docebit. ego, si hominem per te recuperaro, summo me à te beneficio affectum arbitrabor. Vale.

CICERO ALLIENO PROCOS. S. D.

Emocritus Sicyonius non solū hospes meusest, sed etiam, quod non multis contingit, Græcis præsertim, ualde familiaris: est enim in eo summa probitas, summa uirtus, summa in hospites liberalitas, & obseruantia: meq; præ cæteris & colit, & obseruat, & diligit. eum tu nō modo suorum ciuū, uerū etiā propè Achæie principem cognosces. huic ego tantūmodo aditum ad tuam cognitionē patefacio, & munio. cognitum, per te ipsum, quæ tua natura est, dignū tua amicitia, atq; hospitio indicabis. peto igitur à te, ut

AD MEMMIUM, ET ALIOS, 232

his literis lectis recipias eum in tuam fidem, polliceari
omnia te facturum mea causa. de reliquo, si id quod
confido, fore dignum eum tua amicitia, hospitioque; cognos-
ueris; peto, ut eum complectare, diligas, in tuis habeas.
erit id mihi maiorem in modum gratum. Vale.

CICERO ALLIENO PROCOS. S. D.

T te scire arbitror, quanti fecerim C. Auianum
E Flaccum: et ego ex ipso audieram optimo, et
gratissimo homine, quam a te liberaliter esse
tractatus. eius filios dignissimos illo patre, meosque; neces-
sarios, quos ego unice diligo, commendo tibi sic, ut maiore
studio nullos commendare possim. C. Auianus in Sicilia
est. Marcus est nobiscum. ut illius dignitatem presen-
tis ornes, rem utriusque defendas, te rogo. hoc mihi gra-
tius in ista provincia facere nihil potes. idque; ut facias,
te uehementer etiam atque; etiam rogo. Vale.

M. T. CICERONIS EPISTOLARVM,
AD TERENCEM VXOREM,
LIBER XIII.

M. CICERO TERENCE, ET
TVLLIOLAE, ET CICE-
RONI SVIS S. P. D.

T literis multorum, et sermone omnium
perfertur ad me, incredibilem tuam uir-
tutem, et fortitudinem esse, teque; nec ani-
mi, nec corporis laboribus defatigari.
E me miserum, te ista uirtute, fide, probi-

EPIST. LIB. XIII.

tate, humanitate in tantas ærumnas propter me inci-
 disse? Tulliolamq; nostram, ex quo patre tantas uolu-
 ptates capiebat, ex eo tantos percipere luctus? nam quid
 ego de Cicerone dicam? qui cum primum sapere cœ-
 pit, acerbissimos dolores, miserasq; percepit. quæ si, ut
 tu scribis, fateri facta putarem, ferrem paulo facilius:
 sed omnia sunt mea culpa cōmissa, qui ab ijs me amari
 putabam, qui inuidebant; eos non sequebar, qui pete-
 bant. quòd si nostris consilijs usi essemus, neq; apud nos
 tantum ualuisset sermo aut stultorum amicorum, aut
 improborum: beatissimi uiueremus. nunc quando spe-
 rare nos amici iubent, dabo operam, ne mea ualetudo
 tuo labori desit. res quanta sit, intelligo, quantoq; fue-
 rit facilius manere domi, quàm redire. sed tamen si o-
 mneis Tribunos pl. habemus, si Lentulū tam studiosum,
 quàm uidetur, si uero etiam Pompeium, & Cæsarem:
 non est desperandum. De familia, quo modo placuis-
 se amicis scribis, faciemus. De loco, nunc quidem iam
 abiit pestilentia: sed quandiu fuit, me non attingit. Plan-
 cius homo officiosissimus me cupit esse secum, & adhuc
 retinet. ego uolebā loco magis deserto esse in Epiro, quo
 neque Hyspo ueniret, nec milites: sed adhuc Plancius
 me retinet: sperat posse fieri ut mecum in Italiam dece-
 dat. quem ego diem si uidero; & si in uestrum com-
 plexum uenero; ac si & uos, & me ipsum recuperaro:
 satis magnū mihi fructū uidebor percepisse & uestre
 pietatis, & meæ. Pisonis humanitas, uirtus, amor in
 omneis nos tantus est, ut nihil supra possit, utinā ea res
 ei uoluptati sit, gloriæ quidem uideo fore. De Q.
 fratre nihil ego te accusari: sed uos, cū præsertim tam
 pauci

pauci sitis;
 me uoluisse
 etum esse
 te uicem u
 quid futur
 quid puero
 ta uis lacry
 cam. tantu
 non deerit
 teris. per f
 ditum per
 uirtute op
 quatur.
 sciam quid
 breuis expe
 Valete.
 rhachium
 ciosa, & p
 tas, aliò m
 M. C. C.
 E T
 N
 scribam: ne
 uero, & ad
 lacrymis ser
 ego beatissi
 & nisi tam

pauci sitis, uolui esse quam coniunctissimos. Quibus
me uoluisti agere gratias, egi, & me à te certiore fa-
ctum esse scripsi. Quod ad me mea Terentia scribis,
te uicum uendituram: quid, obsecro te, (me miserum)
quid futurum est? & si nos premet eadem fortuna,
quid puero misero fiet? non queo reliqua scribere, (tan-
ta uis lacrymarum est) ne te in eundem fletum addu-
cam. tantum scribo: si erunt in officio amici, pecunia
non deerit: si non erunt, tu efficere tua pecunia nō po-
teris. per fortunas miseras nostras uide, ne puerum per-
ditum perdamus. cui si aliquid erit, ne egeat: mediocri
uirtute opus est, & mediocri fortuna, ut cætera conse-
quatur. Fac ualeas, & ad me tabellarios mittas, ut
sciam quid agatur, & uos quid agatis. mihi omnino iā
breuis expectatio est. Tulliolæ, & Ciceroni salutem dic.

Valete. D. ante diem VI. Cal. Dec. Dyrrhachij. Dyr-
rhachium ueni, quod & libera ciuitas est, & in me offi-
ciosa, & proxima Italia. sed si offendet me loci celebri-
tas, aliò me conseram, & ad te scribam.

M. CIC. TERENCE, ET TULLIOLE,
ET CICERONI SVIS S. P. D.

Oli putare me ad quenquā longiores epistolas
scribere. nisi si quis ad me plura scripsit, cui
puto rescribi oportere. nec enim habeo, quod
scribam: nec hoc tempore quidquā difficilius facio. ad te
uero, & ad nostram Tulliolam non queo sine plurimis
lacrymis scribere. uos enim uideo esse miserrimas, quas
ego beatissimas semper esse uolui: idq; præstare debui,
& nisi tam timidi fuissetis, præstitissem. Pisonem no-

GG

EPI. LIB. XIII.

strum merito eius amo plurimum. eum, ut potui, per literas cohortatus sum, gratiasq; egi, ut debui. In nouis Tribunis pl. intelligo spem te habere. id erit firmum si Pompeij uoluntas erit: sed Crassum tamen metuo. à te quidem omnia fieri fortissime, & amatissime uideo. nec miror: sed moereo casum eiusmodi, ut tantis tuis mihi serijs meae miseriae subleuentur. nam ad me P. Valerius homo officiosus scripsit, id quod ego maximo cum fletu legi, quemadmodum à Vesta ad Tabulam Valeriam ducta esses. hem mea lux, meum desiderium, unde omnes opem petere solebant, te nunc mea Terentia sic uexari, sic iacere in lacrymis, & sordibus, idq; fieri mea culpa, qui ceteros seruauim, ut nos periremus? Quod de domo scribis, hoc est de area: ego uero tum denique mihi uidebor restitutus, si illa nobis erit restituta. uerum haec non sunt in nostra manu. illud doleo, quae impensa facienda est, in eius partem te miseram, & despoliatam uenire. quod si conficitur negotium, omnia consequemur. sin eadem nos fortuna premet, etiam ne reliquias tuas misera proijcias? obsecro te mea uita, quod ad sumptum attinet, sine alios, qui possunt, si modo uolunt, sustinere: & ualitudinem istam infirmam, si me amas, noli uexare. nam mihi ante oculos dies nox etresq; uersaris: omnes labores te excipere uideo, timeo, ut sustineas: sed uideo in te esse omnia. quare ut id, quod speras, & quod agis, consequamur, serui ualitudini. Ego, ad quos scribam, nescio, nisi aut ad eos, qui ad me scribunt; aut ad eos, de quibus ad me uos aliquid scribitis. Longius, quoniam uobis ita placet, non discedam; sed uelim quam saepissime li-

teras mitti
mus. V.
Non. Oct.

M. C.
ET

A

cruciat, qu
quam tu
nis est utri
fuit officiu
tia, & copio
turpius, ind
ficio, tum
prima, sua
praestitisse
squalor uo
tue: spes
sunt mult
excludere
spe, non de
tur. Ut t
mum est, q
miserijs. e
quibus uol
di: meq; d
tum.

teras mittatis, praesertim si quid est firmitus, quod speremus. Valete mea desideria, valete. Datum ad III. Non. Oct. Thessalonicae.

M. CIC. TERENCEAE, ET TVLLIAE,
ET CICERONI SVIS S. P. D.

Ccepi ab Aristocrito tres epistolas, quas ego lacrymis propè deleui. conficior enim moerore mea Terentia: nec me mea miseriae magis ex cruciat, quàm tua, uestraeq; ego autè hoc miserior sum, quàm tu, quæ es miserrima, quòd ipsa calamitas còmunis est utriusque nostrù, sed culpa mea propria est. meum fuit officium, uel legatione uitare periculum, uel diligentia, & copijs resistere, uel cadere fortiter. hoc miserior, turpius, indignius nobis nihil fuit. quare cum dolore còficior, tum etiam pudore. pudet enim me uxori meae optima, suauissimis liberis uirtutem, & diligentiam non praestitisse. nam mihi ante oculos dies noctesq; uersatur squalor uester, & moeror, & infirmitas ualetudinis tuae: spes autem salutis pertenuis ostenditur. inimici sunt multi, inuidi penè omnes. eicere nos magnù fuit, excludere facile est. sed tamen quandiu uos eritis in spe, non deficiam, ne omnia mea culpa cecidisse uideantur. Ut tuto sim, quòd laboras: id mihi nunc facillimum est, quem etiam inimici uolunt uiuere in tantis miserijs. ego tamen faciam, quæ praecipis. Amicis, quibus uoluisti, egi gratias: & eas literas Dexippo dedi: meq; de eorum officio scripsi à te certiore esse factum. Pisonem nostrum mirifico esse studio in

GG ij

E P I. L I B. XIII.

nos, & officio, & ego perspicio, & omnes prædicat. Dii faxint, ut tali genero mihi præsentî tecum simul, ac cum liberis nostris frui liceat. nunc spes reliqua est in nouis Tribunis pl. & in primis quidem diebus: nam si inueterarit, actum est: ea re ad te statim Aristocritum misi, ut ad me continua initia rerum, & rationem totius negotij posses scribere. etsi Dexippo quoque ita imperaui, statim ut recurreret: & ad fratrem misi, ut crebro tabellarios mitteret: nam ego eo nomine sum Dyrrhachij hoc tempore, ut quam celerime, quid agatur, audiam & sim tuto: ciuitas enim hæc semper à me defensa est. cum inimici nostri uenire dicentur, tum in Epirum ibo. Quod scribis, te, si uelim, ad me uenturam: ego uero, cum sciam magnam partem istius oneris abs te sustineri, te istuc esse uolo. si perficitis, quod agitis, me ad uos uenire oportet. sin autem, sed nihil est opus reliqua scribere. ex primis, aut ad summum secundis literis tuis constituerè poterimus, quid nobis faciendum sit. tu modo ad me uelim omnia diligentissime perscribas: etsi magis iam rem, quam literas debeo expectare. Cura ut ualeas: & ita tibi persuadeas, mihi te charius nihil esse, nec unquam fuisse. uale mea Terentia; quam ego uidere uideor, ita que debitor lacrymis. Vale. Pridie Cal. Dec. Dyrrhachij.

M. C. T E R E N T I A E, E T T V L L I O L A E,
E T C I C E R O N I S V I S S. P. D.

E Go minus sæpe ad uos do literas, quam possum. propterea quod cum omnia mihi tempora sunt misera; tum uero, cum aut scribo ad uos, aut uestras le-

go, confici
minus uia
tum in uia
dicitur co
reuerant
xa sunt, e
dere, &
quos tu e
uau sem
apud M.
optimum
mea salu
ductus es
ciumq; pra
ferre poss
profectu
zium pe
nunc rog
re, & a
sum e opt
confirme
est: quod
scito: si t
quid de T
consiliu
mille &
Cicero me
complexu
dit maro
neas, an,

go, conficior lacrymis sic, ut ferre nō possim. quōd utinā minus uitæ cupidus fuisset: certe nihil, aut non multum in uita mali uidissemus. quōd si nos ad aliquam alicuius commodi aliquando recuperandi spem fortuna reseruauit: minus est erratum à nobis. sin hæc mala fixa sunt, ego uero te quamprimum mea uita cupio uidere, & in tuo complexu emori: quando neque Dii, quos tu castissime coluisti; neque homines, quos ego seruauī semper, nobis gratiam retulerunt. Nos Brundusij apud M. Lenium Flaccum dles XIII. fuimus, uirum optimum, qui periculum fortunarum, et capitis sui pro mea salute neglexit; neque legis improbiſſimæ poena ductus est, quo minus hospitij, & amicitie ius, officiumq; præstaret. huic utinam aliquando gratiam referre possimus, habebimus quidem semper. Brundusio profecti sumus ad V. Cal. Maiaſ. per Macedoniam Cyzicum petebamus. o me perditum, o me afflictum: quid nunc rogem te, ut uenias, mulierem ægram, & corpore, & animo confectam? non rogem? sine te igitur sim? opinor, sic agam. si est spes nostri reditus, eam confirmes, & re adiuues. sin, ut ego metuo, transactum est: quoquo modo potes, ad me fac uenias. unum hoc scito: si te habebo, non mihi uidebor planè periſſe. sed quid de Tulliola mea fiet? iam id uos uidete: mihi deest consilium. sed certe, quoquo modo se res habebit, illius misellæ & matrimonio, & famæ seruiendum est. quid Cicero meus, quid aget? iste uero sit in sinu semper, & complexu meo. non queo iam plura scribere: impedit mœror. Tu quid egeris, nescio; utrum aliquid te neas, an, quod metuo. planè sis spoliata. Pisonem, ut

scribis, spero fore semper nostrum. De familia liberata, nihil est, quod te moueat. primum tuis ita promissum est, te facturū esse, ut quisque esset meritus. est autem in officio adhuc Orpheus, præterea magnopere nemo. cæterorum seruorum ea causa est, ut, si res à nobis abesset, liberti nostri essent, si obtinere potuissent: sin ad nos pertinerent, seruirent, præterquam oppido pauci. sed hæc minora sunt. Tu quod me hortaris, ut animo sim magno, & spem habeam recuperandæ salutis: id uelim sit eiusmodi, ut recte sperare possimus. nunc miser quando tuas iam literas accipiam? quis ad me perferet? quas ego expectassem Brundusij, si esset licitū per nautas, qui tempestatem prætermittere noluerunt.

Quod reliquum est, sustenta te mea Terentia, ut potes. honestissime uiximus: floruius. non uitium nostrum, sed uirtus nostra nos afflixit. peccatum est nullum, nisi quod non unā animam cum ornamentis amissimus. sed si hoc fuit liberis nostris gratius, nos uiuere: cætera, quanquam ferenda non sunt, feramus. atque ego, qui te confirmo, ipse me non possum. Clodium Philetærum, quod ualitudine oculorum impediabatur, hominē fidelem, remisit. Salustius officio uincet omne spes. Cennius est perbeneuolus nobis: quem semper spero tui fore obseruantem. Sica dixerat se mecum fore, sed Brundusio discessit. Cura, quoad potes, ut ualeas: & sic existimes, uehementius me tua miseria, quàm mea commoueri. mea Terentia fidiissima, atque optima uxor, & mea charissima filiola, & spes reliqua nostra Cicero, ualete. Pridie Cal. Maij, Brundusio.

uicessima
ni exeuert
et uiginti
intellexi t
omnes su
omnia: id
tus, hanc
se: iam en
dem quam
Remp. uen
rum amico
spectare:
quid sent
dabimus
deliberem
tua fiat, q
De heredi
lori est, (C
si auctio d
ent, si is
curet. nos
sintu iam
ia fiat. no
Italia spera
tutissima

M. CIC. TERENCEAE, ET TVL. SVIS S.

I tu, & Tullia lux nostra ualetis, ego, & sua-
 S uissimus Cicero ualemus. Pridie Id. Oct.
 Athenas uenimus, cum sanè aduersus uentis
 usi essemus, tardeq; & incòmode nauigassemus. de na-
 uì exeuntibus nobis Acastus cum literis præsto fuit, uno
 et uigesimo die, sanè strenue. Accepi tuas literas: quibus
 intellexi te uereri, ne superiores mihi redditæ nō essent.
 omnes sunt redditæ: diligētissimeq; à te perscripta sunt
 omnia: idq; mihi gratissimum fuit. neque sum admira-
 tus, hanc epistolam, quam Acastus attulit, breuem fuis-
 se: iam enim me ipsum expectas, siue nos ipsos: qui qui-
 dem quamprimum ad uos uenire cupimus: etsi, in quā
 Remp. uenimus, intelligo. cognoui enim ex multo-
 rum amicorum literis, quas attulit Acastus, ad arma rē
 spectare: ut mihi, cum uenero, dissimulare non liceat
 quid sentiam. sed quādo subeunda fortuna est, eo citius
 dabimus operam, ut ueniamus, quo facilius de tota re
 deliberemus. tu uelim, quod commodo ualeitudinis
 tuæ fiat, quā longissime poteris, obuiam nobis prodeas.
 De hereditate Prætiana, quæ quidem mihi magno do-
 lori est, (ualde enim illum amaui) hoc uelim cures;
 si auctio ante meum aduentum fiet, ut Pomponius,
 aut, si is minus poterit, Camillus nostrum negotium
 curet. nos, cum uenerimus, reliqua per nos agemus.
 sin tu iam Roma profecta eris, tamen curabis, ut hoc
 ita fiat. nos, si Diij adiuuabunt, circiter Id. Nou. in
 Italia speramus fore. Vos mea suauissima, & op-
 tatissima Terentia, & Tulliola, si nos amatis,

GG iij

EPI. LIB. XIII.

curate ut ualeatis. Athenis, ad XV. Cal. Non.

M. CIC. TERENTIAE SVAE S. P. D.

Ec saepe est, cui literas demus: nec rem habemus ullam, quam scribere uelimus. Ex tuis literis, quas proxime accepi, cognoui praedium nullum uenire potuisse. quare uideas uelim, quo modo satisfiat ei, cui scis me satisfieri uelle. Quod nostra tibi gratias agit, id ego non miror te mereri, ut ea tibi merito tuo gratias agere possit. Pollicem, si adhuc non est profectus, quamprimum fac extrudas. Cura ut ualeas. Idib. Quint. Vale.

M. CIC. TERENTIAE SVAE S. P. D.

Mneis molestias, & sollicitudines, quibus et te miserrimam habui, id quod mihi molestissimum est, Tulliolumque, quae nobis nostra uita dulcior est, deposui & eieci. quid causae autem fuerit, postridie intellexi, quam a uobis discessi. χαλὼ ἀνράτῳ noctu eieci, statim ita sum leuatus, ut mihi Deus aliquis medicinam fecisse uideatur. cui quidem tu Deo, quemadmodum soles, pie, & caste satisfacias. id est Apollini, & Aesculapio. Nauim spero nos ualde bonam habere. in eam simul atque conscendi, haec scripsi. deinde conscribam ad nostros familiares multas epistolas: quibus te, & Tulliolam nostram diligentissime commendabo. cohortarer uos, quo animo fortiore essetis, nisi uos fortiores cognoscerem, quam quenquam uirum, & tamen eiusmodi spe

ro negotia esse, ut & uos istic commodissime sperem esse, & me aliquando cum similibus nostri Remp. defensurum. Tu primum ualitudinem tuam uelim cures: deinde, tibi si uidebitur, uillis ijs utare, quæ longissime aberunt à militibus. fundo Arpinati bene poteris uti cum familia urbana, si annona charior fuerit. Cicero bellissimus tibi salutem plurimam dicit. Etiam atque etiam uale. Datum VII. Id. Iun.

M. CIC. TERENCEM SVAE S. P. D.

I uales, bene est: ego quidem ualeo. Valitudinem tuam uelim cures diligentissime: nam mihi & scriptum, & nunciatum est, te in febrim subito incidisse. Quod celeriter me fecisti de Cæsaris literis certiore, fecisti mihi gratum. item posthac, si quid opus erit, si quid acciderit noui, facies ut sciam. Cura ut ualeas. uale. Datum III. Non. Iun.

M. CIC. TERENCEM SVAE S. P. D.

D cæteras meas miseras accessit dolor è Dola bellæ ualitudine, et Tullie. omnino de omnibus rebus nec quid cõsiliij capiã, nec quid faciã scio. Tu uelim tuam, & Tullie ualitudinẽ cures. Vale.

M. CIC. TERENCEM SVAE S. P. D.

Quid fieri placeret, scripsi ad Pomponium serius, quàm oportuit. cum eo si locuta eris, intelliges quid fieri uelim. apertius scribi, quando ad illũ scripseris

EPI. LIB. XIII.

ram, necesse non fuit. de ea re, & de cæteris rebus quã-
primum uelim nobis literas mittas. Valetudinem tuam
cura diligenter uale. VII. Id. Quint.

M. CIC. TERENTIAE SVAE S. P. D.

I uales, bene est: ego ualeo. Tullia nostra
S uenit ad me prid. Id. Iun: cuius summa uirtu-
te, & singulari humanitate, grauiore etiam
sum dolore affectus, nostra factum esse negligentia, ut
longe alia in fortuna esset, atque eius pietas, ac dignitas
postulabat. Nobis erat in animo, Ciceronem ad Casa-
rem mittere, & cum eo Cn. Salustium, si profectus erit,
faciam te certiore. Valetudinem tuam cura dili-
genter uale. XVII. Cal. Quint.

M. CIC. TERENTIAE SVAE S. P. D.

Vod nos in Italiam saluos uenisse gaudes, per-
Q petuo gaudeas uelim. sed perturbati dolore
animi, magnisq; iniurijs, metuo ne id consili-
ceperimus, quod non facile explicare possimus. quare,
quantum potes, adiuua. quid autem possis, mihi in men-
tem non uenit. in uiam quod te des hoc tempore, nihil
est; & longum est iter, & non tutum: & non uideo
quid prodesse possis, si ueneris. Vale. Datum pridie
Non. Non. Brundusio.

M. CIC. TERENTIAE SVAE S. P. D.

Q. Vod scripsi ad te proximis literis de nuncio res-
mittendo, quæ sit istius uis hoc tempore, & qu

concitatio multitudinis, ignoro. si metuendus iratus est, quies tamen ab illo fortasse nascetur. totum iudicabis quale sit; et quod in miserrimis rebus minime miserum putabis, id facies. Vale. V. I. Id. Quint.

TULLIVS TERENCEAE, ET PATR
TER TULLIOLAE, DVABVS
ANIMIS SVIS; ET CICERO
MATRI OPTIMAE, SVA
VISSIMAE SORO
RI S. P. D.

I uos ualeatis, nos ualemus. Vestrum iam consili-
um est, non solum meum, quid sit uobis faciendum. si ille Romam modeste uenturus est, re-
ete in praesentia domi esse potest: sin homo amens diripiendam urbem daturus est; uereor, ut Dolabella ipse satis uobis prodesse possit. etiam illud metuo, ne iam intercludamini, ut cum uelit, exire non liceat. reliquum est, quod ipsae optime considerabitis, uestri similes foeminae sint ne Romae. si enim non sunt: uidendum est, ut honeste uos esse possitis. quomodocunque nunc se res habet; modo ut haec uobis loca tenere liceat, bellissime uel mecum, uel in nostris praedijs esse poteritis. etiam illud uerendum est, ne breui tempore fames in urbe sit. his de rebus uelim, cum Pomponio, cum Camillo, cum quibus uobis uidebitur, consideretis: ad summam, animo forti sitis. Labienus rem meliorem fecit. adiuuat etiam Piso, quod ab urbe discedit, et scelere condemnat generum suum. Vos meae charissimae animae quam saepissime ad

E P I. L I B. X I I I I.

me scribite, & uos quid agatis, & quid istic agatur.
Quintus pater, & filius, & Rufus uobis salutem di-
cunt. Valete. VII. Cal. Quint. Minturnis.

T V L L I V S T E R E N T I A E S V A E S. D.

S I uales, bene est: ego ualeo. Constitueramus, ut ad
te antea scripserā, obuiā Ciceronē Cēsari mittere:
re: sed mutauimus consiliū, quia de illius aduentu nihil
audiebamus. De ceteris rebus, etsi nihil erat noui, tamē
quid uelimus, & quid hoc tempore putemus opus esse,
ex Sicca poteris cognoscere. Tulliā adhuc mecū teneo.
Valetudinē tuā cura diligenter. Vale. XII. Cal. Quint.

T V L L I V S T E R E N T I A E S V A E S. D.

S I uales, bene est: ego ualeo. Et si eiusmodi tempora
nostra sunt, ut nihil habeā, quod aut à te litera-
rū expectē, aut ipse ad te scribā: tamen nescio quo modo
et ipse uestras literas expecto, et scribo ad uos, cū habeo,
qui ferat. Volumnia debuit in te officiosior esse, quā
fuit: & id ipsum, q̄ fecit, potuit diligētius facere, et cau-
tius: quāquā alia sunt, quae magis curemus, magisq; do-
leamus: quae me ita cōficiūt, ut ij uoluerunt, qui me de
mea sētētia detruserūt. Cura ut ualeas. pridie Non. Ian.

T V L L I V S T E R E N T I A E S V A E S. D.

S I quid haberem, quod ad te scriberem; facerē
id & pluribus uerbis, & sepius. nunc, quae
sunt negotia, uides. ego autem quo modo sim
affectus, ex Lepta, et Trebatio poteris cognoscere. tu fac
ut tuam, & Tulliae ualetudinem cures. Vale.

TVL
SVA
M

C

non solu
ueniunt
Dolabell
qua uis
lud me
& eos m
qua ego
prediorum
commode
non satis
quid ali
exire no
uobiscum
gnacula,
sim tabel
uobis lita
ualeatis,

TVL

I

te plura
to scio. Q

TVLLIVS TERENCEM, ET PATER
SVAVISSIMAE FILIAE; CICERO
MATRI, ET SORORI S. D. P.

Considerandum uobis etiam atque etiam ani-
ma mea diligenter puto, quid faciatis; Ro-
mae ne sitis, an mecum in aliquo tuto loco. id
non solum meum consilium est, sed etiam uestrum. mihi
ueniunt in mentem haec; Romae uos esse tuto posse per
Dolabellam; eamque rem posse nobis adiumento esse, si
qua uis aut si qua rapina fieri coeperint: sed rursus il-
lud me mouet, quod uideo omnes bonos abesse Roma,
et eos mulieres suas secum habere. haec autem regio, in
qua ego sum, nostrorum est tum oppidorum, tum etiam
praediorum: ut et multum esse mecum, et cum abieritis,
commode etiam in nostris praedijs esse possitis. mihi plane
non satis constat adhuc, utrum sit melius. uos uidete,
quid aliae faciant isto loco foeminae; et ne, cum uelitis,
exire non liceat. id uelim diligenter etiam atque etiam
uobiscum, et cum amicis consideretis. Domus ut propu-
gnacula, et praesidium habeat, Philotimo dicetis. Et ue-
lim tabellarios instituat certos, ut quotidie aliquas a
uobis literas accipiam. Maxime autem date operam, ut
ualeatis, si nos uultis ualere. VII. Cal. Febr. Formijs.

TVLLIVS TERENCEM SVAE S. D.

I N maximis meis doloribus excruciat me uale-
tudo Tulliae nostrae. de qua nihil est, quod ad
te plura scribam: tibi enim aequae magnae cure esse cera-
to scio. Quod me propius uultis accedere, uideo ita esse

EPI. LIB. XIII.

faciendum: etiam ante fecissem: sed me multa impedi-
runt, quæ ne nunc quidem expedita sunt. sed à Pompo-
nio expecto literas, quas ad me quamprimum perferen-
das cures uelim. Da operam ut ualeas.

TVLLIVS TERENTIAE SVAE S. D.

N Tusculanum nos uenturos putamus aut
I Nonis, aut postridie. ibi fac ut sint omnia pa-
rata: plures enim fortasse nobiscum erunt:
et, ut arbitror, diutius ibi commorabimur. labrum si
in balneo non est, fac ut sit: item cætera, quæ sunt ad
uictum, et ad ualitudinem necessaria. Vale.
V. Cal. Oct. de Venusino.

TVLLIVS TERENTIAE SVAE S. D.

I uales, bene est: ego ualeo. Da operam ut conua-
lescas: quod opus erit, ut res, tempusq; postu-
lat, provideas, atque administres, et ad me de
omnibus rebus quam sæpiissime literas mittas. Vale.

TVLLIVS TERENTIAE SVAE S. D.

I uales, bene est: ego ualeo. Nos quotidie tabel-
S larios uestros expectamus: qui si uenerint, for-
tasse erimus certiores, quid nobis faciendum
sit, faciemusq; te statim certiores. Valetudinem tuam
cura diligenter. Vale. Cal. Sept.

TVLLIVS TERENTIAE S. D.

S I uales, bene est: ego ualeo. Nos neque de Casta-
ris aduentu, neque de literis, quas Philotimus

habere dicitur, quidquam adhuc certi habemus. si quid
erit certi, faciam te statim certiozem. Valetudinem tuā
fac ut cures. Vale. IIII. Id. Sext.

TVLLIVS TERENCEM SVAE S. D.

I uales, bene est: ego ualeo. Redditæ mihi iam
S tandem sunt à Cæsare literæ, satis liberales:
et ipse opinione celerius uenturus esse dici-
tur. cui utrum obuiam procedam, an hic eum expectē,
cum constituero, faciam te certiozem. Tabellarios mihi
uelim quamprimum remittas. Valetudinem tuam cura
diligenter. Vale pridie Id. Sext.

M. T. CICERONIS EPISTOLARVM,
AD SENATVM, ET ALIOS,
LIBER XX.

M. TVLLIVS M. F. CICERO PRO-
COS. S. P. D. COSS. PRAETT.
TRIBB. PL. S. P. Q. R.

I uos bene ualetis, bene est: ego quidem
ualeo. Et si non dubie mihi nunciaba-
S tur, Parthos transisse Euphratem cum
omnibus fere suis copijs: tamen, quod
arbitrabar à M. Bibulo Procos. certio-
ra de his rebus ad eos scribi posse, statuebam mihi non
necesse esse publice scribere ea, quæ de alterius prouin-
cia nunciarentur. postea uero quàm certissimis aucto-
ribus, legatis, nuncijs, literis sum certior factus: uel

EPI. LIB. XV.

quod tanta res erat, uel quod nō dū audieramus Bibulum in Syriā uenisse, uel quia administratio huius belli mihi cum Bibulo penē est communis; quæ ad me delata essent, scribenda ad uos putauī. Regis Antiochi Commageni legati primi mihi nunciarunt Parthorum magnas copias Euphratem transire cœpisse. quo nuncio allato, cum essent nonnulli, qui ei Regi minorem fidem habendam putarent, statui expectandum esse, si quid certius afferretur. ad XIII. Cal. Oct. cum exercitum in Ciliciā ducerem, in foribus Lycaoniæ, & Cappadociæ mihi litteræ redditæ sunt à Tarcondimoto, qui fidelissimus socius trans Taurum, amicitissimūq; populi R. existimatur; Pacorum rodi Regis Parthorum filium cum per magno equitatu Parthico transisse Euphratem, & castra posuisse Tybæ; magnumq; tumultum esse in provincia Syria excitatum. eodem die ab Iamblico, Phylarcho Arabum, quem homines opinantur bene sentire, amicumq; esse Reip. nostræ, literæ de iisdem rebus mihi redditæ sunt. his rebus allatis, etsi intelligebam socios infirme animatos esse, & nouarum rerum expectatione suspensos: sperabam tamen eos, ad quos iam accesseram, quiq; nostram consuetudinem, integritatemq; perspexerant, amiciores populo R. esse factos: Ciliciam autem firmiorem fore, si æquitatus nostri particeps facta esset. & ob eam causam; & ut opprimeretur ij, qui ex Cilicum gente in armis essent; & ut hostis is, qui esset in Syria, sciret exercitum populi R. non modo non cedere his nuncijs allatis, sed etiam propius accedere: exercitum ad Taurum institui ducere. sed si quid apud uos auctoritas mea ponderis habet,

A
ris habet
penē cert
his provin
quando ta
ctos, & q
miseris, no
ritia obce
neq; enim
quod sub
temperan
exercitus
tere solet
periculum
quibus ne
autem in
causa null
sunt, met
dicauit
permis
auxilia
stri aut
possint;
ab ijs, n
tur. Reg
cunque
reliqui R
luntate
te non de
rum sit,
possimus

ris habet, in ijs præsertim rebus, quas uos audistis, ego
 penè cerno: magnopere uos & hortor, & moneo, ut
 his prouincijs, serius uos quidem, quàm decuit, sed ali
 quando tamen consulatis. nos quemadmodum instru
 etos, & quibus præsidijs munitos ad tãti belli opinionē
 miseris, non estis ignari. quod ego negotium non stul
 titia obcæcatus, sed uerecūdia deterritus non recusauī:
 neq; enim unquam ullum periculum tantum putauī,
 quod subterfugere mallē, quàm uestre auctoritati ob
 temperare. hoc autem tempore res sese sic habet, ut, nisi
 exercitum tantum, quantum ad maximum bellū mit
 tere soletis, mature in has prouincias miseritis, summū
 periculum sit, ne amittendæ sint omnes hæ prouinciæ,
 quibus uectigalia populi Ro. continētur. quamobrem
 autem in hoc prouinciali delectu spem habeatis aliquā,
 causa nulla est: neq; multi sunt: & diffugiunt, qui
 sunt, metu oblato: & quod genus hoc militum sit, iu
 dicauit uir fortissimus M. Bibulus in Asia: qui, cum ei
 permisissetis, delectum habere noluerit. nam sociorum
 auxilia propter acerbiteratē, atq; iniurias imperij no
 stri aut ita imbecilla sunt, ut non multum nos iurare
 possint; aut ita alienata à nobis, ut neq; expectandum
 ab ijs, neque committendum ijs quidquam esse uidea
 tur. Regis Deiotari & uoluntatem, & copias, quantæ
 cunque sunt, nostras esse duco. Cappadocia est inanis.
 reliqui Reges, tyranniq; neq; opibus satis firmi, nec uo
 luntate sunt. mihi in hac paucitate militū, animus cer
 te non deerit: spero, ne consilium quidem. quid casu
 rum sit, incertum est. utinam salutē nostræ consulere
 possimus: dignitatē certe consulemus. Valere.

H H

EPIST. LIB. XV.

M. TVLLIVS M. F. CICERO PRO-
COS. S. D. COSS. PRAET. T.
TRIBB. PL. S. P. Q. R.

I uos bene ualeatis, bene est. ego quidē ualeo.
S Cum prid. Cal. Sex. in prouinciam uenissem,
neq; maturius propter itinerum, & naviga-
tionū difficultatem uenire potuissem: maxime conue-
nire officio meo, Rei; pub. conducere putauī, parare
ea, quæ ad exercitum, quæq; ad rem militarem perti-
rent. quæ cū essent à me cura magis, & diligētia, quàm
facultate, & copia constituta; nunciūq; & literæ de bel-
lo à Parthis in prouinciam Syriam illato quotidie ferè
afferrentur: iter mihi faciendum per Lycaoniam, &
per Isauros, & per Cappadociam arbitratus sum: erat
enim magna suspicio, Parthos, si ex Syria egredi, atque
irrumperē in meā prouinciam conarentur, iter eos per
Cappadociam, quòd ea maxime pateret, esse facturos.
itaq; cum exercitu per Cappadociæ partem eā, quæ cū
Cilicia cōtinens est, iter feci: castraq; ad Cybistra, quod
oppidum est ad montem Taurum, locauī: ut Artuafdes
Rex Armenius, quocunq; animo esset, sciret non procul
à suis finibus exercitum populi R. esse; & Deiotarum,
fidelissimum Regem, atque amicissimum Reip. nostræ
maxime coniunctum haberem, hominem cuius & con-
silio, & opibus adiuuari posset Resp. quo cum in loco
castra haberem, equitatumq; in Ciliciam misissem, ut
& meus aduētus ijs ciuitatibus, quæ in ea parte essent,
nunciatus, firmiores animos hominum faceret; & ego
mature, quid ageretur in Syria, scire possem: tempus

etius tri-
cio, & n-
uestra au-
zanem, E-
salutem, &
gratū; pra-
gis popul-
quam de
mani me-
ei; pra-
ri: ut, q-
commen-
cum esse
orationis
mihi grat-
ficum uia
salutem
& mea
spici po-
tie fuit
uina sua
etiam su-
gaudere
illum in
admonit-
fessit in
Ariarath-
bus nati-
fieri, cum
dem, &

eius tridui, quod in ijs castris morabar, in magno offi-
 cio, & necessario mihi ponendum putavi. cum enim
 uestra auctoritas intercessisset, ut ego Regem Ariobar-
 zanem, Euseben, & Philoromæum, tuerer; eiusq; Regis
 salutem, & incolumitatem regni defenderem; Regi, re-
 gnoq; præsidio essem; adiunxissetisq; salutem eius Re-
 gis populo, senatuiq; magnæ curæ esse, quod nullo un-
 quam de Rege decretum esset à nostro ordine: existi-
 maui me iudicium uestrum ad Regem deferre debere,
 eiq; præsidium meum, & fidem, & diligentiam pollice-
 ri: ut, quando salus ipsius, & incolumitas regni mihi
 commendata esset à uobis, diceret, si quidem uellet. quæ
 cum essem in consilio meo cum Rege locutus; initio ille
 orationis suæ uobis maximas, ut debuit, deinde etiam
 mihi gratias egit; quod ei permagnum, & perhonorifi-
 cum uidebatur, senatui populoq; R. tantæ curæ esse
 salutem suam, meq; tantam diligentiam adhibere, ut
 & mea fides, & cōmendationis uestre auctoritas per-
 spici possit. atque ille primo, quod mihi maximæ læti-
 tiæ fuit, ita mecum locutus est, ut nullas insidias neq;
 uitæ suæ, neq; regno diceret se aut intelligere fieri, aut
 etiam suspicari. cum ei ego gratulatus essem, idq; me
 gaudere dixissem, cohortatus ut recordaretur casum
 illum interitus paterni, & uigilanter se tueretur, atq;
 admonitu senatus consuleret saluti suæ: tum à me di-
 scessit in oppidum Cybistra. postero autem die cum
 Ariarathe fratre suo, & cum paternis amicis maiori-
 bus natu ad me in castra uenit, perturbatusq;, &
 flens, cum idem & frater faceret, & amici, meam fi-
 dem, & uestram cōmendationē implorare coepit. cū ad-

mirarer, quid accidisset noui: dixit, ad se indicia manifestarum insidiarum esse delata; quæ essent ante aduentum meum occultata, quod illi, qui ea patefacere possent, propter metum reticuisissent: eo autem tempore spei mei præsidij complureis ea, quæ scirent, audacter ad se detulisse: in his amantissimum sui, summa pietate præditum, fratrem dicere ea, quæ is me quoque audiente dicebat, se sollicitatum esse, ut regnare uellet: id uiuo fratre suo accidere non potuisse: se tamen ante illud tempus eam rem nunquam in medium propter periculi metum protulisse. quæ cum esset locutus: monui Regem, ut omnem diligentiam ad se conseruandum adhiberet: amicosque in patris eius fide, atque iudicio probatos, hortatus sum, Regis sui uitam, docti casu acerbissimo patris eius, omni cura, custodiaque defenderent. cum Rex à me equitatum, cohortesque de exercitu meo postulet: etsi intelligebam uestro S. C. non modo posse me id facere, sed etiam debere; tamen, cum Respublica postulet propter quotidianos ex Syria nuncios, ut quamprimum exercitum ad Cilicie fines adducerem; cumque mihi Rex patefactis iam insidijs non egere exercitu populi R. sed posse se suis opibus defendere uideretur; illum cohortatus sum, ut in sua uita conseruanda primum regnare disceret; à quibus perspexisset sibi insidias paratas, in eos uteretur iure regio; poena afficeret eos, quos necesse esset; reliquos metu liberet; præsidio exercitus mei ad eorum, qui in culpa essent, timorem potius, quam ad contentionem uteretur: fore autem, ut omnes, quando S. C. nossent, intelligerent me Regi, si opus esset, ex auctoritate uestra præsidio futurum. ita confirmato il-

lo, ex eo
insidijs;
ut consili
gem, qua
postulante
ius salute
aduentus
me scribi
qua pena
providis
ge Artob
nij, fide
sine cau
lucem uel

Parthor
foror, a
multare
Euphrat
Regem i
tan pro
tere. pu
ipsum C
nuncios

lo, ex eo loco castra moui, & iter in Ciliciam facere
instrui; cum hac opinione e Cappadocia discederem,
ut consilio uestro, casu incredibili, ac penè diuino Re-
gem, quem uos honorificentissime appellassetis nullo
postulante, quemq; meae fidei commendassetis, & cu-
ius salutem magnae uobis curae esse decreuissetis, meus
aduentus praesentibus infidijs liberasset. quod ad uos à
me scribi, non alienum putau; ut intelligeretis ex ijs,
quae penè acciderunt, uos multo ante, ne ea acciderent,
prouidisse: eoq; uos studiosius feci certiores, quod in Re-
ge Artobarzane ea mihi signa uideor uirtutis, inge-
nij, fidei, beneuolentiaeq; erga uos perspexisse, ut non
sine causa tantam curam, diligentiamq; in eius uos sa-
lutem uideamini contulisse. Valete.

M. CICERO IMP. S. D.

M. CATONI.

Vm ad me legati missi ab Antiocho Commag-
C geno uenissent in castra ad Iconium ante diē
III. Non. Sept. ijq; mihi nūciaffent, Regis
Parthorum filiū, quocum esset nupta Regis Armeniorū
soror, ad Euphratem cum maximis Parthorum copijs,
multarumq; praeterea gentium magna manu uenisse,
Euphratemq; iam transire coepisse; diciq; Armenium
Regem in Cappadociam imperum esse facturum: pu-
taui pro nostra necessitudine me hoc ad te scribere opor-
tere. publice propter duas causas nihil scripsi, quod &
ipsum Commagenum legati dicebant ad senatū statim
nuncios, literasq; misisse: & existimabam M. Bibulum

H H ij

E P I S T . L I B . XV .

Procos. qui circiter Id. Sext. ab Epheso in Syriam nauibus profectus erat, quod secundos uentos habuisset, iam in prouinciam suam peruenisse: cuius literis omnia certiora perlatum iri ad senatum putabam. Mihi, ut in huiusmodi re, tantoq; bello, maxima cura est, ut, quæ copijs, & opibus tenere uix possumus, ea mansuetudine, & continentia nostra, sociorum fidelitate teneamus. Tu uelim, ut consuesti, nos absentes diligas, & defendas. Vale.

M. CICERO IMP. S. D. M. CATONI.

Umma tua auctoritas fecit, meūq; perpetuum de tua singulari uirtute iudicium, ut magni mea interesse putarem, & res eas, quas gessissem, tibi notas esse, & non ignorari à te, qua æquitate, et continentia tuerer socios, prouinciamq; administrarem: his enim à te cognitis, arbitrabar facilius me tibi, quæ uelle, probaturū. Cum in prouinciā prid. Cal. Sext. uenissem, et propter anni tempus ad exercitum mihi cōfestim esse eundem uiderem: biduum Laodiceæ fui, deinde Apameæ quatriduum, triduum Synnadis, totidē dies Philomeli. quibus in oppidis cum magni conuentus fuissent: multas ciuitates acerbissimis triburis, & grauissimis usuris, et falso ære alieno liberaui. cūq; ante aduentum meū seditione quadam exercitus esset dissipatus, quinque cohortes sine legato, sine Tribuno mil. denique etiam sine centurione ullo apud Philomelū cōsedissent, reliquus exercitus esset in Lycaonia: M. Anneio legato imperaui, ut eas quinque cohortes ad reliquum

AD
exercitu
castra in
ab illo d
Cal. Sep
S. C. &
satis idone
ciorum d
cum exer
Cal. Sep
tumultu
transisse
commot
reliqua
per Cappa
geret, p
ciam quid
facile ter
Syria,
stias inte
Syriam r
patet à S
amici no
dent. ite
ro apud
tuerer; e
silia imp
expectati
ne causa
tus iudici
mga pop

exercitum duceret, coactoque in unum locum exercitu,
 castra in Lycaonia apud Iconium faceret. quod cum
 ab illo diligenter esset actum; ego in castra ad VII.
 Cal. Sept. ueni: cum interea superioribus diebus ex
 S. C. et euocatorum firmam manum, et equitatum
 satis idoneum, et populorum liberorum, Regumque so-
 ciorum auxilia uoluntaria comparauissem. interim
 cum exercitu lustrato iter in Ciliciam facere coepissem;
 Cal. Sept. legati à Rege Commageno ad me missi, per
 tumultuose, neque tamen non uere, Parthos in Syriam
 transisse, nunciauerunt. quo audito, uehementer sum
 commotus cum de Syria, tum de mea prouincia, de
 reliqua denique Asia. itaque exercitum mihi ducendum
 per Cappadociae regionem eam, quae Ciliciam attin-
 geret, putavi. nam si me in Ciliciam demissem, Cili-
 ciam quidem ipsam propter montis Amani naturam
 facile tenuissem, (duo sunt enim aditus in Ciliciam ex
 Syria, quorum uterque paruis praesidijs propter angu-
 stias intercludi potest: nec est quidquam Cilicia contra
 Syriam munitius) sed me Cappadocia mouebat, quae
 patet à Syria, Regesque habet finitimos, qui etiam si sunt
 amici nobis, tamen aperte Parthis inimici esse non au-
 dent. itaque in Cappadocia extrema non longe à Tau-
 ro apud oppidum Cybistra castra feci; ut et Ciliciam
 tuerer; et Cappadociam tenens, noua finitimorum con-
 silia impedirem. interea in hoc tanto motu, tantaque
 expectatione maximi belli, Rex Deiotarus, cui non si-
 ne causa plurimum semper et meo, et tuo, et sena-
 tus iudicio tributum est, uir cum beneuolentia, et fide
 erga populum R. singulari, tum praesentia, magnitu-

dine, & animi, & consilij legatos ad me misit, se cum omnibus suis copijs in mea castra esse uenturum. cuius ego studio, officioq; commotus, egi ei per literas gratias: idq; ut maturaret, hortatus sum. cum autem ad Cybistra propter rationem belli quinque dies essem commoratus, Regem Ariobarzanem, cuius salutem à senatu te auctore commendatam habebam, praesentibus insidijs nec opinantem liberaui: neque solum ei saluti fui, sed etiam curavi, ut cum auctoritate regnaret. Metram, & eum, quem tu diligenter mihi commendaras, Athenaeum, importunitate Athenaidis exilio multatos, maxima apud Regē auctoritate, gratiaq; constitui. cumq; magnum bellum in Cappadocia concitaretur, si sacerdos armis se, quod facturus putabatur, defenderet, adolescens & equitatu, & peditatu, & pecunia paratus, & toto, ijs, qui nouari aliquid uolebant: perfeci, ut è regno ille discederet; Rexq; sine tumultu, ac sine armis, omni auctoritate aulae communita, regnum cum dignitate obtineret. interea cognoui multorum literis, atque nuncijs, magnas Parthorum copias, & Arabum ad oppidum Antiochiam accessisse, magnumq; eorum equitatum, qui in Ciliciam transisset, ab equitum meorum turmis, & à cohorte praetoria, quae erat Epiphaneae praesidij causa, occisione occisum. quare cum uiderem, à Cappadocia Parthorum copias auersas, non longe à finibus esse Ciliciae: quam potui maximis itineribus ad Amanum exercitum duxi. quò ut ueni; hostem ab Antiochia recessisse, Bibulum Antiochia esse cognoui; Deiotarumq; conuersum iam ad me uenientem, cum magno,

et firm
copijs.
set à reg
set, stati
animo u
ret, sub
ueheme
manum
agere pe
lassens.
Aman
fecisser
pedito
Occ. cu
butiq; c
ter lega
reliqui
plerosq
priq; si
non uia
itemq;
pugna
ex ante
magna
laq; sex
gestis, c
Alexan
lendis,
proxi
fecit

Et firmo equitatu, Et peditatu, Et cum omnibus suis
 copijs. certiore feci, non uideri esse causam, cur abes-
 set à regno; meq; ad eum, si quid forte noui accidisset,
 statim literas, nunciosq; missurum esse. cumq; eo
 animo uenissem, ut utrique prouinciæ, si ita tēpus fer-
 ret, subuenirem: tamen id, quod iam ante statueram
 uehementer interesse utriusque prouinciæ, pacare A-
 manum, Et perpetuum hostem ex eo monte tollere,
 agere perrexi. cumq; me discedere ab eo monte simu-
 lassem, Et alias partis Ciliciæ petere; abessemq; ab
 Amano iter unius diei; Et castra apud Epiphaneam
 fecissem: ad IIII. Id. Oct. cum ad uesperasceret, ex-
 pedito exercitu ita noctu iter feci, ut ad IIII. Id.
 Oct. cum luce sceret, in Amanum ascenderem: distri-
 butisq; cohortibus, Et auxilijs, cum alijs Quintus fra-
 ter legatus mecum simul, alijs C. Pontinus legatus,
 reliquis M. Anneius, Et L. Tulleius legati præessent,
 plerosque nec opinanteis oppressimus, qui occisi, ca-
 ptiq; sunt interclusi fuga. Eranam autem, quæ fuit
 non uici instar, sed urbis, quod erat Amani caput;
 itemq; Sepyram, Et Ceminorim, acriter, Et diu re-
 pugnantibus, Pontino illam partem Amani tenente,
 ex antelucano tempore usque ad horam diei decimam,
 magna multitudine hostium occisa, cepimus: castel-
 laq; sex capta: complura incendimus. his rebus ita
 gestis, castra in radicibus Amani habuimus apud aras
 Alexandri quatrduum: Et in reliquijs Amani de-
 lendis, agrisq; uastandis, quæ pars eius montis meæ
 prouinciæ est, id tempus omne consumpsimus. con-
 fecit his rebus, ad oppidum Eleutherocicum Pin-

denissum exercitum adduxi. quod cum esset altissimo, & munitissimo loco, ab ijsq; incoleretur, qui ne Regibus quidem unquam paruissent, cum & fugitivos reciperent, & Parthorum aduentum acerrime expectarent. ad existimationem imperij pertinere arbitratus sum comprimere eorum audaciam, quo facilius etiam ceterorum animi, qui alieni essent ab imperio nostro, frangerentur. uallo, & fossa circumdedi: sex castellis, castrisq; maximis sepsi: aggere: uineis, turribus oppugnauimus: ususq; tormentis multis, multis sagittarijs, magno labore meo, sine ulla molestia, sumptibus sociorum, septimo quinquagesimo die rem confeci; ut omnibus partibus urbis disturbatis, aut incensis, compulsi in potestatem meam peruenirent. His erant finitimi pari scelere, & audacia Tribarani. ab his, Pindenisso capto, obsides accepi exercitum in hiberna dimisi. Quintum fratrem negotio preposui, ut in uicis aut captis, aut male pacatis exercitus collocaretur. Nunc uelim tibi sic persuadeas, si de his rebus ad senatum relatum sit, me existimaturum summam mihi laudem tributam, si tu honorem meum sententia tua comprobabis. idq; etsi talibus de rebus grauissimos homines & rogare solere, & rogari scio, tamen admonendum potius te a me, quam rogandum puto. tu es enim is, qui me tuis sententijs sepiissime ornaisti; qui oratione, qui predicatione, qui summis laudibus innatu, in concionibus ad coelum extulisti; cuius ego semper tanta esse uerborum pondera putavi, ut, uno uerbo tuo cum mea laude coniuncto, omnia consequi me arbitrarer. te denique memini, cum euidam clarissimo,

A
aque op
re, te d
sul in m
creuisti
nemini,
pericula,
multo et
mus fuer
micum p
gerem, m
tu defen
fecta, qu
stimoni
rures rati
sed in om
agendis
niqua u
quos uia
bus ante
hoc me se
ti affines
studijs, &
dignum.
fuit unq
mibi qui
ob inani
sum. res
qua uita
ra gloria
namqua

atque optimo viro supplicationem non decerneres, dicere, te decreturum, si referretur ob eas res, quas Consul in urbe gessisset. tu idem mihi supplicationem decreuisti togato, non, ut multis Rep. bene gesta, sed, ut nemini, Rep. conseruata. mitto, quod inuidiam, quod pericula, quod omnes meas tempestates, & subieris, & multo etiam magis, si per me licuisset, subire paratissimus fueris: quod denique inimicum meum, tuum inimicum putaris: cuius etiam interitum, ut facile intelligerem, mihi quantum triberes, Milonis causa in senatu defendenda approbaris. à me autem hæc sunt profecta, quæ ego in beneficij loco non pono, sed in ueri testimonij, atque iudicij: non ut præstantissimas tuas uirtutes tacitus admirarer, (quis enim in te id non facit?) sed in omnibus orationibus, sententijs dicendis, causis agendis, omnibus scriptis, græcis, latinis, omni denique uarietate literarum mearum te non modo ijs, quos uidiissemus, sed ijs, de quibus audissemus, omnia bus anteferebam. quæres fortasse, quid sit, quod ego hoc nescio quid gratulationis, & honoris à senatu tanti æstinem. agam iam tecum familiariter, ut est & studijs, & officijs nostris mutuis, & summa amicitia dignum, & necessitudine etiam paterna. Si quisquam fuit unquam remotus & natura, & magis etiam, ut mihi quidem sentire uideor, ratione, atque doctrina ab inani laude, & sermonibus uulgi: ego profecto is sum. testis est Consulatus meus, in quo, sicut in reliqua uita, fatear ea me studiose secutum, ex quibus uera gloria nasci posset: ipsam quidem gloriam per se nunquam putavi expetendam. itaque & provinciam

EPIST. LIB. XV.

ornatam, & spem non dubiam triumphi neglexi. sacerdotium denique, cum, quemadmodum te existimare arbitror, non difficillime consequi possem, non appetui. idem, post iniuriam acceptam, quam tu Reip. calamitatem semper appellas, meam non modo non calamitatem. sed etiam gloriam studui quamornatissima senatus, populiq; R. de me iudicia intercedere. itaque et Augur postea fieri uolui, quod antea neglexeram: & cum honorem, qui à senatu tribui rebus bellicis solet, neglectum à me olim, nunc mihi expetendum puto. huic meae uoluntati, in qua inest aliqua uis desiderij ad sanandum uulnus iniuriæ, ut faueas, auditorq; sis, quod paulo ante me negaram rogaturum, uehementer te rogo, sed ita, si non ieiunum hoc nescio quid, quod ego gessi, & contemnendum uidebitur, sed tale, atque tantum, ut multi nequaquam paribus rebus honores summos à senatu consecuti sint. equidem etiam mihi illud animaduertisse uideor; (scis enim, quam attente te audire soleam) te non tam res gestas, quam mores, instituta, atque uitam Imperatorum spectare solere in habendis, aut non habendis honoribus. quod si in mea causa cōsiderabis, reperies me exercitu imbecillo contra metum maximi belli firmissimum præsidium habuisse æquitatem, & continentiam. his ego subsidijs ea sum consecutus, quæ nullis legionibus consequi potuissem: ut ex alienissimis socijs amicissimos, ex infidelissimis firmissimos redderem, animosq; nouarum rerum expectatione suspensos, ad ueteris imperij beneuolentiam traducerem. sed nimis hæc multa de me, præsertim ad te: à quo uno omnium sociorum querelæ audiuntur. cognosces

AD
exijs, qu
mnes un
optatissi
entula r
cum de n
qui uni t
ra sunt,
qui suas
rent: est
rariora,
ipfas eti
tare. ex
mea, pl
rior ulla
maius à
mihi tec
tium no
soli pro
antiqua
tur, in
pene dec
ri à Cato
suadeas
meis liter
tua, tum
pterim, c

ex ijs, qui meis institutis se recreatos putant. cumq; omnes uno propè consensu de me apud te ea, quæ mihi optatissima sunt, prædicabunt: tum duæ maximæ clientulæ tuæ, Cyprus insula, & Cappadociæ regnum, tecum de me loquentur: puto etiam Regem Deiotarum, qui uni tibi est maxime necessarius. quæ si etiam maiora sunt, et in omnibus seculis pauciores viri reperti sūt, qui suas cupiditates, quàm qui hostium copias uincerent: est profecto tuum, cum ad res bellicas hæc, quæ rariora, & difficiliora sunt genera uirtutis adiunxeris, ipsas etiam illas res gestas iustiores esse, & maiores, putare. extremum illud est, ut, quasi diffidens rogationi meæ, philosophiam ad te allegem: quia nec mihi chazior ulla unquam res in uita fuit, nec hominum generi maius à Deis munus ullum est datum. hæc igitur, quæ mihi tecum communis est, societas studiorum, atq; artium nostrarum, quibus à pueritia dediti, ac deuincti, soli propemodum nos philosophiam illam ueram, & antiquam, quæ quibusdam otij esse, ac desidiæ uideatur, in forum, atque in Remp. atque in ipsam aciem penè deduximus; tecum agit de mea laude: cui negari à Catone fas esse non puto. quamobrem sic tibi persuadeas uelim: si mihi tua sententia tributus honos ex meis literis fuerit, me existimaturum, cum auctoritate tua, tum beneuolentia erga me mihi, quod maxime cupierim, contigisse. Vale.

M. CATO M. CICERONI
IMP. S. P. D.

Vod & Resp. me, & nostra amicitia hortatur, libenter facio, ut tuam uirtutem, innocentiam, diligentiam cognitam in maximis rebus domi togati, armati foris pari industria administrare gaudeam. itaque quod pro meo iudicio facere potui, ut innocentia, consilioq; tuo defensam provinciam, seruatum Ariobarzani cum ipso Rege regnum, sociorum reuocatam ad studium imperij nostri uoluntatem, sententia mea, & decreto laudarem, feci. supplicationem decretam, si tu, qua in re nihil fortuito, sed summa tua ratione, & continentia Reip. prouisum est, Djs immortalibus gratulari nos, quam tibi referre acceptum maui, gaudeo. quod si triumphum prae rogatiuam putas supplicationem, & idcirco casum potius, quam te, laudari uis: neq; supplicationem sequitur semper triumphus: & triumpho multo clarius est, senatum iudicare, potius mansuetudine, & innocentia Imperatoris provinciam, quam ui militum, aut benignitate Deorum retentam, atque conseruatam esse: quod ego mea sententia censebam. atque haec ego idcirco ad te contra consuetudinem meam pluribus scripsi, ut, quod maxime uolo, existimes me laborare, ut tibi persuadeam, me & uoluisse de tua maiestate, quod amplissimum sum arbitratus; & quod tu malisti, factum esse gaudere. Vale, & nos dilige, & instituto itinere seueritatem, diligentiamq; socijs, & Reip. praesta.

M. CICERO M. CATONI S. D.

Aetus sum laudari me, inquit Hec̃tor, opinor
 L apud Næuium, abs te pater laudato uiro: ea
 est enim profecto iucūda laus, quæ ab ijs pro
 ciscitur, qui ipsi in laude uixerunt. ego uero uel gratus
 latione literarum tuarum, uel testimonijs sententiæ di
 etæ, nihil est, quod me non affecutum putem. idq; mihi
 tum amplissimum, tum gratissimum est, te libēter ami
 citiæ dedisse, quod liquido ueritati dares. & si non mo
 do unus, uerū etiam multi Catones essent in ciuitate no
 stra, in qua unum extitisse mirabile est: quem ego cur
 rum, aut quam lauream cum tua laudatione confers
 rem? nam ad meum sensum, & ad illud sincerum, ac
 subtile iudicium nihil potest esse laudabilius, quā ea
 tua oratio, quæ est ad me perscripta à meis necessarijs
 sed causam meæ uoluntatis, non enim dicam cupidita
 tis, exposui tibi superioribus literis. quæ etiam si pa
 rum iusta tibi uisa est, hanc tamen habet rationem, ut
 non nimis concupiscendus honos, sed tamen, si defera
 rur à senatu, minime aspernandus esse uideatur. spero
 autem illum ordinem pro meis ob Rempu. susceptis la
 boribus me non indignum honore, usitato præsertim,
 existimaturum. quod si ita erit: tantum ex te peto,
 quod amicissime scribis; ut, cum tuo iudicio, quod am
 plissimū esse arbitraris, mihi tribueris; si id, quod ma
 luero, acciderit, gaudeas: sic enim fecisse te, & sen
 sisse, & scripsisse uideo: resq; ipsa declarat, tibi illum
 honorem nostrum supplicationis fuisse iucūdum, quod
 scribendo affuisti: hæc enim S. C. non ignoro ab ami

EPIST. LIB. XV.

cissimis eius, cuius de honore agitur, scribi solere. Ego, ut spero, te propediem uidebo, atq; utinam Rep. meliore, quàm timeo. Vale.

M. CICERO PROCOS. S. D.

M. MARCELLO COS.

E & pietatis in tuos, & animi in Rempu. & clarissimi atq; optimi Cōsulatus C. Marcello Consule factō fructum cepisse, uehementer gaudeo. non dubito, quid præsentes sentiant, nos quidem longinqui, & à te ipso missi in ultimas gentes, ad cœlum mehercule te tollimus uerissimis, ac iustissimis laudibus. nam cum te à pueritia tua unice dilexerim, tuq; me in omni genere semper amplissimum esse & uolueris, & iudicaris: tamen hoc uel tuo factō, uel populi Ro. de te iudicio multo acrius, uehementiusq; diligo; maximaq; lætitia afficior, cum ab hominibus prudentissimis, uirisq; optimis, omnibus dictis, factis, studiis, institutis uel me tui similem esse audio, uel te mei. unum uero si addis ad præclarissimas res Consulatus tui, ut aut mihi succedat quamprimum aliquis, aut ne quid accedat temporis ad id, quod tu mihi & S. C. & lege finisti: omnia me per te consecutum putabo. Cura ut ualeas, & me absentem diligas, atque defendas. Quæ mihi de Parthis nunciata sunt; quia non putabam à me etiam nunc scribenda esse publice, propterea ne pro familiaritate quidem nostra uolui ad te scribere; ne, cum ad Consulem scripsissem, publice uiderer scripsisse. Vale.

M. C. C.

M. CIC. PROCOS. C. MARCEL-
LO COS. DES. S. D.

Axima sum letitia affectus, cum audiui te
M Consulem factum esse: eumq; honorem tibi
Deos fortunare uolo, atque à te pro tua, parē
tisq; tui dignitate administrari. nam cum te semper di-
lexi, amauiq; quod mei amantissimum cognoui in om-
ni uarietate rerum mearum: tum patris tui pluribus
beneficijs, uel defensus tristibus temporibus, uel ornatus
secundis, necesse est ut & sim totus uester, & esse de-
beam: cum praesertim matris tuae grauissimae, atque op-
timae foeminae maiora erga salutem, dignitatemq; mea
studia, quam erant à muliere postulanda, perspexerim.
quapropter à te peto maiorem in modum, ut me absen-
tem diligas, atque defendas. Vale.

M. CICERO PROCOS. M. MARCEL-
LO COLLEGAE S. D.

Arcellum tuum Consulem factū, teq; ea leti-
M tia affectum esse: quam maxime optasti, mi-
rū in modum gaudeo; idq; cū ipsius causa, tū
quod te omnibus secundissimis rebus dignissimū iudico:
cuius erga me singularem beneuolentiam uel in labore
meo, uel in honore perspexi: totam denique domum ue-
stram uel salutis, uel dignitatis meae studiosissimam, cu-
pidissimamq; cognoui. quare gratum mihi feceris, si
uxori tuae Iuniæ grauissimae, atque optimae foeminae,
meis uerbis eris gratulatus. A te id, quod consuesti,
peto, me absentem diligas, atque defendas. Vale.

M. C. IMP. C. MARCELLO

C. F. COS. S. P. D.

Vando id accidit, quod mihi maxime fuit optatum, ut omnium Marcellorum, Marcellinorum etiam, (mirificus enim generis, ac nominis uestri fuit erga me semper animus) quando ergo ita accidit, ut omnium uestrum studio tuus Consulatus satisfacere posset, in quem meae res gestae, lausq; et honor earum potissimum incideret: peto à te id, quod facillimum factu sit, non aspernante, ut confido, senatu; ut quam honorificentissimum S. C. literis meis recitatis faciendum cures. si mihi tecum minus esset, quam est cum tuis omnibus, allegarem ad te illos, à quibus intelligis me praecipue diligi. patris tui beneficia in me sunt amplissima: neque enim saluti meae, neque honori amicior quisquam dici potest. frater tuus quanti me faciat, semperq; fecerit, esse hominem, qui ignoret, arbitror ne minime. domus tua denique tota me semper omnibus summis officiis prosecuta est. neque uero tu in me diligendo cuiquam concessisti tuorum. quare à te peto maiorem in modum, ut me per te quam ornatisimum uelis esse, meamq; et in supplicatione decernenda, et in ceteris rebus existimationem satis tibi esse commendatam putes. Vale.

M. CICERO IMP. C. MARCELLO
COS. S. P. D.

Quantae tibi curae meus honos fuerit, et quam idem extiteris Consul in me ornando, et amplificando,

qui fueras semper cum parentibus tuis, & cum tota domo; et si res ipsa loquebatur, cognoui tamen ex meorum omnium literis. itaque nihil est tantum, quod ego non tua causa debeam, facturusq; sim cum studiose, tū libenter. nam magni interest, cui debeas: debere autem nemini malui, quā tibi; cui me cum studia communia, beneficia paterna, tuaq; iam ante coniunxerant; tum accedit, mea quidem sententia, maximum vinculum, quod ita Remp. geris, atque gessisti, qua mihi charius nihil est, ut, quantum tibi omnes boni debeant, quo minus tantundem ego unus debeam, non recusem. quamobrem tibi uelim ij sint exitus, quos mereris, & quos fore confido. Ego, si me nauigatio non morabitur, quæ incurrebat in ipsas Etesias, propediem te, ut spero, uidebo. Vale.

M. C. IMP. L. PAVLO COS. DES. S. D.

Etsi mihi nunquam fuit dubiū, quin te populus R. pro tuis summis in Remp. meritis, et pro amplissima familiae dignitate, summo studio, cunctis suffragijs Consulem facturus esset: tamen incredibili lætitia sum affectus, cum id mihi nunciatū est: eumq; honorem tibi Deos fortunare uolo, à teq; ex tua, maiorumq; tuorum dignitate administrari. atque utinam præsens illum diem mihi optatissimum uidere potuissem, proq; tuis amplissimis erga me studijs, atque beneficij tibi operam meam, studiumq; nauare. quam mihi facultatem quando hic nec opinatus, & improvisus provinciae casus eripuit: tamen, ut te Consulem

EPI. LIB. XV.

Remp. pro tua dignitate gerentem uidere possim, magnopere à te peto, ut operam des, efficias, ne quid mihi fiat iniuriæ, ne'ue quid temporis ad meum annuū munus accedat. quod si feceris, magnus ad tua pristina erga me studia cumulus accedet. Vale.

M. CIC. IMP. L. PAVLO COS. S. D.

Axime mihi fuit optatum, Romæ esse tecū,
M multas ob causas, sed præcipue, ut & in petendo, & in gerendo Consulatū meum tibi debitum studium perspicere posses. ac petitionis quidem tuæ ratio mihi semper fuit explorata: sed tamen nauare operam uolebam. in Consulatū uero cupio equidem te minus habere negotij: sed moleste fero, me Consulem tuum studium adolescentis perspexisse, te meum, cum id ætatis sim, perspicere nō posse. sed ita fateor nescio quo contigisse arbitror, ut tibi ad me ornandum semper datur facultas, mihi ad remunerandum nihil suppetat præter uoluntatem. ornasti Consulatū, ornasti reditū meum. incidit meum tempus rerum gerendarum in ipsum Consulatū tuum. itaque cum & tua summa amplitudo, & dignitas, & meus magnus honor, magnāque existimatio postulare uideatur, ut à te pluribus uerbis contendam: ac petam, ut quam honorificens sitimum S. C. de meis rebus gestis faciendum cures: non audeo uehementer à te contendere; ne aut ipse tuæ perpetuæ consuetudinis erga me oblitus esse uidear, aut te oblitū putem. quare ut te uelle arbitror, ita faciam; atque ab eo, quem omnes gentes sciunt de me optime meritum

breuiter petam. si alij Consules essent, ad te potissimū
 Paule mitterem, ut eos mihi quamamiciissimos redde-
 res. nunc cum tua summa potestas, summaq; auctori-
 tas, notaq; omnibus nostra necessitudo sit: uehementer
 te rogo, ut & quamhonorificentissime cures decernen-
 dum de meis rebus gestis, & quamcelerrime. dignas res
 esse & honore, & gratulatione, cognosces ex ijs literis,
 quas ad te, & collegam, & senatum publice misi: om-
 niumq; mearum reliquarum rerum, maximeq; existi-
 mationis meae procurationem susceptam uelim habeas;
 in primisq; tibi curae sit, quod abs te superioribus quos-
 que literis petiui, ne mihi tempus prorogetur. Cupio
 te Consulem uidere, omniaq; , quae spero, cum absens,
 tum etiam praesens te Consule assequi. Vale.

M. CIC. C. CASSIO PRO QVAES. S.

Fabium quod mihi amicū tua cōmendatione
 M. das, nullum in eo facio quaestum: multi enim
 anni sunt, cum ille in aere meo est, & à me di-
 ligitur propter summam suam humanitatem, & obser-
 uantiam. sed tamen, quod te ab eo egregie diligere sensi,
 multo amicior ei sum factus. itaque quanquam profe-
 cerunt literae tuae: tamen aliquanto plus commendat-
 ionis apud me habuit animus ipseus erga te mihi per-
 spectus, & cognitus. sed de Fabio faciemus studiose,
 quae rogas. Tu multis de causis uellem me conuenire
 potuisses: primum ut te, quem iandiu plurimi facio,
 tanto intervallo uiderem: deinde ut tibi, quod feci per
 literas, possem praesens gratulari: tum ut quibus

de rebus uellemus, tu tuis, ego meis, inter nos cōmunicāremus: postremo ut amicitia nostra, quæ summis officijs ab utroque culta est, sed longis interuallis temporum interruptam consuetudinem habuit, confirmaretur uehementius. id quando non accidit, utemur bono literarum, & eadem ferè absentes, quæ si coram essemus, consequemur. unus scilicet ille fructus, qui in te uidendo est, percipi literis nō potest. alter gratulationis est, is quidem exilior, quàm si tibi, te ipsum intuens, gratularer: sed tamen, & feci ante, & facio nunc, tibiq; cum pro rerum magnitudine, quas gessisti, tum pro opportunitate temporis gratulor, quòd te de prouincia decedentem summa laus, & summa gratia prouinciæ prosecuta est. tertium est, ut id, quod de nostris rebus coram communicaſsemus inter nos, conficiamus idem literis. ego ceterarum rerum causa tibi Romam properandum magno pere censeo. nam & ea, quæ reliqui, tranquilla de te erant: & hac tua recenti uictoria tanta clarum aduentum tuum fore intelligo. sed si quæ sunt onera tuorū, si tanta sunt, ut ea sustinere possis, nihil tibi erit lautius, nihil gloriosius: sin maiora, considera, ne in alienissimum tempus cadat aduentus tuus: huius rei totum consilium tuum est: tu enim scis, quid sustinere possis: si potes, laudabile, atque populare est: sin planè non potes, absens hominum sermones facilius sustinebis. De me autem idem tecū his ago literis, quòd superioribus egi, ut omnes tuos neruos in eo contendas, ne quid mihi ad hanc prouinciā, quam & senatus, & populus annuā esse uoluit, temporis prorogetur. hoc à te ita contendo, ut in eo fortunas meas positas putem. habes Paulū nō

strum nostri cupidissimum: est Curio: est Furnius. sic uelim enitare, quasi in eo sint mihi omnia. Extremum illud est de ijs, quæ proposueram, confirmatio nostræ amicitia de qua pluribus uerbis nihil opus est, tu puer me appetisti. ego autem semper ornamento te mihi fore duxi. fuisti etiam præsidio tristissimis meis temporibus. accessit post tuum discessum familiaritas mihi cū Bruto tuo maxima. itaque in uestro ingenio, & industria mihi plurimum & suauitatis, & dignitatis constitutum puto. id tu ut tuo studio confirmes, te uehementer rogo, literasq; ad me & continuo mittas, & cum Romam ueneris, quam sæpiissime. Vale.

M. CICERO S. D. C. CASSIO.

Esi uterque nostrum spe pacis, & odio ciuili sanguinis abesse à belli pertinacia uoluit: tamen, quando eius consilij princeps ego fuisse uideor, plus fortasse tibi præstare ipse debeo, quàm à te expectare. etsi, ut sæpe soleo mecum recordari, sermo familiaris meus tecum, & item mecum tuus adduxit utrumque nostrum ad id consilium, ut uno prælio putarem si non totam causam, at certe nostrum iudiciū definiri conuenire. neque quisquam hanc nostram sententiam uere unquam reprehendit; præter eos, qui arbitratur melius esse deleri omnino Remp. quàm immutatam, & debilitatam manere. ego autem ex interitu eius nullam spem scilicet mihi proponebam, ex reliquijs magnam. sed ea sunt consecuta, ut magis mirum sit accidere illa potuisse; quàm nos non uidisse ea futura:

nec, cum homines essemus, diuinare potuisse, equidem fateor meam coniecturā hanc fuisse, ut illo quasi quodam fatali praelio facto, & uictores communi saluti cōsulere uellent, & uicti suæ. utrunque autem positum esse arbitrabar in celeritate uictoris. quæ si fuisset, eandem clementiam experta esset Africa, quam cognouit Asia, quam etiam Achaia, & ut opinor, ipso legato, ac deprecatore. amissis autem temporibus, quæ plurimum ualent, præsertim in bellis civilibus, interpositus annus alios induxit ut uictoriam sperarent, alios ut ipsum uinci contemnerent. atque horum malorum omnium culpam fortuna sustinet: quis enim aut Alexandrini belli tantam moram huic bello adiunctum iri, aut nescio quem istum Pharnacem Asiæ terrorem illaturum putaret? nos tamen in consilio pari, casu dissimili uisi sumus. tu enim eam partem petisti, ut & consilijs interesses, & quod maxime curam leuat, futura animo prospicere posses: ego, qui festinaui, ut Cæsarem in Italia uiderem, (sic enim arbitrabamur) eumq; multis honestissimis uiris conseruatis redeuntem, ad pacem curarentem, ut aiunt, incitarem, ab illo lōgissime & absūm, & absui: uersor autem in gemitu Italiæ, & in Urbis miserrimis querelis: quibus aliquid opis fortasse, ego pro mea, tu pro tua, pro sua quisque parte ferre potuisset, si auctor affuisset, quare uelim pro tua erga me perpetua beneuolentia scribas ad me, quid uideas, quid sentias, quid expectandum, quid agendum nobis existimes. magni erunt mihi tuæ literæ. atque utinam primis illis, quas Luceria miseras, paruissim: sine ulla enim molestia dignitatem meam retinuissim. Vale.

M. CICERO C. CASSIO S. P. D.

Vto te iam suppuere cum hæc te tertia iam
 P. epistola ante oppressit, quàm tu schedulam,
 aut literam. sed non urgeo: longiores enim
 expectabo, uel potius exigam. ego si semper haberem,
 cui darem; uel ternas in hora darem: fit enim nescio
 quid, ut quasi coràm adesse uideare, cum scribo ali-
 quid ad te: neque id κατ' εἰδῶλων φαντασία, ut
 dicunt tui amici noui, qui putant etiam διανοντινός
 φαντασία spectris Catianis excitari. nam, ne te fu-
 giat, Catius Insuber Epicureus, qui nuper est mortuus,
 quæ ille Gargettius, etiam ante Democritus, εἰδωλά:
 hic spectra nominat. his autem spectris etiam si oculi
 possent feriri, quòd uelis ipsa currunt: animus qui pos-
 sit, ego non uideo: doceastu me oportebit, cum sal-
 uis ueneris. in mea ne potestate sit spectrum tuum,
 ut, simul ac mihi collibitum sit de te cogitare, illud oc-
 currat? neque solum de te, qui mihi hæres in medullis:
 sed si insulam Britanniam cœpero cogitare, eius εἰδω-
 λόν mihi aduolabit ad pectus? sed hæc posterius: tento
 enim te, quo animo accipias: si enim stomachabere,
 et moleste feres, plura dicemus; postulabimusq; ex
 qua hæresi ui hominibus armatis deiectus sis, in eam
 restituare. in hoc interdicto non solet addi, in hoc an-
 no. quare si iam biennium, aut triennium est, cum
 uirtuti nuncium remisisti, delinitus illecebris uolupta-
 tis; in integro res nobis erit. quanquam quicum loquor
 cum uno fortissimo uiro: qui postea quàm forum at-

rigisti, nihil fecisti, nisi plenissimum amplissimæ digni-
tatis. in ista ipsa accipe si metuo ne plus nervorum sit,
quàm ego putarim, si modo eam tu probas. quid tibi in-
mentem venit, inquires? quia nihil habebam aliud, quod
scriberem: de Rep. enim nihil scribere possum: neque
enim, quod sentio, libet scribere. Vale.

M. CICERO S. D. C. CASSIO.

Reposteros habes tabellarios: etsi me quidem
non offendunt: sed tamen cum à me discedunt,
flagitant literas: cum ad me veniunt, nullas
afferunt, atque id ipsum facerent commodius, si mihi
aliquid spatij ad scribendum darèt: sed petasari veniunt:
comites ad portam expectare dicunt. ergo ignoscas: alte-
ras habebis has breves: sed expecta πᾶν τὸ πᾶν
τῶν. etsi quid ego me tibi purgo, cū tui ad me inanes
veniant, ad te cum epistolis reuertantur? Nos hic, (tamē
ad te scribam aliquid) D. Syllam patrem mortuum, ha-
bebamus, alij à latronibus, alij cruditate dicebant popu-
lus nō curabat: combustū enim esse cōstabat: hoc tu pro
sapientia tua feres æquo animo. quenquam πῶς ποῦ
πῶς λείψας amisimus. Cæsarem putabāt moleste laturum,
uerentē ne hasta refrixisset. Mindius Marcellus, & At-
tius pigmentarius valde gaudebāt se aduersariū perdi-
disse. De Hispania novi nihil, sed expectatio valde ma-
gna: rumores tristiores, sed ἄδελφοί. Pansa noster pa-
ludatus ad IIII. Cal. Ian. profectus est, ut quivis intelli-
gere posset, id quod tu nuper dubitare cœpisti, τὸ καὶ
λὺν δὲ αὐτὸ αἶρε τὸν esse. nam, quod multos miseris le-

AD
navit, e
bilis cum
Tu quod
gaudeo:
quod ad
gratum.
literarum
te, cum

M.
L.

quies, po
aliam ad
viximo
fia est
agere,
hil ad b
moleste
igitur,

C.

N
nim cu
propter
tot ruf
dicas.

uauit, & quòd se in his malis hominem præbuit, mirabilis eum uirorum bonorum beneuolentia prosecuta est. Tu quòd adhuc Brundusij moratus es, ualde probo, & gaudeo: & mehercule puto te sapienter facturum, si ἀκρόπολιν fueris. nobis quidē, qui te amamus, erit gratum. & amabo te, cum dabis posthac aliquid domū literarum, mei memineris. ego nunquam quenquam ad te, cum sciam, sine meis literis ire patiar. Vale.

M. CICERO C. CASSIO S. P. D.

Longior epistola fuisset, nisi eo ipso tempore petita esset à me, cum iā iretur ad te: longior etiam, si φιλῶπον aliquem habuisset: nam ἀποδύξεν sine periculo uix possumus. ridere igitur, in quies, possumus. non mehercule facillime: ueruntamen aliam aberrationem à molestijs nullā habemus. ubi igitur, inquires, philosophia? tua quidē in culina, mea molesta est: pudet enim seruire. itaque facio, me alias res agere, ne conuitium Platonis audiam. De Hispania nihil adhuc certi, nihil omnino noui. Te abesse, mea causa moleste fero; tua, gaudeo. sed flagitat tabellarius. ualebis igitur, meq; ut à puero fecisti, amabis.

C. CASSIVS S. D. M. CICERONI.

Non mehercule in hac mea peregrinatione quidquam libentius facio, quàm scribo ad te: uideor enim cū præsente loqui, et iocari. nec tamē hoc usu ueni ē propter spectra Catiana: pro quo tibi proxima epistola tot rusticos Stoicos regerā, ut Catium Athenis natū esse dicas. Pansam nostrum secunda uoluntate hominū

paludatum ex urbe exisse, cum ipsius causa gaudeo, tum mehercule etiam omnium nostrum: spero enim homines intellecturos, quanto sit omnibus odio crudelitas, et quanto amori probitas, et clementia; atque ea, quae maxime mali petant, et concupiscant, ad bonos peruenire: difficile est enim hominibus persuadere, ἡ καλὸν δι' αὐτὸ αἰρετὸν esse: ἡ δὲ οὐκ αἰσίων uirtute, iustitia, et καλῶ parari et uerum, et probabile est: ipse enim Epicurus, à quo omnes Catij, et Amasiniij mali uerborum interpretes proficiscuntur, dicit, οὐκ ἔστιν ἡδέως αἰὲν τῆ καλῶς καὶ δικαίως ζῆν. itaque et Pansa, qui ἡδονῶν sequitur, uirtutem retinet: et ij, qui à nobis φιλοδονοὶ uocantur, sunt φιλόκαλοι, καὶ φιλοδίκαιοι, omnesq; uirtutes et colunt, et retinent. itaque Sylla, cuius iudicium probare debemus, cum dissentire philosophos uideret, non quaesuit, quid bonum esset, et omnia bona coemit. cuius ego mortem forti mehercule animo tuli. nec tamen Caesar diutius nos eum desiderare patietur: nam habet damnatos, quos pro illo nobis restituat: nec ipse se etorem desiderabit, cum filium uiderit. Nunc ut ad Remp. redeam, quid in Hispanijs geratur, rescribe. peream, nisi sollicitus sum, ac malo ueterem, et clementem dominum habere, quàm nouum, et crudelem experiri. scis Cneus quàm sit fatuus. scis quo modo crudelitatem uirtutem putet: scis, quàm se semper à nobis derisum putet. uereor, ne nos rustice gladio uelit ἀντιμυκτικῶς quid fiat, si me diligis, rescribe. huic quàm uelim scire, utrum ista sollicito animo, an solumto legas: sciam enim eodem tempore, quid me fa-

AD

ere oportet
ama.

M.

O

ita hic q
modestus
à Curio
boni que
dens add
derij tui,
fiet à nob
tior in i
olim fol
eos de f
enim p
absenti
uideo q
ad nos p
tuum r
quandis
de bellic
mus, q
quantu
maleas m

AD SENATVM, ET ALIOS. 255
cere oporteat. Ne longior sim, uale, & me, ut facis,
ama. Si Cæsar uicit, celeriter me expecta.

M. CICERO C. TREBONIO S. D.

Ratorem meum (sic enim inscripsi) Sabino tuo
O commendavi. natio me hominis impulit, ut ei
recte putarem: nisi forte candidatorum licen-
tia hic quoque usus, hoc subito cognomen arripuit. etsi
modestus eius uultus, sermoq; constans habere quiddā
à Curibus uidebatur. sed de Sabino satis. Tu mi Tre-
boni quando ad amorem meum aliquantulum disce-
dens addidisti; quo tolerabilius feramus igniculum dese-
derij tui, crebris nos literis appellato, atque ita, si idem
fiet à nobis. quanquam duæ causæ sunt, cur tu frequen-
tior in isto officio esse debeas, quàm nos: primum, quòd
olim solebant, qui Romæ erant, ad prouinciales ami-
eos de Rep. scribere: nunc tu nobis scribas oportet: res
enim publica istic est: deinde, quòd nos alijs officijs tibi
absenti satisfacere possumus; tu nobis, nisi literis, non
uideo qua re alia satisfacere possis. sed cætera scribes
ad nos postea. nunc hæc primo cupio cognoscere; iter
tuum cuiusmodi sit; ubi Brutum nostrum uideris;
quandiu simul fueris: deinde, cum processeris longius
de bellicis rebus, de toto negotio; ut existimare possi-
mus, quo statu simus. ego tantum me scire putabo,
quantum ex tuis literis habebo cognitum. Cura ut
ualeas, meq; ames amore illo tuo singulari.

M. CICERO TREBONIO S. P. D.

T epistolā tuā legi libēter, & librū libentissi-
 E] tissime. sed tamen in ea uoluptate hunc acce-
 pi dolorem, quod, cum incendiisses cupidita-
 tem meam consuetudinis augendæ nostræ, (nam ad a-
 morem quidem nihil poterat accedere) tum discedis à
 nobis, meq; tanto desiderio afficis, ut unam mihi conso-
 lationē relinquas, fore ut utriusque nostrum absentis
 desiderium crebris, & longis epistolis leniatur. quod
 ego non modo de me tibi spondere possum, sed de te e-
 tiam mihi: nullam enim apud me reliquisti dubitatio-
 nem, quantum me amares. nam, ut illa omittam, quæ
 ciuitate teste fecisti, cum mecum inimicitias communi-
 casti, cum me concionibus tuis defendisti, cum Quæstor
 in mea, atque in publica causa Consulū partis suscep-
 sti, cum Tribuno pl. Quæstor non paruisti, cui tuus præ-
 fertim collega pareret: ut hæc recentia, quæ memine-
 ro semper, obliuiscar; quæ tua sollicitudo de me in ar-
 mis, quæ lætitia in reditu, quæ cura, qui dolor, cum
 ad te curæ, & dolores mei perferrentur; Brundisium
 denique te ad me uenturum fuisse, nisi subito in Hispa-
 niam missus esses: ut hæc igitur omittam, quæ mihi
 tantū æstimanda sunt, quanti uitam æstimo, & salutem
 meam: liber iste, quem mihi misisti, quantam habet de-
 clarationem amoris tui? primum, quod tibi facetum ui-
 detur, quidquid ego dixi, quod alijs fortasse non item:
 deinde, quod illa siue faceta sunt, siue sic, fiunt narran-
 te te uenustissima: quin etiam ante, quam ad me ue-
 nitur, risus omnis penè consumitur. quod si in his scri-

AD

bendis n
 diu cogit
 nero ea,
 cogitare
 quæquæ
 ego amor
 spondebo
 Num
 scripta,
 enim ego
 quas nū
 mus, q
 multos l
 ribus ext
 tar. prim
 genus qu
 ualebat
 erant,
 rur ad
 plurim
 de Calu
 quod ho
 mio eius
 profecti
 absente
 tendis,
 dia, & o
 liceat, r
 num me
 ritum i

bendis nihil aliud, nisi, quod necesse fuit de uno me tan-
 diu cogitauisses: ferreus essem, si te non amarem. cum
 uero ea, quæ scriptura persecutus es, sine summo amore
 cogitare non potueris: non possum existimare, plus
 quenquam à se ipso, quàm me à te amari. cui quidem
 ego amori, utinam cæteris rebus possem, amore certe re-
 spondebo: quo tamen ipso tibi confido futurum satis.

Nunc ad epistolam uenio: cui copiose, & suauiter
 scriptæ, nihil est, quòd multa respondeam. primum
 enim ego illas Caluo literas misi, non plus, quàm has,
 quas nunc legis, existimans exituras: aliter enim scribi-
 mus, quod eos solos, quibus mittimus, aliter, quod
 multos lecturos putamus. deinde ingenium eius melio-
 ribus extuli laudibus, quàm tu id uere potuisses fieri pu-
 tas. primum, quòd ita iudicabam, acute mouebatur:
 genus quoddam sequebatur, in quo iudicio lapsus, quo
 ualebat, tamen assequebatur, quod probaret. multæ
 erant, & reconditæ literæ: uis non erat. ad eam igitur
 adhortabar. in excitando autem, & in aciendo,
 plurimum ualet, si laudes eum, quem cohortere. habes
 de Caluo iudicium, & consilium meum: consilium,
 quòd hortandi causa laudaui: iudicium, quòd de inge-
 nio eius ualde existimaui bene. Reliquum est, tuam
 profectiorem amore prosequar, reditum spe expectem,
 absentem memoria colam, omne desiderium literis mit-
 tendis, accipiendisq; leniam. tu uelim tua in me stu-
 dia, & officia multum tecum recordere. quæ cum tibi
 liceat, mihi nefas sit, obliuisci, non modo uirum bonum
 me existimabis, uerum etiam te à me amari p- u-
 rimum iudicabis. Vale.

M. T. CICERONIS EPISTOLARUM,
AD TIRONEM,
LIBER XVI.

TVLLIVS, ET CICERO F. ET Q. Q.
TIRONI HUMANISS. ET
OPT. S. P. D.

V Ide, quanta in te sit suauitas: duas
horas Thyrei fuimus: Xenomenes
hospes tam te diligit, quàm si uixerit te
cum. is omnia pollicitus est, quæ tibi
essent opus: facturum puto. mihi pla-
cebat, si firmior esses, ut te Leucadem deportares, ut
ibi te planè confirmares. uidebis, quid Curio, quid
Lysoni, quid medico placeat. uolebam ad te Marionem
remittere, quem, cum melliuscule tibi esset, ad
me mitteres: sed cogitavi unas literas Marionem affer-
re posse, me autem crebras expectare. poteris igitur,
et facies, si me diligis, ut quotidie sit Acastus in por-
tu. multi erunt, quibus recte literas dare possis, qui ad
me libenter perferant, equidem Patras euntem nemi-
nem prætermittam. ego omnem spem tui diligenter cu-
randi in Curio habeo. nihil potest illo fieri humanius,
nihil nostri amantius. ei te totum trade. malo te pau-
lo post ualentem, quàm statim imbecillum uidere. cu-
ra igitur nihil aliud, nisi ut tu ualeas: cætera ego cu-
rabo. Etiam atque etiam uale. Leucade proficiscens,
VII. Id. Nou.

TVLLIVS

TVLLIVS, ET CICERO S. D.
TIRONI SVO.

Eptimum iam diem Corcyrae tenebamur,
S Quintus autem pater, & filius Buthro-
et. solliciti eramus de tua ualetudine mirum
in modum: nec mirabamur nihil a te literarum: ijs ea-
nim uentis istinc nauigatur, qui si essent, nos Corcyrae
non sederemus. cura igitur te, & confirma; &, cum
commode, & per ualetudinem, & per anni tempus
nauigare poteris, ad nos amantiissimos tui ueni. nemo
nos amat, qui non diligit. charus omnibus, exspecta-
tusq; uenies. Cura ut ualeas etiam atque etiam Tiro
noster. uale. XV. Cal. Nou. Corcyrae.

TVLLIVS, ET CICERO MEVS, ET FRA-
TER, ET FR. F. TIRONI SVO S. D.

Aulo facilius putauì posse me ferre desiderium
P tui, sed planè non fero. & quanquam ma-
gni ad honorem nostrum interest, quāprimū
ad Urbem me uenire: tamen peccasse mihi uideor, qui
a te discesserim. sed quia tua uoluntas ea uidebatur es-
se, ut prorsus, nisi confirmato corpore, nolles nauigare:
approbauì tuum consilium: neque nunc muto, si tu in
eadem es sententia. sin postea, quā cibum cepisti, ui-
deris tibi me posse consequi: tuum consilium est. Ma-
rionem ad te eo misi, ut aut tecum ad me quāprimum
ueniret: aut, si tu morarere, statim ad me rediret. tu
autē hoc tibi persuade, si cōmodo ualeitudinis tuæ fieri
possit, nihil me malle, quā te esse mecum: sin intelli-

KK

E P I S T O L I B. XVI.

ges opus esse te Patris conualefcendi causa paulum cō-
morari, nihil me malle, quam te ualere. si statim nauis
gas, nos Leucade consequere. sin te confirmare uis; &
comites, & tempestates, & nauem idoneam ut habeas,
diligenter uidebis. unum illud mi Tiro uideto, si me
amas, ne te Marionis aduentus, & hæ literæ moueant.
quod ualitudini tuæ maxime conducet, si feceris, ma-
xime obtemperaris uoluntati meæ. hæc pro tuo ingenio
confidera. nos ita te desideramus, ut amemus. amor,
ut ualentem uideamus, hortatur: desiderium, ut quan-
primum. illud igitur potius. cura ergo potissimum, ut
ualeas. de tuis innumerabilibus in me officijs erit hoc
gratissimum. III. Non. Nou. Vale.

T V L L I V S T I R O N I S V O S.

Non queo ad te, nec lubet scribere, quo animo
N sim affectus: tantū scribo, & tibi, & mihi ma-
ximæ uoluptati fore, si te firmū quāprimū
uidero. tertio die abs te ad Alyziam accesseram. is
locus est citra Leucadem stadia CXX. Leucade aut te
ipsum, aut tuas literas à Marione putabam me acce-
pturū. quantum me diligis, tantum fac ut ualeas, uel
quantum te à me scis diligere. Non. Nou. Alyzia.

T V L L I V S, E T C I C E R O T I R O N I
S V O S. D. E T Q. P A T E R,
E T F I L I V S.

N Os apud Alyziā, ex quo loco tibi literas ante de-
deramus, unum diem commorati sumus, quòd
Quintus nos consecutus nō erat. is dies fuit Non. Nou.

inde ante lucem proficiscentes, ante diem VIII. Idib.
 Nou. has literas dedimus. Tu si nos omnes amas, &
 præcipue me magistrum tuum, confirma te. ego ualde
 suspenso animo expecto, primum te scilicet, deinde Ma-
 rionem cum tuis literis. omnes cupimus, ego in primis,
 quamprimum te uidere, sed mi Tiro ualentem. quare
 nihil properaris. satis quotidie uidero, si ualebis. utili-
 tatibus tuis possum carere: te ualere, tua causa primū
 uolo, tum mea mi Tiro. Vale.

TULLIUS TIRONI SVO S. P. D.
 ET CICERO, ET Q. PA-
 TER, ET Q. F.

Arie sum affectus tuis literis, ualde priore pa-
 V gina perturbatus, paulum altera recreatus.
 quare nūc quidē non dubito, quin, quoad pla-
 nē ualeas, te neque nauigationi, neque uiaē cōmittas. fa-
 tis te mature uidero, si planē confirmatum uidero. De
 medico & tu bene existimari scribis, & ego sic audio.
 sed planē curationes eius non probo: ius enim dandum
 tibi non fuit, cum κακοσόμαχος esses. sed tamen &
 ad illum scripsi, accurate, & ad Lysonem. ad Curium
 uero, suauissimum hominem, & summi officij, sum-
 mæq; humanitatis, multa scripsi, in his, etiam ut, si ti-
 bi uideretur, te ad se transferret. Lyso enim noster
 uereor ne negligentior sit: primum, quia omnes Græ-
 ci: deinde, quod cum à me literas accepisset, mihi nul-
 las remisit. sed eū tu laudas. tu igitur, quid faciendū
 sit, iudicabis. illud mi Tiro te rogo, sumptui ne par-
 cas ulla in re, qua ad ualeitudinem opus sit. scripsi ad

KK ij

Curtium, quod dixisses, daret. medico ipsi puto aliquid dandum esse, quo sit studiosior. innumerabilia tua sunt in me officia; domestica, forensia; urbana, provincialia; in re priuata, in publica; in studijs, in literis nostris. omnia uiceris, si, ut spero, te ualidum uidero. ego puto te bellissime, si recte erit, cum Quæstore Mescinio decursurum. non inhumanus est, teq; ut mihi uisus est, diligit. & cū ualeitudini tuæ diligentissime consulueris, tum mi Tiro consulito navigationi. nulla in re iā festinare uolo. nihil laboro, nisi ut saluus sis. sic habeto mi Tiro, neminem esse, qui me amet, quin idem te amet. et cum tua, et mea maxime interest te ualere: tum multis est curæ. adhuc, dum mihi nullo loco deesse uis, nunquā te confirmare potuisti. nunc te nihil impedit. omnia depone: corpori serui. quantam diligentiam in ualeitudinem tuam contuleris, tanti me fieri à te iudicabo. Vale mi Tiro, uale, uale, & salue. Lepta tibi salutem dicit, & omnes. Vale. VII. Id. Nou. Leucade.

TVLLIVS, ET CICERO, ET Q. Q.
TIRONI S. P. D.

Ertiam ad te hanc epistolā scripsi eadem die, magis instituti nei tenendi cā, quia nactus erā, cui darem, quā quod haberem quid scriberem. igitur illa: quantum me diligis, tantum adhibe in te diligentie. ad tua innumerabilia in me officia ad de hoc, quod mihi erit gratissimum omnium. cum ualeitudinis rationem, ut spero, habueris, habeto etiam navigationis. in Italiam euntibus omnibus ad me literas da

bis, ut ego eūtem Patras neminem prætermitto, cura, cura te mi Tiro. quādo non contigit, ut simul nauigares; nihil est, quod festines, nec quidquā cures, nisi ut ualeas. Etiam atque etiā uale. VII. Id. Non. Actio, uesperī.

Q. CICERO TIRONI S. D.

Agna nobis est sollicitudinī ualetudo tua. nam
 M tametsi qui ueniunt, ἀκινδύνα μὲν, χρονιάτε-
 ρα δὲ nunciant tamen. in magna consolatione
 ingens inest sollicitudo, si diutius à nobis abfuturus es, is,
 cuius usum, & suauitatem desiderando sentimus. attas
 mē quenquā uidere te tota cogitatione cupio: tamē te
 penitus rogo, ne te tam longæ nauigationi, & uīæ per
 hiemē, nisi benefirmū, cōmittas, ne' uē nauiges, nisi ex-
 plorate. uix in ipsis tectis, et oppidis frigus infirma ua-
 letudine uitatur; nedū in mari, et uia sit facile abesse
 ab iniuria temporis. ὦχθ' δὲ λεπτῷ χρωτὶ πολεμῶ =
 τὰτον, inquit Euripides. cui tu quantum credas, nescio:
 ego certe singulos eius uersus singula testimonia puto.
 effice, si me diligis, ut ualeas, & ut ad nos firmus, ac
 ualens quamprimum uenias. Ama nos, & uale.
 Q. F. tibi salutem plurimam dicit.

TVLLIVS, ET CICERO TIRONI
SVO S. P. D.

Os à te, ut scis discessimus ad III. Non. Nou.
 N Leucadē uenimus ad VIII. Id. Nou. ad VII.
 Actiū. ibi propter tēpestatē ad VI. Id. morati
 sumus, inde ad V. Id. Corcyrā bellissime nauigauimus.

K K ij

EPI. LIB. XVI.

Corcyrae fuimus usque ad XVI. Cal. Dec. tempesta-
ribus retenti. ad XV. Cal. à portu Corcyraeorum ad
Cassiopenstadia CXX. processimus. ibi retenti uen-
tis sumus usque ad IX. Cal. interea qui cupide pro-
fecti sunt, multi naufragia fecerunt, nos eo die coenati
soluimus. inde austro lenissimo, coelo sereno, nocte illa,
et die postero in Italiam ad Hydruntem ludibundi per-
uenimus: eodemq; uento postridie (id erat ad VII. Cal.
Dec.) hora quarta Brundisium uenimus: eodemq; tem-
pore simul nobiscum in oppidum introijt Teretia, quæ
te facit plurimi. Ad V. Cal. Dec. seruus Cn. Plan-
cij Brundisij tandem aliquando mihi à te expectatissi-
mas literas reddidit, datas Id. Nou. quæ me molestia
ualde leuarunt: utinam omnino liberassent. sed tamẽ
Asclapo medicus planè confirmat, propediem te ualen-
tem fore. nunc quidem ego te horror, ut omnem dili-
gentiam adhibeas ad conualescendum. tuam pruden-
tiam, temperantiam, amorem erga me noui. scio te
omnia facturum, ut nobiscum quamprimum sis. sed ta-
men ita uelim, ut ne quid properes. symphoniam Ly-
sonis uelim uitasses, ne in quartam hebdomadam in-
cideres. sed quando pudori tuo maluisti obsequi, quàm
ualetudini, reliqua cura. Curio misi, ut medico honos
haberetur, & tibi daret, quod opus esset: me, cui iussis-
set, curaturum. equum, & mulum Brundisij tibi reli-
qui. Romæ uereor ne ex Cal. Ian. magni tumultus
sint. nos agemus omnia modice. Reliquum est, ut te
hoc rogem, & à te petam, ne temere nauiges. solent
nautæ festinare quæstus sui causa. cautus sis mi Tiro.
mare magnum, et difficile tibi restat. si poteris, cū Me-

scinio:
aliquo h
tur. in h
incolum
atque eti
de te scrip

T VI

T

E

conuersa
diligentia
quod hui
pore, nisi
ro, quare
clia, si
suscipias
Vrbem
tū, ut nū
flamma
perem m
torum h
gnare cu
ipse Cæsa
literas m
& prou
lum inci

scinio : (caute is solet nauigare) si minus, cum honesto aliquo homine, cuius auctoritate nauicularius moueatur. in hoc omnem diligentiam si adhibueris, teq; nobis incolumem praestiteris, omnia à te habebo. Etiam atque etiam noster Tiro uale. Medico, Curio, Lysoni de te scripsi diligentissime. Vale, salue.

TULLIUS, ET CICERO, TERENCE

TIA, TULLIA, Q. Q. TI-

RONI S. P. D.

Tsi opportunitatem operæ tuæ omnibus locis desidero: tamen non tā mea, quā tua causa doleo te nō ualere. sed quando in quartanā conuersa uis est morbi: sic enim scribit Curius: spero te diligentia adhibita etiam firmiorem fore. modo fac id, quod humanitatis tuæ est, ne quid aliud cures hoc tempore, nisi ut quam commodissime conualescas. non ignore, quantum ex desiderio labores: sed erunt omnia facilia, si ualebis. festinare te nolo, ne nausæ molestiam suscipias æger, & periculose hieme nauiges. Ego ad Urbem accessi prid. Non. Ian. obuiam mihi sic est prodiit, ut nihil fieri potuerit honoratius. sed incidi in ipsam flammam ciuilis discordiæ, uel potius belli: cui cum cuperem mederi, & ut arbitror, possem, cupiditates certorum hominum (nam ex utraque parte sunt, qui pugnare cupiant) impedimento mihi fuerunt. omnino et ipse Caesar amicus noster minaces ad senatū, et acerbis literas miserat: & erat adhuc impudens, qui exercitū, & prouinciā inuito senatu teneret: et Curio meus illum incitabat. Antonius quidem noster, & Q. Cassius

KK iij

nulla uī expulsi, ad Cæsarem cum Curtione profecti
 erant. posteaquam senatus Consulibus, Prætoribus, Tri-
 bunis pl. et nobis, qui Proconsules sumus, negotium de-
 derat, ut curaremus, ne quid Resp. detrimenti caperet:
 nunquā maiore in periculo ciuitas fuit. nunquā im-
 probi ciues habuerunt paratiorem ducem. omnino ex
 hac quoque parte diligentissime comparatur. id fit au-
 ctoritate, & studio Pompeij nostri, qui Cæsarem sero
 coepit timere. nobis inter has turbas senatus tamē fre-
 quens flagitauit triumphum: sed Lentulus Cos. quo ma-
 ius suum beneficiū faceret, simul atque expedisset quæ
 essent necessaria de Rep. dixit se relaturum. nos agimus
 nihil cupide: eoq; est nostra pluris auctoritas. Italiae
 regiones descriptæ sunt, quam quisque partem tueretur.
 nos Capuam sumpsimus. hæc te scire uolui. Tu
 etiam atque etiam cura ut ualeas, literasq; ad me mit-
 tas, quotiescunque habebis cui des. Etiam atque etiā
 uale. Datum pridie Id. Ian.

TVLLIVS S. D. TIRONI SVO.

Vo in discrimine uersetur salus mea, & bono
 rū omnium, atque uniuersæ Reip. ex eo scire
 potes, quòd domos nostras, et patriā ipsam uel
 diripiendam, uel inflāmandam reliquimus. in eum locū
 res deducta est, ut, nisi quis Deus, uel casus aliquis sub-
 uenerit, salui esse nequeamus. equidem ut ueni ad Vr-
 bem, non destiti omnia & sentire, & dicere, & facere
 quæ ad concordiam pertinerent: sed mirus inuaserat
 furor non solum improbos, sed etiam hos, qui boni ha-

bentur
 bello ci
 dā raper
 rum, A
 passet:
 fortiter,
 mus, uie
 peius eat
 dia nost
 ceteriore
 turum
 iam uel
 trinuna
 ita, ut re
 sine met
 beri poss
 ges enir
 esse, ut
 luerit, d
 sinere
 ipse fug
 Vrhem
 delectu
 metuer
 quas am
 ex Hisp
 nio, &
 insaniet
 autem p
 ritatem

bentur, ut pugnare cuperent, me clamante nihil esse bello civili miserius. itaque cum Cæsar amentia quadā raperetur, & oblitus nominis, atque honorum suorum, Ariminum, Pisaurum, Anconam, Arretium occupasset: Urbem reliquimus; quā sapienter, aut quā fortiter, nihil attinet disputare. quo quidem in casu sumus, uides. feruntur omnino conditiones ab illo, ut Pōpeiuseat in Hispaniā: delectus, qui sunt habiti, et præsidia nostra dimittantur: se ulteriorem Galliā Domitio, citeriorem Cōsidio Noniano (his enim obtigerunt) traditurum: ad Consulatus petitionem se uenturum: neque iam uelle absentis rationem haberi sui: se præsentem trinundinum petiturum. acceptimus conditiones, sed ita, ut remoueat præsidia ex ijs locis, quæ occupauit, ut sine metu de his ipsis conditionibus Romæ senatus haberi possit. id ille si fecerit, spes est pacis, non honestæ, (leges enim imponuntur) sed quiduis est melius, quā sic esse, ut sumus. sin autem ille suis cōditionibus stare noluerit, bellum paratum est, eiusmodi tamē quod ille sustinere non possit, præsertim cum à suis conditionibus ipse fugerit; tantummodo ut eū intercludamus, ne ad Urbem possit accedere: quod sperabamus fieri posse: delectus enim magnos habebamus: putabamusq; illum metuere, si ad Urbem ire cōpisset, ne Gallias amitteret, quas ambas habet inimicissimas præter transpadanos. ex Hispaniāq; sex legiones, & magna auxilia, Afranio, & Petreio ducibus, habet à tergo. uidetur, si insaniet, posse opprimi, modo ut Vrbe salua. maximam autem plagam accepit, quod is, qui summam auctoritatem in illius exercitu habebat, T. Labienus, socius

sceleris esse noluit, reliquit illum, & nobiscum est, multiq; idem facturi esse dicuntur. Ego adhuc oræ maritimæ præsum à Formijs. nullum maius negotium suscipere uolui, quo plus apud illum meæ litere, cohortationesq; ad pacem ualerent. sin autem erit bellum, uideo me castris, & certis legionibus præfuturum. habeo etiam illam modestiam, quòd Dolabella noster apud Cæsarem est. hæc tibi nota esse uolui: quæ caue te perturbent, & impediunt ualitudinem tuam. Ego A. Varroni, quem tum amantissimum mei cognoui, tum etiam ualde tui studiosum, diligentissime te commendavi, ut & ualitudinis tuæ rationem haberet, & nauigationis, & totum te susciperet, ac tueretur: quæ omnia facturum confido: recepit enim, & mecum locutus est suauissime. Tu quando eo tempore mecum esse non potuisti, quo ego maxime operam, & fidelitatem desideravi tuam; caue festines, aut committas, ut aut æger, aut hieme nauiges. nunquam ego sero te uenisse putabo, si saluus ueneris. adhuc neminem uideram, qui te postea uidisset, quàm M. Volusius, à quo tuas literas accepi: quod non mirabar: neq; enim meas puto ad te literas tanta hieme perferri. sed da operam, ut ualeas: & si ualebis, cum recte nauigari poterit, tum nauiges. Cicero meus in Formiano erat, Ferentia, & Tullia Romæ. Cura ut ualeas.

III. Cal. Feb. Capua.

TVLLIVS TIRONI S.

Go uero cupio te ad me uenire : sed uiam tibi
E meo . grauissime ægrotasti : inedia, & pur-
gationibus, & uī ipsius morbi consumptus es.
graues solent offensiones esse ex grauib; morbis, si qua
culpa commissā est . iam ad id biduum, quod fueris in
uia, dum in Cumanum uenies, accedent continuo ad re-
ditum dies quinque. ego in Formiano ad III. Cal. esse
uolo . ibi te ut firmum offendam, mi Tiro effice. literu-
læ meæ, siue nostræ tui desiderio oblanguerunt. hac ta-
men epistola, quam Acastus attulit, oculos paulum sua-
stulerunt . Pompeius erat apud me, cum hæc scribebā.
hilare, & libenter ei cupienti audire nostra, dixi, sine te
omnia mea muta esse. tu musis nostris para ut operas
reddas . nostra ad diem dictam fient : docui enim te,
fides ē tuorum quod haberet . fac planè ut ualeas . nos ad
summum. Vale. XIII. Cal.

TVLLIVS TIRONI S.

Egypta ad me uenit prid. Id. Apr. is etsi mihi
A nunciavit te planè febris carere, & belle habe-
re: tamē, quod negauit te potuisse ad me scri-
bere, curam mihi attulit, & eo magis, quod Hermia,
quem eodem die uenire oportuerat, non uenerat . in-
credibili sum solitudine de tua ualetudine: qua si me
liberaris, ego te omni cura liberabo . plura scriberem,
si iam putarem libenter te legere posse. ingenium tuū,
quod ego maximi facio, confer ad te mihi, tibiq; con-
seruandum . cura te etiam atque etiam diligenter.

EPI. LIB. XVI.

Vale. Scripta iam epistola, Hermia uenit. accepi tuā epistolam uacillantibus literulis: nec mirum, tam graui morbo. Ego ad te Aegyptam misi, quod nec inhumanus est, & te uisus est mihi diligere; ut is tecum esset; & cum eo cocum, quo uterere. Iterum uale.

TULLIVS TIRONI S.

Ndricus postridie ad me uenit, quam expecta-
 A ra. itaque habui noctē plenā timoribus, ac mi-
 serijs. tuis literis nihilo sum factus certior,
 quo modo te haberes. sed tamen sum recreatus. ego om-
 ni delectatione literisq; omnibus careo: quas ante, quā
 te uidero: attingere nō possum. Medico mercedis, quan-
 tum poscet, promitti iubeto. id scripsi ad Mumium.
 Audio te animo angī, & medicum dicere ex eo te labo-
 rare. si me diligis, excita ex somno tuas literas, huma-
 nitatemq; propter quam mihi es charissimus. nūc opus
 est te animo ualere, ut corpore possis. id cum tua, tum
 mea causa facias, à te peto. Acastum retine, quo com-
 modius tibi ministretur. conserua te mihi. dies promif-
 sorum adest: quem etiam representabo, si adueneris.
 Etiam atque etiam uale. III. Id. hora III.

TULLIVS TIRONI S.

Mnia à te data mihi putabo, si te ualentem uide-
 O ro. Summa cura expectabam aduentum Menā-
 dri, quē ad te miseram. Cura, si me diligis, ut ualeas: &
 cū te bene confirmaris ad nos uenias. Vale. IIII. Id. Apr.

QVINTVS MARCO FRATRI S.

E Tirone mi Marce, ita te, meūq; Ciceronem,
 D & meam Tulliolam, tuumq; filium uideam,
 ut mihi gratissimum fecisti, cum eum indi-
 gnum illa fortuna, nobis amicum, quā seruū esse
 maluisti. mihi crede, tuis, & illius literis perlectis, exi-
 lū gaudio, & tibi & ago gratias, & gratulor. si enim
 mihi Statiū fidelitas est tantæ uoluptati: quanti esse in
 isto hæc eadem bona debent, additis literis, sermonibus,
 humanitate, quæ sunt his ipsis commodis potiora? amo
 te omnibus equidem maximis de causis, uerum etiam
 propter hanc, uel quod mihi sic, ut debuisti, nuncia-
 sti. te totum in literis uidi. Sabini pueris & promisi
 omnia, & faciam. Vale.

TVLLIVS TIRONI S.

Idcirco, quid agas. tuas quoque epistolas uis rese-
 ram in uolumina. sed heu tu, qui καὶ εἶναι esse
 V meorū scriptorum soles, unde illud tam αὐ-
 γου, Valetudini fideliter inseruiendo? unde in istum
 locum fideliter uenit? cui uerbo domicilium est pro-
 prium in officio, migrationes in alienū multæ. nam et
 doctrina, & domus, & ars, & ager etiā fidelis dici po-
 test: ut sit, quo modo Theophrasto placet, uerecunda
 tralatio. sed hæc corā. Demetrius uenit ad me:
 quo quidem comitatu ἀφωμίλησθα, satis scis. tu eum uī
 delictet non potuisti uidere: cras aderit: uidebis igitur:
 nam ego hinc perendie mane cogito. Valetudo tua
 me ualde sollicitat: sed inserui, & fac omnia. tum te

EPIST. LIB. XVI.

mecum esse, tum mihi cumulatissime satisfacere putas-
to: Cuspio quod operam dedisti, mihi gratum est: uale-
de enim eius causa uolo. Vale.

TULLIUS TIRONI S.

Vid igitur? non sic oportet? equidem cen-
seo sic, addendum etiam, suo. sed, si placet,
inuidia uitetur: quam quidem ego saepe con-
tempsi. Tibi διαφορῆσι γαudeo profuisse. si uero etiā
Tusculanum; Diū boni, quanto mihi illud erit amabi-
lius. sed, si me amas, quod quidem aut facis, aut per-
belle simulas, quod tamen in modum procedit, sed, ut
est, indulge uoletudini tuæ: cui quidem tu adhuc,
dum mihi deseruis, seruisti non satis. ea quid postulet
non ignoras, πέφιν, ἀλυπῶν, περίπατον σύμμετρον,
τέρεφιν, ὁδυσίαν κοιλίας. fac bellus reuertare: non mo-
do te, sed etiam Tusculanum nostrum plus amem.
Parhedrum excita, ut hortum ipse conducat: sic olito-
rem ipsum commonebis. heluo nequissimus HS CIO
dabat nullo aprico horto, nullo emissario, nulla mate-
ria, nulla casa. iste nos tanta impensa derideat? calfa-
ce hominē, ut ego M. Othonem: itaque abutor coronis.
De Crabra quid agatur, etsi nunc quidem etiam ni-
mium est aquæ, tamen uelim scire. Horologium mit-
tam, & libros, si erit sudum. sed tu nullos ne tecum li-
bellos? an pangis aliquid Sophocleum? fac opus appa-
reat. A. Ligurius Cæsaris familiaris mortuus est, bo-
nus homo, & nobis amicus. Te quando expectemus,
fac ut sciam. Cura te diligenter. Vale.

TVLLIVS TIRONI S.

Expecto tuas literas de multis rebus, te ipsum
 E multo magis. Demetrium redde nostrum,
 Et aliud si quid potes boni. De Aufidiano
 nomine nihil te hortor: scio tibi curæ esse: sed confice.
 Et, si ob eam rem moraris, accipio causam: si te id nō
 tenet, aduola. Literas tuas ualde expecto. Vale.

TVLLIVS TIRONI S.

Olicitat, ita uiuā, me tua mi Tiro ualetudo:
 S sed confido, si diligentiam, quā instituisti, ad-
 hibueris, cito te firmū fore. libros cōpone, indi-
 cem, cū Metrodoro lubebit, quādo eius arbitratu uiuē-
 dum est. Cum olitore, ut uidetur. Tu potes calendis
 spectare gladiatores, postridie redire: et ita censeo. uerū,
 ut uidebitur. Cura te, si me amas, diligenter. Vale.

CICERO F. TIRONI SVO
DVLCISS. S. D.

Vm uehemēter tabellarios expectare quoti-
 C die, aliquādo uenerūt post diem XL et VI,
 quā a uobis discesserant: quorum mihi fuit
 aduentus optatissimus. nā cū maximā cepissem lēritiā
 ex humanissimi, et charissimi patris epistola: tum uero
 iucūdiissimæ tuæ literæ cumulū mihi gaudiū attulerūt.
 itaque me iam non pœnitebat, intercapedinem scribēdi
 fecisse, sed potius letabar: fructum enim magnum hn-
 manitatis tuæ capiebam ex silentio mearū literarum.

E P I. L I B. X V I.

uehementer igitur gaudeo te meā sine dubitatione accepisse excusationem. Gratos tibi, optatosq; esse, qui de me rumores afferuntur, non dubito mi dulcissime Tiro: præstaboq; & enitar, ut in dies magis magisq; hæc nascens de me duplicetur opinio. quare quod polliceris te buccinatorē fore existimationis meæ, firmo id, constantiq; animo facias licet. tantum enim mihi dolorem, cruciatumq; attulerunt errata ætatis meæ, ut non solū animus à factis, sed aures quoque à cōmemoratione abhorreant. cuius te sollicitudinis, & doloris participem fuisse, notū, exploratūq; est mihi: nec id mirum: nam cum omnia mea causa uelles mihi successa, tum etiam tua: socium enim te meorū cōmodorum semper esse uoluī. quando igitur tum ex me doluisti, nunc ut duplicetur tuum ex me gaudium, præstabo. Cratippo me scito non ut discipulum, sed ut filium esse coniunctissimum: nam cum audio illum libenter, tum etiam eius propriam suauitatem uehementer amplector. sum totos dies cum eo, noctisq; sæpenumero partem: exoro enim, ut mecum quam sæpiissime cœnet. hac introducta consuetudine, sæpe inscientibus nobis, & cœnantibus obrepit, sublataq; seueritate philosophiæ humanissime nobiscum iocatur. quare da operam, ut hunc talem, tam iucundum, tam excellentem uirum uideas quam primum. nam quid ego de Brutio dicam? quem nullo tempore à me patior discedere: cuius cum frugi, seueraq; est uita, tum etiam iucundissima cōuictio: non est enim seiunctus iocus à philolophiā, & quotidiana οὐκ ἔστιν ἄλλος. huic ego locum in proximo conduxī, & ut possum, ex meis angustiis illius sustento tenuitatem. præ-
terea

terea de
autem d
et quod
rippus ad
mis. mul
nien sum
on xab n
scribis, er
lis, sed o
reuer: o
statim. t
cionē ei
succurre
tuum tad
est mihi.
cipio: sci
prædium
euenire
eodem e
certiore
rusticus
oculos t
deor uia
tem, in
sed quod
ac tu, do
turus s
manem
datis qu
te, ut qu

terea declamitare græce apud Cassium institui: latine autem apud Brutium exerceri uolo. uxor familiaribus, et quotidianis conuiectoribus, quos secum Mytilenis Cratippus adduxit, hominibus & doctis, & illi probatissimis. multum etiam mecum est Epicrates princeps Atheniensium, & Leonides, & horum cæteris similes. τὰ μὲν οὖν καὶ ἡμᾶς, τὰ δὲ. De Gorgia autem quod mihi scribis, erat quidē ille in quotidiana declamatione utilis, sed omnia postposui, dummodo præceptis patris parerem: διαγῆναι enim scripserat, ut eum dimitterem statim. tergiuersari nolui, ne mea nimia πρὸς αὐτὸν suspiciōe ei aliquam importaret. deinde illud etiam mihi succurrebat, graue esse me de iudicio patris iudicare. tuum tamen studium, & consilium gratū, acceptumq; est mihi. Excusationem angustiariū tui temporis accipio: scio enim, quā soleas esse occupatus. Emissione te prædium, uehementer gaudeo: feliciterq; tibi rem istā euenire cupio. hoc loco me tibi gratulari, noli mirari: eodem enim ferē loco tu quoque, emisse te, fecisti me certiores. habes, ubi deponendæ tibi sint urbanitates. rusticus Romanus factus es. cum ego mihi nunc ante oculos tuum iucundissimum conspectum propono, uideor uidere ementem te rusticas res, cum uillico loquentem, in lacinia seruantem ex mensa secunda semina. sed quod ad rem pertinet, me tum tibi defuisse, æque, ac tu, doleo. sed noli dubitare mi Tiro, quin te subleuaturus sim, si modo fortuna me: præsertim cū sciam, cōmunem nobis emptum esse istum fundum. De mandatis quod tibi curæ fuit, est mihi gratum. sed peto à te, ut quamcelerrime mihi librarius mittatur, maxime

L L

E P I S T O L A B. XVI.

quidem Græcus: multum enim mihi eripitur operæ in
exscribendis hypomnematis. Tu uelim in primis cu-
res, ut ualeas, ut una συμφοροῦν possimus. An-
therum tibi commendo. Vale.

T V L L I V S T I R O N I S.

Pero ex tuis literis tibi melius esse, cupio qui-
dem certe, cui quidem rei omni ratione cura
ut inseruias: & caue suspiceris cōtra uolūta-
tem meā te facere, quod non sis mecum. mecum es, si te
curas. quare malo, te ualeitudini tuæ seruire, quàm meis
oculis, & auribus: etsi enim & audio te, & uideo libe-
ter, tamen hoc multo erit, si ualebis, iucundius. Ego
hic cesso, quia ipse nihil scribo, lego autem libentissi-
me. tu istic, si quid librarij mea manu non intelligent,
mōstrabis. una omnino interpositio difficilior est, quàm
ne ipse quidē facile legere soleo; de quadrimo Catone.
De triclinio cura, ut facis. Tertia aderit, modo ne Pu-
blius rogatus sit. Demetrius iste nunquam omnino
Phalereus fuit: sed nunc planè Bilienus est. itaque te
do uicarium. tu eum obseruabis. Et si, Veruntamen, De
illis: nosti cetera. sed tamen si quē cū eo sermonem ha-
bueris, scribes ad me, ut mihi nascatur epistolæ argumē-
tū, & ut tuas quālongissimas literas legā. Cura mi Ti-
ro, ut ualeas. hoc mihi gratius facere nihil potes. Vale.

T V L L I V S T I R O N I S.

T V uero confice professionem, si potes. etsi hæc
pecunia ex eo genere est, ut professione non

egeat. ueruntamen. Balbus ad me scripsit, tanta se
 epiphora oppressum, ut loqui non possit, Antonius de
 lege quid egerit. liceat modo rusticari. Ad Bithynicum
 scripsi. De Seruilio tu uideris, qui senectutem non
 contemnis. etsi Atticus noster, quia quondam me com-
 moueri $\pi\alpha\iota\nu\alpha\iota\varsigma$ intellexit, idem semper putat, nec ui-
 det quibus praesidijs philosophiae septus sim. & hercle,
 quod timidus ipse est, $\delta\omicron\gamma\iota\beta\omicron\pi\omicron\tau\omicron\epsilon\grave{\alpha}$. ego tamen Antonij
 inueteratam sine ulla offensione amicitiam retinere sa-
 nè uolo, scribamq; ad eum, sed non ante, quam te ui-
 dero. nec tamen te duoco à syngrapha. $\gamma\omicron\nu\nu\ \chi\eta\mu\eta\varsigma$.
 Cras expecto Leptam: etenim ad cuius rutam pulegio
 mihi tui sermonis utendum est. Vale.

TVLLIVS TIRONI S.

Etsi mane Harpalū miseram: tamen, cū ha-
 berem, cui recte darem literas, etsi noui nihil
 erat, iisdem de rebus uolui ad te saepius scribe-
 re: non quā considerē diligentiae tuae: sed rei me ma-
 gnitudo mouebat. Mihi proa, & puppis, ut Graeco-
 rum prouerbum est, fuit à me tui dimittendi, ut ra-
 tiones nostras explicares. Offilio, & Aurelio utiq; sa-
 tis fiat. à Flamma, si non potes omnem, partem aliquam
 uelim extorqueas: in primisq; ut expedita sit pensio
 Cal. Ian. de attributione conficies. de representatione uī
 debis. de domesticis rebus haetenus. de publicis omnia
 mihi certa, quid Octauius, quid Antonius; quae homi-
 num opinio; quid futurum putes. ego uix teneor, quin
 accurrā. sed s. literas tuas expecto. & scito Balbum

LL ij

EPI. LIB. XVI.

tum fuisse Aquilni, cum tibi est dictum, & postridie Hircium. puto utrumque ad aquas. Sed quod egerint.

Dolabellæ procuratores fac ut admoneantur. appellabis etiam Papiam. Vale.

CICERO F. TIRONI SVO S.

E Tsi iusta, & idonea usus es excusatione in
E termissionis literarū tuarum: tamen, id ne sæpius facias, rogo: nam etsi de Rep. rumoribus, & nuncijs certior fio, & de sua in me uoluntate semper ad me pescribit pater: tamen de quauis minima re scripta à te ad me epistola semper fuit gratissima. quare cum in primis tuas desiderem literas, nolī committere, ut excusatione potius expleas officium scribendi, quā assiduitate literarum. Vale.

Q. CICERO TIRONI SVO S. D.

V Erberaui te cogitationis tacito duntaxat cōu
V tio, quod fasciculus alter ad me iam sine tuis literis perlatus est. nō potes effugere huius culpe poenam te patrono. Marcus est adhibendus. isq; diu, & multis lucubrationibus cōmentata oratione uide ut probare possit, te non peccasse. planè te rogo, sicut olim matrem nostram facere memini, quæ lagenas, etiā inaneis obsignabat, ut dicerentur inanes aliquæ fuisse, quæ furtim essent exsiccata: sic tu, etiam si, quod scribas, non habebis, scribito tamen, ne furtum cessationis quæ fuisse uidearis: ualde enim mihi semper & uera, & dulcia tuis epistolis nunciantur. Ama nos, & uale.

Q. CICERO TIRONI SVO S. D.

Irificam mihi uerberationem cessationis epis-
Mstola dedisti: nam quæ parcius frater perscri-
 pserat uerecundia uidelicet, & properatio-
 ne, ea tu sine assentatione, ut erant, ad me scripsisti,
 & maxime de Consulibus deess. quos ego penitus noui
 libidinum, & languoris effœminatissimi animi ple-
 nos. qui nisi à gubernaculis recesserint, maximum ab
 uniuerso naufragio periculum est. incredibile est, quæ
 ego illos scio oppositis Gallorum castris in æstiuis fecisse:
 quos ille latro, nisi aliquid firmitus fuerit, societate ui-
 tiorum deliniet. res est aut tribunitijs, aut priuatis
 consilijs munienda. nam isti duo uix sunt digni, quib-
 us alteri Cesenam, alteri Cossutianarum tabernarum
 fundamenta credas. Te, ut dixi, fero oculis. Ego
 uos ad III. Cal. uidebo, tuosq; oculos, etiam si te ueniens
 in medio foro uidero, dissuauabor. Me ama. Vale.

M. TULLII CICERONIS EPI-
 STOLARVM FAMILIARVM
 RIVM FINIS.

κλαῶς ἀπολοίμην, Ἀλλὰ μέγα εἴξας τι καὶ ἐσσομένοισι
 πυθέσθαι, *nec negligenter, & sine gloria peream,*
sed magnum faciens quidpiam, & posteris audien-
dum. 210. Εὐριπίδου, Euripidis. 210. μὲν
 σοφιστὴν, ὅστις οὐχ αὐτῷ σοφός, *odi magistrum, qui non*
est sibi sapiens. 210. ἅμα πρόσω, καὶ ὀπίσω, *simul*
ante, & pone. 210. αἰέν ἄριστ' εἶναι, καὶ ὑπεύροχον
 ἔμμεναι ἄλλων, *semper antecellere, & principem esse*
aliorum. 210. διοίκησιν, *iurisdictionem.* 223.
 ὑποθήκας, *pignora.* 224: τρεῖς διοικήσεις, *treis iur-*
isdictiones. 228. χολὴν ἀκρατον, *bilem meram.* 236:
 κατ' εἰδῶλων φαντασίας, *per spectrorum uisa.* 257.
 διανοητικὰς φαντασίας, *intelligentiae uisa.* 253.
 εἰδῶλων, *imago.* 253. αἰρέσει, *secta.* 253.
 πάντα περὶ πάντων, *omnia de omnibus.* 253. πρόσ-
 σωπον πόλεως, *faciem ciuitatis.* 253: ἀδέσποτοι,
sine auctore. 253: τὸ καλὸν δι' αὐτὸ αἰρετὸν, *hono-*
stum per se optabile. 253: ἀκενόσπουδον, *non in-*
anis homo studiij. 254 φλυαρόν, *garrulum.* 254.
 σπουδάζειν, *serio agere.* 254: τὸ καλὸν δι' αὐτὸ
 αἰρετὸν, *honestum per se optabile.* 254: ἡδονὴν, *uo-*
luptatem. 254. ἀναλγησίαν, *indolentiam.* 254:
 τῷ καλῷ, *honesto.* 254: οὐκ ἔστιν ἡδέως, ἀνδ' τοῦ
 καλῶς καὶ δικαίως ζῆναι, *non potest iucunde, nisi honeste,*
& iuste, uiui. 254: φιλόδονοι, *cupidi uoluptatis.* 254:
 φιλόκαλοι, καὶ φιλοδίκαιοι, *cupidi honesti, & cupidi*
iusti. 254: ἀντιμυκτηρίσαι, *uicissim subsanare.* 254:
 κακοτόμαχος, *stomacho non bono.* 758. ἀκρίδωκα μὲν,
 χρονιώτερα δέ, *tuta quidem, sed diuturniora.* 259.
 ψυχὴ δέ λεπτῷ χρωτὶ πολεμιώτατον, *frigus aut tenui*

cui in
 regula.
 gestation
 τρον, τε
 tem, am
 tatem al
 τα μὲν ο
 hac sunt
 contenti
 spectare
 δορυβο
 tibia. 2

cuti inimicissimū. 259. ἔτυμον, notionem. 262. κανὼν,
 regula. 263. ἄκυρον, improprium. 263. διακφάρεσιν,
 gestationem. 263. πέψιν, ἀλυτήαν, περίπατον σύμμε-
 τρον, τέεψιν, δὺλυσίαν κοιλίας, concoctionem, hilarita-
 tem, ambulationem modicam, oblectationem, facili-
 tatem alui. 263. συζητήσαι, mutua quaestione. 264.
 τὰ μὲν οὖς καὶ ἡμῶς, τὰ δὲ : quæ igitur ad nos spectāt,
 hæc sunt. 265. διαρρήδην, aperte. 265. αὐουδία,
 contentio. 265. συμφιλολογῶν, de literis inter nos di-
 sputare. 265. πανικοῖς, panicis terroribus. 266.
 δορυβοποιᾷ, tumultuatur. 266. γόνυ κνήμης, genu-
 tibia. 266.

V A R I A E L E C T I O N E S : I N Q V I B V S

lector admonendus est ; quæ duabus prio-
ribus literis scriptæ sunt maiuscu-
lis, eas ex ingenio, reliquas
ex uterisque libris
omnes esse.

frequentis . non magna	4 .	ID mihi uehementer	g . 32 .
tempore Catoniano	6 .	honorem, n. ad gratiã	36 .
uirtutiq; . simul	7 :	CONscientiæ meæ	39 .
uidentur, siquidem	9 .	committere, ut scrib.	39 .
fuisse, cum	14 .	Censores creentur	40 :
inscientem me fugisset	15 .	gesta sunt, ab alijs	44 :
ARTis est; & si portum		quasi perditius	47 :
t. n. q, cum id	15 :	aut quid ? non illis rebus	
semper præstare	16 .	excitatus a . calere	50 .
QVas Menocrati	16 :	uicem, cedo,	50 .
nominare . quos	16 :	temporibus f . ut eorum	
esset, paraturum	16 :	tum	51 :
quis est tam scrib.	18 .	tuæ, cuiuscuiusmodi	53 .
VITA decederet	28 :	frui, stulti n priuatam	54 .
rationem edisseram	18 :	uti medicos : coegi	56 .
EXpectas : domesticos	19 .	PERueniri	57 .
cum Seruiliū	20 .	nunquam imminuta	60 .
S. P. D. Primum tibi	22 .	leues ab hmōi homi.	61 :
ad me, quod	22 :	essem, ad Lollium	61 .
idem certos	28 .	domum XXXV .	63 .
Ariobarzanem, quia	29 .	benevolentia pari	65 .
proficiſcentur, ut	30 .	obtreſtationes, & iniuri-	
OMnia summa	32 :	as	65 :

Legendo
Patria n
uivere p
Videat t.
Temporib
IPſiq; Va
REM a m
cogitat.
quidem
quado de
uſum,
gratioſ
quemui
qui diſ
non quo
aliquand
ſoliſſime
TREBI
TREBI
ſcribere
ut mihi
LOquor
ſcriptum
uel, M.
faciã, u.
ANTE a m
faciã e
ſera, prim
præſertit
poſſe: .

LEgendo retinere 68. Pand.) 105.
PAtriæ non plus 70. tantum quod ex 105.
 uiuere püsse eq. maxi. 71. tamen erant 106.
VIdear t. non dedisse 73. opinor Crassum 106.
TEmporibus n. o. nati 73: BOnum cantorem 107.
IPsîq; Valerio 75: uereri, nisi istû hab. 107.
REm à me nō insipiēter ex **VF**ereri, nisi istum caueri
 cogitatam, ne cogitatam. mus, 107.
 quidem putes 75: si fio, si forsitan. 133.
 quādo de logeo parum gra inepto? aliquid 113.
 uisum, uel gauisum, uel, Cornificius adolescentiorē
 gratiosum 76. Syllæ filiam 116.
 quemuis auctorū, aut eorū, hercule cōsæpta omnia fœ
 qui discesserūt. alteri. 80: dera & 115.
 non quo, sed quod diff. 81. concipitur: leuiss. 116.
 aliquando defuisset 73: dederit si q. iniurijs suis
 solistimus, ut sonuijs 83: esse, ut Vestorius tene =
TREBIANO S. D: uel ret 116:
TRELLIANO 87. ut solent, non redigā 117.
SCribere hac opinione 91. Ad huc ordinem referri.
 ut mihi uidetur, 92: ita legendū non nulli pu =
LOquor) reliquos 96: tāt, quod in antiquo libro
 scriptum erat, M. Rufum, scriptū est, adhuc ordinem
 uel, M. Vrsuium 98. referri. 118.
 faciā, u. hūc Leptæ delega 98 audent. scena, rei 121.
ANtea ne anabata 110. bellum se erupit 123.
 facias? ubi 101. cognoscam quid n. i rei 123.
 sero. primas 102: hanc portā, uel partē 135.
 præsertim tantis n. 104. coegero, arrūtaniū me 125.
 posse: **NI** (ex Budæo in aliquid: mane ut 126:

fecerūt, grauare Rēp. 127. quā m me iuuare 153:
 Chrysippias hac, quā 127. illis feruentibus 157:
 De Coetio 128. C. Catium 157:
 alicubi, siquid 129. missū ab A. ad me cū 157:
 ingentium cularum 131. Iun. anerone. 158:
 domum Silianam 135. TVam nauatam 159:
 posuisti loco 136. Fama, sententiāq; 159:
 Mihi Pompilum 136. LEntulum Cos. (ex epistolis
 rē habebas, quāsticulis 136. ad Atticum 124.) 164:
 antea delibitari 136. studia officij mutuo 167:
 idem quod phil. 137. Reddidit, Quom 170:
 artolagāi t. n. i. ex artis 138. hominib. honoris, non 172:
 Violat Iupiter bene 140. obstrinxerim. septem 172:
 turpis. suppendet, uel suspē alij faēti 173:
 det, uel, suscipitur 140. ambitus excitare 175:
 tempore ferre te p. 141. nisi, quōd 176:
 statuo studeoq; habere cō= restitutionem mecum 178:
 munem, uel, statuo habe= COMmode nobis 178:
 re cōem, uel statuo habe= frequentes uentitare 182:
 re esse communem: ut nō ANceps propter 187:
 absurde quidam legendū Cypro, ac Romam yatri= 190:
 putent, statuo debere es- de 190:
 se communem 144. iniuria unquam 190:
 existimarent. elic. 148. Gerebant: hac 192:
 itineribus Vienna 149. POSSent, uoluerunt 193:
 fuerunt. statimq; equita= COSumpserant 193:
 tum 150. nauseantem confeci 198:
 Allobrogibus iter consti= GERere cogamur. 201:
 tui, 150. ignominia non 201:
 complexus es, tene, 151. Q. F. ORTAE (antiquus

liber P
 feceris, ex
 im. h. a
 incredibil
 Delectat
 tamen rac
 amissim
 maxim
 tus est
 VT cum
 iam spe
 quog; lito
 opere; q
 mulis p
 rum, qu
 mant; q
 formul
 Q. AR
 M. C.
 CIO
 Mila sers,
 carissim

liber Pauli Boti) 203 : homines, quibus e. seruis
 feceris, existimes, q.i. p.m.h. ui 235.
 i.m.h.a.te . hoc 204 : SVMus ad II Cal. 235.
 incredibili quiddam 205 : possitis. quoquo modo quis
 DElectatur 208 : dem nunc 237.
 tamen ratio comm. 208. MODO & uestras l. e.e.s.
 amicissimum. Em hic ille est ipse ad 238:
 maxime, q.i. a.o. me solis ὁ σελήνη καὶ φιλοφρονέων, 242.
 tus est 210. eius atque 242:
 VT eum & in 213. Sepyrā, & cōmorin 245.
 tamē sperauit apud te meas Amasiniij 154.
 quoq; literas ualituras 214: FACeta s.f. secus, fiunt 255:
 opere; & ut uolet is in for= COLam, commune 256.
 mulis. probo cōiecturā eo= CAL. Dec. 257.
 rum, qui legendum existi= scripsi ad Vmmium 262.
 mant; & ut uos soletis in comitatu ἀφ' αὐτοῦ, ἡ χηρὸς 263
 formulis, 215. πέψιν, ἀκεπαν 263.
 Q. ARCHARIO 220 commouebis. Elico 263.
 M. C. DECIO AV= factus es. quō ego 265.
 CTO 222 : PRæsidij septus 266.
 Milasens, et Alabādens 224 : oratione uidelicet pr. 266.
 carissimus est, M.Le. 226 :

A B C D E F G H I K L M N O P Q

R S T V X Y Z, AA BB CC DD EE

FF GG HH II KK LL.

Omnes quaterniones.

A P V D A L D I F I L I O S.

V E N E T I I S, M. D. L I I.

PAULI MANUTII SCHOLIA

quibus familiarum epistolarum libri octo


plures, ab Aldo proprio collectae

aut amissae, aut ab aliis in lucem

prolatae, pariter hucusque

primis, postquam

compositae



VENETIS, M D LII



PAVLI MANVTII SCHOLIA,
 quibus familiarium epistolarum locos com=
 plures, ab alijs propter obscuritatem
 aut omissos, aut minus recte ex=
 planatos, partim inter=
 pretatur, partim
 corrigit.



Ne quis uspiam imprimat, aut uendat, Paulus
 III. Pontifex Maximus, itemq; Sena=
 tus Venetus decreto cavit.

VENETIIS, M D LII.

PAVLVS MANVTIVS ALDI F.

LITERARVM STUDIO

SIS S. D.

Anè, quod ego in rem uestram nauare pos-
sum, quàm exiguum id sit, intelligo: sed quod
possum, in eo non committam ut meum stu-
dium, aut diligentiam desideretis. loci erant obscurio-
res multi in familiaribus, ut appellantur, Ciceronis epi-
stolis: eos, quantum in nobis fuit, dedimus operam ut
interpretationibus quàm potuit breuissimis illustrare-
mus. erant item deprauati, quos emendare conati su-
mus. quid præstiterim, ignoro: uos legendo iudicabi-
tis. ut ut autem iudicabitis, gratiam tamen ab ijs, qui
grati sunt, opinor aliquam inibo; quoniam quidem mi-
hi uestre utilitatis cupidissimo non aggrediendi uolun-
tas defuerit, sed perficiendi facultas. Valete.

PAVLI MANVTII SCHOLIA
IN FAMILIARES CICERO-
NIS EPISTOLAS,

EX EPISTOLA I. LIBRI I.

PAGINA I.

Q VOD commodo Reip. facere possis
Olim ita emendauimus, cum aliter in
omnibus impressis legeretur. sunt au-
tem uerba, quibus ueteres utebantur
ut id, quod faciendum decernerent, ita
demum fieri uelle ostenderent, si modo Reip. commodo
fieri posset. Caesar libro I. Comm. pagina 12. Quo-
niam M. Messala, M. Pisone Coss. senatus censuisset, uti
quicumque Galliam prouinciam obtineret, quod com-
modo Reip. facere posset, Heduos ceterosq; amicos po-
puli R. defenderet, se Heduorum iniurias non negle-
cturum. Et lib. V. pagina 60. scribit. Labieno, si Reip.
commodo facere posset, cum legione ad fines Nernio-
rum ueniat. item lib. VI. pag. 73. Labienum, Trebo-
niumq; hortatur, si Reip. commodo facere possint, ad
eam diem reuertantur. Cicero item ad Brutum, epistola
V. Deceui hoc amplius, ut tu, si arbitrarere utile fore,
Et è Rep. esse, persequerere Dolabellam bello: si minus
id commodo Reip. facere posses, in iisdem locis exercitum
contineres. ad Appium autem epistola VII. lib. III.
Quod, inquit, tuo comodo fieri possit, utriusque nostrum
magni interest, prius ut te conueniam, quam decedas.
Et libro XIII. 219, simili sententia dixit, quod

A A A ij

SCHOLIA

sine molestia tua facere possis. ad Atticum autem epistola III. lib. I. quod commodo tuo facere poteris, uenias ad id tempus. itemq; alibi saepius, quod tuo commodo fiat: quod sine peccato meo fiat. quibus ex locis, ueterem, hanc, atque usitatam fuisse locutionem, cognoscere quiuis potest. Nostra coniectura hæc est, quam, ut ostendimus, ueterum scriptorum auctoritas confirmat. quod si quis legere malet, Quod commodo rem facere possis, ut ferè est in omnibus antiquis exemplaribus, accipiendum erit, commodo, pro commode, quemadmodum & Plautus in Friuolaria, & Titinius in Iurisperita locuti sunt: quos Charisius citat: qui etiam, arcano pro arcane, quotidio pro quotidie ueteres dixisse, tradit.

Ex epistola II. pag. 3.

LENTULI Cos.] In libris quibusdam manuscriptoris legitur, Lucij Cos. non omnino absurde: potest enim intelligi de L. Philippo Lentuli Marcellini in Consulatu collega. sed Lentuli, si legas, de Lentulo Marcellino accipietur.

3.

QUATENUS de religione dicebat] Sensus hic est. cum Bibulus sententia sua duas res complexus esset, de religione, & de tribus legatis: postulatum est, ut eius sententia diuideretur, idest ut singulis de rebus separatim referretur. ac, de religione quatenus dixit, ut scilicet contra Sibyllinos libros ne decerneretur, qui Regem Aegyptium cum exercitu reduci uetarent: assensum (inquit) est. caput illud, de tribus legatis, qui Regem reducerent, improbatum. dixit autem, frequentes ierunt in alia omnia, pro frequentes dissenserunt.

neque
fite, uo
cum, po
in alia o
de bello
cello, se
Pompeli
fite: qu
omnis o
factum
censere

M
nant: o
ituros d
scilicet
tionem
scripti
stolaria
Curior
bus plu
partib
tis part
plures,
bus 98
nius qu
lulij uo
T.
gebatu

neque solum ire in alia omnia, sed & discedere, & trā
sire, eodem sensu ueteres dicebant. libro X. ad Plan-
cum, pagina 151. Eum (inquit) senatus reliquit, &
in alia omnia discessit. Hircius autem prope finem VIII
de bello Gallico libri, Discessionem (ait) faciente Mar-
cello, senatus frequens in alia omnia transijt. Festus
Pompeius in dictione Ques. Qui hoc censetis, illuc trā-
site: qui alia omnia, in hanc partem. his uerbis præt
ominis uidelicet causa, ne dicat, quam nō censetis. Inde
factum, ut ire in alia omnia idem significet, quod non
censere, idest cōtra id, de quo discessio fit, sentire.

3.

MULTIS partibus plures] Sunt qui ita expo-
nant: uidisse Consules, in Hortensij sententiam plures
ituros à multis partibus, idest hinc, & illinc; parum
scilicet agnoscentes purissimam, & ornatissimam locu-
tionem, quam eloquentissimi eius ætatis uiri suis in
scriptis eleganter usi sunt. M. Celijs libro harum epi-
stolarum VIII. pag. 119. Turpe tibi erit, Patiscum
Curioni decem Pantheras misisse, te non multis parti-
bus plures. item Cæsar 185. quoniam numero multis
partibus esset inferior. multis partibus plures, & mul-
tis partibus inferior, dixerunt, pro eo, quod est, multo
plures, & multo inferior. Cicero item lib. III. de fini-
bus 98. multis partibus malit, pro multo malit. Suetonius
quoque, non omnino malus latinitatis auctor, in
Iulij uita eodem loquendi modo usus est.

Ex epistola III. pag. 4:

T. AMPIVS] Antea, T. Appius, corrupte le-
gebatur: duo enim prænomena simul esse non pos-

A A A . iij

SCHOLIA

sunt, ut si dicas, Marcus Caius, aut Cneus Lucius.
Ampiorum autem familiam Romæ fuisse, notissimum est.

Ex epistola IIII. pag. 4.

PRIDIE eius diei s. d. r. l. f.] Dicit quod supra in epistola II. in qua ita scripsit: De tribus legatis, frequentes ierunt in alia omnia. sed cum ibi factum id esse dicat die, qui consecutus est Idus Ian. hic autem die, qui XVI. Cal. Febr. præcessit: fuere, qui, dum arbitrantur Ianuario mense, ut nunc, ita tum unum & XXX fuisse dies, corruptum esse locum crederent, uidentes hanc diem, ut quidem ipsi numerabant, aliam esse ab ea, quæ est in epistola II. cum tamen eandem esse oporteret, quod absque dubio locus hic alter de tribus legatis repetitio prioris esset. quod si ad rationem eius anni, quo scripta est epistola, supputassent: & locum carere mendo, & eandem, quam in II. epistola diem significari, cognouissent: fuit enim tunc Ianuarius mensis tantummodo XXIX. dierum. postea Iulius Cæsar annum corrigens, binos addidit, & ut tricenos singulos haberet, qui antea tantummodo XXIX. habuerat, effecit. auctor Macrobius.

4:

EGO tibi à ui] Timebat, ne Tribunus aliquis per uim legem ferret, qua Lentulo uel Ptolemæi Regis restitutionem eriperet, uel imperium abrogaret: quod factum est. epistola II. libri II. ad Q. fratrem eadem de re scribens, Quid futurum sit, inquit, latrocinio Tribunorum, non diuino: sed tamen suspicor per uim rogationem Caninium perlaturum.

I N E P I . H F A M .

Ex epistola V. pag. 5.
HIC quæ agantur] Aut hoc est alterius epistolæ
 initium : aut quæ sequuntur , non eodem die scripta
 sunt , quo superior epistolæ pars . saepe autem accidit ,
 ut literas non continua , sed crebro repetita scriptione
 conficiamus , singulis diebus noui aliquid appingentes :
 id quod in epistolis ad Atticum scriptis sæpissime fa-
 ctum uidemus.

Ex epistola IX. pag. 12.

NON modo præmijs] Ita legendum est , & ita
 in libris uetustissimis habetur . sed cum locutio primo
 aspectu durior uideatur , hinc factum est , ut ueterem
 lectionem hætenus omnes contempserint , quam nos eo
 libentius restituimus , quod ea Ciceronem alibi quoque
 non semel usum esse animaduertimus : epistola enim
 V l. libri X. ad Atticum , Regnum (inquit) non modo
 Romano homini , sed ne Persæ quidem cuiquam tolera-
 bile . & ad eundem scribens 184. mihi non modo ira-
 sci grauiissima iniuria accepta , sed ne dolere quidem im-
 pune licet . libro autem de oratore I. Neque solum in-
 scientiam meam , sed ne rerum quidem magnitudinem
 perspicit . harum autem epistolarum lib. IX. 137. Hoc
 tamen scito , non modo me , sed ne ipsum quidem prin-
 cipem scire , quid futurum sit . quanquam hic quos-
 que inculcata erat dictio , non : quæ in libris manu-
 scriptis non est.

I 2.

I N Prætura autem , & in Consulatu] In Præ-
 tura orationem habuit pro lege Manilia , qua popu-
 lum magnopere est hortatus , ut Pompeio Mithridaticū

A A A iij

bellum lege à Gabinio lata demandaretur . in Consu-
latu autem cum alijs officijs Pompeium ornavit , tum
etiam illo, quòd retulit de supplicationibus ei decernen-
dis pro Rep. Mithridatico bello felicissime gesta . uide
orationem de provincijs consularibus.

I 2.

BONORVM omnium consensus] Antea, con-
sensus . nos consensus , restituiamus ex ueterum libro-
rum fide.

I 3.

SI IIS pro me stante pugnare licuisset] Septi-
mum abhinc annum, cum hos epistolarum libros, quàm
diligentissime tum potuit, emendarem, hunc locum
ita , ut legitur , ex libris manuscriptis restituiamus ,
cum antea ita corruptus esset , ut bonus sensus elici
nullus posset .

I 3:

PRIMUM illa furta] Hæc fortasse parenthesi
sunt includenda; ut subaudiatur, fuerant. quasi dicat ,
omitto corruptum illud iudicium de sacris Bonæ deæ
uiolatis : loquar de ijs , quæ post reditum meum flagi-
tiose commissa sunt. nam si, Primum illa furta, intel-
ligas reditum Ciceronis esse consecuta : præter histo-
riæ fidem erit : neque enim illa furta muliebrium reli-
gionum Ciceronis exilium sunt consecuta . itaque V-
balдини Bandinelli , qui legendum arbitratur , illa fu-
ria , coniecturam probamus. quoniam tamen in om-
nibus manuscriptis libris illa furta legimus , opinioni
nostræ , fortasse nobis ipsis assentantes , libentius ac-
quiescimus.

I N E P I . F A M .

I 5.

Par pro pari] Antea, cum legeretur, par pari, uerus erat mancus, qui nunc integer est, addita à nobis propositione pro, ex uetustissimo libro Pauli Boti Regiensis, hominis tum religiosi, tum etiam literati. itaque etiam in Terentio uersus est restituendus.

I 7.

LIBERALITATEM] Alij, libertatem. ego nihil muto. uidi enim librum perantiquum, quem habet adolescens nobilis & literatus Bernardinus Masfseus, in quo, liberalitatem, scriptum erat. quam uocē eo libentius conseruauī, quod subiicit paulo post, cum sine suspitione tuæ cupiditatis non possis illius cupiditatem refutare. quod enim dixerat, liberalitatem, antitheton opposuit, suspitione cupiditatis.

I 7:

FACILITATE autem, quod uellem] Alij aliter. mihi, quæ lectio in nostris libris est, magis probatur. nam & sensum, ut opinor habet meliorem: & in uetustis aliquot exemplaribus ita scriptum animaduertimus.

Ex epistola ultima, pag. I 7:

CVR enim tibi hoc non gratificer, nescio] Sensus horum uerborum ex titulo pendet: cum enim ita inscripsisset, VALERIO IURISCONSULTO, subiunxit, nam cur te iuriconsultum non appellem, nescio, etiam si iuriconsultus ualde non sis: iocans uidelicet cum eo familiarius, quod etiam in reliqua epistola facit, & libro tertio. 31. ad Appium scribens, L. Valerium, inquit, iuriconsultum ualde

SCHOLIA

tibi commendo. sed ita etiam, si non est iurisconsultus. quoniam autem sunt, qui huius epistolæ inirium desiderari potius, quàm esse hoc, quod legitur, existimēt: aliud huic simile Ciceronis exemplum ex epistolis ad Atticum scriptis afferemus. ita igitur libro III.

49. M. T. C. S. D. Q. CAECILIO Q. F. POMPONIANO ATTICO. Quod quidem ita esse, & auunculum tuū functum esse officio, uehementissime probo. quorū uerborū sensum hic quoque ex titulo, regi, nemini est obscurum. dicit enim se probare ita esse, id est, eū ab auunculo adoptatū, & hæredem factū, appellari nō, ut antea, T. Pomponium Atticum, sed (ut in adoptionibus fieri solebat, in quibus eius, qui adoptabat, & prænomen, & nomen, & cognomen, & aliquando etiam agnomen ij, qui adoptabantur, sumebāt, nomen, quod ante habuerant, deriuantes, ut in anū desineret: cognomē tamen suū, ut antea fuerat, retinebāt: sed post eius cognomen ponebāt, qui adoptarat, si modo id ille habuisset) Q. Cæciliū Q. F. Pomponianū Atticū: ut nemo iam de epistola ad Valeriū dubitare possit.

I 7.

PARTIM te superbū esse dicunt, quod nihil respondēas: partim contumeliosum, quod male respondēas. Iocus est. in his uerbis & abstrusus, & elegans: uult enim innuere, ideo nihil eum respondere, nō quod superbus sit, sed quod aut eum nemo consular, cum homines bonum iurisconsultum non existiment; aut si quis consulat, nullum auferat responsum ob eius ignorantiam: ideo autem male respondere, non quod contumeliosus, sed quod imperitus, & indoctus.

I N E P I. F A M.

Ex epistola I. libri II. pag. 18.

QVOD QVE in omnibus tuis rebus, meis optatis fortuna respondet; breue est, quod me tibi præcipere meus in te amor cogit. Hic locus antea perperam inter punctus distrahebat sensum; quem nos, distinctionibus immutatis, tanquam in suam sedem reduximus. est autem hic, quod me facere meus in te amor cogit, ut tibi præcipiam; id faciam breuiter, quando omnibus tuis in rebus meis optatis fortuna respondet.

Ex epistola V. pag. 20

I N S V F F R A G I I S studia. Dictionem, studia, sustulimus: supra enim dixit, studium: è qua uoce sequentes genitiui reguntur.

Ex epistola I X. pag. 23.

D E T E, quia, quod sperabam; de Hillo, (Balbus enim sum) quod non putaram. In epistola, quæ tertia est V I I I. libri. Celius de Hirro competitore loquens ita scripserat. spero te celeriter auditurum et de nobis, quod sperasti; & de illo, quod uix sperare ausus es. itaque Cicero respondens, iisdem fere uerbis eadem repetit: & quia Celius scripserat, de nobis, quod sperasti; de illo, quod uix sperare ausus es; rescribit; de te, quia, quod sperabam; de Hillo, (balbus enim sum) quod non putaram. facete autem, cum repeteret uocem illam Celij, illo, aspirationem addidit, & subiunxit (balbus enim sum), Hirrum significans, cuius nomen propter balbutiem exprimi à se non posse fingit. in sequentibus autem cum, r, literam expedite proferat, sed balbi, inquit, non sumus.

23.

D I U I S V S aquarum diuortijs. plerosque latet

SCHOLIA

huius loci sensus. & uidi doctos alioqui uiros, qui sic interpretarentur: fuisse fluvium, qui montem Amanum interfluens diuideret, & Ciceroni, ac Bibulo communem faceret: cum dixerit Cicero, non diuisus fluuius, aut, diuisus aquis, sed, diuisus aquarum diuortijs. quam illi uocem parum diligenter expendebant. diuortium autem aquarum ita fit. cadunt in montem aquae pluuiæ. is mons cum sit procliuius, utrinque defluant, & decurrant, necesse est. ita fit, ut diuidantur, & earum quasi diuortium fiat. itaque dixit de oratore libro I.

149. ut ex Appenino fluminum, sic ex communi sapientium iugo sunt doctrinarum facta diuortia. ad Atticum autem idem scribit, quod ad Celium: inquit enim libro V. 76. ad Amanum contendit, qui Syriam à Cilicia aquarum diuortio diuidit. Liuius etiam libro XXXVIII. ubi loquitur de Cn. Manlio, propè, inquit, ipsis iugis ad aquarum diuortia castra posuisse: id est, ad eum locum, unde aquae duas in partes diuise incipiunt defluere. à quo igitur loco ex Amano monte Ciliciam uersus aquae delabebantur, ad eum usque locum Cilicia pertinebat. & ex altera montis parte, eadem Syria: quam Bibulus regebat, erat ratio: terminum enim habebat eum locum, unde in eam ex Amano defluere aquae incipiebant.

Ex epistola XI. pag. 24.

QUINQUATRVS] Dictum opinor nominandi potius, quàm (ut alij crediderunt) generandi casu: nam hanc uocem tantum multitudinis numero memini me legisse. forte etiam legi possit, quinquatri

bus: u
allate
nam in
Hieron
ut etia
quand

EX
stis lib
im

P
nove
que d
lum
secess

D
modi
et si se
bente
tur, D
nio. q
se opin
genio
scribat
oratio
affirm

N

bus : ut intelligatur dies , quo gestæ sunt res , non quo allatæ : cum inferat , citeriora nondum audiebamus . nam in libro manuscripto , quem habet uir doctissimus Hieronymus Ferrarius Corrigiensis , legitur , quinquat . ut etiam pro gladiatoribus , gladiat . uetustis in libris quandoque scriptum uideas .

Ex epistola XIII I. pag. 26.

EXEMPLO] Antea , exemplum , nos ex uetustis libris , exemplo , sextum ab hinc annum correximus , & impressimus .

26.

PONTINVS] Nam is quidem superiore honore usus erat : fuerat enim Prætor Cicerone Cos. itaque dixit ad Atticum epistola II. lib. VI. Fratrem solum habeo Prætorium : Pontinus enim iam à me discesserat .

26:

DE MATRINIO] Locus est obscurus : cuiusmodi in ipsius Ciceronis scriptis alij quoque sunt . quare etsi sensum non percipio , tamen ueterem lectionem libenter conseruo . omnino & libri sunt , in quibus legitur , De matrimonio : sed uetustiores habent , De Matrinio . quæ uox quid sibi uellet , cum minus constaret , fuisse opinor qui Matrinio deleverint , & matrimonio ex ingenio reposuerint . forte autem , cum ad Celiū Aedilē scribat , de Matrinio scriba Aeditio , cuius meminit in oratione pro Cluentio , quidpiam significauit : sed nihil affirmamus .

Ex epistola XV. pag. 27.

NON ENIM te cœlaui sermonem : sed non

SCHOLIA

ne tum prouidisti] Sic antea. postea alij aliter emend-
darunt. nos, cum in uetere libro scriptum uideremus,
non enim te cœlauri sed nomen tuum prouidisti: con-
iēturam secuti correximus. non enim te cœlauri. sed
non ne tum prouidisti. &c.

27:

SED EGO fortasse uaticinor] Non est hic ua-
ticinor pro diuino, sed pro ariolor, & quasi deliro, ut
etiam in oratione pro Sestio, uaticinari eos atque insa-
nire dicebat.

Ex epistola III. libri III. pag. 31:

PRO nostra constantissima uoluntate erga te]
Nihil muto. Cicero enim id agit, ut ostendat, & si Ap-
pij consuetudine propter inimicitias P. Clodij non sit
usus, nunquam tamen ei se fuisse inimicum, neque suā
in illum pristinam uoluntatem unquā fuisse immuta-
tam. epistola etiam huius libri IX. ita scribit, Conscien-
tia meae constantis erga te uoluntatis. itaque de hac le-
ctione non arbitror esse dubitandum.

32.

C. PONTINVM legatum] Ciceronis Cili-
ciæ Proconsulis Quæstores fuere L. Messinius, C. Ce-
lius: Legati Q. Cicero eius frater, C. Pontinus, M.
Anneius, L. Tullius: Tribunus mil. Q. Fuffidius: præ-
fectus euocatorum Antonius: præfectus fabrum Q.
Lepta: scriba M. Tullius: accensus Pausanias: appari-
tor M. Marcilius. de Quæstoribus, legitur in his episto-
lis 29: & 214: de Legatis 245. de Tribuno mil. 209.
de præfecto euocatorum 34: de præfecto fabrum 35:
de scriba 74: & ad Atticum 70. de accenso 35. de

apparitore. 223.

Ex epistola VIII. 36:

CUM AD Urbem esses] Antea, isses. nos, esses, ex libris manuscriptis, & ex alijs ipsius Ciceronis locis: inquit enim ad eundem Appium scribens, 43: ad Urbem te otiosissimum esse arbitrabar. & ad Atticum lib. VII. 113. Trebatius quidem scripsit, se ab illo IX. Cal. Feb. rogatum esse, ut scriberet ad me, ut essem ad urbem. & alibi. dicebatur autem de ijs, qui cum potestate provinciali reuersi, aut in prouinciam profecti nondum essent. auctor Pedianus.

38:

LAEDI SE PVTAT] Quod ex meis institutis non eos fructus capiat, quos capere solitus erat ex tuis. Huc spectat id, quod sequitur, Liberalitas tua. & illud paulo post, Non debent mirari homines me esse a cerbum sibi, ut sim dulcis mihi.

Ex epistola X. 41.

SI CLAM, magis aperte inimicus esse] cum antea legeretur, sic iam magis aperte inimicus essem: Petreus Danesijs Parisiensis, uir doctrinae singularis, cuius ego iudicium tanti facio, ut tum demum aliquid probe cum ipsi probauit, animaduertit corruptum esse locum, & sententiam secutus, nihil adiuvantibus uetustis libris, ex ingenio felicissime correxit.

41:

AD ME autem adire quosdam memini, nimirum ex Epieteto, qui dicerent] Licet alij credant, quod lubet, ego tres illas dictiones, nimirum ex Epieteto, Ciceronis esse non existimo, neque haecenus in uetustis li-

bris inueni, quenquam & multos, & uetustissimos
inspexerim.

42:

QV AE à me perfecta, quæq; instituta sint, cognosce
] Alij, quæ à me profecta. placet, profecta, consensu
tientibus antiquis libris: ut hoc dicat, exponere se uelle
nō solum quæ pro Appio iam perfecit, sed etiam quæ
instituerit. exposuit autem, opinor, in commentario, quæ
literis adscriptum mittebat.

Ex epistola XII. 44.

ANTE diem III. Non. Sext.] Perinde est, ac si
dixisset, III. Non. Sext. id ex libri XVI. epistola V. ad
Tironem intelligi facile potest. ante diem III. Non.
ueteres dicebant, id est die tertio ante Nonas, nam cum
dicitur, III. Non. concisa locutio est: quæ integra es-
set, si diceres, III. die ante Nonas, qua non admo-
dum utebantur antiqui, sed eius loco, ante diem III.
Nonas.

Ex epistola V. libri IIII. pag. 50.

AN illius uicem (credo) doles?] Forte melior le-
ctio, At illius uicem c. d. ut per ironiam sine interroga-
tione dicta sint.

Ex epistolam IX. 54.

CONIVNCTVM esse periculum suo cerne-
ret] Alij hanc lectionem uidentur suspectam habuisse.
se. nos eam in uetusto libro Ioannis Scalæ, et in alijs ma-
nuscriptis inuenimus.

Ex epistola XI. 55.

BONIS] Nobis, emendassent, ut Hieronymo Fer-
rario placet, nisi uetusti omnes libri repugnarent. quæ-
quam &

IN EPI. FAM.

quam & in oratione XIII. in Antonium, ubi uulgata exemplaria, omnibus enim bonis, habent: manuscripta, omnibus enim nobis.

Ex epistola XII. 56.

CERTA res nulla] Scripsimus, ulla, ut in antiquioribus libris legitur. locutionem esse usitatam intel- liget qui uiderit ea, quæ diximus in illum epistolæ pen- nultimæ libri I. locum, Non modo præmijs.

57:

UT TE hortor, & obsecrem] Nihil muto: sic enim in VIII. uetustissimis exemplaribus scriptum esse uideo. aliorum tamen lectionem non improbo: etsi eam in libris manuscriptis ipse quidem nōdum inueni.

Ex epistola II. lib. V. pag. 60.

MVTIA] Pompeij magni uxore, Scauolæ filia, quam postea dimissam, quod adulterium cum Cæsare commisisset, M. Scaurus Syllæ priuignus in matrimo- nium duxit. Pedianus. 69: Suetonius. 14:

60:

IN ALIQUO magistratu] Vetustiores libri habent, in animo: ex quo legendum esse, minimo, exi- stimat Vbalдинus Bandinellus: quam & nos uerā hu- ius loci lectionem esse credimus. more enim suo contra- rijs contraria, reddidit, cū dixit, Ego Consul, qui Remp. conseruaram, ea sum affectus iniuria, qua minimo ma- gistratu nemo unquam improbissimus ciuis.

Ex epistola IX. 65:

CVM VARDAEIS] Antea, Vardacis, le- gebatur. nos in libris manuscriptis lectionē, quam im- pressimus, inuenimus: neque de ea dubitandum quid-

BBB

SCHOLIA

quam censuimus, cum à Plinio Vardeos inter Dalma-
tia populos, in qua Vatinius bellum gerebat, numera-
tos uideremus. 66.

ACTIONE expostulant.] Ea forma dictum
est, qua, actione repetere. Omnino antiqui libri habent,
actiones expostulant. sed mihi quidem magis proba-
tur, Actione expostulant; aut, Actiones postulant.

Ex epistola XII. 68.

IGNOTIS nota faciebant] Ignotis pro ijs, qui
non nouerant, actione posuit, ut etiam Liuius lib. III. no-
tos gratia eorum, turbam indignitas rei uirgini conci-
liat. & Curtius 64: ignoti iumenta agebant. Plautus
autem in Pseudolo, 194. Noui: notis prædicas. notis, di-
xit, idest ijs qui nouerant. itemq; Cicero in oratione pro
M. Celio, 38. & in Verrem libro VI. 251.

Ex epistola XIII. 69.

ITA QVE hoc etiam] Atque hoc etiam legendū
putat Hieronymus Ferrarius, sensu omnino meliore:
tamen nihil immutandum duxi, cum libri omnes ma-
nuscripti cum impressis consentiant.

Ex epistola XIII. 70:

QVA' M à me discesseras] Vetus libros, quibus
ego nunc multis ad harum epistolarum emendationem
utor, ita, ut impressimus, habere omnes uideo. itaque
aliorum lectionem non sequor.

Ex epistola XIX. 74.

M. CICERO RVFO S. D.] Aut mendo =
sus est huius, & sequentis epistolæ titulus, & pro Rufo,
legendum, Messinio: aut Rufus Messinio cognomen
fuit. Mescinius quidem hic sit, necesse est: cuius fra-

trem fuisse M. Mindium, scribit lib. XII. l. 214 : quem epistola sequenti, ad eundem hunc Rufum scribens, fratrem eius esse dicit .

74 :

QVARE tu] Ita in impressis: sed in manuscrip-
tis, Que tu : aut, Quæ tu : quo modo legitur in libro
Petri Bembi, Cardinalis omni laude cumulati, & in
exemplari Mediceæ bibliothecæ . docti locum diligen-
tius considerent, ego, hoc adnotare, mei officij esse duxi.

Ex epistola penultima, 74 :

M. TVLLIVS scriba meus] Hic est M. Tullius
cognometto Laurea, Ciceronis libertus, qui Academiam
uillam uersibus, quos recitat Plinius libro XXXI.
celebrauit .

75 .

MEO seruo scriba,] Tollenda uiderur dictio,
seruo, ut glossema ab imperito additum, qui putauit
scribam Ciceronis esse seruum, cum libertus esset, quod
perspicuum est, cum M. Tullius appelletur.

75 .

QV A'M scribæ meo] Vetusti libri habent, quàm
darem . unus tamen est, & is quidem omnium fere
optimus, in quo scriptum sit, quàm tibi. ego ita conij-
cio, cum olim in uetere libro scriptum esset, quàm Tul-
lio descriptores fecisse, quàm te; ut una litera, quem-
admodum etiam in titulis epistolarum, Tullij nomen
significaret : quod imperitiores postea cum ignorarent,
scripsisse, quàm tibi. ut fortasse ita sit legendum, cui po-
tius id negotij, quàm Tullio darem . uoces illæ certe,
scribæ meo, uetustis in libris non leguntur.

BBB ij

55: *scribitur in libro rationum*

LEGATVM meū, præfectum Q. Leptam]
Induxi has duas lectiones, Q. Leptam : primum quod
in antiquo libro non sunt : deinde, quod Ciceronem, si
præfecti nomen ponere uoluisset, legati fuisse omis-
sum, uerisimile non est. postremo cur nomen ponat, cū
ad Messinium Quæstorem suum scribat, qui & præfec-
tum, & alios, qui cum Cicerone in Cilicia fuissent,
optime nouerat? 75:

VT TUA, quam tu deposueras, Sestius.] Hæc
est antiquissimi libri lectio, ex qua nihil immutandum.
est autem sensus. quam ego pecuniam deposui, Pompe-
ius abstulit; quā tu, Sestius, quod uero de tua, qua Ses-
tius est usus, sollicitus es, propterea q̄ adscriptum cupe-
res, à te iussu meo esse depositam : de hoc (inquit) quod
labores, nihil est : erit enim S. C. erunt tuæ literæ, quæ
pecuniam istam Sestio traditam esse testabuntur.

76. *scribitur in libro rationum*

IN pecunia exacta ita efferre] Ex uarietate duo-
rum exemplarū hæc lectio sumpta est. cuius hic est sen-
sus. Prouinciæ rationes Cicero retulerat. id eius Quæ-
stor Rufus se absente fieri noluerat: pecuniæ enim nescio
quid à se in prouincia exactum in libro rationū scri-
bi cupiebat, existimans, nisi id cum reliquis Ciceronis ra-
tionibus referretur, eius rei potestatem se deinceps nō
habiturum. quod ei fuisset inuidiæ, quasi publicam pe-
cuniam uoluisset auertere. itaque commotus est. Ci-
cero autem non esse ait, cur irascatur : nam licet ipse
rationes iam retulerit, Rufo tamen facultatē non ad-
mi de pecunia referendi, quam exegisset. in pecunia, in

quit, a
ratione
ter, et i
ulla est
DE
uersi,
defereb
se. de
in quo
cohore
benef
defere
ficiunt
tione
tue est
68.
tulit
NO
TIV
SE,
defere
ius et
bro p
BV s
teris
quoni
cogeb
E
bri

quit, à te exacta nō æquum fuit, ex eo quòd ego meas rationes retulerum, ut ita te efferres, itaq; mecū insolēter, et iracunde ageres: neque enim, cur id facias, causa ulla est: nisi quid me fallit: sunt enim alij peritiores.

76.

DE LATOS esse] Magistratus ē provincia reuerſi, poſt relatas rationes, eorum nomina ad ærarium deferrebant, quorum opera Reip. uideretur utilis fuiſſe. deferrebant autem ex ijs, quos ſecum adduxerant. in quo erat ambitio quædam: nam oſtendere uolebāt, cohortem apud ſe fuiſſe hominum leētiffimorum, qui beneficia in Rempu. contuliſſent. ideoq; dicebatur, deferre in beneficijs; q̄ is, qui deferbat, quaſi beneficium aliquod deferre uidebatur. hinc illud in oratione pro Archia, 137: In beneficijs ad ærarium delatus eſt à L. Lucullo Prætore, & Conſule. Et pro Balbo, 68. In prætura, in Conſulatu præfectum fabrum detulit. Quod autem inferit, MOLESTE TVLI NON IL LA BENEFICIA TVAE P O T I V S A M B I T I O N I R E S E R V A T A E S S E, Q V A M M E A E: id eo dicit, quia Rufus deferre & ipſe uoluiffet. ex quo apparet, deferendi ius et Quæſtores habuiſſe. quod etiam declaratur mēbro proxime ſubſequenti. DE CENTVRIONI = BVS RE SE ST IN INTEGRO. quaſi dicat, P o t e r i s d e f e r r e, ſi uoles: nam delati à me non ſunt, quoniam hos quidem triginta diebus deferre lex non cogebat.

76.

EX PROVINCIA deceſſemus] Vetusſti libri omnes, deceſſimus, habent. nos una litera i in e

BBB iij

SCHOLIA

commutata decessemus pro decessissemus è sensu scripsimus. Ex epistola ultima, 77.

COMMODA omnia] Melius ita opinor, quàm communia omnia. itaq; olim impressimus, secuti libros aliquot manuscriptos, quorum unum sanè perantiquum Hieronymus Ferrarius habet.

77.

ETENIM cum esset] Alij, ut enim: quā lectiōnem nos non admodum probamus: particula enim, ut, quæ respondeat, uox non erit. ex libro igitur manuscripto Bernardini Maffei, etenim, emendauimus.

Ex epistola V. libri VI. pag. 82.

QVARE ad eam spem &c.] Inconsequens, & obscura locutio. ex quo uereor, ne corrupte totus hic locus legatur. ac fieri tamen potest, ut ita scripserit Cicerō, & inciderit in uitium, quod Græci σολοισμοφανε appellānt. cuius generis nonnulla cum in reliquis eius scriptis, tum in libris maxime contra Verrem deprehenduntur: quæ Pedianus adnotauit.

Ex epistola VII. 85.

MVLT A Deos uenerati] Nihil est immutandū, ut ali j crediderunt: nā etiā alibi nomen pro aduerbio positum est, ut, cum dicitur, multa peccas, & multa ego. Cicero de natura Deorum 7: pro Murena 38: Topicorum autem initio, cum (inquit) mihi, meisq; multa sæpe cauisses. Gellius lib. XIII. cap. XXIII.

85.

ELATVM] Antea, latum: nos, elatum, meliorem, ut opinor, sensum secuti, quàm qui latum, scribunt. nostram autem lectiōnem accepimus ex libro maz-

manuscripto Bernardini Maffei.

Ex epistola X. 87.

RECUPERES] Antea, receperis : nos, recupe-
res, aliquot iam annis emendauimus, & impressimus.
liber uetustus scriptum habet, reciperes, & in alijs etiã
exemplaribus, i, literam pro, u, sepius reperiis.

Ex epistola XIX. 91.

SIMVL accepi] Vetusorum librorũ hæc est
lectio : cuius etiam Florentini meminerunt. & est si-
mul, pro simul ac. cuius uocis ex ijs, qui soluta in ora-
tione scripserunt, exempla non asseram : (nam si quis
erit, qui locum ubique deprauatum esse contendat, &
pro simul, uel simul ac, uel simul atque, legendum di-
cat : quibus argumentis contra pugnabimus ?) sed è
poetis ; in quibus eam uocem in aliam mutari carmi-
nis ratio non patitur. dixit igitur Virgilius libro Geor-
gicorum IIII. Taygete simul os terris ostendit hone-
stum Pleias : & Lucretius libro I. cui simul infula uirgi-
neos circumdata compris, Ex utraque pari malarum
parte profusa est : & Horatius epistola X. libri I. ui-
no, & regno, simul ista reliqui. quibus in locis, simul,
dictum esse pro, simul ac, licet animaduertere.

Ex epistola XX. 92.

MVNERVM regionum] Aliquot iam annis
ita impressimus, cum ex antiquissimis exemplaribus
hæc lectio sumpta esset. in quibusdam tamen libris,
regionum : cuius uocis quæ possit esse sententia, non
intelligo. de muneribus autem regionum, idest de
ludis regionatim urbe tota edendis, Suetonius in Cæ-
sare, II.

IN QVO sit spes] Non uideo, cur quidquam mutari debeat: cum & ita legatur in libris uetustissimis, & sensus meo iudicio sit apprime commodus. nam cum dixisset, quod eo labore assequi uis, nullo modo assequere; intulit, aliquid uidebimus in quo sit spes, quod nos assecuturos sperare possimus. deinde illud: Aliter quidem, &c.

Ex epistola I. libri VII. pag. 94.

P. METIVS] Hic est P. Metius cognomento Tarpa, qui ea, quæ in scena recitanda erant, prius iudicabat. eius meminit Horatius in epistola de arte poetica, & Satyra X. libri I.

HOMINI politico] Vetustos libros, in quibus ita legatur, habet Vbalдинus Bandinellus, Ioannes Scala, Hieronymus Ferrarius, Bernardinus Maffeus, Paulus Botus, alij, quos non necesse est commemorare. itaque nihil muto.

FRVCTVM ullum laboris expecto] Veteres omnes libri pro, expecto, habent ex his peto. alij legunt, ex his expecto. mihi nostra lectio magis probatur, ut quæ à ueteri scriptura minus recedat: nam & expecto, & exscribo, & exsupero, & alia huiusmodi cum, s. litera ueteres scribebant, ut ex antiquis monumentis licet cognoscere: uide Quintilianum lib. I.

Ex epistola II. 96.

DE BURSA] Hic est T. Plancus Bursa, frater L. Planci, ad quem sunt epistolæ lib. X. accusatus est ambitus, et condemnatus à Cicerone, cui Antea Tri-

I N E P I . F A M .

bunus pl. in causa Milonis aduersarius fuerat, & in concionibus magnam inuidiam concitarat. postea rerum potitus Cæsar eum, & omnes lege Pompeia damnatos restituit. Dion, Pedianus, & alij, in his autem epistolis 131. 195.

Ex epistola III. 97.

OPTAREM, multa causæ] Sic antea. nos ex libris manuscriptis uocem, causæ, sustulimas, ut purior & elegantior sit lectio.

97.

ME VOLVISSE etiā reliquis omnibus; postquam non potuerim, mihi ipsi finem fecisse belli] Hic locus antea in omnibus impressis perperam distinctus sensum peruertebat.

Ex epistola V. 98.

M. FVRIVM] Varie legitur in libris manuscriptis. alij, M. Orfium, imprefferunt, arbitrati eum esse, de quo in epistola XI. libri II. ad Q. fratrem. quod mihi secus uidetur. ex hac enim epistola, de qua Trebatium commendat, eum ante Trebatium iuisse ad Cæsarem manifestum est. cum autem ad Q. Fratrem scribit. dicit se eas literas M. Orfio dedisse. cum iam Trebatius in exercitu Cæsaris esset: quod in iisdem literis postea significat, cum inquit, Trebatium ut ualde ames, uehementer te rogo.

98.

LEPTAE legatum] Crederem legendum esse, leg. III. legatum, id est, legionis tertiæ legatum. forte enim librarius scripserat, leg. I. pro legionis tertiæ: quod deinde is, qui legebat, cum intelligeret, ex dua-

bus dictionibus unam fecit, & scripsit, Leptæ.

98.

QVOD familiam ducit] Quod caput est, quod in eo summum est: ut referatur non ad Trebatium, sed ad id quod dicit, in iure civili singularis memoria, summa scientia. cum enim Trebatium à multis rebus laudasset; memoriam, & scientiam in iure civili ceterarum laudum, quibus Trebatius abundaret, quasi familiam dixit ducere: translatione sumpta à rectoribus familiarum, quod domestici omnes ueluti duces sequuntur.

98.

PUTIDIUSCVLI] Paulo, quàm satis est, diligentiores. excusat enim se, quòd in Trebatio commendando plura uerba consumpserit, quàm Cæsaris humanitas patlatur. putidum autem appellat Cicero, in quo nimia diligentia reprehendi possit, ut de oratore lib. 111. 146. nolo exprimi putidius, nolo obscurari diligentius. & de off. lib. 1. 27. literæ neque expressæ, neque oppressæ, ne aut obscurum esset, aut nimis putidum. legitur autem in nonnullis manuscriptis libris, blandiusculi; sed in antiquioribus, quos secuti sumus, putidiusculi.

99.

DIDICISSE] Hoc dicit, quia Trebatius Cornelij auditor fuerat in iure civili. Digestorum lib. 1. Titulo 11.

Ex epistola IX. 99.

PROPTER eius occupationes nihil sum ausus scribere] In duobus uetustissimis libris non est uox illa occupationes; sed eius loco spatij aliquantum est relictum. ex quo credimus à recentioribus, quorum

I N E P I . F A M .

imperitia deprauati leguntur ueterum scriptorum libri uocem, occupationes, esse repositam. nos, quid ea dictio, quā in exscribendo librarius omisit, significare poterit, assequi coniectura non possumus. grācam quidē deesse crediderim. id enim uerisimilius est, quā latinā: ut etiam alibi cognoscitur in ipsius Ciceronis scriptis, ubi grācum desideratur exscriptorum inscitia, qui cum id legere non possent, omittebant, relicto spatio, ut ab alijs aliquando reponeretur. in Vbaldini libro apparet spatium fuisse. quo in loco reposita est uox, occupationes. non eiusdem librarij manu.

Ex epistola X. 100.

AUT CONSOLANDO, aut consilio, aut re inuero] Senarius integer ē Terentij Heautontimorumeno translatus in hunc locum. sic enim in ea fabula, actū I. scena I. cum Menedemo loquens Chremes inducitur: istuc, quidquid est, fac me, ut sciam: Ne res tice; ne uerere; crede inquam mihi: Aut consolando, aut consilio, aut re inuero. Terentius porro, ut opinor, a Plauto paucis immutatis accepit. apud quē in Pseudolo, actū primo, ita loquitur Pseudolus seruus: Fac me certum, quid tibi sit: inuabo aut re, aut opera, aut consilio bono.

Ex epistola XI. 100.

OMNIBVS, unde petitur] Debitoribus. ita etiam de oratore libro I. 98: homo ex disertorum numero postulabat, ut illi, unde peteretur, uetus atque usitata exceptio daretur, cuius pecunia dies fuisset. apud iurisconsultos frequens est locutio.

Ex epistola XII. 101.

FIDVCIAE, INTER bonos bene agiter?

SCHOLIA

quis] Ita legitur in libro manuscripto . & sanè crederim , non aliter hunc locum esse scribendum . et si priorem lectionem conseruarem . uoces enim illæ, VT, & OPORTET , quæ sunt in impressis , additæ sunt ab imperito , qui locutionem parum integram crederet ; cum alibi à Cicerone iurisconsultorum formulas sine uerbo citari non animaduertisset , ut de off. lib. III. In fiducia, (inquit) inter bonos bene agier . uetusti enim libri non habent , VT . & ibidē paulopost. cum dicitur , inter bonos bene agier , quidquam agi doloſe , aut malitioſe poteſt ? in topicis etiam 226 : ubi eadem hæc uſurpantur uerba, manuſcripti libri ab impreſſa lectione diſſentiente , noſtram ſententiam confirmant , quam etiam Romæ doctiſſimis hominibus probaui .

Ex epiſtola XIII. 102.

TREVIROS uites cenſeo : audio capitales eſſe :] Ut unicuique , quod ſuum eſt, tribuamus , Petri Bēbi, hominis & dignitate, & omnium uirtutū cognitione clariſſimi, epiſtolā, qua huius loci ſententiam diligentiſſime , et ornaſſime expoſuit, adſcribemus . non enim eos imitari placet, qui ex aliena induſtria ſibi laudē aucupantes , quæ ab alijs dedicerūt, edunt pro ſuis , Petrus Bembo Bernardino Sandro S . Quod hodie mane quærenti tibi à me de illis Ciceronis ad Trebatium uerbis : Treuiros uites, cenſeo : audio capitales eſſe: mallem, auro, argento ære eſſent : reſpondi, iocum eſſe & multiplicem, & feſtiuum: qui quidē iocus in antiquis, & numis, & ſcriptoribus deprehēderetur: itaque, quoniā eramus in uia, ut neque libros, neq; numos haberemus, reieci te in aliū diem : id, ne te diutius

torque
cero ad
Treuiro
nam cum
Gallia p
in Treui
Roma m
Treuiro
uirum r
eſſent e
de: qu
ro, Ar
in hoc
belliſſim
quā be
itaque i
quā
liros di
ſunt ha
eo ante
nienſib
Treuiro
Pulcher
pecunia
ereus po
VIR
minum,
les. Hæc
ac librū
dus, Iur

I N E P I . F A M .

torqueat, est eiusmodi: ut ioci causa; quod quidem Cicero ad illum scribens more suo ferè semper facit; & Treuiri, & capitales in ambigui genere sint posita. nam cum uideatur monere illum, ut uitet Treuiros Galliae populos, qui capitales, bellicosiq; sint: ludit cum in Treuitorum, tum in capitalium uerbo. erat enim Romæ magistratus, Triumuiroi capitales: qui etiam Treuiri dicebantur. sed quoniam hoc ipsum Triumuiroi nomen iterum in ambiguo poni poterat, cum essent etiam apud Romanos Triumuiroi pecuniæ cudendæ: quos ita inscribebant, A. A. A. FF. hoc est, Auro, Argento, Aere Flando Feriundo; iocatur iterum in hoc uerbo, luditq; Cicero, ut mihi quidem uidetur, bellissime, addens, mallet Treuiros istos esse pecuniosos, quàm bellicosos; ut Cæsare eos uincente tu ditesceres. itaque infert, mallet esse Treuiros auro, argento, aere; quàm scilicet capitales. Triumuiros autem Treuiros solitos dici, Linius satis locuples esse testis potest: cuius sunt hæc in lib. quartæ decadis X. Colonia Grauiſcæ eo anno deducta est in agrum Etruscum de Tarquinienſibus quondam captum. quia iugera agri data. Treuiri deduxerunt C. Calphurnius Piso, P. Claudius Pulcher, C. Terentius Hister. Quod uero Triumuiroi pecuniæ sit, ut dixi, inscriberetur; est apud me numus æreus perantiquus ita inscriptus, C. PLOTIVS III VIR A. A. A. FF. sunt & alij numi aliorum nominum, eiusdem tamen tituli; quos inspicias, cum uoles. Hæc ad te scripsi, cum domum rediſſem, & numos, ac librū sumpſiſſem amore tui admonitus. Vale. Prid. dus. Iun. M. D. XXXIII.

SCHOLIA

Ex epistola XVI. 102.

NON NIMIS φιλοθέωρον] Aliter antea in omnibus impressis. nos, ut in nostro libro legitur, emendauimus, & impressimus septimum abhinc annum. iocans enim, ut solet, dicit se Trebatium non reprehendere, quod non nimis spectandi cupidus fuerit, id est, quod in Britanniam profectus non sit, ut essedarios spectaret. tacite autem ut ignauum, & pusilli animi subaccusat, qui Caesarem in Britanniam sequi ad bellum noluerit.

102:

RESPONDERE] Negant, inquit, esse qui percuterentur: cum homines te iureconsultum imperitum existiment. iocatur enim in uerbo respondere: quasi dicat: negant te habere, cui respondeas, cum s. nemo te consulat.

Ex epistola XVII. 102.

GRAECVLAM tibi misi cautionem chirographi mei] Puto sensum esse. commendavi te Caesari literis Graece scriptis.

104:

QVAM haec scribere.] Suspicio mendum subesse. mihi enim perobscurus est sensus. & ut libere dicam quod sentio, legendum crederem, quam exscribere, nulla propemodum mutatione facta. deprauationis enim origo, ut opinor, ea fuit. describendis libris saepe duos praeficimus, qui legat, & qui de legente excipiat, ut scilicet celerius, & certius id muneris conficiatur. cum autem is, qui legeret, protulisset exscribere, credidit scriptor, exscribere, dictum esse: itaque fecit in libro. alius deinde errorem, quem per imprudentiam commissum debuit tollere, temeritate auxit, una dictio in duas diuisa, priori duabus literis, quas falso desi-

derari cr
su fortis
ilegatu
re, cui c
quidam
profecto
gnificas,
peditare
bere, per
scribere
in illa c
enim in
ror in l
rat: ubi
re ex lra

M.
nuscip
dam M
procul e
familia
tionem
rium u
uestigia
opinor
corriger
re, ut ste
gument
bunus p
lemone

derari credidit, adscriptis, h, & a, ut legeretur, haec, sensu fortasse commodo, sed, ut dixi, mihi per obscuro. quod si legatur, ex scribere, hoc dicet. uideo te parum diti scire, cui charta desit, in qua tuas formulas, aut aliud quidpiam exscribas. ea enim si suppedicaret, nunquam profecto ad nos in palimpsesto. infert enim, an hoc significas, nihil fieri, frigere te, ne charta quidem tibi suppedicare? dixit autem, quod delere malueris, quam exscribere, per iocum significas, non habuisse Trebatium in quo exscriberet id, quod delebat: itaque se mirari, quid fuerit in illa chartula, quasi moleste ferat id periisse: chartae enim inopiam ostendi, cum scribat in palimpsesto. idem error in III. epistolam VIII. libri ad Atticum irrepserat: ubi enim antea legebatur, fasces laureatos haec ferre ex Italia, nemo non uidet legendum esse, efferre.

M. AEMILII Philemonis] Cum in libris manuscriptorum uarie legeretur: (quidam enim Meulij, quidam Metelli habent) ausus sum emendare M. Aemilij: procul enim dubio libertus fuit adoptatus in Romanam familiam, ut alij multi. cum autem Metriliorum mentionem nondum inuenerim; & uetustorum exemplarium uarietate, in quibus uerae lectionis quasi quaedam uestigia cernuntur; & Pediani uerbis, qui eiusdem (ut opinor) liberti meminit, adductus sum, ut, M. Aemilij, corrigerem. libet autem ipsius Pediani locum recitare, ut studiosis quaerendi labor absit. is igitur ita in argumento orationis pro Milone. Munatius Plancus Tribunus pl. produxerat in concionem M. Aemilium Philemonem, notum hominem, libertum M. Lepidi. ita tac

men hoc sentimus, ut afferentibus alijs meliora, perli-
benter de nostra sententia discessuri simus.

Ex epistola XX. 104.

DOCTOREM tamen, lumenq; desiderant]
Omnino in omnibus libris manuscriptis, pro lumenq;
legitur, unumq; . ego tamen libentius legerim, usumq;
idest exercitationemq; , ut dicat idem, quod supra, nul-
lam artem literis sine interprete, & sine aliqua exer-
citatione percipi posse.

Ex epistola XXI. 104.

RVFIO mediisfidius tuus] Tuus, inquit, quod
eiusdem esset gentis: Rufio enim Trebatorum cognom-
en fuit. id ex lapide, qui Romæ est in porta Latina:
sic enim in eo scriptum legitur. C. VIBIVS C.
F. MACER, C. TREBATIVS RVFIO
FACIVND. CVRAVERVNT.

105.

HABET lucum] Sunt, qui, lucum, ideo male
legi credant, quod neque luci capax esset priuata do-
mus, & luci, qui sacri essent, non sine scelere incidi pos-
sent. nos existimamus, lucum non intra parietes, sed
ante ædes Trebatij fuisse: neque Ciceronem impie con-
suluisse, qui eum à Trebatio cædi uellet: quo modo e-
nim recte, & sine piaculo id fieri possit, dicet M. Ca-
to in primo de re rustica.

Ex epistola XXIII. 105.

MANEAT Damaspippus in sententia] Ut emat,
quemadmodum dixit, quæ mihi non placuerit. est au-
tem is, de quo Horatius Satyra III. libri II. Insanit
ueteres statuas Damaspippus emendo.

Ex epistola

I N E P I. F A M.

Ex epistola XXV. 106.

C A P I V S (opinor) olim, Non omnibus dormio] Alias ita emendauimus, cum libri omnes non modo impressi, sed etiam manuscripti hoc in loco mendosi legerentur. quidam enim Citius, quidam Cepio, alij aliter habebant. nos ex Festo Pompeio locum restituimus, qui adagium, Nō omnibus dormio, natum esse à Catio quodam scribit, qui Pararencho diceretur, quòd simula ret dormientem, ut impuni uxor eius mœcharetur.

Ex epistola XXVI. 107.

V E R E O R, ne in Catonem, Cato in nos] Hanc lectionem cum alij uetusti libri habent, tum is, qui est apud Bernardinum Maffium. sensus est. uereor, ne nos scribamus in Catonem, & eum nostris scriptis laudemus: Cato autem laudatus exitio nobis sit, Cæsare nos, quòd ipsius inimicum laudemus, male mulctante: quasi dicat, uereor, ne Catonem extollamus, ipsi autem deprimamur. & dixit, in Catonem, (subaudi scribere) idest in Catonis laudem, ut de oratore libro I. 141. & de natura Deorum libro I. 17. Alij malunt legere, Vereor ne in Catonium catoninos, hoc sensu. uereor, ne Cæsar Catonis studiosos in Catonium, idest sedem infectorum trahat.

Ex epistola XXVII. 108.

G A L L O S. D.] Alij credunt hunc esse M. Fabium Gallū, qui de cōiuratione Catilinæ, quæ ab Allobrogibus acceperat, ad Ciceronem detulit. sed est amicissimus meus, uir sanè his literis, quæ humaniores appellantur, instructus, sed maximarū doctrinarū cognitiōe præstantior, qui hūc potius existimet esse P. Sestium, pro quo

CCC

SCHOLIA

extat oratio, cui cognomen fuerit Gallo: fuisse enim hoc Sestiae gentis cognomen, intelligitur ex oratione pro Milone, ubi ita scribit: Sacrarium, quod est in fundo T. Sestij Galli. Tribunatum autem plebis, et petisse Sestium Ciceronis restituendi causa, et pro eius salute gessisse, ex ipsius Ciceronis scriptis notissimum est. quod item de M. Fabio dici non potest: neque enim is, quo tempore Cicero exulauit, Tribunus fuit: ne alijs quidem temporibus, quod sciri possit. nam quod infra dixit, si falsa fuerunt, quae tu ad me detulisti: significat ea, quae Sestius C. Antonij Consulis Quaestor ad Ciceronem Consulem de ipso Antonio Consule suo detulit: sic enim in oratione pro eodem Sestio habita. Quaestor C. Antonij collega mei fuit sorte, sed societate consiliorum meus. impediorem nonnullius officij, ut ego interpretor, religioe, quo minus exponam, quanta ad me detulerit. Haec rationes faciunt, ut amicissimi hominis sententiae libenter acquiescam.

Ex epistola XXXI. 109:

SALVIS rebus] Potius, Rep. nondum afflicta, quam, ut quidam uolunt, sine bonorum imminutione. sic enim dixit etiam ad Sulpitium epistola I. libri. iij. Vtinam Serui saluis rebus colloqui potuissemus inter nos. et Phil. uol. I. 15. Deli fuisse permultos saluis rebus illis.

Ex epistola ultima, 110.

PENNIGERO, non armigero in corpore] non dubium est intelligi de auibus, Quas Philoetetes configebat tardus celeres, stans uolantes. alij tamen, pennigero maluerunt, contra Quintillianiani sententiam, qui pinnae de auibus dici non uult:

III.

ILLIS interioribus literis meis, quibus saepe uere-

cundior
sum hui
legatur
Ferrari
rioribus
quendo
ita enim
quam e
est usus,

LE
Cruscel
lo. pua
ne indi

NO
legeret
equite
quit, q
qua e

RA
tandis
lio usue

LA
fuerunt
iani, q
in epist
uicisti

cundio rem me in loquendo facis] Iandiu suspicatus sum hunc locum esse deprauatum : neque enim , si ita legatur , sensus elici bonus possit . Hieronymus autem Ferrarius Corrigiensis arbitratur esse legendū , illis interioribus literis , eis , quibus saepe uerecundio rem me in loquendo facis . cuius sententiæ nos facile acquiescimus : ita enim & aptius colligetur sensus , & erit locutio sane quam elegans , qua in suis scriptis ita frequenter Cicero est usus , ut eius exempla huc asserre putidum propè sit .

Ex epistola . iij . 113 .

LENTULI Cruris] Hic est , opinor , L. Lentulus Cruscellus , qui anno sequenti Cos. fuit cum M. Marcello . puto autem illum & Cruris , & Cruscelli cognomine indifferenter appellari solitum .

113 .

NOSTRI equites] Cum in libro manuscripto legeretur , equ. facile in eam opinionem descendi , ut , equites , legendum esse existimarem . nostri autem , inquit , quod erat ipse ex ordine equestri , ut ex oratione , qua eum Cicero defendit , cognoscitur .

114 .

RATIONE , & insidijs usus uideretur in euitandis eorum consilijs] forte melius , ratione , & consilio usus uideretur in euitandis eorum insidijs .

114 .

LÆLIOS] Forte Lollios , qui Cæsaris amici fuerunt , quemadmodum Antonij : nam Lælij Pompeiani , qua in opinione magis sum confirmatus , postquā in epistola iij . libri V. ubi , Lælium , impressum erat , uetustissimos libros , Lollium , habere uidi .

CCC ij

M E A porro comitia quem euentū sint habitura]
Sic antea in omnibus impressis . nos uocem, comitia, sus-
tulimus: quæ subintelligitur, ut etiam cum dixit, Præ-
torijs moræ quædam inciderunt.

Ex epistola V. 115.

Q V O D A M silice iam omnia] Liber uetustus
Ioannis Scalæ sic habet, quodam omnia in Sicilia: Ber-
nardini Maffei, Quodam uictilicra omnia: Qui est
in Medicea bibliotheca, & qui aqud Vbaldinū Bandi-
nellum, Quodam incilicia omnia. uulgata lectio
non est in libris manuscriptis. uidendum an ita legi
possit, Quodam incili iam omnia.

Ex epistola VI. 115.

C O N F E C T A, omnia fœda, & inhonesta sunt]
Hoc in loco uetusti libri inter se discrepant . nos eum,
quem habet Ioannes Scala, ut minus deprauatum secu-
ti sumus: sic enim in eo legitur: confecta omnia fœda,
& inhonesta sunt . ex quo adducti sumus, ut, una lite-
ra immutata, legeremus: confecta, omnia fœda, & in-
honestasunt, Post in Petri Bembi libro, confecta omnia
distincte scriptum animaduerti.

115:

T A B E R N A R I I S] Aquarū ius penes Aedis-
les, & Censores erat . itaque cum tabernarij publicas
aguas in suum usum deducerent, Celijs, qui tunc tem-
poris Aedilitatem gerebat, ea de re cum tabernarijs &
aquarijs pugnauit: concionem etiam de aquis scripsit,
cuius meminit Frontinus libro II. de aquæ duetibus.

116.

V I A R I A M] Dicit nescia quid Appianus de

I N E P I. H F A M:

uijs à Curioni instauratis : tamen , Vinariam , magis probarem,quàm Viariam : & post, Quis iubet Aediles metiri . ut hoc dicat,iubet Aediles legibus, quas ipse fert,uinum,& alimenta populo metiri , Annonianam legem & P. Clodius tulerat : de qua in oratione pro Sestio,& Asc.in Pis.

Ex epistola VII. 16.

P A V L A Valeria] Alij,an hæc Bruto nupsit, dubitare videntur,propterea quòd libro XI. Pollam Bruti uxorem fuisse perspiciant. ego nupsisse existimo, et eamipsam esse,quæ libro XI.appellatur Polla:ut quæa admodum ab aula olla,sic à Paula Polla dicta sit.

116.

N O N D V M retulerat] Si ita legitur, subintel ligi poterit , dotem . sed mihi non displicet amicissimi mei coniectura,qui ita legèdum putat,mundum retulerat . mundus autem muliebris qui sit,exponit Lilius lib . XXX.III. munditie (inquit)ornatus, & cultus,fœminarum insignia sunt . hunc mundum muliebrem appellarunt maiores nostri.

Ex epistola VIII. 166.

M. T V C C I V M accusatorem suū &c.] Hu ius loci sensum,etsi obscurissimus est , tamen declarare conabimur. Reorum causæ ordine agebantur : nam quæ tempore prior fuerat , eius prior item locus erat . excipiebantur tamen eæ causæ, quæ cum causis iam iudicatis coniunctione aliquam habebant , ut earū quasi appendices quædam uiderentur: eiusmodi enim causis, etiam si post multas alias delatæ essent ; tamen primus locus erat constitutus . itaque in oratione pro Cluentio ,

CCC iij

SCHOLIA

Fabritium (inquit) reum statim fecit: utq; ei locus pri-
mus constitueretur, propter causæ coniunctionem im-
petrauit. propter causæ coniunctionem, inquit, quod
Fabritij causa eadem erat, quæ Scamandri, qui antea
condemnatus erat. & infra in eadem oratione: apud
eosdem iudices reus est factus Oppianicus, cum is duo-
bus præiudicijs iam damnatus esset. ab ijsdem autem
iudicibus locus ei primus est constitutus. Hoc ideo fa-
ctum est, quod Oppianici causa coniunctionem habe-
bat cum Fabritij, et Scamandri causa, quos iudices iam
damnauerant. Excipiebantur etiam causæ de ui, quæ
primo loco agebantur, reiectis alijs causis, quæ tempore
prioribus fuerant. sic Milonis causa, quod erat de ui, ex-
tra ordinem est acta. sic M. Celius, cum Atratini patrē
de ambitu reū fecisset, de ui postea accusatus, causam
ipse prior dicere coactus est. sic etiam C. Sempronius
cū à M. Tuccio esset accusatus, & causam suam eo an-
no nollet agi (forte quod ex ijs, qui tunc iudices erāt,
complures sibi infensos intelligeret (accusauit accusa-
torem suum lege Plotia de ui, eo consilio, ut, interposita
extraordinaria causa, tempus tereretur: & suæ causæ
iudiciū cum eius agendæ spatiū non esset, in annum se-
quēte necessario reijceretur. Extraordinarius autē reus
is dicebatur, cuius causa non ordine, ut aliæ causæ, sed
primo loco semper ageretur: & inde extraordinaria
causa, quæ statim ante omnes causas ageretur, ut cum
erat de ui, uel coniunctionem habebat cum aliqua cau-
sa antea iudicata.

117.

L A T E R E N S I S leges ignorans, pronuncia-
uit quod singuli ordines iudicassent] Cum ex tribus

ordini-
sent, in
a quo
nes, not
cum in
in lege
cum m
esse reo
ordinar
mus, p
pauci
quo La
quod r
ostende
dem tr
aratus
dines
solu
Eunt i
Tribu
reum
XIII
uunt l
iudic
tribus
ster. cu
carit, id
mo est,
XIII
terensis

I N E P I . F A M :

ordinibus, qui res indicabant, duo Servilium absoluis-
sent, unus condemnasset, uniuersorum autem iudiciū
æquo numero sententiæ fuissent, Laterensis, qui ordi-
nes, non sententias respiceret, absolutum credidit, seq̃;
eum in tabulas dixit absolutum reliturum. postea cum
in lege reperisset, non ex ordinum numero, sed è iudi-
cum maiori parte uel absoluendos, uel condemnandos
esse reos: non retulit, ut dixerat, in tabulas absolutum,
ordinum iudicia perscripsit. fusius autem explicabi-
mus, propterea quòd obscurior est sensus, ita ut cum
pauci uiderint, nemo certe ostenderit: non enim, in
quo Laterensis Prætor deceptus sit, animaduertunt.
quod nos pluribus uerbis, ut etiam tardiores intelligāt,
ostendemus. iudicia penes tres ordines erant: qui qui-
dem tres ordines ex senatoribus, equitibus, Tribunis
ararijs constabant. fieri autem poterat, ut quem duo or-
dines absoluisent, unus condemnasset, is tamen nō ab-
solutus, sed condemnatus iudicaretur, hoc modo.

Eunt in consilium senatores XXVI. equites XXV.
Tribuni ararij XXIII. ex senatoribus absoluunt
reum XIII. condemnant XII. equitibus absoluunt
XIII. condemnant XII. ex Tribunis ararijs absol-
uunt IIII. condemnant XX. si ex ordinum numero
iudicaretur reus, absolutum appareret. quippe cum ex
tribus ordinibus absoluerint duo, senatorius, & eque-
ster. cum autem lex, quod iudicium maior pars iudi-
carit, id ius ratum esse uelit: condemnatum reum, ne-
mo est, quin uideat, cum sententias graues habuerit
XLI. absolutorias XXXI. Prætor autem La-
terensis cum ex more pronunciare deberet, quot sen-

CCC. iij

tentijs absolutus, quot esset condemnatus : leges ignorans, de numero iudicum nihil, de ordinibus, quid singuli iudicassent, pronunciauit, ac se in tabulas absolutum dixit relaturum. postea cum lege perspecta, erratum intelligeret; dubius animi, quid ageret; quod neque contra legem, neque contra id, quod pronunciarat, uellet facere : neque absolutum, neque damnatum retulit : tantum ordinum iudicia perscripsit. ex quo paulo post infert Celijs : sic nunc neque absolutus, neque damnatus Seruilius, de repetundis saucius Pilio traditur.

117.

EMISSARIO est factus.] In exemplari antiquo Mediceæ bibliothecæ, & in libro manuscripto Petri Bembi Cardinalis, & Vbalдини Bandinelli legitur, emissarius factus. forte corrigendum, emissario S. Tetio factus. ut existimat amicissimus meus. Tetios autem & liberos, et amicos Claudiorum fuisse, è quagente erat Appius ostendit Asconius, ubi in oratione pro Milone locum illum exponit : Hæc insidiata Pompeio est. quanquam ibi tantum de Damione Clodij liberto loquitur. sed Damionem Tetiæ gentis fuisse, ostenditur ad Atticum 56. itaque hic Celijs de Appio loquens, accusatus, inquit, est à quodam suorum Sexto Tetio : nam cum Sextus, antiqui significare uolebant, uel Sex. scribebant, uel S.

117.

L. IULIUS L. F. POM. Annalis] Ex XXXV. tribus, aliquam (ut inquit Pedianus) necesse erat, quibuscumque esset ordinis, ciuis Romanus obtineret. is autem ostendebatur à Prænomine suo, à nomine, (nomine autem familia significatur) à patris

I N E P I . F A M .

prænomine, à tribu, à cognomine, ut Philippica I X.
 Ser. Sulpitius Q. F. Lemonia Rufus. Lemonia
 enim tribus est ablativi casus, ut sit, ex Lemonia, ut in-
 quit Asconius, in lapidibus autem antiquis fere semper,
 in libris aliquando prioribus tantummodo literis signi-
 ficari tribus animaduertas, ut in hoc S. C. ubi enim le-
 gitur, Pom. sciendū est, Pontinam intelligi (nā et Pon-
 tina, & Pomptina in lapidibus antiquis; & uetustis li-
 bris scriptum est (ubi Pop. Popiliam : ubi Pup. Pupa-
 niam : ubi An. Aniensem : quod cum antea non esset
 exploratum, alij pro An. Capito, duabus uocibus con-
 iunctis legebant Ancapito : Bernardinus autem Ruti-
 lius, qui nuper Venetijs obiit, in suis adnotationibus cre-
 didit, antiquas notas fuisse, quæ significarent, Arreij ne-
 pos. in quo quā deceptus sit, non attinet dicere. si
 enim ab auo ostendendus aliquis erat, non ab eius no-
 mine, sed à prænomine ostendebatur. sed incidit in
 errorem, quia tribum Aniensem nō agnouit, quæ duas
 bus modo literis, ut iam dixi, scripta fuerat. quæ me-
 ratio mouit, ut ubi, Puphirrus, una tantum uoce an-
 tea legebatur, duabus in nostro libro scriberem, Pup.
 Hirrus, idest, Pupinia Hirrus : tribus enim ante co-
 gnomen ponebatur, ut etiam alibi licet uidere. quo-
 niam autem hanc tribuum cognitionem non ita faci-
 lem esse perspicimus (nam & Volterrani, & Alexan-
 der, qui dies Geniales scripsit, & alij, quos non ne-
 cesse est commemorare, parū uidentur in suis libris ea-
 rum numerum, et nomina tenuisse) studiosis non fo-
 re prorsus inutile, aut iniucundum arbitramur, si
 quæ in hanc rationem dispersa in ueterum monumen-

SCHOLIA

tis leguntur, coacta huc afferamus. Fuerunt igitur Romanae tribus XXXV. quarum nomina infra scripsimus, et scriptores aliquot, qui de ijs meminerunt, apposuimus, ut inde facilius earum, ac certior unicuique cognitio sit.

- Aemilia, de qua Cicero ad Atticum 30 : Liuius lib. XXXVIII. Antiq. LXXV.
 Aniensis, Cicero pro Plancio, Liuius lib. X. familiarium epistolarum 117 : Antiq. CLXXV. & CXC.
 Cornelia, Liuius lib. XXXVIII. Antiq. CLI.
 Claudia, Liuius lib. II. Virgilius libro VII. Dionysius Halic. V. Antiq. LXXV. & CXIII.
 Collina, Varro libro IIII. de lingua lat. Plinius lib. XVII. cap. III. Sex. Pompeius, Antiq. XXVII.
 Crustumina, siue Clustumina, nam in antiquis & lapidibus, & libris sepiissime per l scripta legitur. Cicero pro Plancio, & pro Balbo, Antiq. CXXXIII.
 Esquilina, Varro libro IIII. de lingua lat. Plinius lib. XVIII. Cap. III. Sex. Pompeius in literas V.
 Falerina, Liuius lib. IX. Antiq. CXX.
 Fabia, Horatius epistola VI. libri I. Suetonius 38. Antiq. LXI. & CCCXLI.
 Galeria, Liuius lib. XXVII. Plinius libro VII. cap. XLIX. Antiq. LXXXIX. & CXLII.
 Lemonia, Cicero pro Plancio, & Philippica IX. Sex. Pompeius, Antiq. LXXI. & CLI.
 Metia, Cicero ad Atticum 63. Liuius lib. XXIX. Valerius Max. 49. Sex. Pompeius.
 Narniensis, Cicero in Rullum, Liuius lib. VI. ubi corrupte legitur Arniensis, & lib. XXIX.

Oert
 Onfer
 An
 Palat
 Var
 cap
 V. A
 Papi
 Polli
 CX
 Popili
 Pon
 Ciri
 iur
 Publici
 int
 Pupin
 i
 Quirin
 sele
 Sex
 Romul
 Rull
 lat
 uidi
 Sergia
 Suburr
 lib
 va S

I N E P I . F A M .

Otriculana, Cicero in Rullum. Pl. appellat. Otriculum.

Oufentina, Liuius lib. I X. Sex. Pompeius in littera V.

Antiq. X I X. bis, & L X I I.

Palatina, Cicero in Verrem I I I I. 124: Asconius 18:

Varro lib. I I I I. de lingua lat. Plinius lib. X V I I I.

cap. I I I. Liuius libro X X. Sex. Pompeius in littera

V. Antiq. X X I X. bis, & L X I I.

Papiria, Sex. Pompeius, Antiq. L X I I. & C X X X V.

Polia, Liuius lib. X X I X. Valerius Max. 200. Antiq.

C X. C X I I I. C X L V I I.

Popilia, Valerius Max. 200. familiarium epist. 117. Sex.

Pompeius, Antiq. C C I I I C.

Pontina, siue Pomptina, utroque enim modo scribitur:

Cicero ad Atticum 63. Liuius lib. V I I. Sex. Pompe

ius, Antiq. C L X X V I.

Publicia, Liuius lib. V I I. Antiq. L X V I. L X X X I.

interdum etiam scribitur Poblizia.

Pupinia, Cic. ad Q. fratrem 308: familiarium epist.

117: Liuius dec. I I I. lib. V I. Sex. Pompeius.

Quirina Asc. 62. Cicero pro Quintio. ubi antea mendo-

se legebatur Quirinas: familiarium epist. 117:

Sex. Pompeius, Antiq. X V. X L I I I I.

Romulia, Sex. Pompeius, Cicero in Verrem I I. item in

Rullum, Asconius 18: Varro lib. I I I I. de lingua

lat. Antiq. C L X V. & in lapide, quem Ferrariae

uidimus, in imis summi templi parietibus instrato.

Sergia, Asconius 62. Antiq. L X I. L X I I I.

Suburrana, Plinius lib. X V. cap. I I I. I I I. Varro

lib. I I I I. de lingua latina, Sex. Pompeius in lite

ra S, & littera V.

SCHOLIA

Scaptia, Suetonius 38 : Sex. Pompeius, Tiuius lib. VIII.

Antiq. CCCLXXVI.

Stellatina, Liuius lib. VI. Antiq. CX. CL.

Sabarina, Liuius lib. VI. Sex. Pompeius.

Terentina, Cicero pro Plancio, Liuius lib. VI. familia =
rium epist. 117 : Antiq. CXL. CCCXXXVI.

Tromentina, Sex. Pompeius, Liuius lib. VI. ubi corru=
pte legitur Promentina : Antiq. CVII. & in La=
pide, qui Caietæ est, in quo ita scriptum legitur, L.

ATILLIO L. F. TROMEN.

Velina, Cicero ad Atticum 63. & in Bruto 180 : Ho=
ratiu epistola VI. libri I. Persius, Antiq. XIX.

Volitina, Cicero pro Plancio, Antiq. LXXV. CLV.

& in lapide, qui Venetijs est in turri sancti Vitalis,
in quo ita scriptum est, CN. NUMERIVS CN.

F. VOL. FRONTO.

Veientina Cicero pro Plancio.

Veturia, cuius mentionem in auctoribus fide dignis :
ideft in antiquis, nondum inueni.

Hæ sunt XXXV. tribus, in quas Vrbs dispertita erat.
ex hoc autem numero quatuor tantum urbanae fue=
runt, Palatina, Esquilina, Collina, Suburrana, in quas,
ut inquit Plinius, transferri ignominiae esset, dictæ à
partibus Vrbs, in quæ habitabant. reliquæ omnes ru=
stica, laudatissimæ, eorum, qui rura haberent : quæ pro=
pria ingenuorum erant, cum urbanae libertinorum es=
sent, ut auctor est Asconius 92 : & L. Florus in epito=
me libri XX. Asconium autem, ubi in III. oratione
in Verrè illud exponit, V. ET XXX. TRIBVS,
cur de nominibus Sabinarum plures tribus esse factas

dixerit
bus, sed
I. & Se
III. tr
peio, vel
XXX.
multis a
tribus di
expleme
tes mult
tium in
esse scri
nores, c
agrum
ta sit, di
festum e
nis mul
do fueru
gis anim
seo, cur
multis po
nâ, et Esq
fuisse, in
etiam V
ciuibz a
nienfis : e
tem libro
& Public
Falerinam
additas,

I N E P I . F A M .

dixerit, mirari non satis possum, cum à Sabinis non tribus, sed curiæ nomina acceperint, ut inquit Linius lib. I. & Sex. Pompeius de uerborum significatione libro III. tribus autem unde dictæ sunt, uel ex eodẽ Pompeio, uel ex alijs facile est cognoscere. Urbem autem in XXX. curias à Romulo, à Seruio autem Tullio, qui multis annis post Romulum regnauit, in IIII. tantum tribus diuisam esse constat, quæ XXXV. numerum expleuere. Dionysius autem Halic. lib. II. in III. partes multitudinem omnem, ac trium rursus earum partium in denas partes unamquaque à Romulo diuisam esse scribit: uocatas autem partes maiores, tribus; minores, curias. M. item Varro libro IIII. de lingua lat. agrum Romanum in III. partes, unde tribus appellata sit, diuisum fuisse scribit. ex quibus exemplis manifestum est, & tribus à curijs diuersas fuisse, & à Sabinis mulieribus non tribus, quæ Romuli ætate III. modo fuerunt, sed curias esse nominatas. Illud multo magis animaduertendũ, diligenterq; considerandum cenſeo, cur L. Florus in epitome libri XIX. duas tribus multis post exactos reges annis adiectas esse dicat, Velinam, et Esquilinam: cū Esquilina ex IIII. tribubus una fuisset, in quas Seruius Tullius Urbem diuiserat. libro etiam VI. Linius ita scribit: Tribus IIII. ex nouis ciuibus additæ, Stellatina, Tromentina, Sabatina, Narniensis: eaq; XXXV. numerum expleuere. post autem libro VII. duas tribus ait additas esse, Pontinam, & Publiciam, & duas item libro IX. Oufentinam, et Falerinam: ut uideatur à se ipso dissentire; nisi si, additas, & adiectas, pro auctas (ut quidem ego acci-

SCHOLIA

pio) dictum uelis. Quæ de tribubus diceremus, hæc habuimus. Vbi autem scripsimus, Antiq. librum, quæ Romæ olim est impressus, cui titulus est, Antiquæ Urbis epigrammata, significauimus. chartarum autem eiusdem libri numerum subiecimus, ut facilius, quæ uoluimus, reperiri possit.

117.

AD EX Cal. Mart.] Forte, ex ad Cal. Mart. id est, ex Cal. Mart. quod paulopost ostendit. usus est hoc loquendi modo & M. Varro libro I. de re rustica. et si libri omnes impressi eo loco deprauati leguntur. ubi enim est, extant ad VII. Idus Feb. extant ad VII. Idus Maij, extant ad. iiij. Idus Sept. extant ad. iiij. Id. Nou. manuscriptum exemplar habet, ex ad VII. Id. Feb. ex ad VII. Id. Maij, ex ad. iiij. Idus Sext. ex ad. iiij. Idus Nou. itaq; legendum est. significat enim, ex eo die, qui dicitur, ad VII. Idus: & ex eo die, qui, ad. iiij. similiq; locutione usus est ad Atticum 47: nuncij nobis tristes nec uarij uenerat ex ante diem Non. Iun. quod idem est ac si dixisset, ex Nonis Iunij, ut supra ostendimus. Illud est animaduertendum, quod ubi in impressis libris legitur, ad. iiij. Cal. ad VI. Id. ad. iiij. Non. & similia, plerunq; in uetustioribus libris pro ad, legitur, a. d. quæ notæ significant ante diem. quod imperiti descriptores cum ignorarent, pro a. d. scripserunt ad.

117.

QVI eorū in CCC. iudicibus essent] Populus Cæsari fauebat, Pompeio senatus & quoniam eorum, qui iudices erant, magni interesset populum nō habere aduersarium; quia populi ius erat primum in deligendis

indictio
nocandi
quæ, L.
tum, con
pulo rim
luntatem
factum e
essent, ij
provincia
hoc signi
contra q
rium Ge
sed etiam
absentis
pugnante
storici. d
Plutarch

CV
gatus. h
hic esse
legisse. i
non medi
una liere

SOL
curare]
curio, quæ
bri I X. de
quod his

I N E P I. F A M.

iudicibus, deinde in eisdem iudicibus ad quaestionem
uocandis: itaque in oratione pro Cluentio, Populus, in=
quit, L. Iunium iudicem quaestionis, in inuidiam uoca=
tum, condemnauit; ut non iniuria omnes iudices à po=
pulo timerent: ex quo sequebatur, ut contra populi uo=
luntatem non admodum libere iudicarent: ideo recte
factum est S. C. ut qui Senatores in trecentis iudicibus
essent, ij excluderentur, cum in Senatus de successione
provinciarum ageretur. aperte enim uniuersa illa actio
hoc significabat, Caesarem ex provincia reuocandum,
contra quam populus decreuerat: qui non modo impe=
rium Galliarum Caesari ad decem annos prorogauerat,
sed etiam hoc decreuerat, ut in petitione Consulatus
absentis ratio haberetur. unde illud 83. Ipso Consule
pugnante populus iusserat. & Suetonius, & omnes hi=
storici. de CCC. autem iudicibus ex ordine senatorio,
Plutarchus in C. Graccho.

Ex epistola IX. pag. 119.

CURIONEM prorsus non mediocriter obiur=
gatus. hac repulsa se mutauit] Obiurgatus uidetur
hic esse uerbum deponens. quod alibi non memini me
legisse. itaque libentius ita legerim, Curionem prorsus
non mediocriter obiurgat. s. hac repulsa se mutauit. ut
una litera s scilicet significetur.

119.

SOLES libenter, ut ego, maiorem partem nihil
curare] Locus ita interpungendus. & est antiqua lo=
cutio, qua etiam usus est 134: epistola ad Pætum li=
bri I X. decimaquinta. Intellexi tamen (inquit) idem,
quod his intelligo literis, non existimasse te mihi licere

SCHOLIA

res has non omnino quidem, sed magnam partem relinquere. & alibi sepius. Caesar autem initio libri III. de bello Gallico, Magnam partem lecte, atque pecore uiuunt. & Lucretius libro III. pag. 40. hæc uulnera uitæ Non minimam partem mortis formidine aluntur.

119.

AGROS, quos fructuarios habent ciuitates] & ita legitur in duobus libris manuscriptis Ioānis Scalæ, & in libro Petri Bembi. itaque nihil muto, cum sit aperta sententia.

Ex epistola XI. pag. 121.

DECRERANT qui inique transigi uolebant] Manuscripti libri, quidam, decrant; alij, deferant; alij aliter habet. ex tam uaria lectione adducti sumus, ut, decrerat, legendū crederemus. loci autem sensus hic est. Domitius, & Scipio, cum de Ciceronis supplicationibus transigi, moleste, & inique ferrent, easq; Curionis Tribuni pl. intercessione impediri cuperent: simulatione bene uolentiae supplicationes Ciceroni decreuerunt, ut ea re Curionem, qui omnibus eorū actionibus acriter aduersari solitus erat, ad intercedendum elicerent. quibus interpellatibus uenustissime Curio respondit, se eo libentius nō intercedere, q̄ quosdam, qui decernerent, (significabat autem Domitiū, & Scipionem) eo animo esse intellexeret, ut cōfici minime uellent. et, DECRERANT imminutum, dixit, ut Decresset, in Verrem lib. V.

Ex epistola XII. 122.

VIX HOC erat Pola elocutus] In uetusto libro, qui est Florētiae in Medicea bibliotheca, ita legitur, ut impressimus. huius lectionis alij quoq; meminerunt sed eam

I N E P I . O F A M .

sed eam minus integram existimarunt, offensi, ut opinor, in uoce, Pola, quod eam se alibi uidisse non meminerant. est autem ea Seruii accusatoris cognomen, de quo ad Q. fratrem epistola penultima II. libri, his uerbis: Vereor, ne homo teter, & ferus Pola Seruius ad accusationem ueniat. uix igitur (inquit Celi) hoc elocutus erat Pola, Appium scilicet, & Domitium summis circensibus ludis meis lege Scantinia me postulandum curare; cum ego eadem lege Appium Censorem postulauim.

I 22:

COEPI facellum, in domo quod est, ab eo petere] Censuram erat curare, ut sacella non in domo cuiusquam essent, sed populo paterent. itaque Liuius libro XL. ubi loquitur de Lepido & Fulvio Censoribus, Conplura (inquit) sacella, publica quoque sacra occupata à priuatis, ut paterent, essent quoque populo, curarunt. Celi autem, ut ostenderet Appium Censorem officio suo deesse, petere coepit ab eo, ut facellum in domo priuata ne relinqueretur: cuius rei cura Appij, qui Censor erat, esse debuerat. sed libentius intellexerim de sacello, quod ipse Appius occupasset: ex quo grauior ei concitata esset inuidia, occupatis rebus à Censore, quas Censor ab alijs occupatas populo restituere deberet.

Ex epistola XIII. I 22.

STOMACHO est scilicet Pompeius Magnus] Libentius legerem, Stomacho est Magnus, ut duæ illæ dictiones, scilicet, Pompeius, inducantur, tanquam inanes, & superuacaneæ, non à Celio, sed ab imperito scriptæ; qui cum inter legendum in eam uocem, Magnus, incidisset, existimans eam obscuriorem fore, nisi alijs ipse

DDD

SCHOLIA

uerbis illustrasset, supra scripsit, scilicet Pompeius. postea qui librum exscripserunt, imperiti, ut id genus hominum esse solet, neque, quod adulterinum fuit, agnoscetes, in contextum glossema receperunt.

Ex epistola XIII. 123:

DE AGRI modo, de ære alieno] Libentius ita lego, quàm, ut alij, de agris modo. forte autem id fieri uolebat Appius, quod maiorum memoria uoluerant C. Licinius, & L. Sestius Tribuni pl. qui leges promulgauerunt, unam de ære alieno, ut deducto de capite quod usuris pernumeratum esset, id, quod superesset, triennio æquis portionibus persolueretur: alteram de modo agrorum, ne quis plus XL iugera agri possideret.

Ex epistola XV. 124:

QUANTVM ipse catenatus] Legit amicissimus meus, quantum Psecade natus: ut significetur Bellienus uerna: Psecas enim ancilla est: uernas autem eos esse, qui ancillis nascantur, nemo nescit. itaque dixit: si Bellienus ancilla natus Domitium comprehendere, & strangulare non dubitauit: quid Cæsari, qui est Venere prognatus, in uestro Domitio faciundum fuit? Hæc amicissimi hominis lectio, non dubito, quin à doctis probe tur: cum & sensum habeat optimum, & à uetusto libro parum, ac penè nihil discrepet. De Psecade meminere Iuuenalis satyra VI. & Ouidius metamorphoseon lib. III. cum hæc iam scripsissem, liber est allatus ad me per antiquum, in quo ita scriptum erat, quantum ipsecadenatus. posteaq; etiam in libro Petri Bembi scriptum animaduerti, ipse cadenatus: itemq; in alio, quem Cypro aduectum chirurgus mihi quidam

commodauit.

Ex epistola V. libri I X. 128.

CONSILII nostri, ne si eos quidem, qui id secuti non sunt, non poeniteret, nobis p. p.] Vetus libri sic habent omnes: tantum in eo differunt. quod, ubi nos, ne si, scripsimus, habent, nisi. quam uocem non temere immutauimus: qui enim aliter fuisset absurdissimus, is nunc, ut mihi quidem uidetur, aptissimus est sensus. quem pluribus uerbis ostendemus: ut si quis eum probabit, (probabit autem, nisi fallor, quicumque recte iudicat) acceptam referat huius loci emendationem diligentiae, atque iudicio Hieronymi Ferrarij, praestantissimi iuuenis, qui restituendae antiquitatis studio quodam adductus incredibili, quotidie fere praecclarum aliquid in literis à se aut animaduersum, aut excogitatum, uelutro ad me defert, ut id aliquando meis typis in communem studiosorum utilitatem diuulgetur. sed ad rem. Consilij (inquit) nostri, quod & Pompeium in bellum secuti simus, & eo in Pharsalia superato, uictori nos crediderimus; ne tum quidem nobis poenitendum putarem, si eos, qui minus id secuti sunt, non poeniteret. si significat enim qui secus fecerint, eos iam poenituisse. quos si non poeniteret, ego tamen (inquit) nobis poenitendum non putarem.

Ex epistola X V. 134:

INTELLEXI pergratam tibi esse curam meam ualeitudinis tuae] Hunc locum ex libris manuscriptis restitimus.

134.

AD SCRIBENDVM.] quid, si, AD F. SCRIB. ut sit, abfuisse scribendo? quo modo &

DDD ij

SCHOLIA

alibi locutus est, cum eos significaret, qui scribendo senatus consulto affuerant.

Ex epistola XVI. pag. 136:

TV AVTEM quod mihi bonam copiam eiures, nihil est] Hieronymus Ferrarius, iuuentis subtilissimi iudicii, legendum arbitratur, bonam copiam iures, hoc sensu: non est, quod te mihi semper praesto fore, tuisque bonam copiam facturum esse iures. ut respexerit ad id, quod M. Varro scribit libro V. de lingua latina: Debitorum nonnulli pro pecunia, quam debebant, operas in servitutem dabant, dum soluerent. id Sylla Dictator sustulit: voluitque, ut ii bonam copiam iurarent, id est ut sui facultatem creditoribus semper esse facturos iureiurando promitterent. Ferrarius sic accipiebat. ego autem puto hic dictum esse, Quod mihi bonam copiam eiures, pro quod iures mihi, te non habere unde sumptum facias, tantumque abest, ut ex Varrone Ciceronis locum emendem, ut potius ex Cicerone Varronis locum putem esse corrigendum: ut legatur, Voluitque, ut ii bonam copiam eiurarent: id est, ut iurarent se non habere unde creditoribus satisfacerent. hoc multis argumentis probare non conabor. recitabo locum Sex. Pompeij, qui nostram sententiam ita confirmat, ut dubitatio prorsus nulla relinquatur. Eiuratio, inquit libro V. significat, id quod desideretur, non posse praestari. Plautus. Eiuravit militiam.

136:

AESTIMATIONEM te aliquam putes accipere.] Allusit ad aestimationem possessionum, quam Caesar per arbitros debitorum causa fieri voluerat, ut

ij credi
bri I I
lia esse
constitu
tiones p
ante be
tur. ho
dum, m
siones s
stimati
etiam i
Eta no
moneb
bus sat
ti quaf
summe
aut pe
fere d
saris de
astima
posse
ut sole
recipia
dixit a
aliquo
nes, ide
toribus
cerat. d
amico
ab ami

ij creditoribus facilius satisfacerent. qua de re initio libri III. de bellis civilibus, his uerbis. Cum fides tota Italia esset angustior, neque creditæ pecuniæ soluerentur, constituit, ut arbitri darentur; per eos fierent æstimationes possessionum, & rerum, quanti quæque earum ante bellum fuissent; atque eæ creditoribus traderentur. hoc & ad timorem nouarum tabularum tollendum, minuendumq; , qui ferè bella, & civiles dissensiones sequi consuevit, & ad debitorum tuendam existimationem esse aptissimum existimauit. Suetonius etiam in Cæsare, De pecunijs (inquit) mutuis, dissecta nouarum tabularum expectatione, quæ crebro mouebatur, decreuit tandem, ut debitores creditoribus satisfacerent per æstimationem possessionum, quanti quasque ante civile bellum comparassent, deducta summa æris alieni, si quid usuræ nomine numeratum, aut perscriptum fuisset. qua conditione quarta pars ferè debiti deperibat. Cum igitur Papirius ex eo Cæsaris decreto magnam à debitoribus plagam accepisset, æstimated eorum possessionibus, non quanti uenire tunc possent, sed quanti ante civile bellum fuissent: iocans, ut solet, Cicero, Ne credas, inquit, cum me hospitio recipias, æstimationem te aliquam accepturum. & dixit æstimationem aliquam, tanquam si magnum aliquod damnum, dixisset. Papirius enim æstimationes, idest prædia, per arbitros inique æstimata à debitoribus accipiens, crediti iacturam non minimam fecerat. deinde sequitur, Etiam hæc leuior est plaga ab amico, quàm à debitore, hoc est, & tamen, quòd ab amico bona tua comedantur, non id tibi æque

SCHOLIA

grave esse debet, atque illud est, quod debitorum causa
deperdis : à quibus possessiones, quanti uendere nun-
quam poteris, accipiendæ tibi sunt.

Ex epistola XVII. 137.

NON MODO me] Libri omnes uetusti hæc
lectionem habent, quam, ut incorruptam, secuti sumus.
qui autem ea sunt offensi, ex ingenio particulam, non,
interiecerunt. uide quæ diximus in illum locum episto-
le penultimæ libri I. Non modo præmijs, sed ne periculi
quidem.

Ex epistola XVIII. 138.

AESTIMATIONES tuas uendere nō potes]
Hunc locum qui recte interpretaretur, neminem uideo
fuisse. significat autem possessiones, per æstimationem à
debitoribus acceptas. & quemadmodum supra, posuit
æstimationes pro rebus æstimatis.

Ex epistola XX. 138:

NEC TAMEN ad hanc insolentiam] Alij
mendum esse in uoce, insolentiam, existimarunt. ego in-
solentiam pro nimijs sumptibus, qui fiebant in coenas,
accipio : à quibus se alienum esse dixit: lauitiam tan-
tum querere. quod etiā supra, epistola huius libri XVI.
his uerbis ostendit: Nec tamen eas coenas quero, ut ma-
gnæ reliquæ fiant. quod erit, magnificum sit, & lau-
tum. insolentiam eodem sensu posuit Philippica IX.
228. magnifice enim (inquit) Ser. Sulpitius maiorum
continentiam diligebat, huius seculi insolentiam uitupe-
rabat. & in oratione pro Sex. Roscio, 22. Qui in sua re
fuiisset egentissimus, erat, ut fit, insolens in aliena.

138:

CVM IN sumptum habebas] Vetusiorum li-

brorū hęc est lectio: quā alij quoque receperunt, licet eā
(ut ipsi dixerunt) mendosam suspicati. mihi ea uel ma-
xime probatur, ut desiderari nihil credam. dixit autem
cū in sumptum habebas pro eo quod dicimus, cū ad sum-
ptū copię suppetebāt, cū pro sumptu facultates erāt, cū
erat tibi quod esset in sumptum satis: sic enim hoc loco
in sumptū, id est, pro sumptu, dixit, quemadmodum etiā
ad Atticum epistola V. libri VII. Tironem Curio com-
mendes, ut ei, si quid opus erit, in sumptum eroget. epi-
stola, etiam quę sequitur, eodem libro: sed eum (inquit)
uideo in sumptū ab alijs mutuatum. & ad eundem li-
bro XV. uelim cures, ut permutetur Athenas, quod sit
in annuum sumptum. imitamur igitur laetitiam tuā,
inquit; illam ueterem, cum habebas in sumptum: et si
nunc quidem plura prędia tibi sunt quę a debitori-
bus pro pecunia, quam credideras, inuitus accepisti, æsti-
mata ex edicto Cęsarıs quęque ante ciuile bel-
lum fuissent. hęc enim quasi per iocum dicta sunt, ut
irrideatur Pętus, qui nō habeat in sumptum, ut antea;
cum ei possessiones multo, quā antea plures sint.

Ex epistola XXI. 139.

ILLVD A' TRABEA,] Cum Papirius os-
tendere uellet Ciceroni, se frustra ipsius stylum imita-
ri, Trabea poetę uerbis id ostenderat, quod reijcit Cice-
ro, ac potius sibi illud ipsum a Trabea opus esse affir-
mat. nam cum Papirius nō solum consequatur, sed etiā
uincat: suum esse, frustra conari, affirmat ἀπὸ τοῦ γράμματος
igitur meum, subaudi, est. tu enim omnia, quę uis, con-
sequeris: quod ego non possum: itaque ἀπὸ τοῦ γράμματος
est, non tuum.

DDD iiij

Ex epistola XXII. 104.

PER VIM uiolat] Antiqui, uiolauit uirginem,
pro, uitiauit; & cum muliere fuit, pro, concubuit, mode-
ste dicebant. auctor M. Varro lib. V. de lingua lat.

140.

PENICVLVS] In omnibus ferè manuscriptis
libris ita legitur. cuncti tamen impressi, penicillus, ha-
bent: quam lectionem ab ijs repositam existimo, qui,
quid peniculus significaret, non intellexerunt. quæ qui-
dem uox à Sex. Pompeio libro XIII. bis exponitur. Pe-
niculi (inquit) spongiæ longæ propter similitudinem cau-
darum appellatæ: penes enim uocabantur caudæ. &
inferius. Penem caudam uocabant. hinc peniculos dixi-
mus, quibus calceamenta teruntur. ex quo uel ma-
xime uetusti libri lectio comprobatur: eundem enim
sensum S. Pompeius iisdem uerbis, quibus Cicero, com-
plexus est. Plautus quoque in Menæhmis, ætu i Iuuen-
tus (inquit sub persona parasiti) nomen fecit Peniculo
mihi, ideo quia mensam, quando edo, detergeo. ut eius
uocis significatio obscura iam esse non possit, hunc au-
tem locum ingeniosissimo, atque eruditissimo iuueni
Hieronimo Ferrario debemus.

Ex epistola penultima, 142.

NUNC ADES ad imperandum, uel ad paren-
dum potius: sic enim antiqui loquebantur.] Difficilis
locus qui me diu ualde torfit, interpretes enim omnes,
alii eum, ut scopulum, euitarunt: alii, dum uideri uo-
lunt intelligere quod minime omnium intelligunt,
ineptiarum nescio quid attulerunt, quod rideri magis,
quàm refelli debeat. cōperi igitur, locutionē esse ueterē,

I N E P I . F A M .

Et antiquis usitatam : licet etus non multa habeamus exempla: quibus enim in scriptis ueteres illi dicendi modi frequentius potuissent deprehendi , ea ferme omnia perierunt : itaque ex unius Salustij uerbis locus hic ad Pætum exponitur. facile enim colligitur , antiquos, ad imperandum, passim dicere solitos, ut etiam Cicero ipse exponit. sed ponamus Salustij uerba, quæ sunt in Iugurthino, 52: Iugurtha (inquit) ubi armis, uirisq; , et pecunia spoliatus est : cum ipse ad imperandum Tisdrum uocaretur, rursus coepit flectere animum suum, et ex mala conscientia digna timere. ad imperandum, dixit, id est ad parendum, et ad imperata facienda: quemadmodum Cicero, ades ad imperandum, pro ades, ut ego tibi imperem . Hunc loquendi modum et Seruius agnouit in illo bucolicorum uersu apud Virgilium, Frigidus in pratis cantando rumpitur anguis . Cantando , inquit, dum incantatur.

Ex epistola ultima, 142.

H A R V M exemplum] Cum Cicero apud Volturnum Eutrapelum coenaret, hanc epistolam ad Papi- rium in codicillis conscripserat, eo consilio, ut , cum domum redisset, eam in charta exscriberet , et ad Papi- rium mitteret. propterea harum exemplum dixit: non enim in animo habebat, eas ipsas mittere , quas scribebat, quas uocat exemplum, sed eas , quas inde exscribere cogitabat.

142:

E T S I minimum mihi est in coena] Postquam in li- teris satis uersatus sum, etsi coenas in minimis pono, tamē, cum aliud, quod agam, non habeam, ad coenas me confero,

SCHOLIA

Iocatur autem in his uerbis, Minimū mihi est in cœna, referens uerba Papij, qui à Dione Philosopho quæsierat, quantum illi esset in cœna. qui cum respondisset, minimum, iam ad tenuitatem, quàm ad contemptum cœnæ referri potuit hoc possumus conijcere fuisse Papij ἡττιμα, uel quidpiam simile, cuius ad irridendum philosophum ambigua esset significatio.

Ex epistola ultima, 143.

ET GEMITVM etiā in risus maximus transfero] Hunc locum alij ita, ut nos, iam ante emendarunt: sed interpunctis aliter distinxerāt, ut sensum planè alium efficerent. nos Ciceronem credimus hoc dicere in conuiuio, cum patriam satis luxi, à mœstitia et gemitu uel maximam ad hilaritatē, maximosq; risus me conuerto.

143.

ILLE Baro] Baro mulier fuit philosophiæ dedicata, ut scribit Suidas. ex eo philosophos, qui stolidiores essent, non philosophos, quòd eo nomine uiderentur indigni, sed Barones uocabant, ut quasi mulierculæ per contemptum appellarentur.

Ex epistola I. libri X. pag. 143.

DE MEDIO cursu] Ex ueteri libro ita emendauimus. sic autem locutus est in fine libri III. de officijs, eadē de re loquēs, si ipse (inquit) uenissem Athenas quod quidē esset factū, nisi me de mediocursu clara uoce patria reuocasset. item ad M. Brutum epistola, cuius initium est, Messalam habes. itaque in medio Achaico cursu, cum Etesiarum diebus auster me in Italiā retulisset.

Ex epistola VII. 143.

VICTORIAM pararemus] Hæc lectio cum

I N E P I . F A M .

neque sensu careat , & in libro manuscripto Vincentij Riccij sit, itemq; in eo, quem Vbaldinus Bandinellus habet: (ut omittam alios) non uideo, cur quidquam immutetur. in antiquis libris tum , pararemur, tum, pateremur, tum, patiremur.

Ex epistola XII. 150:

T V A dignitas affert] Antea legebatur, afferat. nos, affert, ex uetusto libro , quem habet Ioannes Scala. est autem sensus. ita mihi detur te uictorem complecti Rep. recuperata , ut mihi magnam laetitia partem tua dignitas affert. uerbum complectar, qui crediderunt esse indicatiui in odi ; nocem, affert, ut ipsi putabant, emendarunt; ut ego existimo, deprauarunt.

151:

B R E V I A, fugacia, caduca existima] In uoce fugacia, uetusti libri dissentiunt. alij, fugacia; alij, fugatocia; alij, fugato, habent. ego, etsi uulgata lectio sensu non caret, tamen libentius legerem, fucata : ut traslatio sit à mulieribus , quarum saepe nitor non naturalis, sed fucatus est, ideoq; breuis, & caducus. haec (inquit) fucata existima , quoniam uerum splendorem non habent, sed collecta sunt inanissimis splendoris insignibus.

Ex epistola VII. 153.

O B S I D E fide] Sic in omnibus uetustis exemplaribus, & dixit, fide, pro fidei, generandi casu, quem admodum etiam Salustius in iugurtha , decima parte die reliqua , pro diei. id quod Gellius adnotauit : qui etiam C. Caesarem, huius die, & huius specie, dicendum putasse tradit.

SCHOLIA

153.

DE tribus fratribus Segauiano probauit.] ita legitur in omnibus libris manuscriptis . forte melius , S. Gauiano , ut significetur Sextus Atilius Gauianus , de quo in oratione pro Sestio . sensus erit : In ea re ut scilicet Lepidus Apellam ad me mitteret) studium mihi suū Gellius probauit ; de tribus autem fratribus . (quidpiam significat nobis minus notum , cuiusmodi in epistolis ad Atticum scriptis multa sunt) Sexto Gauiano . Postea in Vbaldini libro animaduerti scriptum esse , Gauiano , pro Segauiano .

Ex epistola XIX. 155:

GRAVISSIMAE , & maxime fortissimi animi , summiq; consilij] Sic habent omnes impressi libri . nos in nostro ita legi , & interpungi uoluimus : grauissimæ , & maximæ , fortissimi animi , summiq; consilij : ut animi maximæ res sint , consilij grauissimæ .

Ex epistola XX. pag. 155.

ERRARE] Potuisti errare : decipi non potuisti : error enim facile in mentem irrepit , neque id cuiquam licet effugere . quoniam autem qui decipiuntur , ostendunt se minus ualere prudentia , quàm satis sit : iccirco tu , qui prudentissimus es , decipi non potuisti : & est turpius decipi , quàm errare : nam erramus ipsi , opinionione lapsi ; decipimur ab alio , prudentia uicti . sed quoniam , inquit Cicero , credulitas te in errorem induxit , cum sperares Lepido te esse bono usurum , qui deinde tuam spem fefellit ; eadem credulitas non iam te amplius in eundem errorem inducet : nam re expertus es , Lepidum esse infidum , ne

I N E P I. F A M.

que eum recte facturum. ergo etiam erroris causa sublata iam est; ut iam non modo decipi, sed ne errare quidem possis. nisi si in eadem re iterum errare, hoc est iterum Lepido uelles credere, homini fallacissimo, & a Reip. partibus alieno, quod si committeres, magnam infamiam subires. quod quasi ad eundem lapidem, ut dicitur, offendisses: quam culpam scis uulgari proverbio esse reprehensam.

Ex epistola XXX. 162.

AMPLIUS passus quingentos] Passuum numerum, quem alij manuscriptis in libris se non uidisse dixerunt, comperimus in libro per antiquo Vincentij Riccij.

Ex epistola XXXI. 163:

QUANTAS habuerim contentiones] Antea, conciones. nos, contentiones, emendauimus ex uetusto libro Pauli Boti, & ex epistola sequenti, in qua idem Pollio ita scribit: Nec uero minus Lepidus urfit me & suis, & Antonij literis, ut legionem trigesimam mitterem sibi.

Ex epistola XXXII. 164.

DUXIT se à Gadibus] Locutio quibusdam uidetur durior: qua tamen & Terentius in Hecyra usus est, Vxor (inquit) ubi me ad filium ire sensit, se duxit foras. & Plautus in Aulularia cum dixit, Ego me deorsum duco de arbore: & in Bacch. Duc te ab ædibus.

164.

SEX. Varro Procos.] Historia mihi quidē ignota: & ut dicam, quod sentio, mendum subesse credide-

rim: nam etiam librum habeo uetustissimum, in quo
hæc uerba non leguntur.

164:

CIVIS Romanus natus sum] Cum mihi Hiero-
nymus Ferrarius Corrigiensis hunc locum se habere sus-
pectum dixisset; & ut ueteres libros inspiceremus, ro-
gasset; collatis cum impressa lectione manuscriptis li-
bris, dictionem, natus, ita ut ipse existimauerat, abun-
dare comperimus. quo factum est, ut eam de nostro ex-
pungere ne dubitarem. hanc autem coniecturam ea ra-
tione Ferrarius faciebat, quod Ciceronem VII. in Ver-
rem libro ita locutum esse meminisset, Ceuices (inquit)
in carcere frangebantur indignissime ciuium Romano-
rum, ut etiam illa uox, & illa imploratio, ciuis Roma-
nus sum, quæ sæpe multis in ultimis terris opem inter
barbaros, & salutem tulit, ea mortem illis acerbiorē,
& supplicium maturius ferret. & infra eodem libro,
Nulla uox audiebatur, nisi hæc, Ciuis Romanus sum, et
item paulo post sæpiissime: ut sibi quisque legendo faci-
le reperiet.

Ex epistola XXXIII. 165.

NON maior tamen, quā Planco fuit] Hoc dicit.
sanè mecum iniquissime agatur, si propter amicitiam,
quæ mihi cum Antonio fuit, durius quidquam homi-
nes de me suspicentur; cum eundem Antonium non
minus, quā ego, dilexerit Plancus; cui tamen exer-
citum credidistis, ut cum Antonio, reliquisq; bonarum
partium inimicis bellum gerat. scripsit autem hoc cum
indignatione quadā, grauiter ferens, inimicū suum me-
llus erga Remp. animatū existimari. inimicitias autem

inter A/
in præf

HA B
pit forte
tur, quem
lum am
bri ultim
gnum. n
tem, à l
animad

P.
olim ad
nihil ad
Bernard

IN
Ricci,
quo m
rum, l
tate c
lis, &
ties a n
appell
Augu
dicam
legere
non ad
pro Pe
Bandi

I N E P I. F A M.

inter Asinium, et Plancum fuisse, cum alijs, tum Plinius in præfatione librorum suorum ad Vespasianum ostēdit.

166.

H A B E R E equitum] Sic omnes libri manuscri-
pti. forte legendum sit, habere equitatum, ut subaudia-
tur, quem antea habuerat. equitem enim in pugna nul-
lum amiserat Antonius. nam etiam epistola huius li-
bri ultima, Equitatum, scribit Lepidus, habet bene ma-
gnum. nam omnis ex prælio integer discessit. sæpe au-
tem, à librarijs in scribendo syllabam fuisse omissam,
animaduertimus.

166.

P. V A G I E N I] Hanc lectionem in extremo
olim adnotaueram, è coniectura tantum, uetustis libris
nihil adiuuantibus. postea in antiquo exemplari, quod
Bernardinus Maffeus habet, eam reperi.

Ex epistola penultima, 166:

I M P E R A T O R iterum,] In libro Vincentij
Ricci, & in alijs legitur, Imperator ter. idest tertium:
quo modo etiam dicebatur, Consul tertium. sed siue, ite-
rum, siue tertium, legas: mihi tamen de loci integri-
tate certum non est. nam quod alijs dicunt, in titu-
lis, & monumentis solitos fuisse ueteres notare, quo-
ties à militibus ob rem bene gestam Imperatores essent
appellati: sanè id assentior: sed factum esse antequam
Augustus Remp. opprimeret, nondum comperi. ego, ut
dicam quod conijcio, sine affirmatione tamen, mallet
legere sic: Imperator, Pontifex Max. ab antiquis literis
non admodum discedens: si quidem in libro manuscri-
pto Petri Bembi legitur, Imp. & ter. Idem Vbaldino
Bandinello uidebatur.

SCHOLIA

166:

IN ciuibus conseruandis] Potius ita lego, quàm, obseruandis. nostram lectionem habet liber manuscri- ptus Bernardini Maffei, & antiquissimus alter, qui est apud Vbaldinum Bandinellum.

166:

III. Cal. à ponte Argëteo] Vitiosi sunt hoc loco ma- nuscripti libri: sed boni tamen aliquid habent singu- li. in tribus uetustissimis, legitur, IIII. Cal. à ponte Argenteo: in eo, de quo mihi Vincentius Riccius com- modauit, qui & ipse perantiquus est, III. Cal. Iunij. itaque in nostro libro, IIII. Cal. Iunij, scribere non du- bitauit: ut sit dies, quo se cum Antonio coniunxit. libro enim X. epistola, cuius initium est, Nunquam meher- cule, ita scribit Plancus. Lepidus desperato aduëtu meo se cum Antonio coniunxit ad IIII. Cal. Iun. hanc au- tem epistolam, post eam, quæ sequitur, scriptam esse, ne- mo non uidet.

Ex epistola ultima, 167.

XXX.] Lineam, quam super numerum duximus, olim ab aliquo fuisse omissam credimus, qui, eà quanti esset, ignoraret: nam in libro Vincentij Riccij scriptum est, XXX. quo modo autem nos scripsimus, triginta millia significatur.

167.

MEMINI autem] Sic opinor, melius, quàm, ut antea, memini enim. quo enim spectabat uox illa, enim? mihi certe cum superioribus cohærere posse nō uidetur. itaque ea deleta, reposui, autē, motus auctoritate uetu- stiissimi libri, quem habet Vincentius Riccius, in quo, au- tem, pro enim, scriptum est. quanquā præcedens dictio mendum

mendum
libro leg
multis lo
altero me
res posse
est. qui lico
excerpere
qui mali

MA
id, quod
ex libro

QV
bus: quo
uultuo
stra fan
gerere

DI
Ioannis
& eius
præstare
Cesare
anquis
fram le

IT
bris om
Vincen

IN EPI. F A M.

mendum habet. non enim, memini, sed maxime, in eo libro legitur. sed nullus est tam antiquus liber, qui non multis locis corruptus tamen sit. itaque uno, aut etiam altero manuscripto libro qui se putant ueteres scriptores posse restituere, meo iudicio falluntur. plurimis opus est. qui licet inquinati sint: tamen ex singulis boni aliquid excerpentes, usu saepe uenire uidemus, ut ex multis libris, qui mali sint, bonus tamen liber efficiatur unus.

Ex epistola X libri XI. pag. 172.

M A L L E me tuum iudicium] Referuntur haec ad id, quod dixit exploratum habes. totum autem hunc locum ex libro. Pauli Boti, & Vincentij Riccij emendauimus.

Ex epistola XVII. 180.

Q U I D defuit nostrae familiaritati in maximis rebus? quonam modo me gererem aduersus Caesarem, usus tuo consilio sum] Distinguo sic. quid defuit nostrae familiaritati? in maximis rebus quonam modo me gererem aduersus Caesarem, usus tuo consilio sum.

Ex epistola ultima, pag. 182.

D I G N I S S I M O Caesare] Ita lego ex libro Ioannis Scalae manuscripto. sensus hic est. munus illud & eius hominis, qui mihi amicissimus fuit, memoriae praestare debui; & ei adolescenti, qui optimae spei est, ac Caesare dignissimus, negare non potui. in quibusdam antiquis exemplaribus legitur, Caesari repenti. quod nostram lectionem magis uidetur confirmare.

Ex epistola I. libri XII. pag. 183.

I T A compressum est] Antea, compressa est, in libris omnibus impressis nos, compressum, ut est in libro Vincentij Riccij, rectius, quam compressa, legi putauimus:

E E E

M S C H O L I A

ut referatur ad uerbum, manabat: antitheta enim sunt comprimere & manare: quibus etiam usus est libro ad Atticum I. orationem illam ita compresseram, ut nūquam emanaturam putarem.

Ex epistola VII. 186.

TANTA contentione] Corrigo, concione: fidem habens Volfango Vuerter docto & probo adolescenti, mihiq; familiaritate coniunctissimo, qui se in antiquo libro, concione, pro contentione, legisse affirmat.

Ex epistola XIII. 189.

NON subita, nec inconuenientia] Ita legitur in libro manuscripto Bernardini Maffei, Ioānis Scalæ, Pauli Boti, Vbaldini Bādinelli, Petri Bēbi. unus Vincētij Riccij habet, discōuenientia. qua uoce Horatius quoq; usus est epistola I. lib. I. Aestuat, & uitæ discōuenit ordine toto. itaque si quis, incōuenientia, nō probat; discōuenientia, poterit legere. 189.

C V I Lucilius præerat] Appianus hunc appellat Luciū Figulū. quod cum ita sit, & cū Figulos nō è Lucilia gente, sed potius è Nigidia fuisse cōpererim: libentius legerim, Lucius, quā Lucilius: nam et in uetusto libro Bernardini Maffei, nō, Lucilius, sed, Lucius, legitur. 182:

CASTRA habet posita Παλτοῖ] E' ueteri libro Pauli Boti sic emendauimus, figura græca in aduerbijs in loco, ut κοῦδ' αλλος κορυδ' αλλοῖ, προβαλινδος προβαλινδοῖ, φάληρος, φάληροῖ, φεαῖρροι φεαῖρροῖ.

190.

ACROMANI iacride] Vetusli libri alij aliter habent. sunt qui legendum credant, à Cromyu A=

uide. alij
dicant, A
promon

QV
liquid de
præterqu
phus Pari
cutus, om
eti nunc

IN I
solicitudi
putari. d
apertius
bst anim
solabax
& ab i

CO
bent, u
deo que
tror no
lega no
exempl
habet e
ceronis
priorer
immue
tima li

cride. alij, Acamantide, quòd in antiquo libro scriptum dicant, Acomantide. utraque lectio defendi potest. de promontorio Acamantide Plinius, & Strabo.

Ex epistola XIII. 190.

QV A' M re uera furere eos inueni. quòd uero aliquid de his scripsi, Totum hoc non erat in impressis, praterquàm in uno, quem Robertus Stephanus typographus Parisiensis diligentissimus ediderat. quem ego secutus, omnes illas uoces addidi septimùm abhinc annum. eas nunc in uetusto libro Vincentij Riccij esse uideo.

Ex epistola XVII. 195.

I N I S T A solitudine Solitudine potius, quàm solitudine, è tribus antiquis libris, & è sensu legendum putauì. dixit enim, solitudine, pro summo otio: quod apertius sequenti epistola. Etsi (inquit) periniquo patiebar animo te à me digredi: tamen eo tempore me consolabar, quòd & in summum otium te ire arbitrabar, & ab impendentibus magnis negotijs discedere.

Ex epistola XXII. 196.

C O L L E G A nostro Vetusti libri nonnulli habent, uestro: quos alij secuti sunt: qui quidem non uideo qua ratione ducti id fecerint: fecisse tamen arbitror non temere. sed cum in libris ite manuscriptis, collega nostro, legatur; (habet autem unum ex antiquis exemplaribus, in quibus ita scriptum sit, Petrus Bemus, habet & Bernardinus Maffeus) Antonium autem Ciceronis in Auguratu collegam fuisse, notissimum sit: priorem lectionem conseruaui, quam eo minus arbitror immutandam, quòd & ad Atticū scribens, epistola penultima libri X. collegam suū appellat Antonium: inquit

EEE ij

SCHOLIA

enim, Misit puerum, se ad me uenire : hoc quidem melius, quàm collega noster Antonius, cuius inter liētores lectica mīma portatur. & Philippica II. 181. sume diem : uide, qui te inauguret : collegæ sumus.

Ex epistola XXV. 198.

QVAM turbo deiecerat] Vide Dionem libro XXXVIII. pag. XVII. item libro XLV. pagina CVI. & Iuliu Obsequentem in libro de prodigijs.

198.

QVODDAM græcum tempus seruitutis] Suspicor in uoce, græcum, esse mendum. neque tamen excogitare quidquam ipse potui, quod pro ea reponendū uideretur. Vbaldini autem Bandinelli cōiecturam nō improbo. cum enim satis cōmodum uidetur habere sensum, tum à ueteri scriptura non admodum recedit. nā cum in libris quibusdam antiquis, pro græcū, scriptum sit, cecum; ipse, nihil ferè præter unā liter. i immutans, legendum putat, necūm, idest necessarium. cecum autē in antiquo libro Vincentij Ricci scriptum est.

Ex epistola ij. lib. xij. pag. 203.

SUBITVM est ei remigrare Cal. Quint.] Calendæ (inquit) Quintiles; quo die domo tua, in quam uenerat, exeundum est; nimis subitæ sunt, & propius adsunt, quā ut ipse possit operibus, quæ instituit, pfectis suo cōmodo discedere. sciendum autem est, annuas domorum locationes Calendis Quint. apud ueteres fieri solitas. itaque epistola III. libri II. ad Q. fratrem, domus (inquit) tibi ad lucum Pisonis Liciniana conduecta est : sed, ut spero, paucis mensibus post Cal. Quint. in tuam cōmigrabis. post Cal. Quint. dixit, idest finito

locationi
ueras.
larum cl
demigra
be condu
fuisse con
temporis
diem ope
posse inte
cum perfe
d Memmi
ne cogatu
sine dam
quod sen
libro vbe

CV
nibus i
num, si
C. Albi

RV
ues Ro
plerun
tū syl
libros, C
riatrib
legi ue
gnifice
Rupili

I N E P I . F A M .

locationis tempore, demigrantibus ijs, quibus eam loca-
ueras. Suetonius autē in Tiberio, Senatori (inquit)
latum clauum ademit, quem cognouisset sub Cal. Iulij
demigrasse in hortos, quo uilius post diem ædes in Vr-
be conduceret. quod igitur Euandro, quem statuarium
fuisse conijcimus, subitum erat, idest propter breuitatē
temporis incommodum, remigrare Cal. Quin. ad quam
diem opera, quæ multa multis instituisset, absolui non
posse intelligebat; quæ moueri loco, & aliò transferri,
cum perfecta non essent, commode non poterant: petit
à Memmio Tullius, ut ei de habitatione accomodet,
ne cogatur Cal. Quint. ut moris erat, remigrare, quod
sine damno facere non posse uidebatur. sed, ut dicam
quod sentio, legendum uidetur, demigrare. in antiquo
libro Vbaldini scriptum est, ei9 remigrare.

Ex epistola VIII. 206.

CVIVS ex filia] Antea, cuius ex familia, in om-
nibus impressis legebatur. nos septimum abhinc an-
num, filia, correximus ex oratione pro P. Sestio, in qua
C. Albini filiam P. Sestio nupsisse traditur.

Ex epistola IX. 207.

RVPIIIVS P. F. Men.] Diximus supra, cl-
ues Romanos à tribu ostendi solitos: quæ quidē tribus
plerunq; in antiquis & lapidibus, & libris prima tan-
tū syllaba scripta legitur: itaq; corruptos opinor hic eē
libros, & pro Men. legendum Met. ut intelligatur Me-
tia tribus. sed est quod magis placeat: potius enim ita
legi uellē, P. Rupilius P. F. An. ut Aniensis tribus si-
gnificetur: nā Vincentij Ricci liber antiquus habet, P.
Rupilius P. Fannius, cuius uitij fuit hæc origo, quod

EEE iij

cum scriptum esset, P. F. An. imperiti ueteres notas nō intelligentes scripserunt, P. Fannius. de tribubus autem multa diximus in VIII. epistola VII. libri.

Ex epistola X. 207.

DEINDE ut se corroborauit] Interpretes uerbi significatum non intelligentes, alij aliter exposuerunt. dixit autem, corroborauit, pro, egressus est annos pubertatis, & uir esse coepit, quemadmodum in oratione pro M. Celio. 39 : Cum is iam se corroborauisset, ac uir inter uiros esset. in eadem 46. non modo hac ætas, sed etiam corroborata, idest, non modo adolescentes, sed etiam uiri. & supra eiusdem orationis initio 38 : eos, qui non, ut Celij accusator, adolescentes essent, sed uiri, robustiores appellauit. alibi etiam in hanc sententiam eodem uerbo usus est.

Ex epistola XII. 209.

SED ut hanc addam] Alij aliter. nos sic emendauimus ex uetusto libro Bernardini Maffei.

Ex epistola XV. 210.

PERVSTVM, etiamnum] Cum antea legeretur, perustum, & inanem, nos ex uetustis libris, et è sensu olim emendauimus, perustū etiamnū. sed quoniā Vincentij Riccij liber habet, perustū immani; alij autem, perustū inanem: non absurde etiam legi posset, perustum, inani gloria uolunt incendere. quod autem dixit, & iam, uide num legi possit, at ij me.

Ex epistola XVII. 211.

QVAM maximus postea commendatione c.a.] etsi uetusti omnes libri ita scriptū habent : ego tamē legendū crediderim, quā maximus potest, mea cōmenda-

tione c.
c.a.

IN

legatur

tiffimus

tio, 32

lio, 53

tio, 45

mo potest

incerta et

cum tem

PVB

nos fuisse

ce, nisi p

na diem

pilli, p

BY

bant, m

taum

teram

persep

rha, et

damni

que e

M

Hanc

quām

tionem c. a. uel, quam maximus post mea commendatione
c. a. Ex epistola XXI. 212.

I N O M N I genere officij diligendus] Quid, si
legatur in omni genere officij diligentiss. id est, diligen-
tissimus? qua ratione etiam dixit in oratione pro Plā-
tio, 232: in omni officio diligentissimus. Et pro M. Ce-
lio, 53. uiro omnis officij diligentissimo. Et pro Cluen-
tio, 45. in omnibus officijs retinendis diligentior esse ne-
mo potest. sed hæc eruditorum iudicio permittimus:
incerta enim in re affirmare quidquā, Et immutare,
tum temerarium est, tum periculosum.

Ex epistola XXXVII. 219.

P V B L I C E possidentur] Legem apud Calati-
nos fuisse crediderim, quæ caueret, ne quidquam publi-
ce, nisi publico nomine possideretur. Hippia autem bo-
na alieno nomine, ut puta cuiuspiam absentis, uel pu-
illi, publice possidebantur.

Ex epistola XLII. 220.

B Y L L I O N E S] impressi libri, Belliones, habe-
bant; manuscripti, Pylliones itaque nihil dubitandū pu-
tauimus, quin esset uera lectio, Bylliones: ut enim li-
teram pro y scribebant antiqui; Et ita in uetustis libris
per sepe legitur, ut Sulla pro Sylla, murrha pro myr-
rha, et alia huiusmodi. Byllones populi sunt supra Epi-
damnū, quorū meminit Strabo lib. VII. dicti à Byllide,
quæ ē ciuitas in Illyrico, de qua Stephanus de urbibus.

Ex epistola L. 222.

M V L T A in illum mea; quodq; maximū est,]
Hanc lectionem puriorem, et elegantiorē existimamus,
quā quæ antea in omnibus impressis habebatur. eam

EEE iij

SCHOLIA

accepimus ex libro manuscripto Vincentij Riccij.

Ex epistola LII. 223.

CICERO REGI S.] opinor hunc Regem aliquem fuisse gentis Martiæ, cuius cognomē fuit Rex. itaque etiam Clodij sororis uir Q. Martius Rex appellatus est, auctore Plutarcho in Cæsaris uita. ad Atticum etiam, pag. 12: cum dicit, ille autem Regis hæreditatem spe deuorarat, eum, quem diximus. Q. Martium Regem intelligit.

Ex epistola IIII. libri XIII I. pag. 235.

PRAETEREA magnopere nemo cæterorum seruorum. ea causa est, &c.] Sic antea in libris impressis. ego distinctione tantum locum restituo, ut ita legatur. præterea magnopere nemo. cæterorum seruorum ea causa est, ut si res &c. quoniam autem non ita apertus uidetur sensus, pluribus uerbis exponemus Cicero ueritus amissionem seruorum cum tota re, manumisit eos hac conditione, ut, si per legem Clodiam bonis omnibus priuandus esset, ij suo beneficio liberti essent, si modo id per Clodium licuisset: sin autem lex seruos non adimeret, & ut ad ueterem dominum pertinerent, concederet; seruirent, ut antea, præterquã pauci, quos benemeritos omnino liberos uellet. dixit autē, cæterorum seruorum, intelligens suos: nam ex Terentia seruis neminem manumiserat: tantum ijs, eam facturam esse, ut quisque esset meritis, promiserat.

Ex epistola VI. 136.

POLLICEM] Antea, Pollucē: nos septimū ab hinc annū emendauimus, Pollicem, ex uetustis libris, et lib. XIII. ad Atticum: quo in lib. circa finem ita scri-

I N E P I . F A M .

bit. Pollex quidem, ut dixerat, ad Idus Sext. ita mihi Lanuuij pridie Iduum præsto fuit, sed plane pollex. nō index.
Ex epistola VII. 236.

ID EST Apollini, & Aesculapio] hoc totum suspicor in margine ab aliquo fuisse scriptum, qui uellet nomen eius Dei ponere, quem Cicero significat. deinde qui librum exscripserunt, Ciceronis uerba falso existimantes, receperunt in contextum quod glossemat is uice fuit. nihil tamen immutauī quando manuscrip ti libri, ut impressum est, omnes habent.

Ex epistola I. libri XV. pag. 240.

A TARCONDIMOTO] Sic habent uerusti libri: à quibus non uideo cur hoc in loco dissentie dum sit: præsertim cum & Dion in fine lib. XLI. & L. Florus initio belli ciuili inter Cæsarem, & Pompeiū gesti, Tarcondimotum eū appellent: mendose enim in Floro, Tarcon Himotus, duabus uocibus impressum est, cum in libro manuscripto una sit.

240.

CONSVETVDINEM] Putat legendum esse Hieronymus Ferrarius, mansuetudinem: quod etiā 243: quæ copijs (dixit) & opibus tenere uix possu mus, ea mansuetudine, & continentia teneamus: & ad Atticum 78. socijs incredibilis uidetur et nostra mā suetudo, & abstinentia.

Ex epistola III. 244.

PRAESENTIA, magnitudine, & animi, & consilij] Est hæc, ut opinor, huius loci uera lectio: quā ex antiquis exēplaribus accepimus: quibus in omnibus, quos quidē ipse uiderim, præsentia, legitur, nō præstati,

SCHOLIA

aut praesenti. nos autem ueterum librorum auctoritate in dies magis, magisque facimus: permulta enim, quae in ijs primo intuitu uideantur absurda; post, ubi, diligentius animaduerneris, commodissime dicta reperiuntur: ut hoc in loco, qui statim, uerbum illud, praesentia, quid sibi uellet, aut quod spectaret, non perceperunt, uitiosum credentes immutarunt: est enim ita dictum, praesentia, magnitudine, et animi, et consilij, tamquam si dixisset, praesenti animo, magno consilio; ut praesentia animi, magnitudinem consilij esse uoluerit: quemadmodum etiam alibi, praesentem animum saepissime dixit: etsi ubique ferè eandem uocem imperiti deprauarunt, praestantem, non praesentem, legentes. praesentiam quoque animi dixit in oratione pro Milone 113. & Caesar belli Gallici libro V. 59.

144.

SACERDOS] Quid sacerdos hic significet, Hircij uerbis ostendemus: sic enim scribit de bello Alexandrino lib. III. 215: Cumana, uetustissimum, & sanctissimum in Cappadocia Bellonae templum, quod tanta religione colitur, ut sacerdos eius Deae, maiestate, imperio & potentia secundus à Rege consensu gentis illius habeatur; id homini nobilissimo Nicomedi Bithynio adiudicauit. Appianus autem in fine Mithridatici, Commagenis (inquit) Archelaum sacerdotem praefecit, quae dignitas habetur regia. Strabo etiam initio libri XII. idem tradit.

244.

ADOLESCENS & equitatu, & peditatu, & pecunia paratus, & toto ijs, qui nouari aliquid uolebant] Sunt, quos offendat haec lectio. ac fuit, cum ego quoque corruptum locum existimare. nunc de men-

do nihil
quae sunt
qui noui
dum erat
possent
et peditatu
ijs, qui noui
est totum
est maxim
tum sit.
TIBI
tactus in
nigentes
nondum in
RES,
gaudent
phus Tra
tantur en
fecerat Ca
optimu
rem quid
nunquam
saris in
neuolet
plicatio
CV
Alij, ar
stimo,
est ha

do nihil suspicor : dixit enim, & toto, id est, & ea re, quæ summa est: deinde exposuit, totū illud quid sit, ijs, qui nouari aliquid uolebant : à quibus maxime timendum erat, & adolescentē uel leuibus rationibus ad bellū possent impellere. adolescens (igitur dixit) & equitate, et peditatu, & pecunia paratus, & quod summū est, ijs, qui nouari aliquid uolebāt. sic etiam ad Atticū, 80. est totum, quid Cal. Mar. futurum sit, pro, est summū, est maximum, in eo sunt omnia, quid Cal. Mar. futurum sit.

245.

TIBARANI] Forte, Tibareni, de quibus Plutarchus in Lucullo, & Plinius, ubi Temiscyræ regionis gentes persequitur : nam Tibaranorum mentionem nondum inueni.

246.

RES, quas Consul in urbe gessisset] In quo ita legatur, uetustum habet librū magnæ spei adolescens Iosephus Tramezinus. Consul autē, id est Cicero: commemorantur enim quæ pro Ciceronis dignitate & dixerat, fecerat Cato. quis sit autem is, quem clarissimum, atq; optimū uirū appellat, intelligere nondum potui. Cæsarem quidē, ut alij existimant, non arbitror. quem Cicero nunquā optimum uirū uocasset, ad Catonē scribens Cæsaris inimicū, præsertum cum tota ferē epistola eius beneuolentiā quasi aucupari uideatur, quo facilius supplicationem obtineret Catone comprobante.

253.

CVM hæc te tertia iam epistola ante oppressit,] Alij, ante operis, sit durius omnino, et sensu, ut ego existimo, non admodum probabili, quid enim? adeo longa est hæc epistola; ut opus uideri possit? nā quod illas di-

SCHOLIA

ctiones, schedam aut literam, epistolarum numero respondere negant: id ego illis concedo: sed referri dico ad illam uocem, epistola: ut quasi Cassium reprehendat, qui schedam, aut literam nondum dederit, cum epistolas iam tres acceperit. legitur autem, ut nos impressimus, cum in alijs libris manuscriptis, tum in eo, quem habet Vincentius Riccius: qui quidem liber uetustissimus est; ut græcas dictiones, quæ sunt in uetustis exemplaribus perquam raro, maiusculis literis scriptis habeat.

Ex epistola XVI. 253.

QVOD uelis ipsa currunt] Corruptus locus; quæ sanare non potuimus, ueterum exemplarium ope deserti: prorsus enim omnia, quæcunque uidi, cum uulgata lectione consentiunt. Vincentij Riccij liber hoc in loco etsi deprauatus, ab alijs tamen diuersus est: habet enim, quod in his incurrat. alij emendarunt, quod uel ijs ipsa occurrunt. quam lectionem etsi laudamus ut ingeniose excogitatam, non tamen sequimur, neque satis ei confidendum credimus, cum à uetustis libris, etiam quos ipsi habuerunt, discrepet. nam quod Germanos pro, currunt, occurrunt, impressisse dicunt: id ego eos fecisse tantum modo coniectura ductus facile crediderim: non enim hic solum, sed in reliquis etiam Ciceronis scriptis multa eos arbitratus uideo mutasse.

Ex epistola XVII. 254.

TVA quidem in culina, mea molesta est.] Notissimum est, ex Epicureorum familia Cassium fuisse, itaque per iocum Cicero dicit eius Philosophiam in culina uersari. quod sequitur, mea molesta est, legit amicissimus

mus me
philosoph
labores.
molestie
molesta

H' Δ
Stephanus
gebat
sensum cu
ipse item i
pressi, existi
cisse libror
tum, alij p
epi uetustis
q liber hab

HAB
Lege Pom
tenter sign
ad sectione

AD
addidisti
in libris
cum olim
bitauim
uox illa
to ante
sus erit

mus meus, mea in palæstra est: ut sit sensus: tua tibi
philosophia uoluptatem suppeditat, mea mihi curas, &
labores. culina enim uoluptatis est, & otij: palæstra
molestiæ, & contentionis. in libro Vincentij Riccij pro
molesta est, legitur, molestia est.

Ex epistola XIX. 254.

H' ΔΟΝΗ' Ν uero, & ἀναλυσίαν] Robertus
Stephanus Parisiensis hanc uocem, ἀναλυσίαν; ubi le-
gebatur, διαξι' αν; in suo libro impresserat. quæ uox
sensem cū haberet meliorē, quā uulgata illa prior:
ipse item in meo libro septimū abhinc annum eam im-
pressi, existimans, Robertum, si quid immutasset, id fe-
cisse librorū antiquorū auctoritate testimonioq; addu-
ctum. alij postea non absurde emendarunt, ἀταραξι' αν:
etsi uetusti libri repugnent. unus tamen Vincentij Ric-
cij liber habet, ἀταξι' αν.

254.

H A B E T damnatos, quos pro illo nobis restituat]
Lege Pompeia damnatos Cæsar restituerat. eos nunc la-
tenter significat, cum tamen de ijs loqui uideatur, qui
ad sectiones faciendas Syllæ mortuo essent surrogandi.

Ex epistola penultima, 255.

A D A M O R E M meū aliquantulum discedens
addidisti] Antea legebatur, aliquantū olim. nos cum
in libris manuscriptis &, aliquantulū olim, &, aliquā-
tum olim, legeremus: aliquantulum, emendare non du-
bitauimus. neq; enim, ut opinor, habere locum hic pōt
uox illa olim; cum ex ipsa epistola, Trebonium nō mul-
to ante Roma profectū esse colligatur. atque etiā sen-
sus erit cōmodior, si, aliquantulum, quā si, aliquan-

SCHOLIA

eum olim, legas; ut ostendatur, Ciceronis amorem erga Trebonium summum, & maximum iam fuisse, cui quam minimum addi potuerit.

Ex epistola IX. 259.

CASSIOPEN] Antea, Cassoden. nos ex Plinio, & Strabone Cassiopen restituimus.

Ex epistola X. 260:

FVERUNT omnino. & ipse] Distinctionem mutauimus, ut legatur, fuerunt. omnino & ipse.

Ex epistola XXIII. 266.

ACCURRAM. sed s.] In uetustioribus libris scriptum est, sed si ego arbitror legendum, sed st. quam silentij notam qui non agnouere, scripserunt, si. deinde alius cum uideret, si, locum hic habere non posse, fecit, s. id est scilicet. sic etiam in de oratore lib. II. pro, st, scriptum erat, si. quod mendum VII. abhinc annum sustulimus. in Plauto etiam, ubi legendum est, st, modo si, modo ast, modo at, uulgo legitur. Terentius quoque in Phormione hac nota usus est: quem locum citat Velius Longus grammaticus.

266.

DOLABELLAE procuratores fac ut admo-
neantur.] Verbum admoneretur, ad pecuniam refertur, quam Dolabella Ciceroni debebat: itaque intulit, appellabis etiam Papiam: quod item creditorum uerbum est. Pro Quintio, 7. Cum tibi quotidie potestas hominis fuisset admonendi, uerbum nullum facis: biennio iam confecto fere, appellas. Quod praecedit, in antiquo libro Vbal dini scriptum est, seu quod elegerunt: in eo, quem habet Petrus Bemus, quod elegerint.

QVI
corruptus
fuit Cicer
uetus liber
quibus sut
deliberent
libro IX.
celebri: ut
hic legi poss

I N E P I. F A M.

Ex epistola ultima, 267.

QVIBVS alteri Cesenam,] Locus procul dubio corruptus. neque enim adeo tum ignobilis, aut obscura fuit Cesena, ut tāquam abiecta res nominari debuerit. uetus liber Vincentij Riccij sic habet, quibus gesa, uel quibus sutianarum tabernarum fundamenta credas. deliberent eruditi, quo modo sit legendū. Liuius quidē libro I X. de Censennia meminit oppido non admodū celebri: ut fortasse nō inepte pro, Cesenam, Censenniā, hic legi possit. antiquus liber è Cypro, Cesanam.

AAA BBB CCC DDD EEE

Omnes quaterniones.

APVD ALDI FILIOS.

VENETIIS. M. D. LII.

005068113



